



BIBL. NAZ.
Vitt. Emanuele III.

RACCOLTA
VILLAROSA

B
716
NAPOLI

716/1

Vol. B.

716

SP2583
THEODORI GRASVINCKELI

Delphensis, I.C.

LIBERTAS

VENETA.

SIVE

VENETORVM

in se ac suos

IMPERANDI IVS.

Affertum contra Anonymum SCRUTINII

Scriptorem.



LYGDVNI BATAVORVM,

Ex Officinâ ABRAHAMI COMMELINI.

MDCLXXXIV.

THE UNIVERSITY OF CHICAGO

CHICAGO, ILL.



VERITATI.



Nil de me præfabor,
 ô invicta, ô æterna
 Veritas. Tuus ut sim-
 plex & constans sibi
 sermo, ita nec alia de-
 sideras, quam quæ simplicitate cando-
 ris ac fidei se commendent. Habitum
 olim sanctissimum Arcopagitarum
 tribunal, ob exordiorum illecebras e-
 dicto sublatas. Lacones, nata Libertati
 pectora, hoc nomine laudatos constat,
 quòd *ἀνδρῶν ἀγορεύειν* seria tractare con-
 sue



sueſſent. Dicam quod res eſt. Affe-
ctat viam ad te quantillum hoc meum
opus. Venetæ Libertatis generoſa
exordia, progreſſus illuſtres, & dura-
tura in omne ævum virtutum mira-
cula, propugnavi. Quæ ut nemo igno-
raret, è publico humani generis bono
viſum. Meum autem hoc opus an-
tuum? Idà principio jam tibi debe-
batur, ac ut debebatur ſacratum eſt.
Nec aliud mihi hætenus in votis,
quàm ut tibi innixus, quorumlibet
judicia ſubire & poſſem & auderem.
Quicquid ſit, nihil adeo eum qui ar-
tem æqui & boni profitetur decet,
quàm ſtudium Veritatis. Nemo bo-
nus alio conatus aut vim ingenii in-
tendit. Hac ſpe ſuſtentat ſe, intrep-
idus ſemper, immotus, invictus. Re-
ctor

Ætor omnium Deus non nisi unam
Veritatem petit, candidam illam, masculam, & ubique sibi parem. Hac
Deum nostrum sequimur, hac tene-
mus, Deo proximi, etiam dum in ter-
ris versamur, tandem in totam Veri-
tatem deducti, cœlo donatis mēti-
bus; de ludibriis sæculi triumphum
acturi. Proinde ad tribunal tuum sese
hic ingenii nostri foetus sistit. qui cum
in sinu tuo conceptus sit, non alibi
jam natus foveri debet aut educari.
Deum & bonam fidem testor, sciens
nec fallere volui, nec fefelli. Secus à
me factum quisquam si probet, caus-
sam non dico, quo minus omnibus,
quibus aut Veritas cordi est aut eru-
ditio, invisus agam. Venetorum Re-
spública, quam inoffensus numinis fa-

vor ad summum perduxit, Pietas
subvexit, Prudentia supra mortalium
primos locavit, in adversis Constantia
nulli secundam reddidit, dignissima
est, quam augusta ac victrix omnium
Veritas tueatur semper & defendat.
Libertatem ejus impetit livor, calu-
mnia impugnat, sui foecunda, ac sine
judicio immane quantum potens.
Illa te sufferre, Veritas, quæ invidiam
sæculi superare, quæ Theoninos calu-
mariantium dentes retundere, quæ in-
cubantem mentibus caliginem diffi-
pare & potes & soles! Quam diu illam,
quam nemo te melius novit sibi qua-
quaversum constitisse, semper virgi-
nem, nulli temeratam, nulli domitam
Serenis. Reip. Libertatem, invidiæ
ludibrium debere, aut malevolentiae
icti-

ictibus expositam esse pati. Pugna,
& feri. Hoc Venetorum pietas to-
ti terrarum orbi testata, hoc fides, hoc
in Christianum nomen non tacenda
merita, hoc indefessum studium Li-
bertatis, hoc denique illa ipsa Liber-
tas, tot laboribus, tot periculis, tot
bellis, tanto nobilissimi sanguinis pro-
fluvio signata, parta, stabilita, ac per
tot retro sæculorum decursus foelici-
ter servata, non merentur modo,
sed petunt, sed poscunt, sed flagi-
tant. Cavendum hic tibi, ne ser-
vire magis, quam imperare parata es-
se videaris. Salva res est. Assurge
tantum, inque robur tuum te exse-
re divinarum humanarumque rerum
Regina. Vicimus, si modo velle te
ostendis, & jam velle te probasti.
Satis

Satis jam livori, plus satis calumniæ,
at nimium certè torpori datum. Ec-
ce ad aram tuam me servum tuum,
ecce famulantem hanc dexteram, ec-
ce mancipatos uni tibi animi nostri
motus, & Batavi pectoris Liberta-
tem non nisi uni tibi vectigalem. Fa-
ve modo , & mecum in partes veni
omnium domina , omnium impera-
trix.

THEOD. GRASWINKEL.

CASPA-

CASPARIS BARLEI.

Adlocutio ad Serenissimam Rempublicam

V E N E T A M,

Cum pro ejus Libertate, adversus SCRUTINI
cujusdam auctorem, gravissimè disse-
ruisset Vir Clarissimus,

THEODORVS GRASVVINCKEL,
in Batavorum Curia Advocatus.



*Aestas Venetum, venerandi filia seculi,
Et series augusta Patrum, quos vindicat ensis,*

*Usque datum sceptro, totque inconcussa
per annos*

Imperii facies & formidabile terris

Nomen & aetherei regnatricis purpura Marci.

Ad laudes assurge tuas; & suspice, quanto

Acta gradu vestri se lux altissima fati

Ostendet latè populis; nec jam Adria fame

Sufficiat, non littus atrox, quod Dalmata servus

Calcat, & Herculei bellatrix spuma Tarenti.

Hic tibi devictas sublimis dividit Alpes

Rhatia, & aëriis victricia signa tuorum

Pro-

Prospectat vicina jugis; ac fulmina Divum
Nimbo sumque Jovem, & quicquid trux parturit aether,
Permiscet titulis. illic dispersa Timavus
Ora vomit fluctusque tuis compefcit habenis,
Illyricosque sinus & duri regna Liburni
Ponè trahit. calamis alibi tibi lene susurrat
Mincius, & terræ circum dominantis honori
Assurgit supplex Athesis, sedesque beatas
Eridanus Phaethontæis completitur undis,
Agnoscitque Ducem. quod restat, in aquore, nullo
Fine, tenes; perque Fomii spatia ampla profundi
Sceptra procul fâcesque natant. Tu maxima pullos
Fovisti, Regina, Deos. tibi condidit aras
Diva Venus, Venerisque domus pulcherrima Cyprus,
Quæque Rhodos toto ditata est insula Phæbo.
Reliquia Danaum, Teucrumque ab origine gentes,
Quàm priscis fluxistis avis, quàm proxima tangit
Laomedontæas majorum gloria terras,
Dardanidumque domos, profugoque Antenore quondam
Euganeos inter fremuerunt Troica colles
Classica & his ipsis Priamum flevistis in oris.
Non jam concusso furis immanibus orbi
Incubat Arctoæ furor implacabilis aule,
Ausoniaeque ingens grassans Alaricus in urbes.
Cogit inoffensæ ripas habitare Padusæ;
Aut ferus avulsis adigit considerare stagnis

Atti-

*Atila, & Eois adiutus viribus Humus.
Non jam Phryxæ dominator barbarus Helles
Vastat opes, pavidique focos subvertit Jūli,
Thessalicasque citè Dravo pugnantē phalanges,
Nec bellatrices Ligur imperterritus armat
Neptuno indignante rates, classeque minaces
Fabricat & victor Tyrrenum navigat æquor.
Viciis virtute metum, securā potestās,
Indomito Mavorte sctit, nunc dextera pugnans
Addidit imperio robur; nunc subdidit hostem
Imperiosa quies, & quicquid defuit armis
Consilio pacique datum. Vis effera cessit
Federibus; bellique minas prudentia fregit,
Sollicitasque timor, risit solertia regum
Invidiam, regnumque sibi constantia fecit.*

*Tuque adeò toties aquilis adverse superbis
Magne Leo, centumque ferox innexæ triumphis,
Adspice surgentem mediis fluctibus urbem,
Et circum te stare Deos; Thetynque truceſque
Nerea tot superūm toto delubra tueri
Æquore, & objectas pelago secludere terras.
Jam minus Iliacæ Neptunia mœnia Troiæ
Esse puta, celsamque Tyrum, Antissamque Pharamque
Massylūmque lares, stantesque in litore Athenas.
Hic maris, hic tumidi domus est Tritonis & ingens
Regia Naiadum, tuta sine mœnibus arces,*

Natura famulante, jacent. sunt pontus & unde
 Praesidium, vallosque facit circumflus aether.
 Ne mihi nascentis magna incrementa Quirini
 Objice Roma potens, vastumque effusa per orbem
 Sceptra, vel extremo metuendum nomen Araxi.
 Exiit è stagnis Venetus, nec sedibus artus
 Concludi potuit Divum genus. ille Patavi
 Veroneque duces, desolatamque Cremonam,
 Bergomaeque & placidis adiit te, Brixia, bellis,
 Et Melam bibit, & qui lapsus rupibus altis
 Addua divisas spumiosior incitat undas.
 Successit Corcyra, Paros, Naxosque Melosque,
 Andros, & immitti que tunditur Amphitrite
 Gallipolis, duraque Tenos cum Chalcide victa est.
 Hinc debellata praestans Methona Corone
 Paruit & frustra toties Jadera rebellis.
 Magnanimam sileat Grajorum pagina Spartam,
 Moeniaque intrepidis olim fundata Lycurgi
 Jussibus, & rigidi monitis subnixi Zaleuci.
 Vos Patres, justus rigor, inflexusque severi.
 Afferit obsequii tenor, atque immobilis alma
 Majestatis apex, & legum nescia frangi
 Vincula & aeterna constans sibi voce tribunal.
 Qualia in instabili jactantur carbasia ponto,
 Et modò crudeli debent ludibria Coro,
 Nunc dubium pelago obvertunt latus, horrida quando

Tem-

Tempestas stabilem abscondit sub nubibus Arcton,
Stellarumque vagi fulgent errantibus ignes :
Haud aliter, cum nulla Duces civesque coërcet,
Quam validi nequeant ævi rescindere mores,
Ferreæ vox, nutat pariter cum principe regni
Culmen, adorandum populis, mutatque securès
Lubrica Lex, plebisque vagis cum legibus omne
Fluctuat officium, nec stat reverentia jussis.

Cenomani fortes, & non ignobile germen
Euganei Veteres, quorum bisseña nepotes
Secla trahunt, proavùmque stupet miracula felix
Posteritas, vestris faciles applaudite cæptis.
Simplicitas & gentis amor, jurataque celo
Cana fides, nulloque minor discrimine virtus
Invenere viam decori. parvoque potentes
Illustres animæ, fastusque ignara superbi
Pectora secreti formam servastis honesti.
Non cippos statuasque aut sculptos marmore vultus,
Aut urbes libuit mundo ostentare subactas,
Non turgent stupido victorum nomina saxo,
Nec picturatis scribuntur gesta colossis.
Non hic præ cunctis bellæ Trajanæ resulget
Porticibus. non rostra Titi, non compita complent
Pompei labor, & laudati castra Severi.
Ipsa sibi præcium probitas & nescia luxus
Vita fuit spretisque bonæ fulgotibus artes.

Quin potius lituos inter gladiosque tubasque
Ingenijs monstrastis iter, profugaque Camæna
Thymbræusque pater tot præluxere trophæis.

- Hinc ad vestra procul concurrunt fœdera gentes,
Et Genuas bellare rimet. Vos Thuscus & acer
Appulus & qui rura colit populosa Ravennas
Horret, & illa suis plus tuta Ancona procellis.
Pannonius Cæsarque silent. compescuit iras
Rex Siculus Thracæque feri placantur amando.
Nos, quibus Auriacis Hispana potentia bellis
Atteritur, geminosque volant jam signa per axes,
Annuimus, Dux magne, tibi; venerandaque Patrum
Prosequimur sociis longè subsellia votis,
Et trans nubiferas Alpes, vallesque lacusque
Accinit Adriacis vatum fiducia sceptris.

Sic vires crevere domi. terraque marique
Extulit intrepidus Libertas publica vultus
Suffecitque sibi. & soli debere Tonanti
Dum cupit, ignorat dominos. Qui roderet unus
Livor erat, tanti levis adlatrix honoris.
Nunc Batavo debete Duces, dum jura togasque
• Propugnat clari locuples facundia Belgæ.
Scilicet illa reus ac nostris incluta rostris
Pro vobis vult lingua loqui, calamoque tuetur
Majorum trabeas, veterisque insignia regni.
Munit verba Themis, præscis annalibus ævi

Innu-

Innumeras Astræa vices ab ævumque labores
Expedit, & quantis steterit Respublica curis
Mnemosyne grandæva aperit. quæcunque vetustas
Abdidit & cæcis latuerunt clausa tenebris,
Fataque fortunæque virum solertia pandit,
Nec temerata fides. nil jam sibi vendicet Hunni
Barbaries Gothicusque furor. Romana residant
Imperia imbellesque aquilæ. Tyberimque repellat
Adria & Austriacis fultum rectoribus Istrum.

At Tu, summe virum, cujus tot rapta per artes
Ignea vis animi, quicquid nescire profanum,
Mente tenet, lectumque semel latissima reddit,
Qui loqueris, qua voce cupis; causasque clientum
Victor agis; primæ suffragia splendida famæ
Collige, & illustris Vindex generose Senatus
Perge patrociniū regum donare tui.

Scrutari si Livor amat, si vellicat ostrum
Improbitas, summique quatit fastigia juris,
Expedit risisse Patrès, dumque invida gliscit
Ambitio magnæque audet natalibus urbis
Obgannire malus, pro Libertate focisque
Districtum Veneto posthac scrutetur in ensen.

V. Cl.

THEODORO GRASVVINCKELIO.

Hinc pater est vatū princeps Heliconis
Homerus,

Æmonium potuit qui celebrare Ducem :

Nec minor Æmonio laudator Homerus Achillē

Gloria, quam cineres, Troia, fuere tui.

Cœlo Musa beat. Virtus sua præmia Musæ

Sufficit. Est meritis utraque clara suis.

Commendare tuos pariter THEODORE labores

Majestas Venetū, iustaque causa potest :

Et Venetū causæ non parvum adferre decorem

Egre giusque labos, ingeniumque tuum.

Scilicet alterno pars utraque surgit honore,

Et tu materiæ, materiesque tuo.

Cognatus cognato

GUILIELMUS GROTIUS.

ARGV.

ARGVMENTA

CAPITUM. •

CAPUT I.

Fol. 3.

Libertas Venetorum Libertas quæ, & quotuplex. Libertas Ordinum fœderati Belgij. Regis nomen inuisum Romanis. Libertas est, quæ in Principe Majestas. Libertas descripta. Libertati opposita servitus. Alia Monarchici, alia Toliarchici regiminis ratio. Circa hæc error insignis Anonymi, & exacerbatus ejus in Venetos animus.

CAPUT. II.

Fol. 9.

Libertas diligentius & accuratius excussa. Libertas naturalis quæ, & quare. Libertas facultas. Fundamentum libertatis. Iurum & Legum præscripta, dicta Libertatis objectum, eisdem, libertati nihil detrahunt. Venetorum Respub. liberrima. Nec superiorem, nec parem agnoscit.

CAPUT. III.

Fol. 15.

Libertas verum. Naturale hominis in res creatas Dominium. Homini à casu, rebus ab accidenti servitus imposita. Servitute non probata, libertas probatur.

CAPUT IV.

Fol. 18.

Modus probanda libertatis. Homines aut liberi, aut servi. Servitus contra naturam. Quæ ex natura emanent, quæ contra eam faciunt. Natura quæ, & qualis. A negante naturalem qualitatem probatio habenda.

(†)

CA-

ARGUMENTA

CAPUT V.

Fol. 21.

Libertas Reipub. Venetæ propius excussa, & ab ipsis ejus primordiis asserta. Errores Anonymi passim taxantur, & refelluntur. Origines urbis Venetæ. Originaria ejus libertas. Ejusdem fundamenta, & aequalitas. De Insulis Italiæ disquisitum. Insulanorum jus. Veneti nec se nec sua in alterius Principis clientelam dedere.

CAPUT VI.

Fol. 33.

Falsum Anonymi argumentum à sin Venetorum desumptum. Jus & vis situs. Dubia libertatis interpretatione, secundum illam est respondendum. De iurisdictione in territorio, ejusque jure. Situs multi profuit ad libertatem. Quid sint ejusdem territorij.

CAPUT VII.

Fol. 37.

Frustra Anonymum à presumptionibus prasidium petere. Italia quomodo imperio Romano subdita. Origo ejus rei. Venetorum urbem T. R. neque vi neque jure suam fecit. Veneti in insulas quare concesserint. Tro derelictis tunc antea habite. Labente imperio Rom. cepta Barbarorum irruptiones. Facies rerum in Italia tunc temporis. Aula Ravennæ sub Honorio. Ejus ignavia, & Leges. Roma sub eo à Gothis misere vexata. Venetorum insule tunc temporis ab Imperatore derelictæ, nec proindeci subditæ fuerunt.

CAPUT VIII.

Fol. 46.

Nascentis urbis Venetæ origo. Quid ad eam Patavini contulerint. Falsum Patavinos urbem Venetæ fuisse auctores. Patavium à Gothis captum & incensum. Aliud de jure universitas est, aliud de universitate singuli. De Patavinis, qui lacunas maris Hadriatici insedere, propius disquisitum.

Nec

CAPITVM.

CAPUT IX.

Fol. 58.

Nec Patavini imperio Romano, nec Veneti Patavini subditi fuere Italia loca quo pacto faderata fuerint, aut subdita Romanis. Varia federum forma. Patavini amici populi Romani. Que Prefectura apud Romanos. Argumentum Anonymi à missis primitus Patavio ad Venetos consultibus discussum. Missio non est imperij argumentum. Patavinis extra territorium aque liberis jus dicere non licuisse. Consules à Patavinis missi vi jurisdictionis prorogata: Patavini consules biennio tantum aut triennio Venetis præsuerunt. Adversari sibi ipsi Anonymum ostenditur. Certamen Venetorum cum Patavinis de finibus. Consulû dignitas que tunc & olim fuerit.

CAPUT X.

Fol. 64.

Post Consules Tribuni Rempub. Venetam tenuere. Illi à Patavinis neutiquam creati. Præcipuum Libertatû insigne eos rectores creare, quos velis Creatio Tribunorum quando instituta. Ab Imperatoribus illi non creati. Epistola Cassiodori in eam rem excussa. Provincia qua sint. Vrbis Veneta Provincia non fuit. Tribuni ab Insulanis creati. Eorum imperium limitatum. Frivole circa hac Anonymi conjecturæ. Post tribunos Duces, post Duces magistri militum suffecti. Contradicit sibi Anonymus dum Venetos etiam sub potestate Græcorum fuisse asserit.

CAPUT XI.

Fol. 69.

Argumenta Anonymi ab Historicis nonnullû & Panegyristû desumpta non magni momenti. Ex ijs, que ad pompam dicuntur, certa argumenta non deducuntur. Valentinianus Venetorum Dominus non fuit. Dissertunt omne & totum. Locus Pauli Diaconi excussus. Verba quomodo accipienda. Sub ditionem aliquam recipi nulli debent, qui sub eâ nunquam fuere. Romani Imperatores totius orbis Domini non fuere. Id ipsum de se Justinianus testatur. Argumenta in contrarium adducta
(+ 2) *dis-*

A R G V M E N T A

discutiuntur. Quod de Imperatore, idem de subditis verum. l. C. de lure, non de facto debent respondere.

C A P U T XII.

Fol. 78.

Falsum sub Valentiniano & Odoacre Venetis libertatem non constituisse. Tarcia eorum initia. Divites plerique potentesque fuisse, qui in Insulas concessere. Labascens tunc temporis Respubl. Ro. Veneti Odoacri non parere. Victus & casus Odacer. Theodorici tempora qualia fuerint. Ejus clementia. Libertas quamvis artibus finibus conclusa, libertas tamen est. Bagande qui fuerint. Veneti nec pro Barbaris, nec pro Bagandis habiti.

C A P U T XIII.

Fol 85.

Canonicarum Venetiarum qui sint apud Cassiodorum. Canon vel ex imperio, vel ex conventionem solvitur. Canon à Venetis solutus protectionis causa, salva Libertate. Frustra ex canone soluto subditos Imperatori Venetos fuisse probare nititur Anonymus. Canon passionis nomine sepe venit. Tributorum triplex genus, Canon, Cblatio, Indictio.

C A P U T XIV.

Fol 90.

Epistola Cassiodori ad tribunos maritimorum excussa. Tribunorum maritimorum nomine Veneti non intelliguntur. Istriæ populum Imperatori subditum non fuisse probatur. Veneti ab Istris discretim in epist. Cassiodori separantur. Multum mandatum à jussu distat. Istri federati P. R. Devoti & devotionis vocabulum explicatum. Devoti dicuntur, qui sese in alterius amicitiam deditere. Devoti pro externis sumpti. Alphyli qui sint. Imperium cadit etiam in liberos, æquales, federatos. Non verbis, sed æquo justoque pugnandum.

C A P U T XV.

Fol. 96.

*Frustra Anonymum conari libertatem Venetam subvertere, quia Sal-
vianus,*

CAPITVM.

vianus, & Iustinianus ejus non meminere. Mentio scriptorū nec addit aliquid ejusmodi rei, nec demit.

CAPUT. XVI. Fol. 98.

Cetera adversarij argumenta diluuntur. Turbata in Anonymo methodus. Agathiz locus excussus. Adversatur sibi Anonymus. Gorbis Veneti non fuere subiecti.

§. I. Fol. 99.

§. II. Fol. 101.

Venetis Constantiano non parvere. Frustra Anonymus illa pro confessis vult haberi, quæ ne quidem scriptores illorum temporum prodidere. Eadem IC^m. verum ac justum. Procopius res quoque levissimas magnos studio sectatur. Chalcondyæ de incrementis urbis Venetæ testimonium.

§. III. Fol. 104.

Ioannē, belli ducis sub Justiniano factum, nihil demit libertati Venetæ. Silent leges inter arma. Nulla gens, quæ turbis bellicis non aliquando exposita. Immuta Libertas Veneta semper stetit. Duces Iustiniani à Venetis auxilia sumpsisse potuerunt. Socij à subditis distinguendi.

§. IV. Fol. 107.

Potissima pars Libertatis ita vivere, ut velis. Totam Libertatem Venetam esse pluribus ostensum. Suum sociis in socios imperium. Differt subditum esse, & prestare, quæ præstant subditi. Habuerint ne Veneti insuper suam Libertatem? Fuerintue coacti Cesarum imperia agnoscere? Nihil adducit Anonymus, quo id probet. Voluntas quæ sit. Actio libera, & minus libera, nec tamen coacta. Aliud est & coactum esse, & non

A R G V M E N T A

Et non esse spontaneum. Voluntas Venetorum in conservanda sua Libertate. Probandum Anonymo subsidia Imperatori data ultro nea non fuisse.

§. 5.

Fol. 112.

Tractus maritimi à continente separandi. Male hoc dissimulat Anonymus. In terra continenti regionis Venete, nec non in tractu maritimo quadam direptionibus hostium cessere. Venetorum urbs non occupata. Loca Procopij quadam excussa.

§. 6. 7. 8.

Fol. 115.

Anonymi vane insultationes. Loca ex historia Iustiniani discussa. Libertatem non imminuit sociorum in socios impertum. Fides Veneta in socios. Narsetis historia excussa. Omnia libertatem Venetam sperant. Ab exstructa Venetijs ade frustra deducitur subjectionis argumentum.

§. 9.

Fol. 126.

Quæ de Aquilegensi Patriarcha Gradum confugiente, Gradu autem insula Exarchis Ravennatibus subdita, ab Anonymo dicuntur, solide excutuntur. Exarchis Gradus subdita non fuit. Smaragdi historia explicata. Aliud Exarchus, aliud Patricius. Patricij qui sint. Effrenis Anonymi vecordia. De regimine seculari, non de Ecclesiastico, instituta hæc disputatio.

§. 10.

Fol. 129.

Ingenua Anonymi confessio de Longobardis. Falsum Impp. Romanos profugorum in insulas Hadriatici maris Dominos fuisse. Nullum inter profugos & Imperatorem imperandi vel parendi jus intercessit. In-
sula

CAPITVM.

sula Amacina Exarchis non paruit. Nihil necessitas cum alijs se conjungendi Libertati demit.

§. 11. 12 13.

Fol 136.

Loca aliquot B. Gregorij de Exarchis Ravennatibus excussa. Adferciones eorum, qui supra se superiorem non agnoscunt, quomodo accipiendæ. Quæ verborum vis ad conferendum tollendumque imperij jus.

§. 14.

Fol. 140.

Frustra Anonymus ex Heraclia ab Heraclio dicta, probatum vult Imperatori subditos Venetos fuisse. Heraclia à quo condita. Ordini sacro addictus Heraclius, Equilium à quibus dictum.

§. 15.

Fol 143.

Male Anonymus quod ex jure probare non potest, ex facto adstruere conatur. Duces ab Imperatore non creati. Duces Veneti a quibus instituti. Prima Ducum in Italiâ origo. Longinus totius Italia Exarchus nullum Venetis ducem præfecit. Non eadem Venetorum cum cæteris Italia Ducibus origo. Exarchi quot annos rexerint. Eorum sedes. Primus Dux Venetorum. Nullum Exarchi, nullum Pontificis, nullum Imperatoris factum in creando Duce intervenit.

§. 16.

Fol. 151.

Fallitur Anonymus, dum inter terram continentem à Venetis incultam, & lacunas Hadriatici maris distinguendum non putat. Inepte etiam ex scripta à B. Gregorio ad Venetorum Ducem Epistola subjectionis insertum argumentum.

§. 17.

Fol. 153.

Historia Leonis Isaurici Imp. excussa. Varij propterea motus exorti.
Tempora

A R G V M E N T A

Tempora nonnihil turbata offenduntur. Venetorum Duces & antiquatè & denuo restituti. Exarchi quando esse desierint. Pontificatus Gregorij tertij, & Leonis Isaurici coincidunt. Rebellionis nomen aut crimen in Venetos non cadit. Rebellis quis sit. Argumentum ex Etymologia infirmum. Diaconi locus illustratus.

§. 18.

Fol. 160.

Epistola Gregorij Pontificis diligenter excussa. Nihil illa Libertati Venetæ detrahit. Portatur illa, non imperat. Pontificum vires unde creverint. Ad Venetos ut ad Tutores Ecclesiæ scripta hæc Epistola. Orationes Pauli Exarchi & Visi Ducis, Venetorum Libertatis luculentum argumentum.

§. 19.

Fol. 167.

Anonymus frustra ex militum Magistris, Magistratu Veneto, colligit Venetos Imperatori subditos fuisse. Ejusmodi Magistratus etiam apud alias fuisse. De Tribunis Venetis & Romanis.

§. 20.

Fol. 169.

Frustra est Anonymus, dum negat ex eo, quod Longobardi nunquam Venetæ urbis domini fuisse, Venetorum sequi Libertatem.

§. 21.

Fol. 71.

Donatio Pipini imaginaria. Homines liberi in commercio esse non possunt. Duces Venetorum apud Imperatores Orientis varijs dignitatibus functi. Male exinde subiectio Venetorum inferitur: Proedri, Spatarij, Archispatarij, qui fuerint. Batavi corporum aliquot Imp. Rom. custodes. Id honoris etiam Frisij delatum. Sebastis dignitas. Dignitates in Ducibus Venetis collatæ amicitie, non subjectionis argumenta.

Histo-

A R G V M E N T A

§. 22.

Fol. 177.

Historia capti à Desiderio Longobardorum Rege filij Maurij Venetorum Ducis. Malignus Anonymi animus. Aliquando inimicorum amici hostium loco habentur.

§. 23.

Fol. 178.

Candor in Anonymo quaesitus. Carolus magnus Francorum Rex in Italiam adversus Longobardos excitus. Suppetias ei Veneti tulere, non ex imperio, aut mercede conducti, sed sponte libera.

§. 24. 25. 26.

Fol. 182.

Carolus donationem Pipini patris confirmat. Inter alia donate Provinciae Venetorum, & Histriarum dicuntur. Nec Pipinum, nec Carolum donare eas potuisse ostenditur.

§. 27.

Fol. 183.

Anno DCCC II. utriusque Imperatoris Legati convenere.

§. 28.

Fol. 162.

Privilegium à Carolo Magno Patriarchae Gradenfi indultum. Gradum tunc temporis urbis Venetae pars non fuit. Beneficium Carolus praestitit, non Privilegium. Verba Caroli quousque extendi debeant. Iustinianus ab Anonymi calumnia vindicatus.

§. 29.

Fol. 187

Frustra Anonymus Venetos utrique Imperio subditos facit. Fieri id non potuit. Diviso Orientis atque Occidentis imperio sibi, & libertati suae Veneti sunt relictæ. Aliud est utrique imperio obedire, aliud neutrius paribus accenseri. Pax inter irenicum & Carolum facta. Qua Veneti

● (††)

neti

ARGUMENTA

ut neutri obnoxij pronunciantur. Fazoldi mens explicata.

§. 30. 31. 32. 33. 34. 35. 36. 37.

Fol. 195.

Pipinus Venetos neuiquam in potestatem redegit. Id ipsum Emilij Veronensis, Sigonij & aliorum testimonio luculenter probatum. Historia illius belli accurate excussa. Libertas Veneta passim fletit immota. Magnifica Venetorum legatio ad Carolum Imperatorem. Historia horum temporum & res obscura. Facta probari debent, non presumi. Imperator à Venetis Dalmatisque minus recte inter se convenientibus consultus, & quare. Fœdus inter Venetos, & Italicos ante Caroli Crassi tempora percussum. Male Anonymus ex Nicephoro sententiam suam de debellatù Venetis adstruere conatur. A perfidia in Pipinum notà Veneti liberati. Locus Adelmi de subiecta Pipino Venetia quomodo intelligendus. Adversatur sibi Anonymus. Varijs auctorum testimonijs sententia adversarij refutata.

§. 38.

Fol. 215.

Varia ab Imperatoribus privilegia Venetis indulta. Persona concedentis, & effectus concessionis attendenda. Privilegia aut vi supremæ potestatis, aut testandæ benevolentie ergo conceduntur. Horum illud fieri non potuit apud Venetos. Si posteriore modo indulta ijs Privilegia nihil agit Anonymus. Effectus privilegiorum triplex. Subiectio privilegio induci non potest. Quomodo privilegij concessio Imperij sit nota. Recipere privilegium, non est se subijcere illi, à quo conceditur. Id exemplo Batarorum, & jure Canonico probatum.

§. 40.

Fol. 221.

Historia Obelarij Ducis Venetorum excussa. Is perfidus in Imperatorem pœnas perfidiæ apud eum dedit. Extranei in alterius territorio etiam delinquant. Delicta quæ in aliquo territorio committuntur, in eo etiam expiantur. Obelarius tamen nec Orientis, nec Occidentis Imperatoris.

CAPITVM.

ratori subditus. Obelarius miserum pita finem à Venetis accepit.

§. 41.

Fol. 224.

Versiculi effigies Beati Ducis subscripti excussi. Obelerius Patria infestus invidiam Venetis apud Pipinum conflagavit. Pipinus Rtrum altum non cepit. In pro contra usurpatur. Tentavit tantum Venetos Pipinus, non expugnauit. Tax cum Pipino inita.

§. 42.

Fol. 230.

Versiculi Imagini Angeli Patriciaci Ducis additi examinantur. Que omissa sunt, omitti non potuissent, sed omissa non infringunt aliorum scriptorum auctoritatem.

§. 43.

Fol. 282.

Historia Ducis Beneventani excussa. Obsides Carolo dati. Nihil Libertiati Venete commune in Exemptione Beneventana. Beneventani hostes Caroli à Pipino debellati.

§. 44.

Fol. 235.

Gradus Insula ab Eginharto in enarratione testamenti Caroli Magni recensetur. Eginharti fides elevatur. Donationibus jura Libertiati nec amittuntur, nec queruntur.

§. 45.

Fol. 236.

Argumentum Anonymi, ab ade Zacharia Leonis Armenij mandato exstructa desumptum, elevatur. Inscriptio in ejus rei memoriam suffixa examinatur. Aedes D. Michaelis à Sergio Senonensi excitata, nec tamen aliquot ejus dominum Veneti agnovere. Subditi à Vassallis longe distant.

(†† 2)

Terba

ARGUMENTA

§. 46.

Fol. 239.

Verba Epistolæ Lotharij ad Petrum Fradonicum Venetorum Ducem scriptæ, examinantur. Dominatio pro diuione accipi non potest. Dilectionis vox excussa.

§. 47.

Fol. 240.

Quid inter Orientis, atque Occidentis Augustos decretum sit, quoad Venetos. An & quatenus decretum illud Libertatem Venetorum asserere potuerit. Quis sit effectus illius, quæ decretum sequuta est, confirmationis.

§. 48.

Fol. 249.

Ad sequentem Paragraphum de jure cudendæ monetæ, Venetis ab Imperatore concessæ, introductio.

§. 49. & 50.

Fol. 250.

Ius procudendæ monetæ Venetis ab Imperatore indultum, nihil derogat eorum Libertati. Missio legatorum à Venetis ad Imperatorem instituta probat liberum eorum Imperium. Frivole Anonymi circa hæc conjectura. Illi, qui monetam cudi curat, in Majestatis argumentum fere semper cedit. Vultus regnantis nummis insculptus, & quare. Ratio cudendorum nummorum à Numa Pompilio inventa. Regum Italia aut Imperatorum vultus in nummis Venetis non conspiciuntur. Ducis aut Divi tutelaris effigies iis insculpta. Hoc summi Imperij argumentum. Subjectionem non probat, quod quæ alieno beneficio monetam cudat. Quod Beerengarius fines Venetorum & Italicorum terminavit, nullum Imperij summi jus probat.

§. 50.

Fol. 257.

Rex Hugo Vrsō Venetorum Duci vetera Libertatis beneficia confirmavit.

CAPITULUM.

navit. Quid sit confirmare. Salva Libertate quibus confirmationem ejus potest postulare. Male confirmationem ejusmodi cum legitimatione Anonymus componit. Italia Occidentis Imperatori Carolo pro ditione habita. Alia hic ratio fuit Venetorum. Nihil ipsis imperatum, quod subjectionem possit inferre. Quae exemptionis, Libertatisque nonnullarum urbium origo. Earum cum Venetis comparatio instituta.

§. 52.

Fol. 162.

Male Anonymus secularia Ecclesiasticis confundit. Locus Sigonij de Gradenſi Ecclesia excussus.

§. 53. 54. 55.

Fol. 164

Male Anonymus ex eo, quod Veneti ob Vitalem Candiani Ducis filium interfectum, apud Imperatorem rei fuerint, Jurisdictionem Imperatoris in eos adstruere conatur. Foederati Imperatoris Veneti. Foedus quid sit. Foederum diversitas. Foederis causa uniuscujusque utilitas. Foedera aut inter pares, aut inter impares intercedunt. Non se Veneti Imperatori deditere. Foedus eorum cum Imperatore non est subjectionis argumentum.

§. 56.

Fol. 171.

Fragmentum diplomatis ab Imperatore Othone Venetis indultis. Quousque verba ejus extendi debeant. Nihil demit Venetis Libertati. Pontificem Veneti in temporalibus Dominum non agnoscunt. Foedrum quid sit.

§. 57.

Fol. 174.

Nihil adversus Venetos agit Anonymus, dum eos portus, mercatusque Privilegium Imperatori acceptum ferre iradit. Venetis, ob praeclara eorum merita, concessum, ut in omnibus Hierosolymitani regni, Antiochanaeque Principatus urbibus privum forum, aliaque conspectantia haberent.

(†† 3).

Tri-

A R G V M E N T A

Privilegij Othonani mens non alia, quam ut in terris Imperij commercia sua libere quaquaversum exerceant.

§. 58. 59.

Fol. 277.

Male Anonymus, ex eo quod Veneti Othonis Privilegio ab onere Pallij Aurei quotannis Imperatori offerendi libertati sunt, eorum Libertatem infringere conatus est. Pallium hoc in obsequij testimonium oblatum nemo tradit. Origo ejus rei in dubium vocatur. Munificentie Venetorum, non subjectionis argumentum. Munera aliquando aliis offerri solent ne injuria aliqua aut vis inferatur. Ex fœdere oblatum Imperatori à Venetis Pallium. Conventio longe distat à jurisdictione. Doglio ab Anonymi calumnia defenditur.

§. 60.

Fol. 286.

Henrico quarto Imperatori pannum aureum annuamque pecuniam, quomodo & quare Veneti persolverint. Discordia inter Venetos, & Patavinos. Ad concordiam suadet Imperator. Historia illa omnis nihil contra Venetorum Libertatem facit, sed eam probat. Pacta & libri patetorum apud Venetos. Verba Henrici Imperatoris quibus testatur imperium suum ad Venetos usque non protendi. Gregorius Pontifex Venetorum Rempub. veram Libertatis suæ dominam appellavit. Veneta civitas libera à Frederico tertio Imperatore nominatur.

§. 61.

Fol. 295.

Pax cum Imperatore Frederico in Italia inita nihil derogat Venetæ libertati. Venetorum victoria à Frederici Imperatoris filio reportata. Pax cum Lombardiis, aliisque fœderatis rogante Imperatore stabilita. Pacis conditionibus Venetos non est complexus Imperator. A victoribus gravissima quæque, salva tamen libertate, victis imponi possunt. Id Carthaginensium, & Aetolorum exemplis firmatum.

-Fallit

CAPITVM.

§. 62.

Fol. 304

Fallit Anonymus, dum Venetos ait nunquam usque ad annum cIoccc pro liberis se gessisse. Imperatorum Privilegia non dedere Venetis, sed firmavere Libertatem. Immemoralis prescriptio titulum non requirit. Bartoli Baldive auctoritas legem non vincit, aut rationem. Alieri per alterum iniqua conditio inferri non debet. Semel que competit Libertas revocari non potest.

§. 63. 64. 65. 66.

Fol. 308.

Oratio Antonij Iustiniani apud Guicciardinum sub examen vocata. Fides Guicciardini elevatur. Aliorum scriptorum testimonia Guicciardino adversa. Sublesta fides Anonymi in adducendis auctorum, quos pro Guicciardino facere dicit, locis. Baptista Leo, qui falsi arguit Guicciardinum, ejusque rationes à calumnijs adversarij defenduntur. Non nimium Scriptoribus tribuendum. Optimi eorum odio etiam & amore transversi aguntur. Guicciardinus in Venetos, & Ducem Vrbinate minus æquus, & quare. Cur Veneti Guicciardini historiam in urbe sua passi fuerint evulgari. Frustra Anonymus cause sue patrocinium a silentio cognatorum & posterorum Iustiniani petit. Tubero Dalmata tantum abest, ut cum Guicciardino consentiat, ut quam maxime ei adverseiur. Mœcenici locus excussus. Arctæ tunc temperis Venetorum res, sed non decollate. Prudentia patrum Venetorum. Quæ contra Baptistam Leonem adducit Anonymus, non probat. Vanis suspitionibus laborat. Incredibile est consiliarios Imperatoris, eo invito, cum Iustiniano de tanto negotio egisse, idque ratum habuisse. Frustra Anonymus tempora Legationum distinguit. Justinianus in conspectum Imperatoris non admissus. Oratio Iudovici Heliant adversus Venetos mendacis & calumnijs atrocissimis scatet: nullam tamen ille subjectionis mentionem facit. Nemo unquam legatus fuit sine mandatis. Authenticum ipsum mandati tabelarium, quod Justiniano datum, penes heredes Iustiniani adversatum in Caesaris archivis non exstat. Frustra adsero varius est in.

A R G V M E N T A

est in Paruta redarguendo. Maritimum imperium maximi semper habitum apud Venetor. Vires ararij Veneti. Virtus Veneta nunquam fortune succubuit. Elegium Venetis à Britannie Rege tributum. Pauli Barbi, Petri Duodi, Christophori Mauri, Aloisij Molini elegia. Quia ita victus, ut denuo vincere non possit, victori cedit. Campanorum & Venetorum inter sese instituta comparatio. Ex oratione Iustiniani colligi non potest, eo angustiarum redactos Venetos, ut Libertate fuerint privati. Quid propositum Oratione ejusmodi fuerit Venetis (quamvis Venetorum esse non liqueat) Continentis possessione Veneti paulisper discessere. Eorum rationes. Levioribus incommodis graviora sustulere. Immutum Venetis semper stetit, tempestatem belli, quantum pote, declinare, salva ubique libertate. Id constanter universa illorum temporum historia testatur. Actus ultra agentis intentionem non agit. Verba orationis Iustinianae præter mentem Venetorum non interpretanda. Argumentum ejus non nisi in auxilij imploratione consistit. Longe distanti protegendipotestas, & jus imperandi, clientes, & subditi. Liber populus, statâ libertate, alterius patrocinio se idare potest. Quid sit clientela. Majestatem illa non exstinguit. Quomodo verus legitimusque dominus Imperator à Venetis in Iustiniani oratione nominetur. Ut intelligendum, quod Veneti continenti cesserint. Novum non est patronis à clientibus premium aliquod præstari. Præmia illa non tributâ, sed Boetheias nomine veniunt. Jurisdicctio & patrocinium aliquando conveniunt, non semper. Falsum est jura aliqua majestatis Imperatori quesita. Quomodo accipiendum illud, quod Veneti, jussa, decreta, sanctiones, & præcepta Imperatoris libenter velint amplexari. Protectio protectorem facti, non dominum. Indiculus inceptorum, & calumniarum Anonymi. Sanctissimum humani peccatorum bonum fides.

C A P U T XVII.

Fol. 363.

De Libertatis habendæ modo instituta dissertatio. Ducum Venetorum potentia qualis & quanta. Falsus est Anonymus, dum eam summam putat, dumque Iannottus dixit, Triphoni Gabriello adscribit. Laus
Tri-

CAPITVM:

*Triphonis Gabrilelij, ejusque defenſio. Iannotti fides in rebus Venetiſ ele-
vatur. Thomæ Aquinatis ſententia de reſtriſto Ducum Venetorum Im-
perio. Nomen Imperii ſpecteſque à vti Imperii quantum diſſent. Argu-
menta Anonymi à provocacione ad Duces, à collegiis ab ipſis Ducibus ſibi
adſcitiſ, deſumpta, improbantur. Ridicula Anonymi verba de invidiâ
plebiſ in Duces derivata. A vero abit Anonymus, dum illuſtres Vene-
torum familias, priorum Ducum potentia oppreſſas, à ducatu demum Se-
baſtiani Ziani caput extuliſſe tradit.*

CAPUT. XIX.

Fol. 419.

*Appendix ad ſuperiora, quæ ex iſiſ, quæ exinde geſta ſunt, porro aſſe-
runtur. Quæ in electione Sebaſtiani Ziani obvenerint. Emanuelis Co-
ment bellum cum Sticulis. Quis tunc temporis Venetorum ſtatus. Peſtiſ
Clasſem Venetam infeſcit. Syllabus eorum, quibus facta poteſtas Ducem
eligendi. Ab illiſ Zianus Dux creatus. Nulla hic plebiſ ſuffragia. Zia-
num Maſtropetrus quomodo exceperit. Nomina eorum, qui eum elegere.
Victoria Marci Danduli arma in Græcia. Nobiliuſ Venetorum po-
tentia, & virtus. Regnum Cretæ Venetæ Reipub. adjectum. Invidia Ge-
nuenſium. Colonia à Venetiſ in Græciam deducta. Soli nobiles, quibus ad
majora comitia tunc accedere licebat. Inter Venetoſ, & Genuenſeſ ortum
bellum. Victoria Venetorum. Tenui ærario maritimis rebus tributum
impoſitum. Laurentiuſ Theopoluſ Dux factuſ. Nulla hic populi parſeſ.
Petrus Gradonicuſ quo pacto Dux creatuſ. Penes ſolam nobilitatem in-
omnia regimen. Qui eligebant nobileſ fuere. Variuſ id Decretuſ publicuſ
firmatuſ.*

CAPUT. XX.

Fol. 446.

*Soli Patricii apud Venetoſ cateruſ præfuere. Plebeioſ eligere non lice-
bat. Id decreto publico inſtitutuſ. Filiuſ nobiliuſ illegitimuſ ad majora
Comitia adituſ præcluſuſ. Militia navaliſ magni à Venetiſ facta. Qui ea
incluſiſſent quomodo ad majora Comitia admoti. Decretuſ, quod ma-
joribuſ Comitiiſ abſolvenduſ ſupremam manuſ impoſuſi, productuſ.*

†††

Sum-

A R G V M E N T A

Summam rerum ad plebem nunquam spectasse concluditur, & simul insigni circa hoc Anonymi error exploditur.

C A P U T. XXI. Fol. 454.

Theopolitana conjurationis historia propius examinata. Suspecta & dubia Anonymi in adducendis auctorum locis fides. Bajamontis Theopolitana. Decretum de Bajamonte è mediotollendo. De reformatis Comitibus consultum. Error Bodini. Non totæ familie, sed quidam à Comitibus aliquando exclusi, aliquando admissi. Varia de Comitibus instituta. Nobilitatis consequenda modus. Nanorum familia Comitiorum capax. Anno cldccxcviii Feste divi Michaelis insuffragia itum non fuit. Rejectione à majoribus Comitibus castigationis loco. Varia Venetorum de Comitibus decreta. Proba, ut vocant, aureæ usus quando cæperit. Conspiratio Bajamontana in quem annum inciderit. Qui conficit conspirationis. Conjurationis progressus & eventus. Injurius in Nobilitatem Venetam Anonymus. Primi Venetæ tribus auctores nobilissimi viri fuere.

C A P U T. XXII. Fol. 474.

Majora Comititia non mutata penitus, sed aliquando reformatæ. Errat Ianottus, dum bina tantum Quadraginta-vitalis collegij capita ponit. Tria fuere. Index eorum, qui anno cldccxcvi in Quadraginta-vitali Consilio fuere. Qui fiat, quod hæc aut illa familia majora Comititia aliquando non frequentavit. De Dentatorum stirpe propius actum. Varia, quæ majorum Comitiorum formam spectant, discussa. Nonnulli digni judicati, qui majoribus Comitibus adhiberentur. Anni cldccc lxxix decreto triginta viri in majora Comititia adlecti, & quare. Fallit Anonymus, dum sordide eos conditionis existimat.

C A P U T. XXIII. Fol. 489.

Valeriorum gens ad majora comitia admissa. Circa hæc hallucinatio Anonymi. Ianotti, & Iustiniani fides elevatur in historia conspirationis Marini Bocconis. Locus Iustiniani sub examen vocatus. Vera ac genuina causa.

CAPITVM.

na causa. Bocconiane conjurationis. Author historia conspirationis, & Justinianus hic sibi adversantur. Careant auctoritate omnia firmata. Populus Bocconiana conjurationi se non immiscuit. Mens & ratio legis anno c l o c c x c v i lata. Anonymus gladio suo jugulatus.

C A P U T. XXIV.

Fol. 499.

In Conjuratorum historia Anonymi inscitia fuse taxata. Vanum Anonymi in conjuratorum tribunitiis conclonibus praesidium. Fede conjurationis iusta detestatio. Bajamontane conjurationis occasio. Supplicium de Fontabono sumptum. Conjuratorum Avenionem ad Pontificem refugium Legatio Pontificis ad Venetos instituta. Legationis causa. Cordatum Venetorum responsum. Confutata Anonymi conjectura. Barocelli facinus detectum, & punitum. Contarini, & Boteri auctoritas in Anonymum retorta. Falsa Anonymi comparatio inter Venetos & aliorum oppidorum, Venetis subditorum, ctres instituta. Qui apud Venetos ctres, dicti Cittadini. Prærogativa eorum circa commercia, & dignitates Cancellarii Veneti dignitas & magnitudo. Ad seditionem vergen. Anonymi institutum.

††† 2

THEO-

THEOD. GRASWINKELI
LIBERTAS
VENETA.

A



CAPVT I.

Libertas Venetorum. Libertas quæ, & quatuorplex. Libertas Ordinum fœderati Belgij. Regis nomen inuisum Romanis. Libertas est, quæ in Principe Majestas. Libertas descripta. Libertati opposita seruitus. Alia Monarchici, alia Polyarchici regiminis ratio. Circa hæc error insignis Anonymi, & exacerbatus ejus in Venetos animus.



VENETOS & fuisse jam tum ab Urbe eorum conditâ, & esse hoc ipso tempore liberos, quo constet, fundamenti vice fixum immotumque esto hoc quod dicimus *Liberum esse*, vocemque *Libertatis* bifariam in proposito themate à nobis accipi: significatu scilicet generaliore, quo Remp. ipsam totumque quantum quantum est Reip. corpus (Itali *Signoriam* vocant) complectitur, item & adductiore, quo nimirum singulis individuis quadrare, & ad quævis Reip. membra applicari possit.

Remp. ipsam totumque illius corpus quod attinet; statuendum, voce *Libertatis* aliud nihil designari, ipsamque adeo *Libertatem* nihil aliud esse, quam *poteestatem absolui summam, habentem in semetipsa atque intra semetipsam plenum perfectumque imperandi*

perandi jura, in tantum, ut non nisi uni soliue Deo obnoxia, neque propter sese parem, neque supra sese sublimiorem agnoscat quempiam. Ut verbo dicam, opponuntur fere semper Regnum ac Libertas ut pugnancia; sic tamen ut cum regibus propria Majestas sit, Rebusque publicis Libertas, idipsum quod in rege Majestas dicitur, in Rebus publicis superiorem non agnoscentibus libertas dicatur, civitasque libera, qua legem universis ac singulis civibus dicere possit sine superiorum aut equalium aut inferiorum necessitate consensu.

Prius hoc, nempe summum Imperii jus Libertate quod terminetur, ipsoque Libertatis nomine veniat, uti exemplo non caret, ita neque autoritate destitui quisquam judicet. quando & Anonymus ille Scrutinii scriptor. in quem hæc nostra diriguntur, vel ipsius Reipub. Venetæ intuitu, verborum *libere juxta & independentis*, notionem, pro una eademque sumit, & rectè. neque enim diversum ab hujusmodi enuntiato abire possunt (infinita ut alia apud Oratores Historicosque passim obvia consulto prætereamus) quæ cum Helvetiis, utpote cum populo libero sui que juris, inita fuere, aut etiamnum ineuntur pacta. Eadem procul dubio & mens fuit Illustrium & præpotentium Fœderati Belgii Ordinum, nisi plenariò libertatis edicto ac confessione præviis, ad ullas omnino super faciendis induciis pactiones descendere recusantium. Accedit quod & ipse Hispaniarum Rex, ipsique Archiduces, liberas nationes fœderatas, liberos earundem proceres, inque quos nihil sibi quod arrogant juris esse proficendo, irrefragabili auctoramento id quod assertum imus evincant.

Posterius vero clarum faciunt illa Taciti, *Regno Arsachæ actor est Germanorum libertas*. De morib. Germ. Item prima illa ejusdem, *Urbem Romam à principio reges habuerunt, Libertatem & Consulatum. L. Brutum instituit*. Quando autem id factum? Nempe,

LIBERTAS VENETA. §

pe, cum L. Bruto & P. Valerio authoribus, populus Romanus juramento adactus est se neminem Romæ regnare passurum, atque exinde, Bruto rebus exempto, rogationem iussit, ut sacrum cum bonis caput illius esset, qui regni occupandi consilia inisset. Liv. lib. 1. Estque id ipsum incolumi libertate servatum semper. Sic apud Silium Scipio quem regem gentes salutaverant nominis illius invidiam à se est amolitus,

— *Et Romam nomina regum*

Monstravit non posse pati.

Cicero, Viro Romano ne nominandum quidem regis nomen pronuntiavit: & Cæsare ab Antonio rege salutato, etiamsi ille non regem se sed Cæsarem ferret, Iovem solum regem esse dictitaret, visa statim illa ad libertatem identidem respectantium indignabunda inscriptio BRUTUS DORMIS? Eversa quoque libertate durasse, nec nisi sero animis P. R. excessisse testantur illa Claudiani de Stilicone,

— *Mavortia plebes.*

*Te regem Bruto non dedignante fatetur,
Et quod adhuc nullo potuit terrore coacta.
Libertas Romana pati, Stiliconis amoris
Detulit, &c.*

Obiter & in transcurfu hoc notasse fas sit, vel eousque Romanos regium nomen habuisse exosum, ut cum iustis etiamnum regibus, regium nomen attribuerent, ingenti id beneficio deputarent. Apud Livium tanti non est quod adstante exercitu multa honorifica Scipio dixerit de Masinissa, quam quod regem appellarit: Belli Gal. lib. 1. Cæsar ita de se, in orat. ad Ariovistum. *Quod rex appellatus esset à Senatu, quod amicum, quod*

munera amplissima missa. Quam rem & pauci contigisse & à Romanis pro maximis hominum officiis consueisse tribui docebat. Sed nos ad Tacitum revertamur. Ille in proposito nobis argumento, Bruto posteriori, sublato Cæsare, intempestive repetitam libertatem notat, ac alibi quoque res infociabiles vocat principatum ac libertatem, pariterque dominationi sine fine opponit libertatem cum modo.

Libertatem porro majestati regiae æquari docent illa Senecæ, *Interdum populus est quem timere debeamus, interdum, si ea Civitatis disciplina est, ut plurima per senatum transigantur, gratiosi in ea timentur viri, interdum singuli, quibus potestas populi, & in populum data est, Epist. 19.*

Altero quem notavimus significatu, cum I. C^{to} Florentino Libertatem habemus pro naturali facultate ejus, quod facere cuique libet, nisi quod aut vi aut jure prohibeatur.

Huic libertati quæ opponatur servitus est. Tacitus. *De-*
dimus profecto grande patientia documentum, & sicut vetus etas vidit
quid ultimum in libertate esset, ita nos quid in servitute, adempto per
inquisitiones audendi loquendique commercio, in vit. Agric. Apud
eundem annalium 3. Sacrovir, Quam decora victoribus libertas
quanto intolerabilior servitus iterum victis? & alter ille, histor.
lib. 1. Quid aliud sibi reliquum quam tenere libertatem aut mori ante
servitutem?

Porro cum ea quam attulimus libertatis descriptio omnium sit adprobata calculis, neque cuiquam quod quidem ego sciam improbata, merito quoque hujus nostræ à nobis disputationis constituetur norma, ad quam tanquam ad Lydium lapidem complura ad cognoscendam inspicendamque penitus naturam atque essentiam libertatis facientia, cum bono Deo exigere atque explorare est animus.

Extra hæc duo principia quemadmodum certi solidique in subiecto themate poni nihil potest, utpote quæ talia sunt ut quæcumque aut ab Anonymo dicta sunt aut à nobis
in

in medium adferri poterunt, ad illa ipsa necessario sint referenda, castiganda atque examinanda; ita mirari subit quid Anonymo quo libertatem serenissimæ Venetorum Reipublicæ convellat, in mentem venerit, quod omisso medio, ab extremorum uno, ad alterum pariter extremum deveniat, ac prætermisâ temperationi illâ libertate quæ in Aristocratico regimine haberi solet, aut saltem insuper habitâ, distinguendum putet, inter istiusmodi libertatem qualis extat in regno Galliæ, atque alteram illam quæ apud Helvetios reperitur. Neque enim video quid Venetis commune sit cum regno Galliæ, in quo nihil est quod regium supergrediatur fastigium, imo ne exæquet quidem, quid cum Helvetiis, quibus unicum est Libertatis argumentum vicissim parere atque imperare? Esto, *Ne constet aliter regnandi ratio, nisi ut uni reddatur. Impune facere quod velis sit id vero demum regem esse.* Relinquamus subditis obsequii gloriam, quin altiora si spirent, subeat illud Lucani,

Libertas populi, quem regna cœrcent

Libertate perit, cujus servaveris umbram

Si quidquid jubeare velis.

In vicem, esto & hoc, quod Democratico in politeumate omnia diversa sint atque opposita regno. Plura, si velit Anonymo largiamur, non effecerit tamen ut ea vel tantillum libertatem Reipub. Venetæ sint tactura. Longe illi regale nomen, longe itidem plebis effrænâs licentia: quin imo, per tot sæculorum decursus, perstitit illa, statque etiamnum, suo nixâ tibicini, ac virtutis instar, media, & reducta inter utrumque; Neque est quispiam qui ignoret eam quantum à Democratico abscedit regimine, tanto ad Monarchiam propius accedere, & ex ad verso tanto eam populari Remp. regendi formæ conjungi propius, quanto ab unius dom-

dominatu longius recedit. Sunt ergo hæc oppidè quam se-
paratissima, & ut absolvam non subsistit arcescitum à separa-
tis argumentum.

Sed enim verò ne videatur cuipiam, quod egomet mi-
hi ad allatam ab Anonymo distinctionem simplici hac con-
futatione defunctus videar, scrutari lubet, ac si detur et-
jam excutere, cui bono, cuive fini vir cæteroquin doctissi-
mus, & ut testatur ab eo scripta, Polyhistor, in ipso li-
mine impingere, atque tam quæsitæ anxietateque dissertationi
tam ineptam incongruamque distinctionem præmissam vo-
luerit.

Ejus ego causam reor aut exacerbatū in Venetos animū;
aut præposterum Imperatori placendi studium: Quid
eum in Venetos extimularit equidem nescio, ac neque scio
quid eum Imperatori tantopere conciliaverit. Quicquid
est, judicavit. quantum assequor, sibi à distinctione in spe-
ciem verissimā; nec minus facili, quæque nullo negotio à
quolibet demum lectore & capi valeret & concedi, peten-
dum esse præsidium. Hujus beneficio fidem facere sese
posse speravit, neque olim istiusmodi libertatem qualem in
regno suo reges habent, Venetis competiisse, neque &
hoc tempore talem competere; qualem penes se existere
Helvetij gloriantur: quin ex adverso, fuisse eos jam tūc à
primis incunabulis alienæ potestati subditos, & ex quo sese
in libertatem adseruerunt, refedisse eandem ex asse apud il-
los, qui Reip: clavum moderantur, neque ullam prorsus
adeoque ne vel minimam libertatis portiunculam ad po-
pulum, nedum & ad plebem postmodum manasse. Sed de
his plus satis.

Vnum addam non abs re fore, quandoquidem multoties
de originariâ Venerorum libertate deque præterito, nec
non & de præsentī Reipub. statu erit dicendum descriptio-
nem

LIBERTAS VENETA.

nem libertatis, prout eam à I. C^o. Florentino mox dicebamus traditam, fusius paulisper examinemus, quo si ex amussim omnia singulaque in illâ, quam assertum imus Reipub. Venetæ libertate, concurrereprehendantur, quæ in prædictam I. C. definitionem influunt, quæque ex illa non inconcinne possunt elici; omnibus quibus hæc nostra in manus de ventura sunt, fides fiat, nolle me quippiam eorum, quæ ad cognoscendam penitissimè libertatis naturam factura videantur, occultare; quoque & manifestum evadat, prius me nihil potiusve habere, quam ut sermone per regiam veritatis orbitam constanter deducto, vel ipsi adversario, ingra iis licet, ac contranitenti, nedum æquo, benigno, candidoque Lectori, assensum extorqueam.

CAPUT. II.

Libertas diligentius & accuratius excussa. Libertas naturalis quæ, & quare. Libertas facultas. Fundamentum libertatis. Iuris & Legum præscripta, dictæ Libertatis objectum, eidem. libertati nihil detrahunt. Venetorum Respub. liberrima. Nec superiorem, nec parem agnoscit.

A It ergo I. C^{us} *Libertas est naturalis facultas ejus quod facere cuique lubet, nisi si quid ut aut jure prohibeatur.*

Naturalem quod vocet magna ratio est. Prima, quod sola sit Natura liberum hominem quæ faciat, idque per se, ac nullius externi egena ministerii. Hinc est quod tota libertas sit à natura, & homini insit à natura, ita adhæreat, ut avelli non possit: Quod de se se gloriatur apud Herodianum Commodus Imp. *ὁ μὲν δὲ μὲν ἐστὶν ἡλιθία ἀνθρώπων ἡ βασιλεία,*

B

idem

idem & de libero homine recte dicas. Idem qui homines solaspicit, eodem momento intuetur & liberos. Taleis nos matris alvus in lucem edit. Punctum temporis cogitatione præsumere non datur, quo quis non sit liber, nec momentum quod ullum assignaverit, quo dici possit, homini qua homini, perinde ac si ante illud tempus plenariam libertatem non habuisset, libertas primitus acquisita fuisse.

Alterâ ratio, quod instar naturæ quæ communis omnium est parens, ad omnes sese & singulos libertas diffundat, nulli, privatim emancipata, ita ut quod ex fragmentis Tullianis de Iustitia recenset Nonius & de libertate usurpare liceat, *Eam nimirum ad quoslibet ex a quo spectantem explicare sese atque porrigere, foras spectare, projectam esse totam, publicam omnium cunctisque pariter communem.* Quod & confirmant verba in hac ipsa definitione sequentia, *Quod facere cuique lubet, ipsæque insuper leges libertatem non tam privatam quam publicam rem esse deprædicant;* ut est textus in *L. Si quis rogatus. ff. de fideicom. libert.* in eundem & sensum in orat. de lege Agraria contra Rullum Cicero, *Quid (inquit) tam populare quam libertas? quam non solum ad hominibus verum etiam à bestiis expeti atque omnibus rebus anteponi videtur.* Non inconcinnè & hæc assignari posset ratio, libertatem vel hoc intuitu à natura I. Cum arcescere, quod olim non modo æquali in pretio libertas habita fuerit quo vita hominis animaque, quo spectant illa Crispi *Libertatem nemo bonus nisi cum anima simul amittit,* verum etiam majore. Erepta siquidem libertate hominem ab homine surreptum optimi mortalium majores nostri censuerunt. Sic novum hominem esse videri I. C^{os} Paulus servum ait, qui postquam manumissus fuerat, in servitutem relabitur. *l. 27. ff. de adim. legat. & in l. 98. ff. de solut. & liberat.* hominem alienum qui ex libero, aut quod in idem recidit manumisso servus sit effectus alium videri pronunciat. Quin & comparatione

tionem facta servitutem morte graviorem statuit Imp. l. i. C. de latin. lib. tollend. maximeque discretum Imp. Constantinus in l. ult. Cod. de patria postest. in terminis ait, *Libertati* (verba sunt textus) à majoribus tantum impensum est, ut patribus quibus jus vita in liberos necisque potestas olim erat permissa, libertatem eripere non liceret, Optima sane ratione, vitam parentibus nostris pro parte acceptam fecimus, libertatem non item. hanc non parentibus, aut uni naturæ debemus. Recte vel hoc ipso nomine libertas naturalis dicitur, quod in ea tuenda conservandaque plus sibi licere natura voluerit, quam vel in ipsam mortalium vitam juris sibi reservavit. Neque hæc quidem obiter notasse sufficiat.

Facultatis verbo liberam ac plenam potestatem rerumque pro arbitrio gerendarum quandam velut facilitatem nullis aliunde impeditentis interturbatam I. C^{us} designat, unde & linguæ Latinæ auctores facultatem à facilitate metiuntur. Eadem Græcis *Ευχρησία* & *Ευμεγία* dicitur. Ad hanc respectuisse facilitatem non inepte dicantur illi Lucreti lib. 1.

*Quodcumque obtulerat prædæ fortuna, ferebat
Sponte sua, sibi quisque valere & vivere doctus.*

Illud notari meretur, data opera I. C^{um} Libertatem verbo facultatis definire, nempe quo demonstret illam à iure neutiquam pendere, verum cum in merâ liberrimaque cuiuscumque voluntate consistat, per semetipsam subsistere, quod quidem nullatenus ei possit aptari, si aut hac in re juris alicujus essent partes, si qua communio. Eo enim deveniamus necesse est, ut cum jus nobis esse dicamus hoc aut illud agendi, ex adverso negare non possimus contrarium ejus, aut quod ab illo diversum sit adversumve, facere nobis non licere: quando & illud ipsum, quod beneficio juris nobis

quæfiti nos facere profitemur aperte satis evincit, non esse nobis vel illud ipsum faciendi licentiam potestatemve, nisi ea speciali ad id jure nobis esset concessa, quale quid in illa quæ meræ facultatis sunt, utpote quæ sponte operantur ex semetipsis determinantur, & in sola faciendi voluntate causam habent. non cadit.

Subjungit porro). C^{ivis}, *Ejus quod cuique facere lubet. Ut absolutissimo hoc enunciato liquido constet, quemadmodum omnes omnino subjectionis species, quæ Iuris ac potestatis aliquid in personam conferunt. appellatione servitutis intelligendæ veniunt, similiter sub libertatis appellatione non illud modo comprehendendi, quod servili conditioni sit oppositum sed & qualemcumque demum conditionem alieno Iuri subjectam. Sic τὸ ἐλεύθερον ἐστὶν αὐτοπραγίας* Zeno definit & post eum Aristot. lib. pol. 5. cap. 9. Opus libertatis esse dicit ut velis vivere. Ita ut revera liberum sit illud quod sua natura ac conditione nulli subjicitur, à nullo cogitur, sibi pro re natâ dominatur, sibi pro arbitrio paret, quæ vult facit, quæ non vult omittit, cumque nullius, extra se, imperio, præscripto, metu, aut coactione sit impeditum, & ut verbo absolvam sui sit, non alieni juris, ea quæ sese offerunt eligit repudiatve, pro libitu prorsus, ac pro liberrimo proque independente, quem habet iudicii ac voluntatis usu. Hoc respectu Tullius in Orat pro Balbo *Fundamentum libertatis dicit sui quemque juris & retinendi & dimittendi esse Dominium.* Istiusmodi cuius mortalium facultatem natura largitur, cuius beneficio personam uniuscumque quod attinet, nemo alienis parere cogitur imperiis, nisi ipse velit. l. 1. l. 3. ff. de iib. hom. exhibendo. Horum spectant illa Persii,

*Non quisquam est alius liber, nisi ducere vitam
Cui licet ut voluit.*

& pau-

& paulo post.

*Vindicta postquam mens à pratore recessi,
Cur mihi non liceat jussit quodcumque voluntas?*

Similiter & de rebus hominis liberi si loquamur est hoc ejusdem naturæ beneficio, ac pro dictæ libertatis lure, liber homo rerum suarum administrationem quod habet, nec non & earundem dispositionem, procuracionem & curam, idque tam in acquirendo (de qua dubium non est) quam in alienando: unde & Aristoteles tum demum proprietatem penes nos esse finitive statuit, quando pariter quoque penes nos est alienandi jus, lib. 1. Rhet. c. 5. suntque hæc homini libero, ut ante dictum est, libera, salvo ipsi quaqua versum jure utendi fruendique. omnibus omnino rebus quæ jure alicujus Domini haberi possideri aut competere possunt: quam demum veram perfectam ac legitimam libertatem I. C. indignant. l. 1. C. commun. serv. manum. & l. Unica, C. de latin. libert. tollenda.

Definitionem claudit adjecta limitatio. *Nisi si quid vi aut jure prohibeatur.* Recte; neque enim vim extrinsecus illatam libertatem imminuere constat, sed actus duntaxat usum exercitumque libertatis coarctare, & impedire, Quinimo etiam si Quintiliano genus servitutis dicatur coacta libertas, nec non & iniquitas, quidquid facias de homine invito, manet tamen illa ipsa naturalis faciendi quod cuique lubet facultas, ex qua sola, privativè dimetienda est & æstimanda Libertas. Illam nulla vis aufert, nulla elidit violentia, sufficitque ad retinendam naturalem illam facultatem juxta ac libertatem hominem, nisi vi majore præpediretur ac suo si relinqueretur arbitrio, facturum esse quod ipsi luberet.

Juris ac legum præscripta quod libertatem non immi-

nuant operose non est ut deducamus. Nota sunt illa apud Crispum Lepidi. *Quid à Tyrro Annibale, Philippoque & Antiocho, defensum aliud est, aliud quam libertas, ne cui nisi legibus pareremus*, Quidquid à ratione recedit devium, non libertas est sed dissolutio. Vtramque in jure legibusque paginam ratio facit, unde & recte in Cluentiana Tullius. *Legum nos omnes esse servos dicit quo liberi simus*: & ante eum Philosophus loco, quem proxime jam laudavimus, *vitam quæ ex reipub. præscripto degitur non servituti deputandam, sed saluti*.

Nihil ergo libertati jura demunt aut leges, imo si verum amamus ex quo cum regio vate impressum nobis lumen vultus dominici gloriamur, ex quo ipse Deus sub legibus nasci nos voluit, & ex legum præscripto vitam componere, ipsa libertas est, quæ facit ut quæ non nisi contra legum præcepta moreque bonos admitti possunt, ea nec liber homo libera sibi esse velit, habeatque pro impossibilibus quæ non nisi cum dedecore possit, quæve salva fama & existimatione non possit. Plane aurea in hanc rem verba sunt Papiniani, *Quæ facta ledunt pietatem, existimationem, verecundiam nostram, & ut generaliter dixerim contra bonos mores fiunt, ea nec facere nec posse credendum est*.

Et sic quidem explicata Libertatis definitione, quid utroque illo significatu, quo à me Libertatem accipi commo-
nui, verbum Libertatis designet visum hætenus. Ad rem veniamus, &, quod in genere à me dictum est applicemus, rejectis eorum euroribus, qui Rempub. Venetam aut de jure unquam servisse, aut de facto in servitute fuisse existimant, libere statuo, Venetorum Remp. esse quam liberrimam, ac neque parem neque superiorem agnoscere quempiam, itidem & fuisse semper & esse etiamnum liberam, nec ullius imperio subjectam. Statuo similiter, civibus Venetis competiisse semper & competere etiam
hoc

hoc tempore conjunctim separatimque omnia illa quæ in essentiam Libertatis ullatenus influere ex præcedenti definitione commonstravi. Et ut in hac re præstantissimi Sanfovini (quem unice carpere ac convellere studet Anonymus) verbis utar intrepidè affirmo, neminem Venetorum in urbe ab illâ conditâ, natum, qui non liberum ibi spiritum hauserit, nec denatum quempiam, qui non eundem illum, liberrimè quem hauserat itidem & liberum creatori Deo spiritum reddiderit. Quo tamen inoffenso pede ac citra confusionem progredi porro detur, præmittenda sunt paucula de Libertate rebus competente, nec non & de modo Libertatis probandæ, quibus explicatis, eorum quæ à me deinceps adducentur facilius erit tractatio.

CAP. V. T. III.

Libertas rerum. Naturale hominis in res creatas Dominium. Homini à casu, rebus ab accidenti servitus imposita. Servitute non probata, libertas probatur.

QUOD dictum fuit demonstratumque huc usque, libertatem insitam esse hominibus per se, ab exordio rationalis naturæ, & sic à jure naturæ, idem & de rebus dicendum esse dubium non est. Constat siquidem terras, prædia & quaslibet demum res de jure naturali primævo, atque à prima origine, liberas fuisse; nulla præsertim adhuc occupatione factâ, nulla etiamnum rerum institutâ divisione; nullis per pacta & conventiones introductis servitutibus; & quo tempore nec ulli servire poterat quod nullius esset in bonis. Accedit, quod & extra omnem dubitandi aleam positum sit, naturam creatricem rerum non ea intentione
aut

aut mente res cunctas creasse ut illæ inter sese & ad invicem essent ordinatæ tanquam ad finem suum, ac sic ut altera ad alterius perfectionem iret; verum id egisse ut omnium finis esset ipse homo, utpote in cuius gratiam cuiusque causa creata sint omnia, quique ob id omnibus tanquam quæ sui causa condita sint liberè utatur fruatur: unde & consequens, est non modo naturale esse hominis in res creatas dominium, sed & illas homini ut naturaliter ita & liberè convenire. Natura (certum ut adseram) in necessariis non deficit. Hæc cum necessario liberum voluerit hominem, liberum quocunque procul dubio voluit esse id omne, absque quo libertatem suam homo exserere, exercere, atque in actum producere non posset. Ast vero neque homo libere de rebus suis disponat, nisi eæ ipsæ sint liberæ ac in ipsius manu ac potestate constitutæ. Hinc est quod nec alio quam Libertatis intuitu rei suæ quisque moderator dicatur & arbiter, quæ si cui obligationis vinculo attinetur impetrata, eatenus è vestigio definit esse res sua. Quantum obligationi accedit ne xuive, tantum & libero illi arbitrio ac moderamini cedat, est necesse. Non est absolute nostrum quod nobis cum alio est commune, aut in quod alteri quid est juris. Itaque cum necessario liberæ res esse debent, neque, hominem liberum si volumus, aliæ possint esse quam liberæ, earundum Libertas vel hoc nomine satis superque videtur probata. Ut ut est, intentionem naturæ si spectemus, est hominum, rerumque eadem & ab eodem fonte Libertas; utque homini à casu fortunave, ita & ab accidenti rebus est imposita servitus. Quælibet res naturaliter ac per se libera, ex accidenti servit; accidentaliter autem quod fit, præter agentis intentionem fieri, notius est quam ut dici debeat. Tenendum igitur, res per se consideratas, esse naturali intentione suaque natura liberæ, earumque ubi de libertate

bertate sermo est, quin dandum sit iudicium secundum illud quod est per se, & non secundum illud quod est per accidens nemo est qui ambigat: Hinc est quod servitute specificè non probatâ pro libertate sententiam ferimus, manente quaqua versum ac permanente originariæ libertatis notâ rebus impressâ; Exemplum quis desiderat? illustre sacra historia suppeditat in Iosepho, Ægyptiorum terras & latifundia tempore famis coemente, eamque una cum omnibus populis à novissimis terminis Ægypti usque ad extremos fines ejus Pharaoni subiciente. *Ex quo factum* (verba sunt textus) *ut ex eo tempore usque in presentem diem, in universâ terrâ Ægypti regibus quinta pars solvatur, & factum hoc sit quasi in legem abfque terra sacerdotali, quæ libera ab hac conditione fuerat.* Quid vero certius, quam si ab illo tempore quo comparata fuerant Pharaoni latifundia, pars quinta persolvi coepta est, ea ante illud tempus fuisse libera, quam & reliquas quatuor partes quas in sementem & cibum familiis liberisque Ægypti in Iosephus reliquerat mansisse similiter liberas. Itidem in Iure nostro quotienscumque de servitutibus agitur originariam illam libertatem rerum religiosè attendi observarique constat, quemadmodum videre est in l. cum eo ff. de servit. urban. præd. Quantumvis malitiosus haberi possit ille qui ædes vicini obscurat tollendo suas & malitiis hominum juxta vulgata non sit indulgendum, tamen nullam cum eo actionem competere l. C^{um} pronuntiat, modo ille vicini ædibus non serviat, idemque sub d. tit. l. inter servitutes tum demum quæ factæ sunt ad luminis impedimentum prohiberi posse statuit, si servitus debeatur, unde & vice versa ducto à contrario sensu argumento, si servitus non debeatur, prohibitioni locum non esse validè inferitur: sic etiam si domus servitutem non debeat dominum ejus altius ædificia tollere non prohiberi. Item si tibi servitute in ædi-

bus vicini debitâ paries altius ædificatus est , novum opus suis sumptibus eum qui id fecit, tollere compellendum , at contra si te servitutem non habuisse probetur tollendi altius ædificium non esse interdictum Impp. Diocletianus & Maximianus rescribere , l. altius , & l. si in ædibus. C. de servit & aqua. Horum quoque spectant illa quæ de præsumenda semper , nisi contrarium evincatur , libertate apud DD. passim sunt obvia. Spectat & illud quod cum iuramentum fidelitatis, & illa quæ ex nexu iuramenti debetur præstaturque fides , quædam (licet minus propria) sit servitus , id propter & nemo pro homine alterius habeatur aut vasallo nisi id liquido probetur , & hominis ad instar res , non pro feudali , sed allodiali & liberâ , quantisper de contrario non constat, reputetur. Idem de Emphiteusi, censu, tallis (ut vocant) similibusque quæ conventionibus, testamentis , consuetudine aut statutis localibus introducta , & sic à factis sunt humano, dictum esto : Ea non modo præsumptionem pro se non habent & ab allegante probanda sunt, sed cum à iure gentium secundario sint introducta , vel hoc ipso manifeste testantur fuisse iure primævo unam eandemque tam hominum quam rerum libertatem.

CAPV T. IV.

Modus probanda libertatis. Homines aut liberi, aut servi. Servitus contra naturam. Quæ ex natura emanent, quæ contra eam faciant. Natura quæ, & qualis. A negante naturalem qualitatem probatio habenda.

SVperioribus cum ad modum in antecessum præmissis, consequens est ut de modo libertatis probandæ de-
spi-

spiciamus, & à quo libertas sit probanda, aut quæ libertati adversetur servitus.

Summa Imperatori nostro de Iure personarum divisio hæc est, quod *omnes homines aut liberi sunt, aut servi*, tertium non datur. *Servitus autem est constitutio juris gentium qua quis domino alieno contra naturam subijctur*, Quæ definitio, notandum est, quod generalem in sese veritatem complectatur; est siquidem semper atque omni modo contra naturam, ut quis alieno subijciatur dominio, præsertim, si, quod & facere debemus, diffiteri nolumus, hominem ad hominem, tanquam ad finem ordinatum non fuisse à naturâ; quando & constat eam unice voluisse atque egisse, ut omnes omnino homines nascerentur, viverent, & morerentur æquales, facile hæc citra ullam aliam demonstrationem assensum impetrant. Contrariorum uno posito positum est & alterum, Nec ulli fuerit bono probationes operose conquirere. Novimus omnes rei demonstratæ frustra demonstrationes adijci. Satis est libertatem esse à natura; quod cum per ea quæ præcedentibus pertractavi capitibus cumulate sit ostensum, id ipsum deinceps vel allegasse suffecerit. Firmant quæ dico, quod nec aliam in iis quæ à natura profecta sunt probandis I. C^u. viam insistant. Veltigia videas *in l. itaque ff. ad l. Aquil.* ubi dicitur quod adversus periculum naturalis ratio permittit se defendere *in l. ubi. §. fundi. vers. illud dubitationem recipit. ff. de verb. oblig. in verbis, ipsa natura manifestissimum est. in l. liberorum. §. ult. de v. f. in verbis, natura nos docet. l. quæ ratione. §. hæc quoque de acquir. ver. domin. in verbis. nihil tam conveniens naturali æquitati. Sic in l. 2. ff. de Precario. §. item quod. Interdictum de precario, naturalem æquitatem habere dicitur. faciunt *in l. 1. ff. de furt. itemque l. probrum de v. f.* Eisdem & in iis quæ diversa sunt allegatione contraria videmus defungi, pronuntiando rationem naturalem hoc vel illud non admittere, aut simpliciter dicendo*

cendo contra naturam est. Ut habet textus in *l. possidetis. §. ex contrario. ff. de acquir. vel amitt. poss.* Ratio est, Cum quod ea quæ à natura sunt probare si tentes, obscures magis quam illustres. Tum quod & illà ipsa, utpote à divina providentia constituta, certa sint, inconcussa, & ut *l. C^{us}. ait in l. foramen. ff. de servit. urb. præd.* causam habeant perpetuam, ne ipsi quidem Omipotenti Deo mutanda. Quinimo eadem aut ejusdem saltim cum sapientia reputantur efficaciæ. Notum illud Juvenalis Sat. 4. *Nunquam aliud natura aliud Sapientia dicitur.* Pulchrius etiamnum, quod rerum naturam pro divina sapientia Iurisconsulti usurpent *l. est. §. paterfam. ff. de iudic.* Cum Oratorum Jurisconsultissimo ut loquar, ex ista scaturigine quæ promanant Scripturam non desiderant, nascuntur nobiscum, ea non discimus, accipimus, legimus, aut è natura ipsa arripimus, haurimus, exprimimus, ad eadem illa non docti sed facti, non instituti sed imbuti: Ridiculum foret hac in re Soli (quod in proverbio est) lucem scenerari velle, & impendiis laborare supervacuis.

Contra libertatem ergo insurgere qui volet justæ probationi sese paret opus est, habitumque, ac ut nostri loquuntur qualitatem è penitissimo naturæ sinu asurgentem, à subiecto atque individuo suo remoturus, contraria quæ sunt prius astruat oportet. Ut ut factum negantis nulla sit probatio, cessat id tamen in naturalibus. Præsumuntur omnia esse talia, qualia esse debebant à natura. Evidenter ac permanenter quid esse notorium, aut esse à natura, (probandi modum necessitatemve si spectemus) in idem recidunt. Exemplo fuerit quod cum sanam mentem in corpore sano natura intendat, nosque sanum regulariter quemlibet præsumamus, si quis talem infantiæ insimulet Impp. confestim ingerant *Adversationi tuæ mentis cum compotem fuisse neganti fidem adesse probari convenit. l. nec codicillos. C. de Codicillis.* Nulli id

id dubium, probandam à negante naturalis qualitatis negativam; ea quoniam neget, quæ naturali præsumptione omnibus omnino hominibus adsunt, imo & insunt. Naturali præsumptioni hac in re consentanea quoque Iuris est præsumptio. Hanc si respicimus, rursus occurrat, ut indubium onus probandi in negantem ex asse recumbere, quotiens ei præsumptio Iuris adversatur. Arctas hoc casu ac perfectas probationes D. D. requirunt, ipsa adeoque & lex apertissimas opponi probationes desiderat. textus in *l. verisimile. ff. quod metus*. Quod præcipue tunc quoque habet locum quando illa negativa est Iuris; fortiusque si quam (ut in proposito nobis themate) in se complectatur facti mixturam, *l. ab eaparte. ff. de Probat.*

Ast quid multis? totus est in hoc Anonymus ut ostendat Serenissimam Venetorum Rempublicam non fuisse liberam, sed verius subditam. Habet ergo ipsius negativa propositio, affirmativam inclusam; & cum ipse in se probandi onus transumerit, non est vel omnibus illis quæ à me allegata sunt cessantibus, ut conquirendis sollicitè firmandisque probationibus me fatigem. Nulla hic juris intercedit captio, nec & ipse causam dixerit, quo minus si in probando defecerit causa cadat. *l. circa. §. si quis autem, ff. de probat.*

CAPUT V.

Libertas Reipub. Venetæ propius excussa, & ab ipsis ejus primordiis asserta. Errores Anonymi passim taxantur, & refelluntur. Origines urbis Venetæ. Originaria ejus libertas. Ejusdem fundamenta, & æqualitas.

*litas. De Insulis Italiae disquisitum. Insularum
jus. Veneti nec se nec sua in alterius Principis cliente-
lam dedere.*

Libertatem igitur Reipublicæ Venetæ aggressurus Anonymus, jam inde ab ipsis exstructæ conditæque urbis incunabulis orditur, originemque ipsius neutro illo, quem præmisit modo, dici posse liberam statuit. Neutrius modi factâ mentione necessitatem mihi injectam video, repetendi ex antecedentibus, quâcumque ille alterutro libertatem habendi modo Venetos dici posse liberos inficiatur, ipsum hoc dictum velle, neque libertatem penes Venetos extitisse, aut existere istiusmodi, qualem sibi in regno suo Galliæ Rex arroget, in solo nimirum Rege conspicuam, nec ultra sese exporrigentem; nec talem quoque, qua gaudeant Helvetiorum populi, apud quos in Imperio qui fuere, momentaneo intervallo vix dum intercurrente alios supra sese constitutos vident. Ast quos illos? nempe quibus ipsi ante cum Imperio præfuerant. Illius iterum non alia aut ratio aut causa, quam quod ex quo ad omnes singulosque ex æquo sese extendit imperandi invicem potestas, nec non & parendi præscripta necessitas, tota in hoc capite libertas eorum consistat, nec aliunde æstimetur. Sed enim vero in prologo-
menis nostris ad illa responsum plus satis, commonstratumque in proposito nobis themate tertium dari, simulque aliunde arcescendam Libertatis distinctionem. Quo ne actum agam, Lectorem meum ad hujus tractatus caput ordine primum remisisse suffecerit. Hoc interim dico negare & pernegare me subditos alienis imperijs fuisse Venetos, illius duntaxat exceptis cujus *Regem in ipsos imperium est*, Dei nimirum, cui soli obnoxij, summam in se suos habuere semper habent.

habentque etiamnum potestatem. Nego item probari posse quod haud competierit ipsis naturalis illa faciendi, quæ voluerint, facultas, multoque minus ipsos à quopiam in exercenda exercendave istiusmodi facultate, aut vi aut jure esse prohibitos.

Primum subjectionis argumentum Anonymus facit; quod authore Ulpiano. l. 9. ff. de Iudiciis. *Insule Italia pars sint Italia ac cujusque Provincia*; Constet autem Venetos concessisse atque consedisse in Insulis Italiæ. Hac ratione irrefragabiliter ille confieri putat quod Veneti potiores haud esse potuerint, aut alio jure censi, quam cætera Italiæ loca, quæ tunc temporis ad unum omnia Cæsaribus paruisse ipsi pro certo est. Hinc ad præsumptiones dilabitur, ac nec aliter credi præsumive posse asserit, quam voluisse ipsos, quo tempore alieno in districtu inque territorio superiorem agnoscere lare fixo, fortunarum suarum sedem collocabant, nulla præsertim ipsis adfulgente Libertatis spe, illius sese Imperiis submittere, quem totus ille tractus venerabatur agnoscebatque dominum. Addito, si diversa moliri aut aliquâ ratione in Libertatem novo atque inaudito ad ea tempora exemplo asserere in animo habuissent, neminem fore cui id facile ad fidem fiat, Imperatores Romanos qui in vicino juxta & in expedito haberent exercitum, Aquilegiæ nimirum, & quorum insuper aula esset in proximo, Ravennæ scilicet, æquis animis laturos fuisse cœptum tam vecors, nec nisi cum maximâ gravissimæque imminutione Majestatis Cæsareæ inchoandum.

Argumento deinde utitur & altero, cujus hæc mens, subditos Patavinis fuisse Venetos, Patavinos Cæsaribus: ac proinde tantum abesse ut liberos se dicere possint Veneti, uti ne quidem inter subditos primo gradu censi possint, sed pro Vicariis, id est ipsorum subditorum subditis sint habendi.

Dicam

Dicam compendio. Quantum in se est, id agit, ut in Venetos quadrare posse videatur illud Ambrosij Epist. 7. Minus vile putatur servire liberos, geminatur servitus ubi servitur vernaculis.

Ad singula ut respondeam, præmittendum denuo, consentire omnes omnino in origine urbis Venetæ annalium scriptores, eos nempe à quibus urbs primum condi cœpta, metu hostili percitos, ac relicta terra continenti profugos, in Lacunas Hadriatici maris sese contulisse, quo tempore Barbaris loca vicina ferro flammaque miserè depopulantibus, excidium toti Italiæ, vastitasque imminere videbatur, easque infedisse, sibi que occupasse, vacuas illas, neque tam derelictui habitas (quamvis & hoc verum ut mox dicetur) quam quod incultæ essent, & à nemine habitarentur, neglectas, utque à nullo tum temporis possessas, ita nec à Barbaris oppressas postmodum, sed natura loci, maris, paludum vadorumque beneficio ab omni hostium incurſu insultuque tutas. Quæ cuncta maturè si quis attendere volèr, longe alia veri facies vel ad primum sese obtutum est oblatura, firmumque ac non concussum pro originariâ Venetorum libertate ex prædictis assurget fundamentum. Fortuita, recte ut loquamur, omnino fuit ista profugorum in insulas demigratio, ac nimirum dum modo unus duntaxat alterve, modo plures numero, profugis sese aggregant, domus, vicus, pagus, civitas, quid mirum / constituta. Cæterum neque hic privatim sibi fuisse, cuive cum imperio præesset civitatem extruere profugorum destinaret quispiam, quin imo tale quippiam si destinasset, successu cariturum videre poterat, qui sibi nihil in advenas juris esse non ignoraret, ijdem hi profugi, si non ut segreges seperatim, verum turmatum globatumque allecto cui parerent duce convenissent, qualiter fuisse conditum à profugis Anthenore duce Patavium

tavium Historiæ nos docent. Si quoque sibi quæ occupando infederant vindicare voluissent, jam nulli dubium erit, illos, hoc suo facto concitatueros in se armatuosque fuisse territorii illius Dominum. Nihil vero tale profugis iis de quibus agendum est nobis, obvenit, aut ut obveniret timendum f. it, Primo quidem (ut simillimum vero) spretâ coeuntium paucitate, mox successu temporum rebus Italiæ turbatis, inciso Imperii poplite, accedente imperantium vecordia, sibi suæq; libertati vixere diu multumq; quoadusq; succrescente indies multitudine, non minus inferendo bello quam vi propulsande essent idonei, ac si lacesserentur superesse sibi vim ac voluntatem resistendi declarare possent. Hæc prima Venetis Libertatis fuere fundamenta; hæc stupendæ illius quæ apud ipsos exinde viguit æqualitatis incunabula. Fi. si vero adversarius cum quidquid est in libertate quod per se subsistat, nec aliunde pendeat, & quidem totum ex assè deferat, ac nos quoque ut ut non tanta, longe, saltem maxima jure merito deferamus, facile notatu putamus prima ab origine peti illam arcessique debere. Ut jam vidimus non poterant non esse æquales inter se qui in ea se loca recipiebant. Cæterum quo minus æqualitatem exuerent, aut imperium quis sibi vindicare annitteretur, validissimum erat ipsis vinculum publica calamitas singulis ac universis ex æquo tolerata, ex æquo toleranda. Imo vero unum agebant, primum, sibi quisque, ac mox communi conspiratione & ope, suum cuique salvum ut foret; id ipsum si cui obvenerat nã ille omni aliâ ambitione longe remotâ sibi videbatur beatus, ac de felicitate in certamen venturus vel cum Iove. Recte Curtius in communi calamitate, ait, *quemque suam habere fortunam*. Illam igitur æqualitatem tutandam sibi & ad posteros transmittendam prudenter judicare, utpote cui non assueverant modo, verum

D

etiam

etiam quam secum natam, secum educatam diligebant fovabantque. Credibile est illud æqualitatis studium non leviter exinde ipsis placuisse, cum quod omnem Tyrannidem essent exosi, tum quod suaves comprimis illius sunt illecebræ ac demulcendæ ductandæque multitudini efficaces, præsertim si nondum ea in justum corpus concreverit, aut præ studio præsentium, præteritorum oblita, eorumque

Quæ post ventura trahentur,

sit secura. Quoniam vero plura super hac re suo loco inferius erunt dicenda, illi impræsentiarum diutius immorari non est necesse.

Quod de Insula movetur, Ulpiano *partem Italia dici insulas Italia*, id ego plane non nego, quamvis si naturaliter loquamur id ipsum ne verum quidem sit, cum pars continentis dici non possit id, quod devulsum est à continente separatumque, ac dicatur ipsi Ulpiano continens, quod Italiæ est conjunctum. *l. notionem §. continentes ff. de V. S.* Quæ vero conjunctio, ubi inter utramque continentis ripam, fretum pro intersepimento est? nulla sane, nisi exiguum intercurrentis freti spacium pro nullo habere velimus, qualiter *d. §.* inter continentes & eas accipi videmus quæ modico freto ab Italia dividuntur. Illud vero nego ex allegata *L.* nedum recte, sed vel ullatenus inferri, quod Lectori persuasum Anonymus velit, scilicet Insulas Italiæ eo quod pars sint Italiæ iisdem subjacere Dominis quibus subdita sit Italia, quid enim liberæ eadem ut esse dicamus prohibet servitute non probata crebrisque passim liberarum insularum exemplis? Colunt insulam Rheni amnis Batavi in eas sedeis, auctore Tacito, transgressi in quibus pars Romani imperij fierent. Ast qualis illa pars, subditane ac serva? Nihil minus, audiamus modo Tacitum, *Manet*, inquit ille, *honor & antiquæ societatis insigne, nec tribus contemnuntur,*

nec publicanus atterit, exempti oneribus & collationibus & tantum in usum prætorum sepositi, velut tela atque arma belli reservantur. Insulam colunt & Mattiaci, ast eodem tradente, non alio quam Batavi obsequio. Verba sunt. Est & in eodem obsequio Mattiacorum gens. Protulit & magnitudo P. R. ultra Rhenum ultraque veteres terminos imperij reverentiam. Ita sede finibusque in sua ripa mente animoque nobiscum agunt, cætera similes Batarvi, nisi quod ipso adhuc terra sua cælo & solo acrius animantur. de morib. Germ. De Chaucis quos ex illius quam subjungimus descriptione non liberos minus quam Pene-insulanos colligas, ira Plinius lib. 16. Sunt vero & in Septentrione visæ nobis gentes Chaucorum, qui majores minoresque appellantur: vasto ibi meatu, perpetuis bis dierum noctium singularum intervallis effusus in immensum agitur Oceanus, alternam operiens nature controversiam, dubiumque terra sit an pars maris, illic misera gens tumulos obinet altos, aut tribunalia strusta manibus ad experimenta alissimi æstus, casis ita impositis; navigantibus similes, cum integrit aquæ circumdatae naufragijs, cum vero recesserunt fugientes cum mari pisces, circa tuguria venantur. &c. Ac paulo post. Et hæ gentes si vincantur hodie à Populo R. servire se dicunt. Audin Anonyme ut non dicat aut victas esse aut victas servijisse? Quinimo fatetur id ultro ac ut vinci indignas pauperiei suæ liberas relinquit contentus subjunxisse pro acroamate, Ita est profecto, multis fortuna parci in pœnam. Insulam Rhodij colunt, de quibus idem Tacitus Ann. 12. Redditur (inquit) Rhodijs libertas adempta sepe aut firmata, prout bellis externis meruerant aut domi seditione deliquerant, sic & Astaphylæam Insulam liberam dicit Plinius Naturalis Historiæ lib. 4. cap. 12. Idem Milesiam, Alabandam, Stratoniceam Ionij maris insulas lib. 5. c. 30. nec non Gnydon eod. lib. c. 29. & alibi Cephaleniam; Zacynthum, Ægynam, Samuntem, Chion, Mytylenem, aliasque insulas complures liberas pronuntiat lib. 4. c. 12. lib. 5. c. 31. &c. Imo vero & Insulas Italiæ liberas fuisse ex

l. deprecatio. ff. ad L. Rhodiam de jactu. manifeste colligere est, in qua *L. deprecatio* refertur Eudemonis Nicomediensis in Italia naufragium passi, & à publicano insularum Cycladum direpti, acut supra diximus attriti. Inibi cum notatum sit quoad Batavos, hoc inter libertatis insignia referri, quod à publicanis non atterantur, eliciaturque ex adverso subjectionis argumentum in Insulis Cycladibus, eo quod in illis essent, degerentque publicani, nemo est qui non videat quod ex *d. l.* à contrario sensu libertas insularum Italiæ rectè inferatur. Si quid publicanis in naufragos erat juris, spectavisset proculdubio naufragium illud Eudemonis Nicomediensis cujus in allegata lege mentio sit ad insularum Italiæ, si quidem illæ, (de quo tamen non constat) habuissent aliquos omnino publicanos. Atque ut ad prædictas maris Hadriatici lacunas à Venetis infestas deveniam, nullâ Historicorum, quos ego in hunc diem videre potui auctoritate probatur, eas ante id tempus à quopiam fuisse occupatas, aut ullius agnovisse imperium. Multa de tractu illo maris Hadriatici quem Venetum vocant, deque orâ ac regione Veneta quæ singulari numero Venetia appellatur, passim apud authores videas: ast de urbe Veneta ne verbum quidem: est tamen de illa nobis sermo, nec quid ultra ejus libertatem in quæstione est. Verbum Venetiarum si partem Italiæ Anonymus velit, si ex eo quod pars sit Italiæ & subditam intendat, id jam probet necesse est, stat contra ipsum annalium fides, evidentia facti, naturæ præsumptio. Accedit quod & toto juris corpore, nulla extet lex, nulla reperiatür constitutio, quæ insulas Italiæ directè indirectè Cæsarum Imperijs subiectas dicat. Utique non facit hoc prædicta *L. insulæ*, quæ cum sub suo titulo sit unica, in suo contextu absoluta, neque ad ullas omnino leges sive antecedentes illas sive subsequentes, quæ sub titulo de Iudicijs continentur respi-

respiciat, in alienum à IC^{ti}. mente intellectum non est detorquenda, neque committendum ut hac in parte (quod esset in ipsam legem committere) verba legis amplexi, contra legis nitamur voluntatem. Convenientius erit ut cum semper hoc legibus inesse credi oporteat, ut ad eas res ac personas pertineant, quæ quandoque similes erunt, quod & nisi contrariæ sint multis IC^{tus}. ait argumentis probari *l. non est novum. l. ideo. l. posteriores. ff. de legib.* Idem & hic à nobis observetur. Vero simile igitur est Ulpianum in *d. l. insula.* distinguere voluisse inter Insulas Italiæ & Provincias; ac proinde dicere, non esse gestum id in Provincia, quod gestum sit in Italia, cum propter connexionem insularum Italiæ cum ipsa Italia, de quo supra ex *l. notionem. §. continentes. de V. S.* tum quod Provinciæ dicantur illæ quæ procul ab Italia armis sint victæ. Alciat ad *d. l. notionem.* in §. n. 2. sic ut Insulam Provinciæ velit oppositam, quod in lure frequens, textus est in *d. l. notionem. d. §. & in l. exportandum. de servis exportandis.* alijsque similibus: quemadmodum & ab eodem Ulpiano res Italicas & res Provinciales inter se videmus opponi. *l. cogi poterit. §. sed etsi miles. ad SC^{tum}.* Trebell. At roget me quispiam quorsum, cuive bono hæc oppositio expediam, est ea locum habitura in Procuratore qui in eadem Provincia Dominum defendere tenetur, ergo & in illius Provinciæ Insula, cum pars ea sit Provinciæ, non vero extra aut ultra illam. Hinc & in *l. sed & §. non solum.* durum esse dicit Ulpianus cogi procuratorem in Provinciam de Roma abire, vel e contrario, vel è Provincia in aliam Provinciam & defendere. Habebit & locum in tutoribus, quibus secundum eundem Ulpianum cum in Italia domicilium habeant administrationem rerum Provincialium remitti usitatissimum est. *l. illud ff. de excusat. tut.* ex quo & invaluit ut in partes regionesque tutela divisa sit. Movent me hæc ut credam IC^{tum}.

obligationi officioque procuratorum tutorumque *d. l. insula.* terminum præfinire voluisse, & quousque Procurator Dominum suum defendere, tutor, bona pupilli administrare teneatur, digito velut commonstrare, coque hæc me impensus movent, quod deprehendam & allegatam à me *l. sed & h. ff. de Proc.* nec non & *l. vel in partes. ff. de adm. & per. tut.* quæ de dividenda in partes aut regiones tutela loquitur, utramque desumptam esse ex *lib. 9. Ulpiani ad edictum*, ex quo *lib. 9.* & hanc *l. insula.* desumptam esse testatur descriptio.

Fallitur & hoc nomine Anonymus, quod ex ultronea illa in partem Italiæ concessione quam probare intendit, originariam subjectionem deducere conetur, quippe cum constet eis, qui tum temporis non iniquis modo, verum etiam indomitis necessitatibus circumsepti imminentibus sese periculis subducere annitebantur, nihil in Cætaribus auxilii fuisse præsidique; quin potius ipsis vitam, fortunas, salutem sanguinemque sua suum, qua conjugum, qua liberorum, quoquo modo fuisse redimenda; sit, ue nec minus certum subditos ab obedientiæ vinculo liberari, quotienscumque conclamato Principum suorum patrocinio furori hostium, ac irritanti semetipsam sævitici, tanquam piaculares victimæ nudi, inermes indefensique relinquuntur, quod iis obvenisse constat, iis qui quo sese adversus imminentem jugulis suis Barbarorum illuviem munirent tegerentque in dictas Hadriatici maris lacunas principes concessere. Certe & inhumanum fuerit & abhorrens à naturali æquitate in eam devertere sententiam, quæ istiusmodi advenas, extorres, profugos ac tantum non perditos, erubescendæ insuper servituti damnatos velit, idque non alia de causa, quam quod in vacua venerint, quæ si possessa ante fuerant (quod tamen Historicorum nemo posteritati mandavit) tum temporis omissa erant desertaque, si nulli pos-

sessa,

sessâ, ipso Iure, quodque palmarium est, naturali, fiebant occupantium. Tritum est, actus ultra intentionem agentium, nihil operari. At vero nihil inter Imperatores alterutius Imperii ac Venetos actum apparet quo sese illi suaque in fidem aut nedum in ditionem hujus aut illius dederint. Eadem autem esse, quippiam aut omnino non esse, aut non apparere, juris est minime dubii. Imo & si ponere velimus eos abdicandæ à se & in Imperatorem conferendæ libertatis intentionem habuisse, nihil egerimus; occurrant statim, in alienatione rerum incorporalium, qualia sunt Iura libertatis solam dominii transferendi causam, ac voluntatem dominium ad transferendum non sufficere, ac ne quidem pacto intercedente. *l. traditionibus Cod. de Pactis.* & quotiescumque jurisdictionem quis in alium velit acquirere, non satis esse de tali jure acquirendo transferendove tractatum aut contractum fuisse, id est quod alius sese jurisdictioni isti subditum esse velle sit professus, ut est in expresso ad hoc textu. *l. cum scimus Cod. de agric. & censibus,* (neque enim quispiam sola voluntate statum suum mutare potest) verum oportere alia insuper ut accedant, è quibus subiectio talis efficaciter inferatur: qualia sunt à parte superioris exercita in invitos ac reluctantes jurisdictionis, coactio, quæque his sunt affinia: à parte subditi assensus, silentium eaque quam in incorporalibus pro traditione leges habeant, patientia. *l. si quis diuturno, ff. de servit. vend.* Venetos vero ad faciendum tale quid ab Imperatoribus fuisse coactos aut & coactioni acquievisse cum sufficiente consensus declaratione, probabit nemo. Iungamus quod nec sit verisimile illos qui vitam periclitantem defenderent, ac Barbarorum subjectionem effugerent in mediam subjectionem proruere voluisse, & quod unum à fati calamitate nati erant beneficium, nempe ut liberi libereque viverent, insignita prorsus ignavia ivisse perditum, nulla adactos

actos necessitate, nullo qui in constantem virum cadat metu
compulsos. Rectius Poëta

*Evasisti? credo metues, doctusque cavebis
Quares quando iterum paveas iterumque perire
Possis? O toties servus! nec bellua ruptis
Quas semel effugit reddat se prava catenis.*

Atque in hunc sensum præclare apud Iosephum Agrippa, durum esse periculum servitutis facere & id ne subeatur honestam esse certationem pronunciat. Quin & hoc addamus, eos ut ut voluissent maxime, attamen nec potuisse: deerant nempe qui ipsis imperarent, quibusve ipsi se suaque substernerent. Accedit quod nec ratio Iuris fictiove permittat, ut Iurisdictionem semel pro derelicto habitam nulla stipulatione media, nullo ad firmandam si qua intercesserit stipulationem, utrimque facto accedente, postliminio reversam dicamus ad eum, qui illam ex animo abjecerit, quantum in se fuit, ejus sese possessione vel in tantum exuerit, ut eam occupandi, atque apprehendendi liberrimam cuilibet volenti copiam fecerit. Quo ne feramur ulterius, fixum esto, voluntarios actus, inter quos illa profugorum in lacunas Maris Hadriatici adnumeranda est concessio, ultra quam illorum tulisse convincatur arbitrium, de Iure extendi non posse. Tralatitium est in Iure ut non quid. ast quo animo factum sit attendatur. l. obligationum. §. 1. ff. de O. & A. & similibus, præsertim in odiosis, inter quæ non dubiè censenda foret Libertatis non sine vitæ fortunarumque dispendio per tot rerum discrimina quæsitæ, tam projectæ, ac nec homine digna renunciatio, eaque ultronea. Rem suam nemo jactare præsumitur, nedum illam, quam Iuris regula dicat esse inæstimabilem, & omnibus omnino rebus anteponendam.

CAP.

CAPUT. VI.

Falsum Anonymi argumentum à situ Venetorum desumptum. Ius & vis situs. Dubiâ libertatis interpretatione, secundum illam est respondendum. De Iurisdictione in territorio, ejusque jure. Situs multis profuit ad libertatem. Qui sint ejusdem territorij.

Facilis similiter est ad argumentum responsio, quod ex ratione situs & relatione partis ad totum Anonymus deducit. Eo siquidem probato, nihil inde Iuris Cæsaribus accessisse quod ultro in loca prædicta concesserint illi, ad quos urbis Venetæ principia referuntur; item hoc non difficulter evincetur, situm rei per se consideratum neque de Iure naturæ item nec de Iure gentium aut civico modum esse verum aut legitimum acquirendi rerum dominii, quemadmodum neque in titulo de divisione rerum & acquirendo earum dominio recensetur ab Imperatore inter acquirendi dominii modos. Accedit quod neque ea situs per se vis sit, ut aliquam cum Iure imperandi, cumque parendi necessitate dominationem, quæ proprie potestas dicitur, l. 37. ad l. Aquiliam, possit producere. Si cui regerere subit aliam esse Iurisdictionis, de qua hic quæstio sit, naturam, aliam dominii, principes imperio cuncta complecti, singulos dominio, quæcumque Iurisdictione sit in territorio Principis, eam aut ipsius esse principis aut à principe manasse, ac quandoquidem nihil esse possit in territorio, quod non alicui Iurisdictioni subiacere sit necesse, credibile non esse alterius esse aut fuisse iurisdictionem quam ejus qui supremam in territorio habeat potestatem; concedam lubens id omne, ac fatebor ultro, dummodo hoc mihi detur quod fa-

E

ne ne-

ne neque ullum inficiaturum existimo; Ius omne quod è ratione situs elicitur in nuda præsumptione fundari: præsumptio igitur illa non est ut multum nos torqueat, habet nempe alteram sibi oppositam præsumptionem naturæ regulis innixam, qua omnem rem à primævo statu nec non à primævo Iure liberam esse probatur, per ea quæ superius dicta sunt & notabilem præterea textum, cap. jus naturale. dist. 1. Præsumptionem præsumptione tolli elidique docuit nos textus l. fin. ff. quod metus causa. Si quis tamen in proposito themate de facto negare velit prædictam istam præsumptionem contraria præsumptione sublatam esse elidamve, utique non effecerit quo minus illa, etsi revera, atque ab omnibus habeatur pro controversâ, quod ipsum sufficit, ut contra eum qui in istiusmodi præsumptione, quæ tam manifestam præsumptionem sibi adversantem habet, intentionem suam fundare tentat, sententia feratur. Regula Iuris est, quod quotiens dubia libertatis est interpretatio, secundum illam sit respondendum. Sic & in dialecticis collectionibus, illationes observamus in eam partem devertere, quæ minus gravet; inque Iudiciis merito obtnet jure, ut si alter Iudicium damnet, alter absolvat, inter dispares sententias vincat quæ est mitior, saltem cum negari nequeat naturalem illam præsumptionem alterâ fortiozem esse potiorque de Iure sequiorem labefactet, ut jam dici coeptum, eam ad minimum præsumptionis illius quæ cum originali sive naturali consentit æquum est statuamus esse efficaciam, ut onus probandi in adversarium transferat, qualem efficaciam alteri illi, quæ primævo juri pugnat, nemo temere largiatur. Quamquam & absque exemplo non est ut etiam in ipso alterius districtu territoriove loca quædam sint, quæ omnino ejus in quo commorentur territorii Dominium pro suo non agnoscant, suis ipsi legibus vivant, summum

mum in se ac sua jus imperandi habeant, diversumque hoc pacto ac separatim ipsi per se constituent territorium, cujusmodi loca scriptores vulgo dicunt esse quidem in territorio, sed tamen non de territorio, item & non esse sub territorio: porrigente sese nimirum jurisdictione ad ea quæ ab ipso dependent territorio, non autem ad ea quæ continentia sunt territorii. Quo respectu idem efficitur, esse quid extra territorium, aut esse immune à jurisdictione illius cuius est territorium. Ita ut & de facto, quantumvis pagus castrum vel bona alicujus immediate nobilis, atque ita locus exemptus, ratione situs sit in districtu alicujus Principis, tamen quoad superioritatem & jurisdictionem recte dicetur extra districtum esse. *Roll. à Valle conf. 33. n. 3. Wesemb. conf. 37. nu. 10.* quod idem & illustribus Cameræ præjudiciis confirmatum tradit *Ruding. obs. sing. cent. 3. obs. 10.* Quin si penitus introspexisse voluerimus naturam situs, re ipsa compariemus multis urbibus locisque ad libertatem nihil æque viam stravisse ac situm loci, dum eorum incolæ tutos se magis confinium populorum sibi invicem accessionem eorum invidentium æmulatione, quam proprijs viribus caute ponderant; Utque nihil dicam de Venetis inter Orientale atque Occidentale Imperium libertatem suam foeliciter tuentibus, exemplo fuerint Gebennensis civitas, Sedanensis & Rauracurtianus ducatus, ipsumque hoc quod nos hodie liberum incolimus, inferius Belgium. Quin ut & omnem in subiecta materia dissimilitudinis effugiamus notam, evincunt quod dico in Gallijs Arausionensis principatus, in ducatu Montispenferiano Dombensis item principatus, in Normannia regnum Yvetotij, & nostris quoque temporibus exemptione sua nobile, licet postmodum dominis illius auro contra accepto Iure suo decedentibus veterem ad formam nuper sit reversum. Apud nos Drentino in tractu Runense ter-

ritorium Munsterianę familię perantiqua ditio, paucis à Frisia miliaribus Amelandiæ insula, in Brabantia ducatu Boc-hovium, infinitaque insuper Germaniæ loca quę districtius inquirere aut etiam enumerare nec opus nec otium est: loca inquam non limitanea aut limitaneis contermina, sed quaquaversum Galliæ, Belgij Germaniæque urbibus circumscripta, vallata, inque in earum mediterraneo constituta. Quanquam alias & noti juris est quod ubi de territorio agitur, & quæritur qui sint ejusdem territorij, territorium illud non sit accipiendum striete, de ijs solummodo quę in eodem circuitu continentur, sed crasse pro universitate ditionis, quę specialem habet titulum & unius justam administrationem respicit. *Mys. obs. 89. nu. 8. Cent. 5.* Accedit his quod non loco situve sed per exercitam Iurisdictionem & gestos vi competentis sibi Iurisdictionis actus designandum sit territorium, per ea quę tradit in tractatu suo finium regundorum *Hieronimus de Monte c. 6. nu. 10.* illud ipsum vero cum à terrendo dictum sit, *l. pupillum. § territorium. de V. S.* inibique ad *d. §. Alciato* definiatur terrę spaciū Iurisdictione armatum, ac vel ipso nominis sono coercionem importet, frustra fuerit omnis à sola situs ratione derivata præsumptio, si legitimi illi actus abfuerint terrendi, jurisdictionive causā à superiore facti, quę & doctrina Baldi est in *l. data opera, vers. super situ cadit. C. qui accus. non possunt.* Ubi docet territorium ejusque fines per jurisdictionis exercitium probari, & in terminis dicit. Si vertatur quæstio in cujus territorio situatus sit ager in Perusino an in Eugubino, & probetur quod Perusini illic furcas erexerint, malefactores cæperint & homines illorum mandatis obtemperarunt, per hoc probatum esse agrum illum esse in territorio Perusino, ad quod etiam faciat *l. 1. & l. fin. Cod. de Jurisd. omn. jud.*

CAP V T. VII.

Frustra Anonymum à præsumptionibus præsidium petere. Italia quomodo imperio Romano subdita. Origo ejus rei. Venetorum urbem P. R. neque vi neque jure suam fecit. Veneti in insulas quare concesserint. Pro derelictis ille antea habitæ. Labente imperio Rom. coeptæ Barbarorum irruptiones. Facies rerum in Italia tunc temporis. Aula Ravenna sub Honorio. Ejus ignavia, & Leges. Roma sub eo à Gothis misere vexata. Venetorum insule tunc temporis ab Imperatore derelictæ, nec proinde ei subditæ fuerunt.

EX prædictis patet ridiculum esse quod Anonymus ait, non esse præsumendum potiorē nascentis Venetorum urbis fuisse conditionem, quam totius Italiæ, quæ tota tum temporis Romano esset imperio subdita; neque enim in re tanti ponderis ad præsumptiones refugium patere debet, cum vel ex historiarum monumētis rei veritas haberi possit, aut ex ipsa quæ dubitationes omnes præcidit facti evidentia, aut ratione Iuris: Ita ut mirer cur illi qui quid facti, non quid Iuris sit examinare atque commonstrare sese velle profitetur, insuper habitâ omni facti probatione (subjectionem enim facti esse nemo sanæ mentis ambigat) in præsumptione fundamentum ponat. Ad eam ipsam ut & obiter respondeam dicam cum Dn. Præside, argumentum à toto ad partem cum non simpliciter procedat, sed secundum quid, probabilē quidem esse, non tamen necessarium. Addam & hoc,

E 3.

non.

non alium illius argumenti usum esse; quam ubi aut omnino eadem aut saltem proportionata ratio in toto juxta- & in parte utrimque concurrant. De ratione proportionata non est quod agamus, despiciendum modo, num ratio hic in parte eadem militet, quam ille in toto probatam credit. Si cum Anonymo dicere libeat (salvis tamen ineptijs, de quibus suo loco) totam Italiam Imperio Romano fuisse subditam, ac habuisse in ea Cæsarem intentionem suam Iurisdictionemque fundatam, non aliunde tamen illud ipsum petere licebit, quam à scaturigine Iurisdictionis Cæsareæ, populo nimirum Romano, qui lege Regia, quæ de ejus imperio lata est, ei & in eum omnem potestatem contulit. *S. sed. & quod principi. Inst. de jur. nat. gent. & civil.* nec & eam ulterius de iure protendere licebit, quam ad illos quos decursu temporis idem ille populus vi aut jure suos faciendæ rei Romanæ adjecit. Alia (nisi eam à naturali instinctu, ipsaque natura petere velimus) quam è consensu populi rectorem sibi præficere cupientis, Imperij ac Iurisdictionis origo dari non potest. Prædicta si ad urbem Venetorum, quam neque vi neque iure P. R. suam fecit, applicemus, vulgatum illud regerent quò ad te liberæ ædes habeo. Demonstrandum ergo profugos illos, quibus Vrbs Veneta condi cœpta, Cæsarem sese subdidisse imperijs. Ast silent & hic annales, Anonymus nihil probat, neque quod videam, superest quippiam, quam ut dicamus, quam ille in toto reperiri rationem voluit, in parte non deprehendi. Ipse præterea situs loci, in quo præcipue se fundat Anonymus, satis ostendit speciatim hac in re diversam fuisse rationem partis, ab ea, quæ fuerat totius. Ast qualis ille Deus bone / situs, paludibus fœdus, ille uliginosus, squalidus tetricusque, ad quem (si fas ita dicere) incolumi Iove & urbe Roma, nullus eum occupandi, apprehendendi, insidendive gratia fuisset concessurus. Historiarum

rum

rum monumenta si consulimus ante inundationem istam Barbarorum in Italiam, ac non nisi sero admodum, & cum jam illi nulli incurfionum suarum finem aut modum viderentur facturi, finisque unius insultus alterius esset gradus, in eas sese contulere, ex circum adjacentibus Italiæ oppidis profugi. Offert hic sese mihi quod de Germania Tacitus, *Quis præter periculum horridi & ignoti maris, Asia aut Africâ aut Italiâ relicta Germaniam peteret asperam cælo, tristem cultu aspectuque nisi si patria sit?* Sed ne extra orbitam. Constat Romanos tanquam è specula vicinarum gentium libertati insidiari solitos, ubi in iustas vires roburque sese succrevisse experiendo didicerant, ad invadendum primitus Italiæ, ac mox successu temporis terrarum orbis imperium, animum adjecisse, paulatimque in vicinos sibi populos insurgendo, quâ vi armorum, quâ fœderibus sponfionibusque sibi subditos fieri coegisse, quod tamen Venetis (quo nomine jam vel totum illorum comprehendendo tractû) obtigisse, nulli narratur. Non abs refuerit hac in parte Sigonii quam meis verbis uti, ait ille, tract. de ant. jur. Ital. lib. 3. *Quo tempore à Romanis victi sint Veneti aut omnino bello petiti adhuc eruere ex tanta annalium vetustate non potui. societatem quidem illos cum Romanis inisse ante Annibalis in Italiam adventum tradit Polybius. Ex quo aestimari potest nulla eos occasione vel nullo potius rerum Italia motu post fidem semel datam violasse, sed amicitiam bonis P. R. rebus junctam in perpetuum castissimè coluisse, neque & ipsos ullo se Cæroniannorum aut Carnorum bello implicuisse, sed sponte se fidei Romanorum permisisse.* Hactenus ille. Ac quamvis non diffitear & allegato loco nonnullas à Sigonio conjecturas adferri, quibus probari sibi ait Venetos quandoque Romanis paruisse, nullam tamen allatâ ab ipso in medium conjecturæ mentionem faciunt, aut coactionis, aut à jure sibi quæsito renunciationis, cessionisve à Venetis factæ, suntque omnia inibi ab ipso commemorata, ex eorum genere, quæ libere fiunt

funt, per quæ nulli jus acquiri, juris est confessi. Absit vero quod in tota regione locum non habuit in parte ejusdem neque ex magnâ contra naturalis rationis dictamen, ac nulla id evincente auctoritate admittamus. Est hæc igitur & altera exceptio ab illa regula, quæ partem cum toto jure eodem censet. Accedat nunc & tertia, nempe, quod argumento eorum quæ tradit I. C^{us} Modestinus in *l. 3. ff. pro derelicto*. in iis quæ pro derelicto habita sunt à toto ad partem & vice versa à parte ad totum argumentari non liceat. Quo quantoque molimine sibi Romani Italiæ pararint Imperium, æquè omnibus notum est: evidens ergo, quoad illud, aliaque quæ pro derelictis habita dicimus, diversitatis ratio; ut ut enim & iisdem modis res nostræ esse desinant, quibus ab initio acquisitæ fuerunt, ut est textus in *l. 1. de tit. attamen in acquisitione Jurisdictionis actus positivos intervenire necesse est; in habendo pro derelictis, negativus suffecerit, in tantum ut pro derelicto habeatur illud, cujus sese possessione Dominus hac mente exuerit, ut id in bonis suis esse nolit, atque abjectâ ex animo possessione, veluti per traditionem incertam, aut factam incerto, res non occupantis modo fiat, sed & citra ullam omnino occupationem, domini derelinquentis è vestigio esse desinat. *l. quod servus ff. de stipulat. servor.* Admittente insuper & jure naturali occupationem & ex ea dominium, quotienscumque illa nullius conditionem publicam aut privatam lædit: Habitas autem fuisse pro derelictis eas, de quibus sermo est, maris Adriatici Lacunas: nemo tam in historiis hospes est ut ignoret.*

Iam diu erat quod in senectutem præceps ac devexum Imperium Romanum, ac media sui parte se ipso minus, in ruinam subsidere cœperat, accessere tanquam ad commune bustum à septentrione Gothi, Alani, Gepidæ Hunnique qui-

qui torrentis more Italiam inundarent, Sigonii verbis utar denuo. *Ceperat jam tum à morte Theodofii sub Honorio situbare Romanum Imperium, labi sub Valentino, præcipitari sub successoribus, defuit in Occidente sub Odoacro, qui occidenti dominationem quidem invasit, sed honesta Majestatis Augustalis verecundia, haud quaquam sese Imperatorem sed regem tantum Italia nominavit, atque Occidentem imperare nomine regio, sed sine purpura caput. Sig. de Occid. Imp. lib. 15.* Ergo qui tum temporis hærentes penitis Italiae visceribus repelleret hosteis nemo erat, ferali insuper Imperatorum ignavia, infractis omnium ausis, nec ullo, post interfectum ab ignavissimo Valentino Ætium, alicujus nominis duce, in Barbaros movere auso; illis ex adverso instantibus, successusque strenuè urgentibus. Quemam circa ea tempora rerum in Italia facies fuerit, testantur illa D. Hieronymi ad Gaudentium epistolâ, *Proh nefas, ait vir sanctus, orbis terrarum vult, in nobis peccata non ruunt, urbs inclita & Romani Imperii caput imo hausta est incendio, nulla est regio qua non Romanos exules habet, in cineres & favillas sacra quondam Ecclesia considerunt.* Item in principio tertii ad Hefechielem. *Quis crederet ut totus orbis extrusa victoriâ Roma corrueret, ut ipsa suis populis & mater fieret & sepulchrum, ut tota Oriens, Egypti, Africa litora dominatricis urbis servorum & ancillarum numero complerentur, ut quotidie sancta Bethleem nobiles quondam utriusque sexus atque omnibus divitiis affluentes reciperet mendicantes, quibus quoniam opem ferre non possumus, condolemus, & lachrymas lachrymis jungimus.* Et quam maxime in illo Epithaphio Fabiolæ. *Ecce subito post Romam à Gothia captam discurrentibus nuntiis Oriens totus intremuit, ab ultima Meotide inter glaciale Tanatm & immanes Messagetarum populos, ubi Caucasii rupibus inhumanas gentes Alexandri claustra cohibent, erupere Hannorum examina, quæ pernicibus equis huc illuc volitantia cadis ac terroris cuncta complevent, aberat tunc Romanus exercitus, & bellum civilibus in Italia tenebatur, insperati ubique aderant & famam celeritatis vin-*

centes non religioni, non dignitatibus, non alati parcebant, non vagientis miserabantur infantia, cogeantur morti qui nondum vivere ceperant, & nescientes malum suum, inter hostium manus ac tela videbant, consonus inter omnes rumor petere eos Hierosolymam &c.

His perfectis beati Hieronymi locis neminem fore persuasum habeo mihi, qui non plenissime credat neque consilium neque intentionem Imperatoribus Occidentis fuisse, ea, quæ nunquam ipsi sua sub ditione tenuerunt, sibi afferendi ac non potius, si quatenus ea ad ipsorum Imperium aut Iurisdictionem spectaverant deferendi, derelinquendique. Verum quo ne egomet mihi in præsumptione blandiri ac suppalpare videar aut in ea me fundare, videamus age quæ de amissione limitis Illyricani tradit in commentario de repub. Romana Wolphangus Lasius Ait ille. lib. 1. cap. 6. *Per hæc tempora Attila rex Hunnorum vir fortis ac superbus dum cum fratre Bleda super Hunnos principaretur Thraciam & Illyrium sexa populatione vastabat, omnia castella ac civitates in servitutem redigens præter Adrianopolin & Heracleam quæ quondam Perynthus vocabatur. Tunc exercitus Romanorum, qui in Sicilia morabatur ad defensionem Orientalium Provinciarum, revertitur, cogitur itaque Theodosius legationem Attila mittere, & sex millia librarum ei pro recessu præbens mille librarum annuum tributum persolvere pollicetur. Quæ d. loco Lasius authorem suum laudans profitetur se habere ex authore Græco qui supplementum Eutropii scripsit, subiungens, Quæ quidem à nobis eo sunt fusius deducta ut quando hunc Romani limitem (Illyricum sc.) amiserint, quod sub postremis contigisse Valentinianis constat dum vires adhuc quadam Imperii essent & non solum vanum nomen candidus lector cognoscat. Ergo & sibi mihi magis quam responso dignum videtur, quod Anonymus altruendæ præsumptioni à se adlatæ adfert, neminem fore cui facile ad fidem fiat Imperatores Romanos, qui in vicino juxta & in expedito exercitum haberent, nempe Aquilejæ,*

leixæ, & quorum aula insuper esset in proximo Ravennæ scilicet, laturos æquis animis fuisse coeptum tam vecors, & cum gravissima majestatis ipsorum imminutione conjunctum. Rogare lubet cum Tullio (lib. 1. epist. fam.) *æque spes esse potuerit in ea repub. : in qua neque Senatum neque populus vim habet ullam, nec leges ullæ sunt, nec judicia, nec omnino simulacrum aliquod aut vestigium Libertatis?* De exercitu siquidem quod adfertur, ex præallegatis qua Lazii qua D. Hieronymi locis videre est cum alibi distractum impeditumque fuisse : Aulam Ravennæ fuisse non negatur, ast aulam Ravennæ qui habebat Cæsar Honorius erat, non Imperatorum modo sed & mortalium ignavissimus. Sed & hoc mihi expediat Anonymus velim, quid causæ fuerit cur aulam suam Ravennatem in urbem Cæsar transtulerit, anne ut nascenti Venetæ urbis incubaret Libertati, eamque in herbâ, quod ajunt, opprimeret ? nihil minus, verum ipsum vastata direptaque Roma profugo non dissimilem, Ravennæ commoratum constat, cum jam ante aspera, dira, execranda multa ac Romano nomine indigna perpeffus esset ipse fecissetque. Quis vero credat id animi futurum fuisse Honorio, ut vel per somnium arma in Venetos expedire præsumeret, qui ad allatum excisæ, direptæ, perditæque Romæ nuncium, Gallinam suam, quam Romam vocabat captam ratus, gravius quam pro re commotus est, detecto errore, cognitoque urbem Romam Barbaris in spoliū cecidisse, flentibus iis qui tam miserandæ rei ferebant nuncium nullum commoti præ dolore aut indignatione animi signum dedit. Nec est quod ad leges ab ipso Ravennæ dum esset latas respiciamus, illæ quidem hoc evincant fuisse ipsum isthuc loci, verum (quod in proposito hoc nostro monstrari deberet) ipsum quæ tunc in rem præsentem erant, illo quo par fuerat accurasse studio, neutiquam probent. Asseramus

legibus robur suum, *quis prepotentibus (ut ait) remediis superiora vitia temporum solers aut negaverit aut exclusit?* Erat jam vetus querela corrupta Romana re, plurimas leges existeret, olim vitiis, tum temporis legibus laborari, invalida earum auxilia, ut quæ vi atque ambitu postremo & pecunia turbarentur, quæque his sunt gemina: Itaque si id Anonymo propositum erat, ut ostenderet Imp. Honorium curas sese ac imperiali fastigio dignas in animum dimisisse, probare utique debuerat, ecquid ad avertendam ab imperio pestem, pellendos Barbaros, cordatè designatum, conceptum strenuè, gestumque fuisset fortiter. Horum ille nihil cum possit in evanida putidaque præsumptione satis habet elanguescere, cum tamen id ipsum fugere non possit, ita misere, quo tempore Occidentis Imperator esset Honorius à Gothis, rege eorum Alarico, sedem Imperii Romanam fuisse divexatam, ut vel suppliceis ab urbe Roma Legatos excidium illius deprecaturus, vix dum ad se admittere voluerit, eos ipsos diu multumque ludibrio habitos aggre responso sit dignatus, ea tandem ab eis flagitaverit ut ipsis nihil sibi postmodum reliquum fore antestantibus, rogantibusque ecquid ergo populo Romano superesse passurus esset, nihil præter animas præfracte regesserit. Quid ad hæc Romanus Imperator? omnino nihil, imo vero & placet conditio, corraditur omne quidquid corradi undicumque potest placandis Barbaris argentum, privatorum opibus ac suppellecile deficientibus, non delubris, non aris, non simulacris abstinetur, eò devenitur ut ad conficiendum aurum Alarico promissum conlato in massam Vitutis simulacro gentiles quodcumque Romanis relictum esset fortitudinis id omne eis expectoratum esse in os exprobare non vererentur. Ipse ille quem & supra allegavi Beatus Hieronymus acerba facti indignatione commotus *Quia hoc* (inquit)

(inquit) credet Romam in gremio suo non pro gloria sed pro salute pugnare, imo vero ne pugnare quidem, sed auro & cuncta suppellectile vitam redimere? Oblata autem fuisse Alarico testatur, unde hæc à me desumpta sunt, Sigonius quinque millia pondo auri, argenti trigintamillia, tunicarum sericearum quatuor millia, pellium coccinearum tria millia. Ast nec hic quidem requies, aut à calamitatibus respiramentum. Claudianum audiamus

*Invisum miles sitiens haurire cruorem,
Per varias vestes oneratâque plaustra metallo
Transit, & argenti cumulos, & cadis avarus
Contemptas proculcat opes, pretiosior auro
Sanguis erat, passim neglecti prodiga lucri
Ira furens, strictis animum mucronibus implet.*

Quid hic Honorius! furenteis muneribus subvertit, quo datur placat, corrumpit, deducit, quosque ferro sibi inepugnabiles norat, donis tranquillat; Imperium, opes, vitam ipsam prius, quam fatalem sibi, fatalem Imperio positurus ignaviam. Quinimo jam demissi Honorium animi fuisse tradunt scriptores, ut quasi re feliciter gesta, perindeque ac si impense lætus esset, quod vel ijs conditionibus impendens cervicibus suis malum amovere, pacemque depacisci fuisset datum, unicam quam habebat sororem Placidiam firmandæ paci Ataulpho Gotho regis Alarici fratri in matrimonium collocaverit: qua tamén pacis spe cum excidisset, cumq; & hic quem diximus Ataulphus Romam versus signis infestis iter converteret, ea mente ut ipsam vix dum è pristinis cladibus caput attollere oceptantem, denuo invaderet, neque Alarici fratris exemplo direptam relinqueret,

sed captam sibi adscisceret, & ut ait idem præallegato loco Sigonius dira quadam libidine delendi Romani nominis inflammatus, eam pro Roma Gothiam appellaret, certum est plus apud ipsum preces supplicationesque uxoris Placidæ valuisse quam arma Honorij, quæ ne quidem eminus ipsum ostentare ausum, ad illa tempora ullus Historicorum quos hætenus mihi videre contigit memoriæ prodidit. Eat nunc Anonymus & Imperii Romani magnitudinem, terroremque Imperatorii nominis quantum lubet ebuccinet, nulli post tam aperta illis temporibus gestorum testimonia dubium deinceps erit illas, de quibus sermo est, Hadriatici maris lacunas quo tempore in illis urbis Venetæ jam fuere fundamenta, Imperio Romani Imperatoris non fuisse subditas, saltem si forte etiamnum quispiam hac aut illa ratione eas ad Imperium spectasse existimet, erit insimul & hoc ipsi pro indubio, fuisse illas quam plenissime pro derelictis habitas, utque taleis summo, quin & omni jure, factas occupantium.

CAPVT VIII.

Nascentis Urbis Venetæ origo. Quid ad eam Patavini contulerint. Falsum Patavinos urbis Venetæ fuisse auctores. Patavium à Gothis captum & incensum. Aliud de jure universitas est, aliud de universitate singuli. De Patavinis, qui lacunas maris Hadriatici infedere, propius disquisitum.

AD alterum argumentum quo vel ab origine Venetos aliorum fuisse Imperiis obnoxios probare nititur Anonymus

nymus, ut respondeam simulque ut ostendam, ut à veritate, ita & à Iure alienum esse, quod Urbem Venetam à Patavinis conditam eisque subditam fuisse dicit, operæ pretium fuerit despiciere, ecquæ nascentis urbis origo fuerit, quidve in ea condenda Patavini contulerint. Sed ut & hac in re quod candidè me facturum fide quam optimâ promitto, notum cuivis esse possit, nihil me scribere velle quod aut imaginarium sit ac conjecturale, aut à scriptoribus Venetis, quos proriè in patriam suam affectu ferri credibile sit, memoriæ mandatum, non utar alio quam unius potissimum Sigonii testimonio, quem & à fide exactaque diligentia Anonymo probari video. Ait ergo ille de Occidentali Imp. lib. 3. Eodem anno, nimirum 452. Italia sævo novarum calamitatum laboravit incendio, siquidem Attila cum immenso illo suo ac formidabili Barbariæ coeuntis exercitu, in ipsam demum ferox & truculentus irruit, quæ irruptio cum omnium quas Barbari intulerint nostrorum sermonibus celebratissima à vulgo maxime decantata sit, non aliud tamen est in tota antiquitate ab veterum annalium sermone desertius, ut mihi videantur in tanti periculi magnitudine non Imperator modo ac duces ejus ad tantam pestem cladem, quæ propulsandam elanguessere, sed ipsi etiam scriptores, nescio quo modo ad eam commemorandam obtorpuisse. *Tanlo post.* Attila igitur in campis Catalaunicis in Gallia superatus, cum amisso magna parte exercitu languens, sese in Schythiam recepisset, haud quaquam sibi acquiescendum existimavit, actum de gloriâ ac nomine suo ratus, si quem ex adversis rebus timorem aut ullum fracti animi signum affectarumque virium indicium dedisset. Itaque Valentiniano ante omnes insensus per quem non solum Gothos, non deleverat, sed memorabilem etiam in Gallia cladem acceperat ipsum armis ulcisci, Italia invadenda ac Roma inflam-

„flammandâ decrevit. Accedebat quod si voti sui compos
 „factus fuisset & prædam se uberiores & victoriam certio-
 „rem relaturum videbat, quod Italiam omnium regionum
 „ditissimam atque opulentissimam, neque Gothi, neque
 „Alani, neque Burgundiones neque Franci suis foederati es-
 „sent armis ac corporibus protecturi. Igitur eisdem natio-
 „nibus quas ante sollicitatis exercitum superiore majorem
 „contraxit, eumque ad se sequendum ingentis spe prædæ ac
 „promissis accendit. Quo nuncio accepto Italici majore
 „quam unquam alias formidine ac trepidatione concussi sunt.
 „Veniebant in mentem varia quibus nuper ab Alarico & Reada
 „Gaifo conflictati fuerant mala, quibus adjungebatur etiam
 „præsentium amplior numerus hostium, tetrior feritas gen-
 „tium, major constantia militum, ac demum famosa Attilæ
 „cum rei militaris peritia, tum immanis quædam supra om-
 „nem memoriam ingenii atque naturæ ferocia, qui se flagel-
 „lum Dei ac terrorem hominum appellabat, & ad id in mun-
 „dum à Deo missum jactabat, ut tanquam justæ illius vindex
 „iræ terras omni malorum genere permisceret: & crudeli-
 „tatem suam ac libidinem non nisi sanguine ac incendio ter-
 „minabat. Augebant etiam hunc pavorem cœlestia multa
 „quæ nuntiata in vulgus erant prodigia, haud dubiè solli-
 „citis semper futurarum rerum mentibus triste aliquid por-
 „tendentia. Nam ad cætera ut scribit Marcellinus tres ingen-
 „tes lapides è Cælo decidisse (res raro audita & ægre credita)
 „ferebantur. Suberat præterea singularis rerum ad victum o-
 „portunarum inopia ac foeda ex ea suborta & passim dispersa
 „pestilentia, mala pacatis etiam compositisque rebus asperri-
 „ma. Hæcubi enumeravit Sigovius & immediatè subjungit:
 „Ob eas res omnibus ad ipsum Attilæ nomen horrentibus,
 „Venetiæ populi, qui æstuarium maris Adriatici accolebant,
 „quod primam tam immanis ac tetrici hostis impressionem
 „se ex-

se excepturos videbant, passim patrias suas in continenti si-
 tas relinquere, ac familias cum pretiosa suppellectile trans-
 portare ad insulas, si vis hostilis ingrueret, statuerunt, ea
 spe ducti aut Attilam inopia militum eo non pervasurum,
 aut si copia suppeteret, eas insulas, intento Romam versus,
 itinere neglecturum. Dicuntur autem Aquileienses Gradum
 animo destinasse, Concordienses Caprulas, Altinates Tor-
 cellum & Maurianum, Patavini Rivum altum, Opitergini,
 Equitium, Atestini & Mensilicenses Palestinam, Metamau-
 cum & Clodiam. Reliqui vero aspera Alpium & Apenni-
 ni juga & sylvas, quibus se ignorantia hostium tegerent,
 sibi cogente necessitate depoposcerunt. Eodem libro idem
 Sigonius. Iam omnia quæ intra Apenninum & Alpes erant
 fuga, populatione, cæde, servitute, incendio & despera-
 tione repleta erant nullaque mali facies aberat, nefaria per
 omnes ordines sexus & ætates Barbarorum avaritiam crude-
 litate ac licentia pervagante. Si & quæ Patavinæ urbis con-
 ditio fuerit id temporis investigare lubet, audiamus eundem
 Sigonium. Aquileja captâ atque deletâ tantum proximâ,
 Provinciæ pavoris injectum est, ut urbium ejus potiri haud
 magni postmodum negotij fuerit. Quamobrem Concor-
 diam, Opitergium, Altinum, Patavium & Ateste quæ prope
 tum æstuarium, eximiæ atque inveteratæ nobilitatis oppida
 attingebant, civibus plerisque ad insulas ut dixi properanti-
 bus, primo adventu præsidij deditis in potestatem cesse-
 run, captaque ac directa subjectis facibus diro ac prope ho-
 stibus etiam ingrato spectaculo conflagraverunt. Audiamus
 & porro quid de primordiis urbis Venetæ dicat idem au-
 thor. Quare profecto illo (Attila nimirum) populi (inquit
 ille) tanta Barbarorum mole levati, alacres statim omne suum
 ad accepta suppellectilis damna refarcienda, & rectorum ja-
 cturam quodammodo recuperandam studium contulerunt,

» nam qui ad montes insulasve diffugerant, aliove quo dilapsi
» formidine fuerant revocati, urbes pristina frequentia cele-
» brarunt & captivos quos potuerunt vel ingenti pecunia
» magnitudine redimere deinde conati sunt: In Venetia ta-
» men, Aquileja, Concordia & Altinum licet Episcopis suas
» ad Ecclesias administrandas reversis nequaquam, Opiter-
» gium, Patavium & Ateste ægre admodum restituta sunt, id
» autem (quis tandem occulta Dei consilia provideret) bono
» quodam quasi Italiae fato evenit, etenim hoc pacto Urbs cla-
» rissima Venetiarum est condita, difficillimis aliquando tem-
» poribus veterem Italiae dignitatem repræsentatura, ac for-
» titer sævissimum Aquilonarium hostium impetum exceptura.
» Harum namque civitatum primores, qui ad insulas confu-
» gerant tam crebris & tam sævis Barbarorum impressionibus
» consternati, cum patrias sedes suas crematas agrosque vasta-
» tos viderent, domicilia in insulis sibi perpetua statuerunt, ac
» communicatis consilijs, non solum rationem inierunt qua
» se adversus immanem incurfantium hostium libidinem tra-
» ctanda re maritima tegerent, sed etiam creatis magistrati-
» bus, quos Tribunos Cassiodoro teste vocarunt, certam inter
» se rempublicam instituerunt, quam usque ad Caroli Magni
» tempora tenuerunt, à quo armis petiti ex omnibus insulis
» in unam ferme quam nunc incolunt Rivum altum migra-
» runt. Quo casu egregie propereque defuncta civitas, belli
» pacisque studijs pro temporum ratione colendis ad eam
» opum amplitudinem crevit, ut jam cum potentissimo quoque
» Rege æquo Marte terra Marique armis configere non solum
» possit, sed etiam ausit. Hactenus Sigonius. Quæ quidem co-
» transcribenda duxi prolixius, quod & ea non leviter firma-
» re videbantur quæ de Statu Italiae, de locis illis quæ primi
» conditores Civitatis Venetæ insedere in æstuarijs Hadriati-
» ci Maris pro derelicto habitis, sunt à me dicta. Constat
» utique

utique ex præcitatæ, falsum esse quod dicitur, Patavinos Urbis Venetæ fuisse conditores. Ut ut enim ipsi pars non quotulacumque sed vel & (quod nec ego diffiteri velim) Princeps fuerint eorum quibus urbs illa suam originem ferat acceptam, non tamen hoc ipsis debetur solis, uti neque ab ipsis condita primitus Vrbs, qua Vrbs, id est qua tota constat ex suis partibus. Est quod hic sibi vendicent Concordienses, est quod Altinates, quod Opitergini, Atestini, Monsilicenses, cæterique vicini & ipsi accolæ Hadriatici Maris. Apparet & illud non ea mente Patavinos in Rivum altum Dorsumque, cui à soliditate duri cognomen, secessisse, ut in circumjacentes Lacunas jam tum à vicinis parte, neque ea minima, occupatas, Imperium quærerent sibi asfererentve, sed receptus duntaxat causa, quem & tutum prospicerent, & quod mercaturæ impensius essent additi propter vicinum Mare navigationi non inidoneum. Hic iterum authorem me meum laudare quispiam si velit, non longe quærendus aberit. Stat pro me Bernardus Scardeo Patavio oriundus, ipse Patavinus dum viveret Sacerdos, quemque, quod hac in causa palmarium, ut liberrimæ vocis authorem laudat Anonymus. *Non est*, (inquit ille, de rep. Patavina lib. 1. class. 2.) *Hic honos in postremis annumerandus, quod vere Patavini & magna cum gloriâ dicere possunt, sic Venetis Patrijæ esse cognatos sicut & vicinos.* Subjungit post nonnulla. *Expertos Patavinos Barbarorum immanitatem formidantesque ne ab Alarico Rege longe pejora pati cogerentur, quam superioribus annis ab exercitu Radagasis Regis erant perpassi, qui adjunctis sibi Hunnis & Vandalis Venetorum salus aggressus multas strages miserabilesque direptiones intulerant, nec contentos unius portus angustijs, cum sibi vellent amplum instar Urbis locum juxta Mare oportuniorem ad mercandum, & tutiorem ad confugiendum, parare, si quando contingeret à Gothis durius premi, qui paulo ante Romam & reliquas Italia Vrbes vastaverant, misisse Con-*

sules suos ac jecisse in Rivo alto felicia in Christi nomine fundamenta, parvis quidem initijs, sed auspicijs felicitibus. Quamquam ego quoque videre non possum cur credere quispiam velit Patavinus Imperium id temporis aliquod in profugos ex vicinis gentibus sibi nulla aut Iuris aut facti ratione subditis tam adversis temporibus animo designasse, qui modo ipsum Paravium misere incensum à Barbaris, totumque in cineres subsedisse recordatur, idque (uti supra notatum ex Sigonio) non semel modo, ast & pluries. Testatur præallegato loco idem Scardeo postmodum ab ædificatione Rivi alti anno circiter tricesimo plus minus post Atrilæ, postque secundum Totilæ regis excidium, Patavinam urbem bis reparatam & tertio ab Agilulpho Longobardorum rege miserabiliter incensam. Hac (subjungit ille) attriti inquietudine bellorum & pertasti patria conspectum tam miserabilem, populariter fere in unam urbem commoraverunt, & ex eo tempore tam populo quam adificiorum frequentia capit locus ipse Rivi alti & Quintæ vallis, sive Castellum & Dorsum durum & Canale regium & Metamaucum latius ab optimatibus coli, & ita indies ditioribus ac nobilioribus incolis luculentur impleri. Addit & insuper, Verum multi postea perdurante bellorum sevitia ex toto agro ad fossam Palestinam ac Clodiam commigrarunt, simul & multi ex omni ordine allecti securitate loci & commoditate navigandi ac mercandi neglexerunt postea amplius ad pristinos laves & patriam desertam redire, & ita brevi factum est ut illi populi paulatim à Patavini desciscerent, & Venetorum nomen sortirentur. Patavium interim annos fere ducentos jacuit desolatum quo tempore assiduo bello per totam Italiam sævientibus, & ob id concurrentibus undique populis ex urbibus & oppidis tam Italia quam reliquarum regionum, Rivum altum una cum reliquis insulis, ditioribus, accolis repletum, Venetæ plurali numero vocari coeptum est. Quæ sane postrema Scardeonis Rivum altum cum reliquis insulis conjungentis verba satis evincunt, Rivum altum per se non constituisse urbem illam quam

quam nunc plurali numero Venetias indigetamus, quemadmodum & idem ille textus ad oculum, ac velut digito commonstrat, non Rivum duntaxat altum Patavinos infedisse, sed & in cæteras insulas fuisse dispersos, quas jam ante ipsorum adventum ex vicinis urbibus profugi, suas occupando fecerant. Quin nec credi pronum est Patavinos, ipsi urbi patriæ conservandæ non pares, extrema omnia perpeffos, perque gemini decursum sæculi desolatos altiores quam pro virium quas habebant modulo aut ratione temporum spiritus gessisse. Accedit quod & illos, qui in prædictas lacunas concesserint Patavinos descivisse paulatim à Patavinis & in Venetum nomen coaluisse testetur Scardo, ita ut non magis eos ipsos Patavinos vocare quam Trojâ Duce Anthenore profugos, postquam in oras Euganeas concesserant, conditoque Patavio sedes manfuras fixerant, Trojanum nomen retinuisse aut Trojanos fuisse dictos apud Historicos comperimus. Quapropter ergo notandum est & hoc, quod cum, ut ex præallegatis qua Sigonii, qua Scardeonis testimoniis colligere est, prima Venetæ urbis origo universitati Patavinæ non eum in modum adscribatur, perinde ac si prædictæ universitatis decreto sua incunabula duntaxat ea deberet, sed nonnullis, quod & res est debeantur illa, ex illa universitate hominibus, idque ut & ante dictum nullo publico auctoramento jussu universitatis prævio, pariterque nec solis illis, verum & eodem adnitentibus cæteris, quos communis bellorum calamitas sedibus suis extrusos, in paludeis uligineisque prædictas compulerat. Cumque & hoc manifesto comprehendere liceat non nisi successu temporis, ac sævius indies urgente hostili metu, Patavinos Consules, ijs quas & supra libavimus causis impulsos, misisse qui in Rivum altum commigrarent, ibique sedes figerent etiam, rebus ita ferentibus

manfuras. Notandum, inquam, nullum ex isto civium fuorum finguli dum effent factò, nec non & illa à Confulibus facta quæ fuerit miffione Venetam ejufve incolas S. P. R. Patavino jus quæri potuiffe. Aliud de Iure Universitas eft, aliud de Univerfitate finguli. *l. in tantum. §. Univerfitalib. ff. de Rer. divif.* Unde & hoc tralatitium apud DD. actum ab univerfitate geftum non cenferi, quem non & infimul omnes de univerfitate fecerint, aut ad minimum major univerfittatis pars, quæ fere femper Ius integri habet; idque univerfittate ad id folemniter congregata confilioque communicato: In tantum, uti ad hoc, ut nimirum ipfam Univerfittatem afficiant tales actus, & fic ab ipfa univerfittate cenfeantur gefti, folemnis ifta congregatio & in commune habita deliberatio, fpecificè requirantur arg. *l. metum. §. animadvertendum. ff. Quod metus.* Rectè Prudentius:

— In paucis, jam deficiente catervâ,
Nec perfona fita eft patriæ, neque curia conftat.

Ita ut fi vel id ftatuere lubeat, illos de quibus fermo eft Patavinos loca maris Hadriatici infediffe non ut aliena aut vacua, fed quæ ftatim vel ab ipfa occupatione facta Civitatis Patavinæ effent propria, ad eamque fpectantia (quod tamen nullus unquam probaverit) & fic nomine univerfittatis fuæ ea poffediffe, ut jam miffum faciam, in omnem eventum futuram fuiffe illam poffeffionem non nifi privatorum, privatam & ipfam, nihil tamen inde valide inferatur, quantisper non liquet, feciffe id ipfos non ut fingulos, verum ut univerfos, nec non & infuper fpeciali ad id faciendum univerfittatis fuæ, aut faltem partium univerfittatis integrantium, mandato inftitutos. *l. 1. §. finali. ff. de acquir. poff.* Cum & alias de Iure abfque tali mandato nulli per liberâs perfonas poffeffio dominiumve acquiratur. *l. communis fervus. ff. de acquir. poffeffio.*

*sessione. At neque de scientia nedum de civitatis Patavinæ mandato vel tantillum apparet. Vnde & manifestum fieri non immerito dixerimus, ipsis neque animum fuisse, ullam dominij in Venetos aut Jurisdictionis possessionem acquirendi, quem tamen ante omnia *ll.* requirunt. *l. 3. in princ. ff. de acquir. poss.* neque unquam præsumunt nisi probetur. *arg. l. in bello. S. facta. ff. de Captiv. & postl. revers.**

Nemo autem ut opinor negaverit summam proposito in casu habendam esse differentię rationem, factumne illud singulorum prædicto loco insidentium ad omnes spectarit ut universos, an vero ad omnes etiam singulatim consideratos. Ac posteriore quidem casu de assensu mandatoque majoris saltem partis anxie laborandum non esse, priore vero casu omnino locum esse debere legi finali C. de auth. præstanda; qua docemur id ab omnibus approbari debere quod ad omnes pertinet. His jungantur illa Baldi, docentis ne quidem unius civitatis universitatem sese in pluribus posse dividere, atque hinc neque exiticios per se universitatem facere posse, sed (ut ipse eos vocat) intrinsecos, qui territorium retinent & Jurisdictionem possident. *In margarit. in verbo, Universitas.* Longe abest ut hoc moveat quod ea quæ à singulis primitus fuerant concepta, ab universitate postmodum interveniente Consulum Patavij facto ratihabita videri possint. Ut ut enim non diffitear reperiri scribentes qui in istiuscemodi successivis actibus ratihabitionem comparent mandato, iis præsertim quos certum sit ipsius universitatis utilitatem respicere; attamen rationi magis consentaneum existimo facturos nos, si stat.iamus ea quæ in re aut in rem universitatis à singulis fuere facta, ratificari postmodum per universitatem non posse. Quippe si per ejusmodi ratificationem juris aliquid universitati quæreretur, non alio id facto subsistere posset, quam mediante fictione, qua nimi-

nimirum retrotraheretur ipsa ratihabitio mandato æquiparanda, quod & unicum prædictorum scribentium est fundamentum. Constat vero duas pluresve ex eodem fonte promanare, inque eadem causa fictiones locum habere non posse; fingendum autem esset quod insulani illi, de quibus loquimur, etiam si eo ipso quod aliis in oris fortunarum suarum sedem collocando pars esse desierant ejus, ad quam ante spectarant Vniversitatis, nihilo secius tamen ex quo in prædictas lacunas se contulere, nullo Vniversitatis suæ jussu, si-bique eas sedes delegere, pars illius à qua discesserant universitatis remanserint. Quin & fingendum nobis esset in animo fuisse prædictæ Vniversitati ut per illos Ius Iurisdictionemque in infessa occupataque ipsis loca sibi quæreret, non secus ac si omne id jussu ipsius factum foret. Fingendum esset item singulos illos eo animo possessionem adeptos, ut eam & universitati à qua exierant nanciscerentur, atque ut ut animum suum hac in re non declarassent, fuisse tamen animo alieno, non suo, possessionem universitati questitam. Fingendum denique etsi revera singuli illi cives possessionem essent adepti eorum, quæ occuparant, attamen istiusmodi possessionem non aliter accipi posse, quam si eodem illo momento, quo ipsi possessionem istam apprehenderint, universitas quoque eandem in solidum sibi possessionem acquisivisset, & sic uno eodemque tempore occupati à singulis dominij, & enatæ è dominio Iurisdictionis in solidum possessores fuisse, cum singulos illos de Vniversitate, tum & Universitatem ipsam. His accedit quod semper in fictionibus, per quas ab uno ad alium quid transfertur Iuris, extrema duo habilia concurrere sit necesse, nimirum extremum à quo, & extremum ad quem, quorum prius revera ita sese rem habere desiderat, posterius cum veritate requirit & possibilitatem: quo tantundem in casu ficto operetur fictio,

fictio, quantum veritas in casu vero. At vero singulos illos si considerare velimus ut eos considerat Anonymus, id est ut cives Patavinos, & Civitatis suæ partem, jam tum primo falsum erit, eos qua tales Imperium Iurisdictionemve sibi quærere potuisse, & in superiores suos, id est S. P. Q. Patavinum conferre. At cum jam ante dictum sit per Liberas personas alteri sine mandato, possessionem dominiumve haud acquiri, ut ut dare vel invita veritate voluerimus, singulos illos occupando insidendoque cum dominio Iurisdictionem sibi comparasse, ejusque in possessione fuisse, manebit tamen totius Vniversitatis intuitu impossibile, ut in eodem genere possessionis modoque ipsa cum singulis illis in solidum ex æquo concurrat universitas. Ita ut retroquæ sita per istiusmodi ratitabitionem possessio, ne quidem per fictionem de jure possit introduci: sed nec multis agam in re per se manifesta. Singuli illi si, quod Anonymus vult, subditi civeisque fuere Patavini, jam nec Iuris ratio patietur ut in eadem potestatis qualitate ipsi alios in potestate haberent sua, quimet ipsi supra se aliquod agnoverint imperium. Facit huc quod est in regula, cum qui possidetur non videri possidere *l. 118. de Reg. jur.* Item nec vero domino nec sibi acquirere eum, qui ab alio possidetur *l. 1. §. 1. de acq. poss.* quibus geminum est quod est in *l. sic eventi ff. ad Leg. Jul. de adul.* Vbi simili ratione Papinianus negat filium familias posse liberos in potestate habere, cum ipse adhuc sub potestate sit, ac proinde non posse adulterum cum filia deprehensum occidere: verba sunt textus, *in sua enim potestate non videtur habere, qui non est sue potestatis.* Perinde nec Iuris patietur ratio Patavinos illos qua singulos, qua universos qui sparsim in Lacunas dicti maris junctimve in unum profugum locum confedere, inque Venetum nomen coaluere pro Patavinis à quibus eos descivisse annalium nos docuit fides ha-

beri censerive; exemplo nimirum navis, quæ dissolutis tabulis ea mente, ut in alium usum tabulæ converterentur, licet postea mutato consilio ex eisdem tabulis compacta, alia tamen navis esse creditur. l. 10. §. 7. Quemadm. ususf. amit. Exemplo item & hominis manumissi quem IC^{tor}. Paulus in. l. 98. ff. de solutionibus, itidem navî comparat.

CAPV T. IX.

Nec Patavini imperio Romano, nec Veneti Patavinis subditi fuere Italia loca quo pacto federata fuerint, aut subdita Romanis. Variæ federum forma. Patavini amici populi Romani. Quæ Præfectura apud Romanos. Argumentum Anonymi à missis primitus Patavio ad Venetos consulibus discussum. Missio non est imperii argumentum. Patavinis extraterritorium æque liberis jus dicere non licuisse. Consules à Patavinis missi vi jurisdictionis prorogata: Patavini consules biennio tantum aut triennio Venetis præfuere. Adversari sibi ipsi Anonymum ostenditur. Certamen Venetorum cum Patavinis de finibus. Consulis dignitas quæ tunc et olim fuerit.

Reliquum est ut despiciamus ecquâ veritate nitatur, quod Anonymus vult Patavinos Imperio Romano fuisse subditos, Venetos Patavinis. Mirum quod ad hoc, quod de Patavinis effatur, versari sese in notorio crediderit nec ullius omnino probationis indigere, adeo ne gry quidem

dem quo id quod Lectori persuasum velit, comprobet, adfert in medium. Mihi hic actum agere non lubet: repetat qui volet dissertationi quæ præmissi de præsumenda libertate, deque probanda ab allegante quæ libertatem aut libet aut tollat, subiectione. Nego iterim subditos Populi Romani fuisse Patavinos, aut & unquam P. R. Imperium five vi five jure coactos agnoscere. Constat utique omnia Italiae loca aut foedere aut sponsione, pactionibusve in amicitiam P. R. convenisse, aut pro coloniis, municipiis aut præfecturis habita. Foederum variae erant formæ, diversa & genera, è quibus solum quod dicebatur æquale foedus, inter eos qui nunquam inimicitias inter sese exercuerant constabat, intacta utrimque ac inviolata libertate, atque amicitia ex æquo contracta, ac æquis Legibus, unde omni imperio subiectioneque remotis, nullaque Lege data aut accepta, nihil erat quod istiusmodi foederatos utrimque devinctos attineret, quam quod eosdem amicos haberent, eosdem inimicos, & ex eo pace belloque ad auxilia reciproca exurgens necessitas. Hac ratione amicos P. R. Patavinos fuisse videre est apud Ciceronem in *Philippicis*, ubi de Patavinis attestatur illos exclusisse alios, ejecisse alios ab Antonio missos, pecunia militibus, ac quod maxime deerat, armis duces nostros. (Romanos scilicet) adjuvuisse *Cic. phil. 12*. Alia foederum genera libertati obstabant, quamvis non ex æquo, sed pro re nata plus minusve, nempe cum aut victis dicerentur leges, aut ex partibus utriusque commodo componerentur controversa. Alterutrum istiusmodi foederum Patavinos Romanis junxisse nemo est qui tradat. Coloniam P. R. Patavium deductam nullus item est qui asserat, uti & nemo Patavinos agrorum parte fuisse mulctatos est qui dicat, aut receptos, cum jam ante jure suo uterentur, in societatem munerum P. R. honorumque, ut ex eo municipiis accenseri potuerint; Multo

etiamnum minus hætenus invenire potui adnumeratum fuisse Patavium præfecturis, quarum ea (quemadmodum de Capuâ, quæ P. R. præfectura erat lib. 36. testatur Livius) conditio, ut frequentarentur modo habitarenturque tanquam urbes, nullo interim civitatis corpore, nullo senatu, plebis consilio senatuque itidem nullis, verum inhabili ad consensum multitudine, nullius quippe rei inter sese sociæ agerent sine consilio, sine Imperio, datoque duntaxat quotannis Roma qui Ius redderet præfecto. Quæ quisquis considerare volet non male à me iudicabit ut reor negari Patavinos P. R. subditos fuisse, & contra tam evidentia veræ Libertatis argumenta iustas ab eo qui contrarium tueri in animum inducet mecum requireret probationes. Et sic quidem confutata priore argumenti ab Anonymo allati parte, accedo ad alteram, qua Patavinis in Venetos summum id temporis imperii jus competiisse monstrare studet; quamquam & non accedo, neque enim omnino quippiam ab Anonymo adducitur quo id quod asserit probet: Ea sane jam ante satis confutata existimo, quæ de Dominio Patavinorum ex infessione, inhabitatione ac frequentatione dictarum lacunarum exurgente, scrupulose conquirat, nulla nobis de Dominio quæstio est, est de Imperio, quod à proprietate Dominioque esse separatissimum, nemo est qui nesciat: Facit huc tritum illud. Quæ reges Imperio cuncta teneant ea singulos Dominio complecti. Quamquam & jam ante ostensum est, nec ultra extendi posse Dominium quam quoad usque locum hunc aut illum occupando, insidendo detinendoque suum quisque fecerit, eaque & in parte nec potiores esse potuisse eorum qui Patavio excesserant partes, quam cæterorum qui ex circumjacentibus oppidis in ea loca confluerant. Vnicum ab Anonymo duntaxat adfertur, quo Patavinis nonnulla superioritatis prærogativa

rogativa videri queat competiit, nempe quod Consules Patavio in æstuaria illa dicantur missi consulari potestate, item accepta potestate condendi juris, atque pro arbitrio statuendi, quidquid conducere novæ civitati atque è repub. fore putarent. Qua in re sane virulentiam proposito in Anonymo manifesto deprehendere mihi videor. Dicam cum scriptore Patavino, *Urbes ut cætera ex infimo nasci, deinde quas sua virtus ac Dii juvent magnas opes magnumque nomen sibi facere*. Certe non magis mirum petitos Patavio Consules primos, quam Curetibus Numam Pompilium, qui Romulo succederet: nec tamen inde Curetibus quispiam Romæ nascentis incunabula subjecerit, quod eorum ex districtu ille *sit missus in Imperium magnum*. At inquires, nulla hic petitio, verum missio, superioritatis non leve argumentum. Imo vero levissimum, nam id ipsum & de Numa dictum; quem tamen quæsitum, juxta illud,

*Queritur interea quis tanta pondera molis
Sustineat, &c.*

petitumque constat, nec non ex mox allegatis Poëtæ verbis *missum*. Si locum effatis Anonymi esse volumus, opus erit ut ipsa per se missio jus Imperii subjectionemve inferat, quod verum non est, quid enim si mittant ii penes quos Ius summæ potestatis non sit? quid si & ad eos qui sui Iuris sint alienique expertes Imperii? Requirit ergo & istiusmodi missio duo extrema habilia, in quibus consistat, nostro nêpe casu, ut Patavini cum effectu mittere potuerint, Veneti missos debuerint admittere. Sed si Anonymo credimus, erant Romano imperio subditi Patavini, qualis ergo subditorum illa missio? utique aut nulla, aut ridicula. Vnde si verum esset id, quod ille credi velit, jam non modo non potuissent Patavini in absolutæ potestatis, quam hæ-

bere non poterant, argumentum, consules suos Venetiā^s mittere, sed nec potuissent istiusmodi sibi consules Veneti deponere. Neque enim privatorum (quales ille Patavinorum intuitu Venetos describit) consensus possit tribuere aliquam jurisdictionem illis qui nullam habent, *l. 3. C. de Jurisd.* Sed nec illa quoque quam Patavinis competere asserimus libertas, ac summum in se suosq. Ius, extra territorium Ius dicendi facultatem largitur, nedum in æque liberos. Jurisdictiones confundi turbarive justum non foret. *l. a. d. vo Pio. ff. de re Judic. l. cum unus. S. is qui possidere. ff. de reb. auth. Jud. possidendū*; Atque hoc est quod Iura clamant, prætorem quidem in prætorem, vel consulem in consulem nullum jus habere. *l. ille à quo. S. tempestivum. ff. ad S. C. Trebell.* Subjungit ibidem immediate textus, *sed si Jurisdictioni sese subjiciant solet prætor in eos jus dicere.* Cui consonat quod & dicitur in *l. 14. ff. de Jurisd. esse receptum, eoque nos Iure uti, ut si quis major aut aequalis subjiciat sese Jurisdictioni alterius, possit et & adversus eum jus dici, ex* quibus etiamnum textibus adversus objectionem Anonymi responsio est & manifesta & facilis, Consules nimirum à Patavinis missos fuisse vi Jurisdictionis prorogate, ac nec suo sed alieno beneficio Jurisdictionem habuisse: secus statuere si lubeat, non modo absurdum evitare non dabitur, sed & ipsa rei nos confundet evidentia. Quantulum enim id est spaciū quod vel Anonymus, Consulibus Patavinis adscribat! Certe biennij aut triennij ad summum, haud longius. Atqui non pænitendis indies incrementis nova Vrbs assurgebat, neque vero quicquam similis quam Patavinos, si quid apud ipsos in urbem Venetam Iuris supremi potestatisve reledisset. afflicto, exusto, perditoque Patavio, retenturos fuisse mordicus id fastigij ad quod vel volentibus ita Venetis, ac manu quasi ducentibus sese videbant evectos. Non jam dicam laborare hic (ut fere semper in originibus urbis fieri asolet

folet) annalium fidem, quamquam & id compluribus ijsque fide dignissimis rerum Venetarum scriptoribus notatum, Non jam repetam quod supra ex Scardeone retuli, abunde sibi gratulari Patavinos, quod sese Venetis ut vicinos sic & cognatos depredicent, neque enim phalerata ista moror, veruntamen si verum amamus quo pacto conciliari poterit quod eodem ipso contextu, quo subjectos Patavinis Venetos Anonymus fingit, illorum inter sese certaminis meminit non de summa Imperij (neque enim id vel per somnium sibi arrogare voluisse, ex ijs quæ allegat colligere est) verum de finibus, id est, super quantilla eorum, quæ sese occupando sibi quæsisse affirmant. portione: Erit tamen super hoc dicendi conveniens mox locus cui ista reservo. Suffecerit quod quemadmodum illa (ita loqui liceat) missio, nec subjectionem arguit à parte Venetorum, aut Imperium ab altera, ita nec eorum qui missi fuerint qualitas. Consulis siquidem dignitas si sæculum respicimus, imo vel jam tum ab V. C. absolute summa non fuit, quos sane & Romæ prætores modo à præeundo, cum nondum prætores à Consulibus essent distincti, modo Iudices à judicando, ac tandem consules dictos constat à consulendo, sive quod ipsi aliis consularent, quo spectat illud Accii,

Qui recte consulit consul cluat.

Sive quod ab aliis (cujus vestigium est in l. 14. ff. de reb. creditis) adiri consulendi gratia solerent, quemadmodum & ipsos Græci Συμβούλους ac πρυτάνεις vocant. Anni spacio terminata dignitas, nulla in civis Romani caput absque populi jussu permixta animadversio, ab eis ad populum provocatio, satis evincunt id quod dicimus, facitque hic mecum qui id esse extra omnem dubitationis aleam constitutum faretur, Anonymus. Ea porro ipsa quæ allegat, de missio Venetias
ad con-

ad condenda statuta Doctore, argumento esse possint, voluisse Venetos civitatem suam ad mores statutaque urbis Patavinæ componere, Patavinos Venetorum velificari ac laetificare voluisse desideriiis, nulla tamen Patavinis in Venetos imperium tribuit, nisi & dicere velimus, quod ridiculum foret, eò quod Laconum instituta Sabinis communicata fuerint. Sabinis ea Romam, cum aut sub Numa Pompilio intulerint: quodque teste Athenæo lib. 6. Romani diligentius quam ipsi Lacones politiam conservarint Laconicam, ideo subditos Lacedemoniis fuisse Romanos aut etiam Ephesiis, eo quod Hermodorus Ephesius Romæ legem XII tabularum, si Pomponio nostro credimus, auctor fuerit, aut ut mavult Plinius earum quas Decemviri ferebant legum, extiterit interpres.

CAPUT. X.

Post Consules Tribuni Rempub. Venetam tenuere. Illi à Patavinis neutiquam creati. Præcipuum Libertatis insigne eos rectores creare, quos velis. Creatio Tribunorum quando instituta. Ab imperatoribus illi non creati. Epistola Cassiodori in eam rem excussa. Provincia que sint. Urbs Veneta Provincia non fuit. Tribuni ab Insulanis creati. Eorum imperium limitatum. Frivola circa hac Anonymi conjectura. Post tribunos Duces, post Duces magistri militum successi. Contradicit sibi Anonymus dum Venetos etiam sub potestate Græcorum fuisse asserit.

Et sic

ET sic quidem iis, quę originarię Venetorum Libertati ab Anonymo obiici potuerunt, confutatis, accedamus ad ea, quibus deinceps id quod intendit adstruere conatur; nimirum quo tempore Gothi in Italia rerum domini fuisse, absque ulla temporis intercapedine vixisse continuo Venetos Imperatori Romano subditos, nec non & Odoacri qui sese princeps Italię regem dixit, iisque porro qui exinde Odoacrem sequuti sunt Gothorum regibus.

Primum quod adfert, ex creatione Tribunorum deducit, atque antiquata consulari dignitate urbi Tribunos præfuisse, eos ipsos vero ab Imperatore creati solitos. Id ex Cassiodoro manifesto liquere: quod & firmet in sua Italię descriptione Albertus Leander, qui Consulum Tribunorumque temporibus urbem Venetam usquedum imperio Romano paruisse dicat. Consulibus Tribunos successisse fateor; sed jam hic expediat mihi Anonymus velim, quid causę fuerit Consules abrogandi in eorumque locum Tribunos sufficiendi, quique & fuerint illi qui Tribunos crearent Venetianæ Patavini? Si Venetos dicit, rogare lubet quo pacto id sufferre potuerint Patavini, quibus ille subditos fuisse Venetos nugatur, quo id animo tulerint Consules qui jam tricesimum & quod excurrerat annum urbi cum imperio præerant? sin Patavinos inquit, quin adducit ergo pro Patavinis suis insigne continuatę jurisdictionis, possessionisque argumentum? Videt nimirum Anonymus veritatem ab adversis stare partibus. Cumque nec ipsum fugiat comprimis eximium id esse libertatis indicium quod sibi met ipsis, suęque sponte, ac pro liberrimo prorsus animi motu, quos vellent, eaque qua vellent dignitate præficere Veneti potuerint; ut & de facto præfecere, aspergendus hic fuit nigrę loliginis succus, & arcendendus ex machina velut imperator Tribunitię (si diis placet) potestatis auctor

ac Tribunorum creator. Verum & hoc, ut demonstremo statim, & perperam juxta & falso. Creatio Tribunorum incidit in annum imperii Theodosij junioris, qui Honorij erat nepos, novissimum; anno nimirum à nato Christo supra quadringentesimum tertio & quinquagesimo, neque est quispiam scriptorum qui recordetur ullos omnino à Theodosio Tribunos ceratos, imo neq; allegat Anonymus quempiam qui tale quippiam affirmat, non à Theodosio modo sed ab ullo prorsus imperatorum fuisse factum. Cassiodori quem aducit locus pro ipso plane nihil facit, quæ enim ab illo citatur epistola, ut jam non dicam esse eam sine die ac consule, utque & consulto præteream totis quadraginta annis ab excessu junioris Theodosij, & sic à prima Tribunorum ceratione scripsisse Cassiodorum, ea sane Venetos non tangit, uti ex inscriptione manifesto vel ad primum obtutum colligere est. Semper ubi sua ad Venetos Cassiodorus dirigit, Venetorum nomen exprimit, ut videmus ex inscriptionibus quartæ, septimæ, ac vicesimæ sextæ, Libri 12. Variarum ipsius, Ast vero non modo hic nihil tale, sed nec ad fine quippiam, qualis esse possit illa, de qua mox ejusdem Cassiodori inscriptio *Tribunū maritimarum*, imo potius plane contrarium; habet enim illa, epistola pro epigraphe *Formula Tribvnatvs. Provinciarvm et de Tribvno Provinciae*. Nemo est qui nesciat provincias quasi procul victas non alio significato apud Historicos autoresque linguæ Latinæ solitas accipi, quam pro regione, quam armis devictam aut quovis modo in potestatem adductam ipse magistratui suo P. R. administrandam subjecerat, aut pro regione in qua ipse Imperator jussu P. R. bellum administrarat. At neque Venetam urbem pro provincia haberi ipse Anonymus velit qui *exl. 9. ff. de Iudiciis* eam esse Insulam Italiæ asseruit, insulasque

que Italiæ partem esse Italiæ ; quæque & ipsa, ex quo nunquam à Romanis bello superata est, longe abest ut procul victa dicatur. Demus ergo id quod Cassiodorus ait verum esse, atque in Tribunis Provincialibus locum habere, eos nimirum ab Imperatore debuisse designari, non extendet id sese tamen ad illos de quibushæc nostra disceptatio instituta est, Venetos, in quos nihil Imperatori juris fuisse pro comperto est. Ex adverso item pro comperto est traduntque Venetarum rerum scriptores ad unum omnes, creatos primitus fuisse ab insularis Tribunos, idque ex singulis singulos, quas & sexaginta numero fuisse antequam in unum urbis Venetæ corpus coagmentarentur coalescerentque iidem affirmant, neque id collegialiter, aut communi omnium insularum concilio, tanquam ab universis ; sed separatim, ac (si ita dicere liceat) tributim. Tribunorum imperium limitatum fuisse, ac omnium Insularum conventus obnoxium sententiæ, vereque popolare, cum ipsa probet electio, cum ad modum, ut jam dictum est, instituta, tum quod ex annalium Venetorum scriptoribus, nec non & iis qui privatim de Repub. Veneta sunt commentati, notare licet, multotiens Tribunos si quando negotii id exposceret amplitudo in viciniorem continenti insulam Heracleam puta aut Gradum, cæteros insularios convocasse, ibique quæ in rem præsentem essent proposita decretaque, liberri nam omnium insularum ad reddendum suffragium potestate ita ut revera non aliud esset Tribunorum officium, quam ut Insularis quisque suis jus dicerent, & de summa rei in medium consulerent. Accedit quod & nomen Tribuni, sive id cum Varrone à tribu, sive cum Isidoro ab eo quod jura populo plebique tribuerent deducimus, satis arguat magistratum istum fuisse omnino popularem. Contra tam manifestam scriptorum auctoritatem, plane frivolas Anonymi conjecturas

Auras nemo sanæ mentis ut opinor admiserit. Ego sane quantisper his diversa non commonstrantur probanturque, ut credam adduci non possum Tribunitiam apud Venetos potestatem à designatione, collatione aut creatione Imperatorum ortum habere; neque verum si amamus simile vero cuiquam fiat, sexaginta quotannis ab Imperatore Tribunos fuisse creatos, eo præsertim Italiæ statu. Id enim si re vera ita factum, non potuit non & indefinenter & absque intercalatione ad imperium spectare istiusmodi tribunorum creatio, quin etiam si vel & hoc (cujus nobis nulla necessitas) Anonymo concedere lubeat, creandi Tribunos potestatem populo subinde ab Imperatoribus factam, lectosque à populo Tribunos, non nisi auspiciis imperatoriis fuisse creatos; non potuisset tamen ulla ratione ullove pacto licita populo fuisse tribunitiæ potestatis abrogatio. Constat vero ex annalibus, antiquatis Tribunis duceis à populo coepros legi, cumque nec duces placerent, eorum in locum suffectos Magistros militum, eos ipsos postmodum eum Ducibus populum mutasse certum est, ac cum ne sic quidem satis compositæ res viderentur, tradunt annales Dominico Monegario duce eundem populum binos pari cum Duce potestate creasse Tribunos, nullo quaquaversum intercedente Imperatoris aut facti aut jussu, nedum coactis ad hujusmodi ab Imperatore magistratus accipiendos insulans.

Testimonium quod pro se adducit Anonymus, quo Tribunorum temporibus Imperatori Venetos paruisse tradit Leander Albertus, id vero tale non est ut quempiam moveat. Sat recens ille est author & qui in rebus tam antiquis nullum ante se authorem laudet, quod & neque facere eum posse magno sit argumento, quod nec ab Anonymo, qui magnam id ipsum probando sententiæ suæ lucem fœneraturus esset, id factum haftenus. Sed neque & hoc pro vero quis temere

temere credat, solum Leandrum ea à quopiam hausisse aut adnotasse, quæ nulli ante ipsum scriptori fuisse cognita nedum credita, altoque omnium silentio, næ multum facilis sit, qui ejus solius auctoritatem pro oraculo, aut Sybillæ folio amplectatur. Tacedò quod cum hætenus nullum ab Anonymo probatum sit impedimentum, quo minus vel ab V. C. solida Venetos Libertate gavisos memorare liceat, aut id in antecessum probari debuisse, aut eo non probato pro deridiculo habenda, qualiacumque sint illa scriptorum commenta, quibus hoc cum Minerva commane, quod authoris sui cerebro nataleis debeant. Sed tamen quandoquidem nec simplici subjectionis demonstratione contentus Anonymus, Vicariæ quoque notam, Venetis inurere satagit, quando adhuc ille in eo totus est ut Imperatori placeat, quid eum impellat, equidem non assequor, cur, idque nec uno loco, Venetos *sub potestate Græcorum imperii fuisse* statuatur ex Sanfovini fragmento, ex Blondo, *illos Græcoparentes imperio* describat, perinde ac si non videret ea frontibus obversis inter se pugnare, alterutrum necessario falsitatis argui? Est nimirum ipsa per se subjectio individuum quid: pluribusque unum idemque ex asse subjici, ut est impossibile, sicubi plures illi diversam inter sese causam habet titulumque, ita & pro parte in plures distringi dominos, ab accidenti est, deque raro contingentibus. Notum illud,

Nec regna socium ferre, nec tædæ sciunt.

CAPVT XI.

Argumenta Anonymi ab Historicis nonnullis & Panegyristis desumpta non magni momenti. Ex iis, quæ ad pompam dicuntur, certa argumenta non deducuntur.

tur. Valentinianus Venetorum Dominus non fuit. Differunt omne & totum. Locus Pauli Diaconi excussus. Verba quomodo accipienda. Sub diuionem aliquam recipi nulli debent, qui sub eâ nunquam fuisse. Romani Imperatores totius orbis Domini non fuisse. Id ipsum de se Iustinianus testatur. Argumenta in contrarium adducta discutiuntur. Quod de Imperatore, idem de subditis verum. I. C. de jure, non de facto debent respondere.

Illud porro magni ponderis argumentum non est, quod è nonnullis historicorum locis generaliter atque indefinite loquentibus Anonymus deducit, cujus generis sunt illa Diaconi, *Valentinianus consensu totius Italiae imperator efficitur*, item illa Iornandis, *Interim Odoacer rex gentium omni Italia subjugatâ &c.* quæque his similia è panegyricis desumpta, non sine fastu jactat. Velit quidem ille ex generali vocum locutione persuasum, Imperatores per totam Italiam intentionem habuisse fundatam, quemadmodum & complures hoc tempore Germani I. C.^{ti}. eam ex quo mundi Dominus imperator dicitur per uniuersum terrarum orbem fundatam statuunt, sed male: certum siquidem comprimis illud est, ipsam rerum veritatem hac illave unius aut alterius historici enunciatione non immutari. Multo etiam minus panegyricorum scriptoribus hac in partetribuendum. Sunt ut plurimum ampullata ipsorum verba, quibus cum nihil potius habeant, quam ut effuse placeant, mirum non est ea fere semper inaniloquio (sequius ne quid dicam) quam veritati magis esse vicina. Recte Cevalles *com. cont. com. tome 4. 9. 906. n. 24.* ex ijs, quæ ad pompam modo, & ampliandæ dignitatis gratiâ dicuntur, certas demonstrationes arcessi haud

haud debere monet. Sunt nempe voces istæ indefinitæ synechdochicæ, quo pacto & partem pro toto, & è converso totum usurpamus pro parte. Ita & *Cretam* Minos apud Poëtam orbem suum vocavit. *Orbem Romanum* dixit & *Antoninus*, l. 17. ff. de stat. homin. Illud præterea in omni vita observatum, ut verba quantumcumque præcisa limitationem & interpretationem congruam recipiant. Quod si & mihi verborū hīc insistere proprietati luberet, dicere possem, illud quod de Valentiniano adfertur, cum totius Italiæ dominum factum, de Venetis accipi non posse: differunt siquidem inter se omne & totum. Cumque totum sit illud quod unum est & continuum, Quemadmodum & Festo in verbo *cuncti*, omnes etiam cuncti dicuntur sed conjunctim, possem & simul probationem ab Anonymo requirere, quæ planum lectori faciat, Diaconum cum de tota id est continenti Italia mentionem facit, & ad ea sese extendere quæ à continente sint divulsa. Perinde cum & universalis illa locutio Omnis, dicatur de pluribus quæ numero discreta separataque sunt, non item & de ijs quæ specie differunt, ut notat Bald. in c. quanto. col. ult. de ludijs, aliamque longe Reipublicæ speciem constituerint illæ regiones, quæ P. R. agnoscebant imperium, aliam gentes quæ illius in ditionem nunquam concesserant, quid vetet Venetorum cum primis intuitu, quos liberos asserimus, & hoc quod ab Odoacre omnem Italiam subjugatam dicit ad illas urbes regionesq; restringere, quæ ante Barbarorū in Italiam adventū fuerant P. R. sed non ea mihi mens. Tenco memoriā, civiliter intelligenda verba esse, non cavillanda aut captanda; esse quæ in generali sermone tacite excipiantur, ut habet text. in l. si cui simplicius. ff. de serv. Etiam si omne qui dicit, nihil excipere videatur, recipit tamen id interpretationem suam, l. sed si compromissum in fin. ff. de arbitrio. Docet ipsa æquitas, & communis ratio non tantum
verba

verba generalia contrahi & ambigua commodè explicari, sed & à proprietate usuque recepto verborum recedi non-nihil ut sensus evitetur incommodus alienusque, unde generaliter quoque ab omnibus, qui de Verborum scripserunt interpretationibus, observatum, verba omnis, nihil, quælibet, atque alias hujusmodi voces universales in jure restringi ad æquitatis normam. Illam autem hanc esse statuunt omnes, ut disertim Iason. *in l. 1. ff. de Legat. 1. n. 22.* ubi hæc latissime prosequitur 1°. ne ex generali enuntiato sequatur absurdum : ac 2°. ne damnum adferatur tertio. Quid vero absurdum æque quam eos in ditionem receptos velle, qui sub illa ditione fuerant nunquam, aut armis subactos, qui uti id ne fieret in ea se penetrarunt loca, ad quæ armatis aditum loci natura præcluserat? Quid vero juri tertii noxium æquè, quam indiscreta verborum istiusmodi interpretatione Venetorum cum Libertati illudere, quam post in-exhaustam numinis benignitatem prudentiæ suæ juxta & constantiæ ducentis jam supra mille annis acceptam ferunt?

Et poterant quidem prædicta sufficere, ad illas, quas toties reciprocatur Anonymus, hyperbolicas synechdochas, nisi insuper quoque ille vel in frontispicio tractatus sui declarasset, velle se illam, quam sibi in Venetos hodieque imperium Romano Germanicum arrogat, jurisdictionem potestatemque adstruere; quod cum & quos mox nominavimus IC^{ti}. Germani ingenui cæteroquin pro more gentis, candidique, ex universalis dominii capite arcessant, cujus illi vi ac potestate quasi syderati, nihil esse quod non de jure teneatur imperatorem supra se agnoscere mordicus tenent; pedem hic paulisper figam, & Lectorem meum contentus remississe ad libros de Repub. Iohannis Bodini, qui vel Trajani temporibus, quæ latissime Romanum patuit imperium, vixdum id tricesimam orbis terrarum partem com-

complecti potuisse notat; multisque ab omni historia petitis exemplis probat. dicam obiter, ipsam rerum evidentiam contrarium evincere, nec videre me quid de Boccho dicendum sit, quem *neque bello neque pace cognitum Romanis* Salustius ait; gentibusque similibus. Certum, quod neque Syrorum, nec Persarum, nec Græcorum, nec Romanorum unquam ullus Monarcha universum terrarum orbem obtinuit. *Ignem in l. necessarios. §. non alius. ff. ad S. C. Syllanian.* Addamus & Medos, quando, id inter cætera Lyricorum principi votivum videmus, ut vincere

*Triumphatisque possit
Roma ferox dare jura Medis.*

Idem alibi, Sabeæ regis non ante devictos indigerat. Illa Petronij Arbitri,

*Orbem jam totum victor Romanus habebat
Qua mare, qua terra, qua sidus currit utrumque
Nec satiatus erat &c.*

ut nihil amplius, poetica sunt. Modestius alter, magisque concinnè,

*Roma caput mundi quidquid non possidet armis
Religione tenet, sic se Roma inchoyta jactat.*

Et ante illum Tullius, *Quo non arma nostra pervenerunt vel terror armorum pervenit* Orat. pro Plancio. Sicubi de orbe Il. loquuntur, certum est eas de orbe Romano cum Imperatore Antonino loqui, ut modo notavimus, id est de eaparte, quæ populo Romano subdita erat. Ita & Tacitus fatetur Germanos *triumphatos magis quam victos.* Seneca quoque

Germanos & quicquid circa Istrum vagarum gentium occurrat, *gentem* vocat in quibus *Romana pax desinit*. Ille quidem minus recte, si quid è Straboni *libro. 7.* credimus Augustus flumen Albin transire noluit, & illic quietas gentes turbare, ne laceffitæ obsequium exuerent, & vicinas nationes traherent ad res novas. Vnde inferre liceat, haud desuisse pacem, quæ fortean ne cœperat quidem. Cæterum, dubium non est, quin revera gentes istæ, quas Seneca designat, ac ut vagas traducit, extra Romanum imperium fuerint constitutæ sic ut eo ipso quod pars imperii haud essent P. R. pax dicenda sit in illis desuisse, nec male, non ab similem admodum de Roma Claudianus *lib. de laudibus Sullæ*.

*Hæc est in gremium victos quæ sola recepit
Humanumque genus communi nomine fovit
Matris non Domineritu, civeisque vocavit
Quos domuit, nexuque pio longinqua revinxit.*

Consonat quod de Cheruscis Tacitus, *eos ultiam ac marcescentem pacem, dñi illaceffitos nutritulisse* commemorat. Quin & foederum cum Germanis idem Claudianus de 4. consulatu Honorii meminit. Ait ipse,

*Nobilitant veteres Germanica fœdera Drusus
Marte sed ancipiti, sed multis cladibus emptæ.*

Augustum interim hic mihi si quis objiciat, jam senem timidumque, & incertum metu an per invidiam agitantem consilia imperii intra terminos coercendi, eo quod judicaret jactantis esse ingenui (verba sunt Aurelii victoris in Augusto) & levissimi, ardore triumphandi, & ob lauream coronam id est folia, infructuosa, in discrimen per incertos eventus certami-

luminum securitatem civium præcipitare, Reponam etiam Trajanum regendi jam veterè recoctumque, prudenter judicasse, nimia dum ambiuntur, universa multotiens intercepti. Extat ejus apud Dionem quærela. Ægre posse se eas gentes quas devicisset, in fide & officio continere aut à vi & injuria defendere. Verum ut exemplis agamus in dubiis, evincit assertionis nostræ veritatem Iustinianus imperator noster, Ipse ergo ille, cui tamen positam statuam auream malum aureum in universalis Domini signum historici testantur, priscorum exemplo imperatorum Alemanicum, Gothicum Francicum Germanicum &c. sese dicit non tamen universi orbis Dominum. Cui vero non videretur ridiculum plane, siquidem ille totius orbis extitisset Dominus, titulos eum dominationum suarum voluisse contractos, ac paucos illos numero, exiguæque, ad universum instituta comparatione, magnitudinis, enumerare singulatim maluisse, quam universali sibi quod competeret enunciato, omnium titulos unus habere, omnium solus possidere jura? Quid vero quod ne eo quidem ipso tempore Iustinianus, quo se Alemanicum Gothicumque &c. dixit, Alamanorum erat Gothorumve Dominus. Nec est quod quispiam hic me aliena à veri fide proferre suspicetur. Ipsius hujus tam manifestæ usurpationis etiamnum hodieque varii varias assignant causas, Hi quod leges composuerit omnibus ex æquo populis tanquam sibi subditis servandas, quasi legum Romanorum Dominus, juris æquitatisque rector. Quam opinionem merito explodit suis ad *avendo*. Procopiana notis Gabriel Thrivorius. Illi quod spes ipsum teneret firma, recuperaturum sese quandoque eà, quæ ab Imperio Romano vis Barbarorum gentium distincta avulsa. Alii denique quod non insolita dominandi spe totius orbis affectaret imperium: quam ego conjectu-

ram eidem Thirivorio probari demiror sane, cum met ipse fateatur Iustinianum cessisse Francis ea cuncta, quæ Gothi à se devictis sua fecerant belli jure. At quomodo cessisse? nempe abdicato omni quantum in se erat Romani imperii jure. Ita de hoc facto Procopius lib. 3. belli Gothici. *Omnibus Gallia provinciis sua ditioni subditis initio hujus belli Franci cessere Gothi, cum vires eorum non paterentur ut eodem tempore duplici Francorum & Romanorum exercitui obsisterent, sicut jam à me dictum est, nec etiam Romani hujusmodi facto possent intercedere. Quin imo Imperator Iustinianus huic cessioni subscripsit, & reliquarum Galliarum, quas armis sibi paraverant Franci, dominatum ratum habuit. Neque aliter securitati suæ se consulisse arbitrabantur Franci quam si Galliarum suarum integram possessionem manu sua subscripta imperator comprobasset. Vnde factum est ut deinceps Francorum reges quiets fuerint Massilia Phocensium Colonia, totiusque ora illius maritimæ possessores, nuncque in Arelatis Circo sedeant equestris certaminis spectatores, nummumque aureum à Gallico metallo percutiant, non Imperatoris Romani ut fieri affolet characterem solido imprimentes, sed propriam ipsorum imaginem.* Haftenus Procopius. Quæ qui attendet judicaturus est nullo negotio rejectis dissentientium opinionibus ea quæ tuemur esse vero consentanea. Quod porro de Imperatore verum, idem & de subditis imperatoris dicendum. Tralatitium in jure est ut generales istiusmodi voces præterquam quod æquitatem non dedignentur interpretem, restringentibus item verbis coercantur, ut in l. 26. ff. ad S. C. Trebell. *Omnibus civitatibus quæ sub imperio Romano sunt.* item l. 1. C. de summa trinitat. *Cunctos populos quos clementia nostra regit imperium,* etc. Neque enim relativa illa quæ & quos inibi posita aliter accipi possunt, quam ut antecedentia verba universalalia atque indefinita restringant ac sequentibus jungant. Verum nec hic opus, à natura aut potestate verbi restrictivi argumenta petere, ipsum

ipsum quod citamus jus Civile P. R. Liberos populos, Liberas civitates dari commonstrat, & qui tales sint designat, facta vel & insuper distinctione, quo manifestum sit eos non aliunde quam à semet ipsis pendere. *Liber populus est*, inquit IC^{us}. Proculus qui nullius alterius populi potestati subjectus est, siue is federatus est, siue, &c. l. non dubito, ff. de capt. & postl. Et Paulus descripturus quid esset postliminium, ait id esse jus amissæ rei recipienda ab extraneo & in statum pristinum restituenda, inter nos, liberos populos, regesque, moribus, legibus, constitutum. l. postliminium. ff. eod. idque quod miremur etiamnum oppositione facta dum expressim dicitur. *Quæ nationes in diuisione nostræ sunt, cum his postliminium non est, & ex adverso cum populis liberis & cum federatis & cum regibus est nobis postliminium ut cum hostibus.* Similiter in l. postliminii. §. in pace disertim dicitur, *Si cum gente aliqua neque amicitiam neque hospitium neque fœdus amicitie causa factum habemus, hi hostes quidem non sunt, quod autem ex nostro ad illos pervenit, eorum sit, & liber homo noster ab ijs captus, servus sit illorum, Idemque est si ab illis aliquid ad nos pervenit.* Res ipsa loquitur, frontibus adversis ista pugnatura si totius orbis imperator dicendus est dominus. Accedit quod Imperator quoque noster quem (ut hoc illius honori detur) Agathias lib. hist. 5. primum omnium imperatorum, qui Bylantij imperium tenuere & nomine & re ipsa liberæ potestatis fuisse pronuntiat, eam quæ à natalibus, & sic à natura venit libertatem in Afris extollit l. 1. C. de Off. pref. præf. Afr. & ut manifesto agnoscamus ne quidem ipsos imperatores credidisse sese universi orbis esse dominos, fidem ejus fecerint nobis, cum rescriptum illud Leonis C. de Eunuchis l. 2. in §. *Barbara gentis Eunuchos, extra loca nostra, id est Romano imperio subjecta factos emendi vendendique tribuentis facultatem; tum & illud Honorij & Arcadij quod in hæc verba sonat. Mercatores*

eam Imperio nostro, quam Persarum regi subiectos (notentur adverbativæ dictiones) ultra ea loca in quibus fœderis tempore, cum memorata natione nobis convenit, (attend. quod d. l. 7. liberum populum dicat & illum, qui fœderatus est) nundinas exercere minime oportet, ne alieni regni, quod non convenit scrutentur arcana. Quæ cum ita clara atque in aperto sint posita, quis ultra dubitationi locus esse possit non vidco. Nec me movet quod ab imperatorij circa universale dominium juris assertoribus regeri solet, de facto quidem sed non item de jure evenire potuisse, aut & evenisse, ut quædam gentes regiones urbes Imperatori sese subducerent, verum adversus tales illibatum Imperatoris jus etiamnum perdurare, qui non minus contra tales intentionem suam habeat fundatam, quam iis in locis ubi quam plenissime imperat. Nulla siquidem eo nos impellit necessitas, uti Imperatoris nostri rescriptum quem diximus vel naturalem extollere libertatem, uti IC^{ti}. à quo liberi populi definitionem accepimus, responsum, potius ad factum trahamus, quam ad jus; eaque ad vim detorquamus & injuriam, interpretatione prorsus temeraria quæque nec nos qui æqui bonique & esse & haberi sacerdotes velimus, deceat. Est hoc IC^{ti}. munus & officium, ut de jure tantum non etiam de facto respondeat *l. idem erit ff. de stat. hom. l. mora. ff. de usur.* Quin & Leges ipsas deprehendimus, in illis quæ ex facti circumstantiis dependent, certum jus præscribere non audere *l. aut facta. ff. de Pænh. speciatimque l. ultim. C. de huius qui ad eccles. confug.*

C A P V T. XII.

Falsum sub Valeutiniano (&) Odoacre Venetis libertatem non constituisse. Parva eorum initia. Divites plerique poten-

potentesque fuere qui in Insulas concessere. Labacena tunc temporis Respubl. Ro. Veneti Odoacri non parvere. Victus & casus Odoacer. Theodoreti tempora qualia fuerunt. Ejus clementia. Libertas quamvis arctis finibus conclusa, libertas tamen est. Baganda qui fuerint. Veneti nec pro Barbaris, nec pro Bagandis, habiti.

Illam denique quam large in Honorio explicuerat in Valentiniano atque Odoacre præsumptionem Anonymus iterat perque exigua quæ tunc erat Venetorum potentia cum magnitudine ac viribus Romani imperii collata fidem facere annitur non esse credibile Venetos Libertatem sibi parare voluisse, aut & ullam, si quam fortean sese habere crederent, conservare; quin & dedecori Venetos injuriæque fuisse deputaturos, si quis illos inter imperii membra haud accesserent, notissima iis temporibus gentium in Romanos, Barbaros ac Bagandas sive Bacandas distinctione.

Sed non ero hic longus, nam quod exiguas nascentis urbis vircis fuisse dicit, resque multum arctas, ipsum id ut ut fateri velim nihil agat. Non aliæ fuere Carthaginis non aliæ Romæ, non aliæ omnium earum urbium quæ ab exulibus, profugis aut sede sua depulsis originem arcessunt. *sunt ut lib. 5. de finibus ait Orator omnium rerum parva principia, sed sub ipsa progressionibus augemur: quin & jam ante ex Livio adductum à me urbes ut cetera omnia ex infimo nasci deinde quas sua virtus ac Dii juvens, magnas opes magnumque nomen sibi facere,* Tempus illis duramentum accommodat & robur. Quæ de tenui prisorum Venetorum conditione, cui nimis sane inclementer insultat Anonymus ex historia Bernardi Justiniani allegat, non efficiunt tamen quo minus illi, & nobiles
& re-

& rebus salvis apud suos dignitate conspicui aut divitiis prælustreis fuerint. Vt ut enim fuerit in prædictas insulas intratum promiscuè fueritque & promiscue in unum corpus commixta multitudo eorum qui in illa loca concesserant, nihil tamen vero similius (quod & non unus firmat annalium scriptor) quam ut quisque maxime dives fuit, ita & à periculo quam longissime abesse voluisse, quo ne cum omnibus fortunis suis hosti crudelissimo in prædam concederet. Blondum ipsum quem toties pro se adversarius citat audiamus agendum: ait ille in descriptione Regionis Venetæ, *In-
sule eo conclusæ spacto (littoris nempe) quæ habitantur, multos habuerunt conditores, qui in unicam hanc Venetarum civitatem opes & concilia contulerunt, unde hanc Venetarum civitatem pro una regione non immerito à nobis positam esse intelliget, quicumque considerabit, non modo opes ejus, non modo opibus cujuscumque Italie regionis æquiparandas esse, sed multas fuisse urbes, multa oppida quorum excidio hæc unica sit condita. Aquilejam, Altinum, Concordiam, Patavium, Montem selticū, Opitergum, Eracliam, Equilium, Gradum, Caprulas & Lauretum. Quamquam & ex Vicentia Verona Mantua Brixia Mediolano & Tapia ab Attila afflictis, & ab aliis Italiae civitatibus præsertim urbe Roma diversis in persecutionibus nobiles & potentiores quæque Venetias à principio confugisse in historiis abunde docuimus. Igitur Aquilejenses primi Gradum, Concordienses condidere Caprulas. Altinates sicut urbem suam in sex portas divisam habebant sex quoque in stagnorum insulis oppida condiderunt, Torcellum, Majorbum, Burtanum, Amorianum Constantiacum & Armanum, Patavinorum pars Rivum alium & postea Dorsum durum. Montefelicensis Athesiumque Methamaucum Albrolam, Palestinam sive ut Plinius appellat Philistinam & fossam Clodiam quæ nunc est civitas Clugia. Crevit autem illico ab ipso conditionis initio civitas Veneta, quia non à pastoribus sicut Roma, sed à potentioribus altioribusque regionis olim Venetiæ fuit à principio sicut diximus habitata. Ac ne Blondum quoque natione Vene-*

Venetum causetur noster homo, jungamus illi Hieronymum Rubicum civem Ravennatem in sua rerum Italicarum Ravennatumque historia, cujushæc sunt verba, *Neque vero quod plerique scribunt verum est aut verisimile, ejus initium ab obscuris infimæque plebecula hominibus ductum, cum non ij, sed quos nobilitas & fortunarum amplitudo Athilano furori maxime subjecisset propriae salutis consulerent.* Sane quod tanto molimine Romanam extollit magnitudinem, id vero conditioni temporum de quibus scribimus consentaneum non est, nam præterquam quod nulla magna urbs diu quiescere potest, si foris hostem non habet, domi invenit, ut prævalida corpora ab externis causis tutavidentur, sed suis ipsa viribus onerantur. Liv. quodque ut est apud Poëtam,

*In se magna ruunt letisque hunc numina rebus
(rescendi posuere modum.*

Nimiumque vere Philosophus edicat nihil privatim, nihil publice stabile, non hominum minus fata, quam Urbium volvi: Frat ut vel ipso (veritatis ô magnam potentiam!) dum hæc differit, authore, quem pro se adducit Anonimus, Salviano erat, inquam, *Romana Respublica vel jam mortua vel extremum spiritum agebat.* Si pro vero, etiam quam optime ac quam mitissime de Romano imperio sentire quis velit, illud merito dicat de illo, quod de Pompeio suo instituta illius ad Cæsarem comparatione usurpat idem Poëta,

*Stat magni nominis umbra,
Qualis frugifero quercus sublimis in agro
Exuvias veteris populi, sacratæque gestans
Dona ducum: nec jam validis radicibus hærens
Pondere fixa suo est, nudosque per aëra ramos*

L

Expan-

Expandens, trunco non frondibus efficit umbram.

Illa quæ porro in dicta comparatione continuat,

*Sed quamvis primo nutet casura sub Euro,
Tot circum sylvæ firmo se robore tollant,
Sola tamen colitur.*

quam non cadant in conditonem illorum temporum jam ante notavi, repetat ea si tanti id est benignus lector, quo ne jam dicta geminatim repetere sit necesse.

Interim cum ab excessu Valentiniani moderandis imperii habenis Maximus sit admotus, Maximum Avitus exceperit, Avitum Majoranus, Majoranum Severus, Severum Anthemius, Anthemium Olybrius, Olybrium Glycerius, Glycerium Nepos, Nepotem demum Augustulus, quem imperio deturbavit Odoacer, mirum sane nihilque minus quam simile vero, nihil interim toto isto vicennio (tantum enim est spaciū quod inter Odoacrem Maximumque intercurrit) obvenisse, quo Romani imperii majestatem adstruere, adversum Venetos asserere possit adversarius; aut si omnino nihil tale quid obvenit tantum tamen roboris viriumque aut imperantibus, aut imperio fuisse, quantum ipse fuisse credi vult, nemo credat. Ut vero & ad illud quod de Odoacre à præsumptione deducit respondeam, equidem si præsumptionibus locum facit, nec rerum gestarum fides patiatur, ut verosimile cuiquam videri possit Venetos Odoacri paruisse. Annalibus si fidem habemus, vixdum ille Italiam in regnum erexerat cum statim à Theodorico armis victus fuit, ac Ravennæ per totum triennium obsessus, tandemque deditione facta cum vix tantillam regni portunculam esset depectus, per speciem litis, à ipso ut credi ut Theodorico, quod non nisi sublato belli duce requiem

quem fore prospiceret, motæ, saltem jussu Theodorici interfectus est. Initia Theodorici satis exagitata fuere. Rebus pacatioribus ac subsidentibus paulisper bellorum minis, tantum abest ut ille tenellam ac caput attollere occęptantem, tanquam quæ Romanæ adversaretur potentia, Libertatem attriverit presseritve, ut & ipse Ravennę sese cum aula sua contentus continere, ne quicquam in urbem illam unde in omnem regionem (quamvis ea potius dicatur) intrare quo sibi sedem defigeret, sustinuerit. Potens ille fuit, fateor, sed & pacatus placidusque collegit sub illo afflictæ Italia spiritum jam fatiscentem & cum ea respirarunt & à calamitatibus suis illi, qui in penitiora Hadriatici maris sese abdiderant. Aurea illius apud Cassiodorum verba sunt, *Pietati nostræ remedio surgant, qui fortune sua acerbitate corruerunt.* Quorsum vero imaginari attineat cum qui populis quietem, sæculo pacem suo reddere sese velle gloriatur in eos quos sibi nullatenus metuentes sciret ac longis defessos malis novisset, ferire?

*Fortuna amorem pejor inflamat magis,
Ipsas misericors fors an arumnas amat.*

ait Seneca in Herc. Oetco. Notum illud ejusdem authoris,

Miseros magis fortuna conciliat suis.

Quid quod & illud regi magnanimo clementique (talem siquidem illum Historiæ, nisi quod ad extremum Boëtii ac Symmachi consularium virorum cædes multum ei de clementiæ laude detraxerit, volunt) nihil æque ad laudem famamque fuerit profuturum? Gloriatur occasione non dissimili de Atheniensibus suis Aristides, esse ipsis

L 2

χωφου
πολλῶν

ποπλὴ πρὸς τὰς ἀθμεῖς ἐλεῖ τ' αὐτοχρῆνταιν, εὐ κενὸν, ἀλλὰ ἀφελὲν εἰς ἑωτηρίαν, id est, ingenitam in infirmos propensionem & in infœlicis miserationem sive misericordiam, non evanidam illam, sed quæ vel ad salutem sufficeret. Cui non abludivit quod de Mario Florus. *Facile invenit exercitum miser Imperator.* Sed his omiſſis, agendum id quod vult salva veritate, largiamur Anonymo, nempe vel eo quo ipse deprædicat loco res Romanas fuisse, concedamus acciſas & perquam angustas fuisse Venetorum res, quid inferat tamen? Sæpe majori fortunæ locum fecit injuria, multa ceciderunt, ut altius surgerent, & in majus; etiam Venetorum reddere Libertatem potuit infirmitas, potuit ipsa inopia præstare non invidendam, iis præsertim quibus non poterat non esse periculofum imperium nimis quod esset grave, quibusque cum nec ad capiendum quid ultra, nec ad continendum facultas suppeteret ad fœlicitatem abunde sufficeret, si nihil eorum, quæ tanquam ex communi naufragio receperant recollerantque, denuo amitterent. Libertas interim quantumvis arctis circumscripta finibus æque Libertas est, atque est illa quæ longe lateque sese diffundit.

*Nihil colosso demit aut addi: Basis,
Nihil cothurnus adjuvat nani statum.*

Vtque Scholastici loquuntur majus minusve rei speciem non immutant. Aliud plane fecerit Anonymus, si quod præsumptione ante capit re ipsa, ac de facto obvenisse dicat, quæ si ipsi mens, expecto jam dudum quibus historicorum auctoritatibus sententiam suam tam à vero alienam sit adstruaturus.

Illud & intranscursu subjungam, ad rem non facere quod cum Salviano dicat omnes aut pro Romanis habitos aut pro Bar-

Barbaris & Bagandis, unde & Venetis nisi pro talibus haberi velint, fatendum, sese ad rem Romanam spectasse. Notatum jam ante, quod nunc non repetam, divisionem denominationemque hujus aut illius historici veritatem rerum haud immutare. Est & insuper inepta ista in Bagandas (perinde ac si vel hilum à Barbaris differrent) divisio, nec satis assecutus fuisse videtur qui Salvianum allegat Anonymus, quod qualescunque Bagandæ fuerint. Constat impositum fuisse nomen Bagandarum nonnullis Galliarum rusticis, quos Amandus ac Ælianus intolerandis Carini Cæsaris injuriis exacerbati, sollicitarant. Bagandas, adsumptum à Caro ad imperii consortium Maximianum, prælio fuisse auctor est lib. 1. historiarum suarum de occidentali imperio Carolus Sigonius. Assumendo, neque barbaros quis Venetos dixerit, nisi ipse barbarus. neque etiam Bagandas, ut quibus nec ulla ratione metuendum erat, ut aut pro barbaris haberentur aut Bagandis: quanquam nec video quid ex eo dedecoris ignominiaeve in ipsos derivari potuisset: neque etiam facile crediturum quempiam existimo, Venetos id temporis de vita fortunisque suis conservandis sollicitos, inque exædificanda quam sibi delegerant sede plus satis occupatos, istiusmodi cognominis injuriam magnopere fuisse curaturos, nedum facturos tanti ut quam suo sanguine, suis sudoribus pepererant Libertatem, scommatis, quod ne quidem eos tangere poterat. evitandi gratia turpiter è manibus judicarent abjiciendam & alienis imperiis subternendam.

Esset quidem hoc loco non modo non inconveniens, verum etiam per necessarium ostendere quam non ingenue totum oræ regionisve Venetæ tractum Anonymus cum ipsa urbe Veneta confundat, quamque & perperam ea inter sese esse separata, necnon & ab authoribus separatim esse intellecta sibi ille probari desideret, utpote quod nostris

pro Veneta Libertate vindiciis multum lucis allaturum esset, plurimumque facilitatis additurum solutionibus quas ad objectas ab Anonymo scribentium autoritates adferimus. Verum enimvero quantumvis summo labore complurima à me in eam rem privato lucubro fuerint conquisita, antequam ea videram quæ Philippo Cluverio notata sunt, simulque & ab Angelo Portenaro, qui speciatim edito apologetico, eorum Libertatem qui ante urbem conditam Veneti dicebantur, tutatus est, ea tamen prætermittere satius habui, cum ne aliorum compilasse scrinia redarguar, quod homini ingenuo ut inglorium, ita etiam turpe ac probrosum esse semper existimavi, tum quod & illud tam accurate tamque sedulo ab ipsis sit præstitum, uti neque vel ad spicilegium quippiam relinquere voluiss: videantur iis qui post ipsos simile quid designare aggredive in animum induxerant. Debitam illorum capitibus coronam ego non detraham, priores me ea annotarunt, episcipium ferant, ac insuper etiamnum, quandoquidem illorum scripta ætera laude sane dignissima omnium manibus teruntur, Lectorem meum rogatum volo, ut quæ alioquin nostrum fuisset hoc loco commonstrare, ex illis petere non dedignetur. Si qua mihi fides, pulchra sunt, accurata; jucunda.

CAPUT XIII.

Canonisarii Venetiarum qui sint apud Cassiodorum. Canon vel ex imperio, vel ex conventionione solvitur. Canon à Venetis solutus protectionis causa, salva Libertate. Frustra ex canone soluto subditos Imperatori Venetos fuisse probare nititur Anonymus. Canon

*non pactionis nomine saepe venit. Tributorum triplex
genus, Canon, Oblatio, Indictio.*

MAgnum subjectionis argumentum Anonymo illud esse videtur ac vel solum per se ad eam probandam sufficiens, quod nonnullæ Cassiodori reperiantur Epistolæ cum hac epigraphæ **CANONICARIO VENETIARVM**: fuerint autem Canonici, exactores annuorum Canonum: quos si Imperatores habuerint (quemadmodum id omnino negari non potest) dubium non sit, quin & imperatori subditi fuerint illi, à quibus istiusmodi canones exigebantur; præsupponente nimirum jurisdictionem istiusmodi canonis exactiōe, unde & deinceps irrefragabiliter è jurisdictione subiectio inferatur.

Hoc ad argumentum ut respondeam considerandum in subiectâ nobis materia non sufficere, quod dicatur exactum solumve fuisse canonem, nisi & exprimatur eum exigendi solvendiue causa. Solvitur quandoque ex imperio canon, quandoque ex conventionē, estque ipse canon, ut & census, vel subjectionis indicium, vel redemptæ Libertatis, aut impetrati ab altero privilegij grata remuneratio, aut denique quod protectionis gratia debetur; plures canonis solvendi causas non invenio ab Authoribus assignari. Cum ergo neque vi à Romanis Veneti fuerint subacti, neque ultione concessione aut mediante juris vinculo in eorum concesserint ditionem, absit, ut istiusmodi canonis exactiōnem pro servitutis indicio accipiendam ducamus. Absit item ut cum neque & illi sint antestati, sese Libertatem, quam à natura habebant, quamque gentium jure firmatam asserabant stabilemque, solvendo canonem redemisse, nos id dicamus; quem porro si protectionis gratia persolverint (quod nec à temporum, nec à regum Venetarum condicio-

ne ac

ne ac statu abhorreat) jam tum certum est, nullum ex istiusmodi contributionibus subjectionis argumentum posse desumi. Canon adhuc, qui subjectionis indicium sit, exigere non potest nisi dominus illius, à quo ille exigitur, aut qui domini vices sustinet, quod numquid in imperatorem cadat nec ne, id vero demum est, de quo controvertimus, saltem quoadusque id ita esse non evincitur, merito nec ea, quæ pro istiusmodi potestate, aut vi potestatis istiusmodi dicuntur gesta, subsistere dixerimus. Pro redimendâ Libertate aut impetrandis privilegiiis non nisi ratione competentis Domini quid exigi posse juris ratio dicat, quod nos item in imperatorem cadere posse constanter negamus.

Protectionis vero causâ licite vel quilibet protector canonem petit, verum salva Libertate illius à quo cum sibi solvi desiderat, nimirum ut supra ex l. 7. de capt. & poss. rev. citavi, *liber & ille est populus, qui non aequali fœdere in amicitiam venit, puta si fœdere comprehensum sit, ut à populo alterius populi majestatem comiter conservaret.* Hoc enim adicitur, ut intelligatur illud populum superiorem esse, non ut intelligatur alterum populum non esse liberum, quemadmodum & clientes nostros intelligimus liberos esse, etiamsi neque autoritate, neque dignitate notè pares sint, &c. Hoc nomine modove, si Canoniarum Venetiarum Imperatorem habuisse, dicere velit Anonymus, neque me sibi habebit contradictorem. Potuit hac ratione obligatos sibi Veneros Imperator habuisse, dominus eorum existere non potuit. Aliter si sentit ante omnia probandum erit ipsi, non ratione aut intuitu juris alicujus privati, sed pro plenitudine potestatis solutum fuisse canonem; item nec ex conventionem partium, sed mero imperantis jussu, & sic in argumentum subjectionis. Expectabo quos ille actus sit enumeraturus, qui istiusmodi canonis solutionem fuerint comitati; expendamque numquid & illi tales extiterint, ut efficaciter

caciter ex ijs, illa quam sibi probandam defumfit, inferatur subiectio. Quo verò (ut & hoc obiter notem) solum verius ex pacto canonem, quam pro imperio, constet: animadvertendum, & ipsum canonem pactionis nomine venire, ac sic depacisci solitum, ut videre est in *l. etiam. de Obseq. patron. prest.* ubi dicit Imperator Alexander, jure omne obsequium debere dominis, etiam qui pactione datâ, à dominis manumittuntur: ad quam L. Gothofredus verbum pactionis pro canone accipit, quemadmodum & *Novella 120. c. 1.* pactum eodem significato accipitur pro canone, verb. *sub isto pacto accipiat* uti & ante Gothofredum notavit Cujacius in *l. 7. §. quod fere. ff. de pactis.* & ex eo in commentarijs suis ad Alexandr. Imp. rescripta Chassanæus. Est & hoc observatu non indignum, tributorum genera Asconio Pediano tria constitui Canonem nempe, oblationem & indictionem, quorum indictio ut est, quando id quod imperatum est recusatur, ita oblatio à voluntate magis offerentis, quam ab illius cui offertur imperio dependere deprehenditur. Canonem denique exemplificando constituit in portorijs.

Quidquid verò portoriorum nomine exigi solet, id merciorum jura concernere potissimum, nemo est qui nesciat, uti & ea, sic usu exigente & humanis necessitatibus, locum habere etiam intra illos, qui neque propter sese parerem, neque & alias superiorem agnoscunt quempiam. Subjectionem autem per semet sola quod inferat, nisi speciatim id inter contrahentes actum fuerit, à nemine traditum hactenus est, imo potius istiusmodi non interveniente partium utrimque pacto convento, contrarium statuendum est. Caldev. cons. 5. de privil. per totum.

CAPVT. XIV.

Epistola Cassiodori ad tribunos maritimorum excussa. Tribunorum maritimorum nomine Veneti non intelliguntur. Istria populum Imperatori subditum non fuisse probatur. Veneti ab Istris disertim in epist. Cassiodori separantur. Multum mandatum à jussu distat. Isti fœderati P. R. Devoti & devotionis vocabulum explicatum. Devoti dicuntur, qui sese in alterius amicitiam deditere. Devoti pro externis sumpti. Allophyli qui sint. Imperium cadit etiam in liberos, æquales, fœderatos. Non verbis, sed æquo iustoque pugnandum.

Consequens est alterum Anonymi ut nunc examinemus argumentum, quo prædictam, quam intendit Venetorum subjectionem probare tentat, suggestit illud ipsi ejusdem Cassiodori epistola, lib. Variarum duodecimo, ordine quarta & tricesima, ad Tribunos maritimorum scripta; quam licet ille verbotenus transcripserit, additisque postmodum de suo commentariis ampliarit, nulla mihi tamen idem faciendi videtur necessitas; neque enim metuendum erit, ne mutila referendo verba sententiasve minus plenas, de fama aut candore periclitetur. Sunt illa quæ ad eam adnotare voluit istius generis, ut lectorem moratura non sint, utpote & sine quibus cœptæ disputationis filum absque offensa ulla aut remora facile sit pertexere, iis modo excéptis quæ ad priorem epistolæ periodum adduxit. Est ea hæc verbotenus.

Tet.

*Tribunis maritimorum Senator præfectus Prætorio :
Data pridem jussione censuimus , ut Istriæ olei & vini
species , quarum præsentī anno copia inclita perfruitur
ad Ravennatē fœliciter dirigeret mansionem , sed vos
qui numerosa navigia in ejus confinio possidetis pari de-
votionis gratia providete , ut quod illa parata est tradere
vos sub celeritate studeatis portare , similis quippe erit
ejusdem gratia perfectionis , quando unum ex his dissocia-
tum adimpleri non permittit effectum . Estote ergo
promptissimi ad vicina qui spacia sæpe transmittitis infi-
nita , &c.*

Hanc ergo ad suum propositum Anonymus ut app'ic. t,
ait cum ex inscriptione , quæ præfert eam esse scriptam
TRIBVNIS MARITIMORVM , tum & ex ipso textu
satis apparere , Cassiodorum eo nomine Tribunos Venetos
designasse , qui Venetorum Tribuni cum eodem habeantur
modo , quo Istriæ populi , qui populi Romani erant sub-
diti , cumque & jubeantur pari devotionis gratia id quod Istriæ
populis imperatum erat perficere ; idque verbis *estote prom-
tissimi , providete , reficite* , & quæ his similia sunt , ultra dubium
non esse ille putat , quin & ejus , qui ita jubeat , imperio
Veneti fuerint subditi . Videamus utrum recte . Inscriptio-
nem epistolæ quod attinet , certe ea planum non facit ma-
ritimorum Tribunorum nomine Tribunos Venetos desi-
gnatos , eos nempe Tribunos , quos abrogato consulibus
imperio urbis Venetæ aut earum quæ successu temporis in
unam urbem coaluerunt insularum habitatores sibi elege-
rant : certe verbi *Maritimorum* indefinita generalitas , istius-
modi restrictionem non admittit , atque ut ut maxime de

Venetis esset intelligenda, multo tamen prius in toto tractu maris Hadriatici, qui singulari numero Venetia dicitur, quam in urbe Venetiarum sola locum sibi ea vindicaret. Sed vel demus verum esse, quod credi vult Anonymus, sit epistola illa speciatim ad Venetorum Tribunos data, non tamen ex illo quod ipse vult sequetur eos Imperatori paruisse. Nam quod pari modo eos habitos fuisse dicit cum Istriæ populis, illos autem Imperatori fuisse subditos, ejus neutrum pro comperto est, imo contrarium potius. Dicitur inibi de Istriæ populis censuisse pridem data jussione Præfectum Prætorio ut Istria vini & olei species ad Raven-natem dirigeret mansionem. Ast vero jussionem illam in Venetis non geminat, quin potius postquam quid data jussione censuerit exposuit Venetos ab Istriæ populis separat verbis *Sed vos &c.* item verbis *Quod illa parata est tradere, vos studeat sub celeritate portare.* Quæ verba non tam jussionem, quam mandatum, nec id omnino strictum, sapiunt. Multum à jussu mandatum differt, estque vel ipso fatente Anonymo inter impares & inæquales jussus, ut inter patrem & filium, dominum & servum, magistratum & subditos: mandatum vero inter pares & æquales, inter quos imperium non est, ut inter amicos.

Deinde dicit quidem ipse, sed non probat Istriæ populos, ut subditos ad imperium Romanum spectare. Illud ex Sigonio cæterisque rerum Italicarum scriptoribus constat, perinde ut Athenis, Corynthis, Thebis, Spartæ cæterisque Græciæ urbibus plenum in semetipsas erat imperandi jus, neque tamen eo minus inter sese foedere contra Persas colligabantur, ita & plerosque Italiæ populos cum summum etiam in sese suosque imperium haberent, cum Populo Romano foedere fuisse junctos. Istrios eundem ad modum Populi Romani extitisse foederatos quo minus credamus
■ nihil

nihil impedit servitute non probatâ. Scio regeret hoc loco Anonymus verbo DEVOTIONIS plenariè servitutem confieri; atque quandoquidem *parem devotionis gratiam* præfectus prætorio proponit, non minus quam Istriæ populos, quorum ille alibi regionem devotam provinciam vocat, subditos imperatori fuisse Venetos. Ego vero illud nego, *devoti* aut *devotionis* verbum subjectionem inferre; super cujus dictionis efficacia Barnabam Brissonium eleganti suo de formulis tractatu qui volet consulat. In subjecta nobis materia notasse suffecerit verbum illud in malam olim acceptum fuisse partem, nunc vero usu,

Quem penes arbitrium est & vis & norma loquendi,

semper accipi in optimam, affectusque prolixè proni benevolique (unum divini numinis excipio cultum) promptitudinem designare. Aliud est subditum esse, aliud amicum. Si quis tamen scribere desiderat qui proprie dicantur devoti, is ita habeat, proprie devotos dici qui sese in alterius amicitiam dederunt. Faciunt id clarum verba Cæsaris libro 3. de bello Gallico. *Alia ex parte oppidi Acanthiannus (exitum molitur) qui summam Imperij tenebat cum sexcentis devotis, quos illi soldurios appellant, quorum hæc est conditio ut omnibus in vita commodis fruantur cum his quorum amicitia se dederunt, si quid jù per vim accedat eundem unâ casum ferant; aut sibi mortem consciscant, Neque adhuc hominum memoriâ repertus est quisquam, qui eo interfecto cujus amicitia se devovisset mori recusaret.* Hactenus Cæsar. Hoc significatu in jure sumi pro fideli amicoque, sicubi dicitur *devotus possessor, devotissimus miles*, quæque ejus generis plura sunt, neque ipse diffitetur Anonymus. Nos vero quod si verbum *devotus*, ita accipere volumus, prout id etiam in jure nostro acceptum videmus, manifesto id non subjectionem, sed quæ subjectioni adver-

sa est Libertatem inferre deprehendemus. Notum illud Poëtæ,

*Omnem equidem terram, sceptris quæ libera nostris
Dissidet, externam reor.*

Verbum autem devoti in jure alienigenam externumque denotat, ut observare est in *l. à legatis. C. de vectigal. & commiss.* ubi verba *Gentium devotarum* Græce sonant τ ἀλλόφυλων ἔθνων, id est, *externarum gentium*, quod & clare evincunt verba *d. l. quas de locis propriis unde conveniunt huc deportant.* Scimus & passim in sacra pagina Allophylorum nomine indigeratos fuisse Phylistæos, easque porro gentes, quibuscum ut misceri Israëlitis nullatenus licebat, ita perpetuo ut eos bello prosequerentur Deus injunxerat. Ipsum & insuper ἀλλόφυλος etymon hominem alterius classis sive alterius tribus sonat. Ad quæ si attendatur, nos illos Istriæ populos, nec non & Venetos pro externis habitos fuisse dicere non inconvenienter possemus, imo & eadem ratione liberos. Ut ut enim quam latissime Cassiodori verba interpretari, aut extendere revelimis, fateamur attamen necesse est, ad summum ex illa majus ampliusve quid haud posse colligi, quam illos ipsos, quibus ea scripta est, quod de Tyrijs Curtius ait, sub tutela Romanæ mansuetudinis acquiescisse. Amplius si quid elicere posse sperat Anonymus non equidem invidéo, miror magis. Ego saltem quid & quale futurum sit vel cogitatione me præsumere non posse fateor ingenue. Ast sunt, inquit ille, verba epistolæ istiusmodi, ut non monitum, non consilium, non preces inde colligas; sed absoluta, regia & patendi necessitatem injungentia verba. At tamen, nec hic omnino veridicus est. Illa sane verba, *studeatis sub celeritate portare*, item, *festinetis excurrere*, non tam imperio, quam ordini directionique esse commoda nemo non judicet. Sed

est.

esto, largiamur & hoc Anonymo, ac non mandati modo sed vel & plenariæ jussionis concedamus effectum, ergone ipse jussus, ipsum imperium, ut de verbis nihil jam dicam, non cadit in æquales, foederatos, liberos? cadit vero. Ipsum imperium si respicimus audiamus de Alexandro Curtium *Ex fœdere naves socijs imperat, quæ Helleſponto præſiderent.* lib. 3. Imperativa verba si requirimus offerent ſeſe nobis è veſtigio Ætoli liberi illi & majestatem populi Romani duntaxat comiter conſervantes. De his ita Livius *Diu jactati Ætoli ut ad conditiones pacti convenirent, effecerunt. Fuernnt autem hæc, imperium majestatemque Populi Romani gens Ætolorum conſervato ſine dolo malo, ne quem exercitum qui adverſum ſocios amicosve eorum ducitur, per ſines ſuos tranſire ſinito, neve ulla ope jurvato, hoſtes eoſdem habeto quos populus Romanus, inque eos arma ſerto, bellumque pariter gerito, perſugas, fugitivos captivosque red- dito.* Agnoſcet hic, ut opinor, verba imperium ac dictamen ſpirantia noſter Anonymus. Fecit id ante ipſum in *Orat. pro Balbo* Marcus Tullius dum inquit, *Primum verbi ge- nus hoc conſervandi, quo magis in fœderibus, quam legibus uti ſolemus, imperantis eſt, non precantis: deinde cum alterius populi majestas co- miter conſervari jubetur de altero ſiletur, certe ille populus in ſuperiore conditione cauſaque ponitur cujus majestas fœderis ſanctione defenditur.* Sed nec & minus fatebitur vel invitus eam ipſam gen- tem, cui tam imperioſæ fœderis dicuntur leges eſſe ex aſſe liberam, ita ſtatuyente IC^o. Paulo in allegata ſubinde l. non dubito, de *Captiv.* quin vero ſi totam ei perlegere legem lubet & noviffima ejus verba notare, quæ ſic habent ſiunt apud nos rei ex civitatibus fœderatis & in eos damnatos animadverſi- mus, ſi conſiderare jus illud animadverſionis in 'ocios fœ- de-atosque non tam ratione delicti Romæ perpetrati ena- tum, quam è nudo & abſoluto imperii jure exortum, ut elatum faciunt illa Crispi in Catilinaria, *ea poteſtas* (nempe vide-

viderent Consules nequid resp. detrimenti caperet) per Senatum Magistratui Romano maxima permittitur, exercitum parare, bellum gerere, coercere omnibus modis socios atque cives, domi militiaque summum imperium ac iudicium summum habere. Si pendere porro secum velit Iudicia in invitos dari, nec minus omnibus in ore esse: Qui te iudicat Dominus tuus est, ac nihilominus foederatis istiusmodi populis rationem Libertatis constare, imo vero eos ipsos Libertate frui illæsa, nec ulla sui parte imminuta, desinet ut opinor deinceps verba captare cavillarique. Est nobis de Iure, & de facto quæstio, non de verbis: eam cum Innocentio pertinacibus relinquamus. Callide verbis controversias dijudicare velle, non æquo & bono, nec ingenui est, nec generosi. Esset hoc cautionare bellum, non belligerare. Præclare ut omnia non verbis literisque, sed veritate atque adeo communi utilitate exprimenda jura, Orator monet, idem nec minus cordate è campis requitatis ad verborum angulos vetat revocare.

C A P U T. XV.

Frustra Anonymum conari libertatem Venetam subvertere, quia Salvianus, & Justinianus ejus non meminere. Mentio scriptorum nec addit aliquid ejusmodi rei, nec demit.

Illud vero leviusculum est, quod de Salviano Massiliensi Episcopo dictum antea, mox & de Justiniano repetit Anonymus, nullam eos nimirum Venetæ Libertatis mentionem facere, etiam sicubi contingit eos ex professo, ut de Justiniano constat ex proemio Novellæ vicecimæ novæ, de Venetis loqui. Non esse autem credibile, si qua

Vene-

Venetorum eo tempore fuisset Libertas, com moda in id sese offerente occasione, ac vel invitante, rem tam notabilem silentio fuisse pressuros. Colligendum ergo vel ex illo, nec ullam ijs competijse statuit; quasi vero potuerit à Salviano aut ab Imperatore facta mentio Venetorum Libertati addere quippiam aut detrahare. Quis non videt fortuitum esse & ab accidenti id omne quod ab istiusmodi mentione deducitur? Potuerunt illi meminisse Libertatis Venetiæ, potuerunt eam silentio præterire, pro ut visum fuit, nihil inde Venetis compendij, præjudicij item nihil. Sed nec interim verum, occasionem eò velut invitasse Imperatorem. Adeo ex allegata novella deprehendere non potui, necessario Imperatorem nostrum de Veneta Libertate mentionem fuisse facturum, ut ne quidem appareat probabiliter id ipsi fuisse propositum. Accedit quod nec Anonymo in proposito nobis themate, si argumento ab autoritate sententiam suam defensam cupit, simplici negativa defungi liceat: affirmativæ inhærendum foret ei, nec authoritati ut authoritati, verum etiam ut ad id quod intendit adstruendum habili. Ea quæ à fide dignis dicuntur haberi pro veris est tralatitium, sed nec ex adverso ullius tanta unquam autoritas fuit, uti ex eo solo, quod cum probabiliter naturam veritatemque rei habere cognitam posset, nullum tamen scientiæ suæ ad posteros transmiserit indicium, statim qua veritatem, qua existentiam rei ob id in dubium revocare fas sit. Tritum est illud argumentum ab autoritate negativè non procedere. Tantum vero abest, ut habilis esse possit hoc nostro casu negantis autoritas, ut nec ea vel affirmantis obstatere possit. Ponamus agedum, (quod tamen factum nunquam) adseveraturum fuisse Imperatorem Venetos de quibus disputamus ad imperium suum pertinuisse, quid tamen inde præjudicii, quantisper non constat popu-

N lum

lum Romanum eos aut vi aut jure suos fecisse? ut ut enim deferenda foret, ut certe foret Imperatori fides, in iis, quæ jurisdictionem respicerent imperatoriam, cessaret tamen fundamento jurisdictionis sublato omnis illa autoritas, non jam ultra publica, sed privata merè, neque tantum sui valitura momento, ut vel punctum temporis subsistere tue-rique sese posset adversus illam Libertatem quam hætenus monstravi nullo non jure Venetis competere.

C A P. XVI.

Cetera adversarii argumenta diluuntur. Turbata in Anonymo methodus. Agathie locus excussus. Adversatur sibi Anonymus. Gothi Veneti non fuere subjeæti.

Hætenus aliquo saltim ordine argumenta Anonymi refutare licuit, idem ut & in posterum faciamus sperandum non est, adeo ille ordine non servato capite Tractatus sui tertio probare conatur Venetos exterminatis pulsisque Gothi postliminio in ditionem Imperii reverbos, in qua per aliquot deinceps sæcula perseverarint. Etsi vero & hic quoque ea quæ ab ipso adducuntur incerta capita dispescere, nec factu difficile foret nec inconueniens, ac fortassis etiam lectori non ingratum, omitti id tamen visum satius, quo ne quispiam judicer id non tam à me factum consulto, quam quod ad objecta respondere me posse diffiderem. Tolerabilior ergo mihi visa est qualis qualis de Vitio ordinis querela, quam vel aliquantulum uper candore meo præjudicium. Quamquam non est quod tantopere id nos sollicitos habeat, quandoquidem ipsum illud quod refutamus.

mus Anonymi scriptum, servata saltem quoad fieri potuit annorum serie continuatum sermonem deducit. Legam ergo præeuntis vestigia & quem ille in probanda Venetorum subjectione ordinem servat, in asserenda eorum Libertate servabo.

§. I.

AGmen illi ducit Agathæ locus, qui libro *historiæ suæ secundæ* de Gothis sic inquit, *cogendas sibi id tempore* (instante nimirum cum exercitu Belisario) *unde quaque vires suas putabant, subitoque quotquot supervacui, neque admodum oportuni videbantur, missos faciendos, quippe qui non amplius de principatu & gloriessent concertaturi, sed jam pro Italia ipsa, neve funditus delerentur, periculum adiuri.* Hunc ut profese adducat Anonymus, ait ex illo Agathæ loco manifestum esse, Gothos ante id tempus in quæta Italiæ possessione fuisse, neque ullam aut ipsis aut Venetorum libertatem, (exemptionem ille vocat) fuisse cognitam, verum non leviter hic hallucinatur & cespitat scriptor, nisi omnia nos fallant Historiarum monumenta. Certe ut omnino ulli mortalium nec diuturna potest esse possessio in quam gladio inductus sit, ita nec quæta, quantisper is cui pervim ablata possessio est ei recuperandæ intentus agit, & quæ sibi pervim erepta videt, aut intercepta dolet, ab invasore conatur avertere. Expedias mihi, te rogo Anonyme, ecquæ Gothorum sub adventum, ecquæ quo tempore Italiam inundaverant Cæsarum fuit autoritas? Si aliqua, falsum est quod ex Agathæ loco deducis, sin omnino nulla, quin fateris falsa esse quæ de Originaria Venetorum subjectione sparsisti. Quin saltem quo ad Imperatores tuos, quod in communi sermone est, liberas ædes habuisse Venetos confiteris? Ast

vero ubi & nunc tibi magna illa nomina, Honorius Valentinianusque quos mox totius *Italiae dominos* laudato auctore prædicabas? ubi quem tanto modo fastu crepabas formidabilis ille Cæsarum ad Aquilegiam exercitus? nimirum & Gothorum inter arma silent tibi numerosæ illæ leges, quas in vicino urbis Venetæ tot annos continuos tulere Cæsares: nec earum satis es memor quæ mox è myrothecijs panegiricorum deprompta tanta affectuum animique contentione geminabas: prope est ut nec Cæsar tibi neque regum quispiam supersit, cui alter Ennodius dicar, *minui existimas quod non crescit Imperium*, aut ejus generis similia, quæ non ita pridem tantæ tibi videbantur autoritatis, ut neminem aufurum fuisse dicas de libertate Venetorum vel verbum facere, ac ne cogitatione quidem non vigilantem modo, sed & neque per somnium præsumere. Compose mihi quæso hinc Gothos rerum in Italia non dominos tantum, sed & pacificos, cum Cæsaribus tuis, tantis vel te auctore, majestatis Romanæ zelatoribus, ut earum quæ ad imperium spectarent regionum, ne spithanam, ne passam manum, ne latum pedem (agnosce hic tua ipsius verba) passuri fuerint ab alio detineri. Habet sane imaginem falsitatis quidquid à vero abscedit, ac miror Anonyme & Gothis quietam Italiæ possessionem temet largiri, ac nec contentis solum, sed & quâ in insulas divellitur; cum nec ignores verosimile haud esse, gentes immanitate barbaras ad ea divertere voluisse, quibus invictam securitatem & loci natura & necessariorum quæ ad explendum, qua ad alendum exercitum inopia rerum præstaret. Eoque impensius miror, quandoquidem tutemet ipse fateris nec Gothis quando & quam maxime isthuc divertere voluissent, ad manum fuisse navigia transmittendo exercitui, nisi fortean & homines illi fuerint de volucrum genere, aut tu aliquando perticas hastas-

hastafve queis se illi saltu libraverint in Venetorum æstuaris,
nobis es adducturus.

§. II.

*Veneti Constantiano non parvere. Frustra Anonymus illa
pro confectis vult haberi, quæ ne quidem scriptores il-
lorum temporum prodidere. Eadem JC^{us}. Verum ac
justum. Procopius res quoque levissimas magno stu-
dio sectatur. Chalcondæ de incrementis urbis Venetæ
testimonium.*

Verosimile porro sibi videri Anonymus ait, quo tem-
pore Dalmatiam Lyburnicumque tractum sub ditio-
nem Constantianus (quod factum imperante Iustiano)
redegit, sub eandem concessisse & Venetos. Ac quamvis
neque Procopius, neque alter quispiam eorum, qui illius
temporis historiam scripsere, illud narret (neque enim Hi-
storiæ leges sinant singulis ijsque exiguis rebus minutatim
percenfendis immorari) rem tamen ipsam loqui, cum jam
tum ab illis temporibus constanter Imperatorum partes Ve-
neti sequuti sint.

Quis vero hic impudentiam hominis ferat, qui cum ubi-
que in eo multus sit, ut ex authorum silentio negativam
Libertatis Venetæ eliciat, & ex eodem insuper scriptorum
silentio subjectionem illorum vel assertivè ac *δελωτῶς* demon-
strare satagit! Verba scribentium in sequiora detorquere hu-
manum non est, ea vero quæ nec ipsi scripserint pro explo-
ratis haberi velle & in odium damnumque tertii valida
etiam nefas. Nobis, verum non aliud est quam id quod
justum, & è converso non aliud justum, quam quod & ve-
rum.

rum. Ecquod autem in eo quod nemo ita sese habere dicat, verum detur, cujus & porro Iustitiæ dictamen Libertatem huius aut illius isto configat nomine, quod eam nulla scribentium damnent præjudicia? Accipiamus tamen & hanc ipsius pro nobis confessionem, faciet ea ut vel se iudice condemnetur ac juxta illud Evangelicum, judicetur ex ore suo: proindeque stet fixum modo id ipsum quod ille ait neminem esse qui scribat Venetos sese aut coactos, aut rebus ita ferentibus etiam ultro Imperatoribus dedidisse, non erit ut multum nos moretur eaquam sibi fingit Anonymus proponitque similitudo veri.

At, inquit ille, minuta isthæc erant, neque tanti ut iis commemorandis præter Historiæ legem decorumque diu immoraretur Procopius. Quantumvis autem existimem nec semel nec perfunctoriè recitaturum fuisse Anonymum, si quippiam ab ejus ævi Historicis memoriæ fuisset proditum, quo palam fiat Venetos sese Imperatori subjecisse, tamen id apud me tanti non est, ut quod magis demirer cur post tot annorum decursum tam exiguas Venetorum res fuisse credere nos velit, ut ne ullis quidem ex annalium scriptoribus se de illius ad imperij ditionem vel de novo accessu vel postliminari reditu libuerit vel verbula loqui. Venetæ enim urbis incunabula si à Gothorum in Italiam adventu arcessimus. qui in annum à nato Christo quadringentesimum & septimum incidit, jam nunc annos ea steterat centum & triginta duos: sin ab eo quod Pata-vium evertit Alaricus, sex duntaxat anni fuerint demendi: aut si denique & illis accedere lubet qui ad exædificatum in Rivo alto fanum D. Iacobo sacrum urbis originem referunt, anni sint supra centum undeviginti. Quasi vero qui sub Hesperio regno Dalmatas, Liburniam Istriam & Venetorum loca Procopius posuit, quique de
Con-

Constantiano narrare potuit, quod Dalmatiam Liburniamque omnem in ditionem redegerit, eodem ipso loco & tempore (hoc est id ipsum quod conjectura sua designat adversarius) non & Venetorum facturus fuisset mentionem, si quidem & ipsi sub Constantiani ditionem concessissent. Ridere vero hic Anonymum lubet, qui insolens Procopio putet & minuta sectari, cui nihil æque vel ad fastidium est frequens: sed enim vero liberum hic unicuique esto iudicium. Si Bodino credimus, qui cum inter selectos recenset & magnum verissimi scriptoris argumentum præbere dicit, Ille, quæ ad historiam pertinet singula commemorat ac res quoque levissimas magno studio consecratur. Sed de his plus satis. Ut tamen planè Anonymo satisfiat, adscribere lubet ea quæ de incrementis primis urbis Venetæ testatur Laonicus Chalcondylas. *Apparet gentem illam (Venetam nempe) admodum esse vetustam, & nobiles Jones fortitudine & generoso spiritu longo intervallo post se reliquisse. habitaverunt antiquitus regionem vergentem ad sinum Jonticum & ab Illyrico in Italiam excurrentem Antiqui eos Enetos nuncupabant postmodum Veneti dicti sunt. Trofæti autem ex Epiro partim voluntate, partim necessitate subacti, ut quorum regio vastata esset ab Attyla rege, ut in majori securitate essent in posterum, Insulam quandam parvam & illustrem distantem ab continente quindécim stadiis, ædificiis occupare statuerunt. Initium ædificandi factum est à paucis Venetis in unum collectis. Deinde accessere quoque finitimi Epirobelli graviter diræxati. Vrbs autem illa usque incrementum sumebat ædificiis & legibus, cum Epirotæ plurimi non cessarent eo confluere. Crescebat quidem ea civitas mirum in modum disciplinæ sanctitate, cum eo accurrerent plurimi bonis legibus nutriti & plurimi virorum Epirotarum illustres eo advolarent, præterea si quis patria fortunisque omnibus pulsus vi hostili erat, huc gressus dirigebat. Vrbs illa incredibile dictu est, quam brevè opibus creverit & disciplina. Multi Græci & Romani nec non alij viri clarissimo genere exorti in patria usi band-*
u pro-

*in prospera fortuna aut ab civibus pulsi in hanc urbem congregabantur, filij
 existentes virorum illustrium qui regebant regionem haud infrugiferam.*
 Post quæ omnia neminem fore credo qui non mecum ali-
 ter de origine deque incrementis Urbis Venetæ judicaturus
 sit, quæ quidem eo describenda judicavi prolixius, tum quod
 auctores illi sint extra omnem suspicionis aleam, utpote qui
 præteritis vixerint sæculis, nec ullo partium studio laborasse
 dici possint, tum quod multotiens pro more suo nimis in-
 clementer origini urbis Venetæ insultat Anonymus, cui
 per allegata hæc duo auctorum loca; quibus & jungi pos-
 sunt, quæ superius ex Sigonia, Schardeone, alijsque supra
 citavimus, abundè responsum putamus. Quatenus verò
 conjecturam Anonymi firmet, quod ex quo tempore Con-
 stantianus Dalmatiam Liburniamque in suam redegerit
 ditionem, Veneti constanter Imperatorum partes sequuti
 fuisse perhibeantur, commodius sequenti §. tractabitur.

§ III.

*Joannis, belli ducis sub Iustiniano factum, nihil demit
 libertati Venetæ. Silent leges inter arma. Nulla gens,
 quæ turbis bellicis non aliquando exposita. Immota Li-
 bertas Veneta semper stetit. Duces Justiniani à Venetis
 auxilia sumpsisse potuerunt. Socij à subditis distin-
 guendi.*

EXemplum Joannis, qui sub Imperatore Iustiniano belli
 dux erat, seu potius allegata Procopij verba. *Joannes per
 maritima loca extemplo dimissis qui in Padum ad trajiciendum ex-
 ercitus, acates (genus id est navigiorum, ciulos dixeris) in-
 ferret*

ferret ad iter se preparabat : non probant quod adversarius intendit. Ipsum illud ducis factum nihil per se juris imperatori confert. Nec par necessitas est, de facto quam de jure despiciendi. Quanquam & si de facto despiciere sit necesse spectanda sit temporum personarumque conditio. Silent leges inter arma, nec modo ut ait ille,

arma tenenti

Omnia dat, qui jussa negat.

Verum & ipsum adeoque jus,

Ius est in armis, opprimit leges furor.

Ex adverso nulla tam libera potensque gens fuit, aut etiamnum est, quæ non subinde militum trajectus, hospitaliones, excursus, pabulationes aut his similia tulerit feratve, sed neque ex eo ius illis ademptum aut his quæsitum dixerimus. Non ita in puncto, aut in acie, quod ajunt, novacula Libertas est constituta, ut quemadmodum inter hoc vel illud esse, & inter non esse hoc vel illud, nihil intercedit, inter rectum & curvum nihil est medii; similiter sicubi vel tantillum à Libertatis exercitio recedas, statim pronus in servitutem ruas. Laxiora hic dari spatia fateamur necesse est, dum inter mediorum, quæ inter utrumque reducta sunt inter cursu, modo ad hoc, modo ad illud extremum propius accedunt, sicut diversitatem quandam deprehendas quidem non tamen repugnantiam, qualia Libertati adversa si dixeris aut obversa, dum nec adsistit iis liber homo, nec resistit, omnia dixeris. Ac sane ingenue ut agamus æquitatemque uti, fas est, aliquanto sequamur solutius, quæ jam commemoravi, minimo minus abest ut libere fiant: mutatum quid in qualitate videri queat, in substantia nihilum. Manent,
O nec.

necessitate quodammodo exceptionem porrigente, cuncta
 quò fuerant statu. Tuta periculosis lubenter omnes antepo-
 nimus, utque præclare in hanc rem Tacitus¹, *Nemo est tam*
promptus in armis, qui non idem quietis pretium quod periculi malit.
 Procopius ad hæc, ea unde desumpta sunt, ecquid ad iussu du-
 cis factum à militibus sit, quid & à Venetis (quorum ne no-
 minis quidem meminit) ad imperium ab eorum parte præsti-
 tum fuerit, nihil explicat, sed ait Iohannem in via morbo fuisse
 correptum, qui utique rem omnem interpellaverit. Sed
 enimvero sit ita, fateamur agendum duces Iustiniani à Ve-
 netis auxilia subsidiaque summissee, demus & summissee ex Im-
 perio, non inde sequatur tamen ea Venetis imperata, tan-
 quam subditis: imo vero quantisper de subjectione non
 constat, statuendum ea ut foederatis imperata ac socijs.
 Nulla cum Venetis Imperatorum foedera memorari apud
 Historicos si reponat adversarius, & ego jure optimo de
 Venetis istorum temporum iteravero, quod de prisicis Sigo-
 nius. *Nempe quo tempore visiti sint à Romanis Veneti, aut omnino*
bello petiti, hæcenus ex tanta annalium vetustate erui non potuisse.
 Subjectionis (ut omnino nulla est) ablata causâ subeat
 quod jam ante à nobis evictum, vel illibatâ libertate in foede-
 ratos imperium subsistere, nec non & in socios, coercitio-
 nem juxta ut in civeis, idque plenissimo imperandi jure. De
 socijs notatum quod & speciales sibi præfectos habuerint.
 Ita lib. h. st. 6. Polybius. *Vbi cum Romanis etiam socij sunt con-*
gregati omnia inter illos administrant & disponunt viri à consulibus
constituti, quos præfectos vocant numero duodecim. Hi ante omnia ex
universo cætu sociorum qui adsint, consulibus appositisimos ad omnia, que
virtute verâ egerint, equites-peditesque seligunt, quos extraordinarios
vocant. Nemo tamen est qui non distinguat socios à subdi-
 tis. His addatur, istiusmodi imperia, de quibus nobis hoc
 loco sermo est, cum non alio quam contra communem ho-
 stem

stem intendantur, eo ipso nedum ut jubectionem inferant societatem foedusque (Græci *συμμαχία* vocant) valide arguere societatem inquam æqualem utrimque ut & æquale foedus, quale fuit olim illud Locrense, de quo sic Livius. *Locrensis jussu Annibalis pax data, ut liberi suis legibus viverent, urbs pariter & portus in eorum potestate essent, societas eo jure staret, ut Pœnus Locrensem, Locrensis Pœnum bello ac pace juraret.*

§. IV.

Potissima pars Libertatis ita vivere, ut velis. Totam Libertatem Venetam esse pluribus ostensum. Suum sociis in socios imperium. Differt subditum esse, & præstare, quæ præstant subditi. Habuerint ne Veneti insuper suam Libertatem? Fuerintne coacti Caesarum imperia agnoscere? Nihil adducit Anonymus, quo id probet. Voluntas quæ sit. Actio libera, & minus libera, nec tamen coacta. Aliud est & coactum esse, & non esse spontaneum. Voluntas Venetorum in conservanda sua Libertate. Probandum Anonymo subsidia Imperatori data ultronea non fuisse.

SVpra libri hujus cap. 2. monuimus potissimam Libertatis esse partem sic, ut velis, vivere, illumque & esse & dici liberum, qui se ipso contentus, ex se pendeat, non ex alieno imperio atque arbitratu. Offert scilicet ad hunc §. (quamvis & alibi passim) occasio pressius ventilandi, quo pacto verum sit id quod nos asserimus, Venetos nimirum esse liberos, neque in definitionem descriptionemve Libertatis influere quippiam, quod non ex amissim in ipsos quadret, quod que

ex adverſo hoc §. adſtrui author Scrutiniꝝ ex Blondo aliis-
 que Venetos imperio ſubditos fuiſſe. Qua de re deinceps
 verba facturꝱ, fateor equidem, ſi verbum illud nomenque
ſubditi præciſam parendi neceſſitatem inducere, talem nimi-
 rum, qualis eſt in ſervis, cauſſam me dictũrum non fuiſſe, quo
 minus in Anonymi ſententiam concederem. Sed enim ve-
 ro demonſtratum jam antea etiam ſuum ſociis in ſocios eſſe
 imperium, ſocios autem ipſos eatenus quoque ſubditos dici.
 *Accedit quod haud leviter inter ſe differant eſſe quem re
 vera, ac de factò alteri obnoxium, aut re vera obnoxius cum
 non ſit, ea tamen præſtare, quæ ſubditi facere ac præſtare
 conſueverunt. Erit & inſuper operæ pretium ecquæ nam
 iſtiuscemodi præſtationum cauſſa fuerit, ecquod princi-
 pium, perveſtigare, utique in ſuſcepto themate, quo dilu-
 cide progrediamur, nihil ad eruendam veritatem æque pro-
 fuerit, quam ſi hæc duo nobis conſideranda ducamus, nem-
 pe voluerintne Veneti Libertate inſuper habita, vivere in
 ſubjectione. Deinde num quid illi, quæ præter, qua con-
 tra voluntatem fuerint adaçti Cæſarum ſupra ſeſe imperia
 agnoſcere. Ac poſtremo quo id demum factum ſit tempore.
 Quod ut conſtet deſpiciendum porro numquid actum
 aliquem adducat Anonymus ſive à Venetis, ſive ab Imperato-
 ribus proſectum, qui id lectori planum faciat. Ceſſat hic
 utique adverſarius. Nos quo nè ceſſemus humanarum actio-
 num principia ſi attendimus, fateamur neceſſe eſt, ut in
 homine, ita & in cætu hominum jure congregato, quem
 civitatem appellamus (eadem enim utrobique ratio) volun-
 tatem eſſe, quæ ſe ipſa moveat, ſubiiciat, nec non deter-
 minet, idque vi ſuæ Libertatis, conſenſu ac motu à ſemetip-
 ſa præditam, voluntatis deinceps actus (qui quidem ei cor-
 reſpondeant) eſſe non perturbatos: ipſam adhæc voluntatem
 non volendi duntaxat actibus includi (ipſum ſiquidem nolle
 aliud

aliud nihil est, quam velle hoc, aut illud non facere aut non fieri) sed quatenus voluntate quadam quidpiam renuimus volumusque illud quoque ipsum non velle, sub voluntate comprehendit. Atque hoc fortasse sensu Plinius in Paneg. non cogi, sumit, pro libere agere, dum inquit *beatissimum esse in principatu non cogi*. Ut ut vere non diffitear eam, quæ quid abnuat, voluntatem propriè non esse, ac nisi late sumpto verbo voluntatem dici posse, cum ex adverso, idque necessariò voluntas sit illa quæ aliquid assertivè vult; par tamen (ut suo dicatur loco) utriusque subjectionem quod attinet, est habenda ratio. Ab instituto non abeo. Omittamus, si lubet, illam quæ sese foras haud exserit voluntatem, deque ea sola quæ semet per exteriora signa videndam præbet, inque actum deduci patitur, sermo sit: est hic iterum indubium, ad hoc, ut voluntatis actus pro voluntario reputetur, volentis cum actione scientiam debere concurrere. Succedit actioni liberæ, secunda minus libera, nec tamen coacta sed proprie loquendo gravatè spontanea, vicina (neque enim id negari potest) actioni coactæ: Ad cuiuscemodi actionum classem redigenda sunt illa quæ nobis pro ingrata temporum, circumstantiarumve quæ nos urgeant malignâ conditione, sic extorquentur, ut re vera magis id quod agimus velle, quam nolle deprehendamus: qualia ut flectere movereque nos possunt, ita plane cogendi potestatem non habent: manente nimirum immotâ voluntate ipsa, quæ sola verum est propriumque actionum suarum principium. Vtrique istarum quæ opponatur tertia est, illa scilicet quam coactam dicimus, & ipsa Libera, sed respectu principioque diversis. Cogentem quippe si intuemur sunt ea, quæ à coacto proficiuntur quam liberrimè voluntaria; ad coactum vero si attendimus, passio sunt, nec aliter actionis indigitanda nomine, quam & apud Poëtam pugna est,

Ubi tu pulsas, ego vapulo tantum.

Harum porro quæ prior est actionum, necessario nihil cum agat, agit liberè; si quæ necessaria sint (cujusmodi ad conservationem individui in homine sunt edere, bibere, dormire, &c.) facit quidem ea, sed sponte liberâ. Secunda, principium volendi ab externis si secernas, item operatur liberè. Si ad externa te convertis, hæret nonnunquam in libertatis coactionisque confinijs; ubi præeligendi facultas deficit, eligere, ac assistendi tantisper resistendique facultate suspensâ, velutque à se sequestrata, id quod possit velle contenta. Tertia denique, cum tota juris sit alieni, ducaturque ut nervis alienis mobile lignum, mutum est mereque passivum coagentis instrumentum. His ita positis etiam liquido constat; longe aliud esse coactum quid esse, aliud, quid esse non spontaneum. Clarius loquar. Coactum quod est, nunquam potest esse voluntarium, non spontaneum vero, subinde voluntarium esse potest, quatenus voluntatem designat, sed non plenam, min⁹que liberam. Ea propter ergo in Venetis liberam si considerare voluntatem lubeat, si quid animi ipsis fuerit, attendere dubium non erit, quin jam tum à principio non minore voluntatis impetu ad amplectendam servandamque libertatem fuerint accensi, quam vel rationis expertia totis istud curare viribus animantia deprehendimus. Si liberæ voluntatis actum requirimus, nemo utique sanæ mentis credat (ut id è præcedentibus repetam) homines, qui lares, focos, aras, divina, humana cuncta, quo se servituti subducerent, deseruere, inque vacua recepere, cum jam tunc liberi essent, sui que juris, alterius esse voluisse. Qui rebus ita ferentibus fecisse eos nonnulla dicere volet, quæ sua sponte facturos fuisse non sit præsumendum, quænam sint illa necesse est ostendat, quo judicare

care liceat, ecquid ea, quatenusve à libertate declinent; durus interim humanæ conditionis æstimator ipse, si quidem isto nomine ipsorum libertatem nititur convellere; quam sane parum admodum sese nosse ipsemet prodat, qui liberum, ut notavi, volendi principium ab extrinsecus gravante causa non discernat; durior etiamnum, si, quæ à necessitate aliqua profecta sunt, ilico ad coactionem (perinde ac si non sint ea separata, atque inter se discrepantia) velit translata.

Ego vero quandoquidem illa, quæ subjectionem refugit voluntas, alio probari nequit modo, diutius ei non immorbor. Præclare Seneca, *Si scire vis an velim, effice ut possim nolle*. Præstitum id mihi; cum jam ante, tum hoc ipso, per ea quæ dixi, loco. Poterant utique sese in paludibus suis continere Veneti, quos ut Barbaros propullarent, ut laborantibus sese Italiæ rebus permiscerent, qui adigeret, erat nemo, & ut ut quam maxime fuisset, protegebant illos incerta vadorum, nec ulli temere superanda paludum uliginumque vastitas: sunt tamen illi, quacumque potuerunt ope, suam versus afflictos pietatem testati, nimio poluendam, si libertatis ea dispendio pensari commeruit. Verum enimvero cum ex libero servum, & vice versa ex servo liberum enuntiativa Historicorum verba neminem faciant, neque adhæc de verbis sit laborandum, ubi ipsâ rerum evidentia quod asseris evincendum est, probandum adversario, quæ id temporis adversum Gothos auxilia Veneti tulere, ultronea haud fuisse, nec & socialia, verum (quod ipse nobis persuasum cupiat) Imperatori vel in tantum debita, ut nec citra majestatis imminutionem detrectari, inque recusantes ipsa majestas insurgere jure potuerit, armarique: probandum denique Venetos etiam ipsos (postquam de subjectione ultronea non liquet) ab Imperatore coactos, illius

illius supra se imperium agnoscere. Hæc illi in animo est à violentis arcessere principiis, si Venetorum in vicinos pietatem servitutis damnare, in antecessum sciat oportet, ad hoc, ut actio aliqua omnino coacta dici possit, plenissimè requiri, non duntaxat modo ut principium actionis consistat extra apertem, pariterque ut externa illa principia cogant pervim: sed & sibi deinceps probandum fore, quæ non minus in subiecto casu, quam præcedentia illa desiderantur, Venetos, quo eos tempore cogebat imperator, assensum non modo ullum istiusmodi præbuisse coactioni, sed eam omnibus viribus enixissime coactionem averfatos. Hæc ille si è fide dignis scriptoribus probare potest, vinci me patiar: id vero cum perinde sit ei primum factu, quam si digito (quod ajunt) coelum tangat, non admittam sane illud mortalium optimis, improbisque vel eo usque conjecturis indulgeri patiar, ut quæ tam duris temporibus, rebusque in arcto constitutis adversus Barbaros, pro vicinis suis, imo universa Italia imperioque Romano, cordate, fortiter, piè Vèneti gessere, servilibus ministeriis accenseantur. Senecam potius audiamus. *Quæ alio præstante beneficia dicerentur, servo præstante ministeria sunt, beneficium enim id est quod quis dedit, cum illi liceret & non dare, servus autem non habet negandi potestatem, non præstat sed paret, nec id se fecisse jactat, quod non facere non potuit. Et paulo post. Vis scire quando sit beneficium, ubi dici potest, quid si nolis? ubi vero id præstat quod nolle licuit, voluisse laudandum est.*

J. V.

Tractus maritimi à continente separandi. Male hoc dissimulat Anonymis. In terra continenti regionis Venetæ, nec non in tractu maritimo quedam direptionibus hostium

*hostium cessere. Venetorum urbs non occupata. Loca
Procopij quædam excussa.*

COMMUNIS jam ante, mala fide ab Anonymo dissimulari, etiam classici auctores, diversam terræ apud Venetos continentis, oræ maritimæ, ipsiusque adeo urbis Venetæ rationem habere, quotiescumque generalis aliqua eorum mentio fit, ac proinde & recte facturos dixi, idem si observandum nobis ducamus. Quam meam hæc in re opinionem luculenter adstruit, cum hic ipse quem nunc è manibus deposui, tum alter ille ad quem progredior in Anonymi discursu paragraphus; estque hoc loco adversarius vel semet iudice in errore (sequius ne quid dicam) multum claro. Quum enim dicit Venetos à Pado ad Istrum totam maris oram accolentes, sub fide imperii fuisse, satis si quid iudico, fatetur non posse illud prædicari de terra continente. Ejusdem farinae est quod recenset ex Procopio Iohannis Vitalianis datum Narseti consilium, ut secundum mare iter faceret, cum suæ ditionis essent homines, qui maritimam oram incolerent. Ex adverso quod dicit de oppido apud Venetos munitissimo, à Belisario una cum Tarvisio in ditionem redactò, continentem spectat. Sane Tarvisianorum montium, de quibus est apud Plinium *lib. 3. c. 18.* qui recordatur, facile concedet non fuisse id oppidum maritimum, sed in continenti situm. Similiter ubi ex eodem Procopio Anonymus citat Francos concertatione partium usos, ex utrorumque bonis crevisse, eosque cum Gothis pauca Venetorum oppida remansissent, nec non & maritima quædam Romanis loca, cætera suæ ditionis fecisse, cui non appareat evidens tractus maritimi à continenti separatio. Ut tamen & hac in parte lectori satisfiat, ore Diaconi loqui lubet. ait ille *lib. 2. c. 14. Venetia non solum in paucis insulis qua*

nunc Venetias dictimus, constat, sed ejus terminus à Pannonia finibus usque Adnam fluvium protelatur. Probatur hoc annalibus libri, quibus Pergamus civitas legitur esse Venetiarum. Nam & de Benacolacu in Históriis ita legimus. Benacus lacus Venetiarum, de quo Minus fluvius egreditur &c.

Hujus distinctionis accensa luce facilis quoque est responsio ad ea loca, quæ hoc §. Anonymus allegat, posse nimirum ex illis adstrui fortassis, in terra continenti regionis Venetæ, nec non in ejusdem tractu maritimo Gothorum, Romanorum ac mox quoque Francorum direptionibus quædam loca cessisse. Ipsam vero Venetorum urbem, quod hic probandum foret, occupatam, direptam, subjugatamve fuisse, mihi sane ex illis haud probatur. Illud subjungam non satis ingenue ab adversario citari Procopiana, ac perperam quoque corrigi. Quæ ille è lib. 3^o. allegat sic habent *Φεράται ἡ Βενετικὴ πᾶσι πᾶσι τοῖς ἑσπερίοις ἐπὶ τῇ πόλει*. Non verisimile hic lapsus interpretem, ac cum nullo labore ponere deberet, posuisse nullo jure: neque enim (quod quidem ego didici). Græcis *jus* idem sonat quod *labor*. Alterum quod attinet locum, quem ille ex libro quarto ejusdem Procopij nobis citat, in eo utique vertendo, plane nullum interpretis est erratum. Clara sunt quæ de Theudiberto Francorum Rege ibi habentur verba, quibus ille *ἡ Βενετικὴ πᾶσι πᾶσι ἐπὶ τῇ πόλει ἐστὶν ἡ πόλις* dicitur, quo loco verba ista *ἐπὶ τῇ πόλει* æquè parum interpretari liceat nullo labore atque altera ista *ἐπὶ τῇ πόλει* verbis defectum juris significantibus explicata queritatur. Nullus ergo hic correctioni locus. Neque pol ego quo pacto sese hic excusaturus sit Anonymus assequi possum. Demus voluisse, non potuit tamen non videre verba ista *ἐπὶ τῇ πόλει* utpote quæ immediate præcederent, imo & pars essent illius, quam ipse (eâ proculdubio causâ) non totam allegat periodi. Maligni sit improbi-

probiq; cum sciamus aliena invadentibus, omnia eorum, qui valentiores sint, reputari ipsumque jus ab armis peti; historici non justam invasionem damnantis epiphonemate suppresso, illiusmet verba, contra veri fidem ac significandi usum, in sequiorem sensum velle distorta; pejus etiamnum, si nulli id velis bono, nisi ut vel hoc saltim modo calumniæ vela laxare liceat. At quid aio? quos impetere Anonymus satagit, Veneti sunt;

Quis si non aliqua nocuisset, mortuus esset.

§. 6. 7. 8.

Anonymi vana insultationes. Loca ex historia Iustiniani discussa. Libertatem non imminuit sociorum in socios imperium. Fides Veneta in socios. Narsetis historia excussa. Omnia Libertatem Venetam spirant. Ab extructa Venetiis ade frustra deducitur subjectionis argumentum.

Rem magnam se præstiturum Adversarius existimat, si cui persuaserit se non externis modo, verum petitis quoque è scriptis eorum, quimet ipsi Venetijs nati sunt, argumentis autoritatibusque, quam sibi convellendam sumit, Venetorum Libertatem destruere atque evertere posse. Hinc est quod ille hoc § in allegatis à se ex historia Iustiniani locis tantum sibi præsidii ponat, tantumque placeat ut parum esse putet, quod turgidis planeque tragicis exclamationibus intumescat; nisi Venetis insuper insultet atque illudat quoque. Erit tamen ut spero probatu facile, ipsum hoc loco, quod fere semper facit, triumphum canere ante victo-

riam, sed enimvero in uno Iustiniani testimonio quandoquidem ipsi visum est acquiescere, sequar antecedentem, atque ut ut non desint aliunde, quibus appositè responderi ad objecta possit, æque tamen ac Anonymus unum modo illius pro me testimonium citabo. Illud in antecessum præfari liceat: Scripsisse Iustinianum Latine ac à Ludovico Dominico versum in vernaculum, neque exemplar Latinum nancisci hætenus me potuisse. Hujus ne sit nescius, quicumque hæc nostra lecturus est, velim: quo ne candom rem meum, ejus ignarus in dubium vocet, sicubi nec eadem, nec eodem contextu posita deprehendet verba, quæ ex illo sumus allegaturi. Id vero sancte quoque polliceor annisurum, ut quæ nobis pro firmanda sententia nostra citari erit necesse, ab auctoris instituto ac genuino verborum significato omnino ne recedant.

Primum ergo quod adfert est. *Venisse ad Narsetem frequentes Oratores ejus oræ populorum, imperata facturos.* Alterum deducit ex illa, quam Patavini Venetis movebant lite. Nimirum hoc ipso quod de causa Narsetes cognosceret Venetorum subjectionem valide probari putat, ac Venetos præterea, suo ad Patavinorum objecta responso non obscure fassos, sese illis quæ jam tam retro effluxerant temporibus, Gothis fuisse subditos, seseq; Gothis Italia pulsas, aut mox pellendis, ad Imperium Romanum, cujus sequela ac quasi quædam pars sint, spectare. Quod frequentes adfuisse dicit Oratores ejus oræ populorum imperata facturos, quando non dicit illos qui aderant Venetos fuisse, non est quod nos moretur, illud vero nec ipse quidem dixerit. Constat utique ex Iustiniano Oratores illos, missos Venetias istuc nimirum loci, dum ad sua retrogreditur paulisper subsistente Narsete. Ast qui? non ut apud populum sibi subditum (ne cui id imponat) sed videnda novæ urbis studio, quam & suo in
illam

Illam introitu cohonestare volebat, cuique & insimul sciebat se pro fideli adversum Barbaros operâ navatâ gratias habendi reum. Quod adfuisse ait imperata facturos; id vero mirum non est, erat enim belli inter ipsos societas, & in hostem communem auxiliorum in vicem amica communio. Viderant jam ante Veneti sese nisi prius diversi esse desissent, diversos pugnare non posse, ac quo ne vincerentur universi, dum pugnarent singuli, opus esse belli dace. Cui vero novum turbatis & ad bellum spectantibus rebus unius ductu, auspiciis, imperio cuncta regi? Polibium modo Thucididemque qui legit, animadvertat satis, libertatem singularum Peloponnesi civitatum non minuisse quod pondera, mensuras, numos, magistratus, iudices eisdem, etiam quod longe majus est, leges haberent easdem, ita ut revera si quando inter sese colligatæ essent contra hostem communem quo minus unius urbis speciem præ se ferrent communia duntaxat abesse mania viderentur. Quotiens Homero Rex regum Agamemnon est, ac quam sæpe ille pro imperio, planeque *πρωταρχικῶς* agit? At vero quis (belli societatem si excipias) Ulissem, Diomedem Ajacem cæterosque reges ejus imperiis obnoxios fuisse dicat? Vtique nemo. Sed & ingeminatum nobis jam ante, Libertate salvâ, sociorum quoque in socios imperia ferri. Vnde quoque constat neutiquam id unum sufficere, quod adfuerint imperata facturi, nisi etiam subditos illos Narsæti fuisse probaverit, utique taleis, præsto ad imperium adfuisse. Tantum vero abest illud ut probeat, ut ex ipsa rei gestæ veritate contrarium omnino manifesto deprehendas. Iustinianus sane quantumvis ait adfuisse frequentes ejus oræ populi oratores nominatim nullos enumerat, neque ullam prosus aliorum, quam qui Patavio missi fuerant, mentionem facit, Patavinos imperio Romano obnoxios haud

fuisse vivis ni fallor rationibus jam pridem demonstravi. Illis nunc & Iustiniani accedat autoritas, quam tunc ut commodiori loco servandam, omisi consulto, quod in eo probando testimonium illius ut Veneti scriptoris defugerem: id ipsum ut inpresentiarum faciam necessitas non est, cum & in hoc ipso eum exemplo approbet Anonymus, semelque approbatum frustra sit reprobaturus. Ait ergo illos, postquam ea quæ facerent suæ in Romanos fidei demonstranda, essent exsequuti acriter de illata sibi à Veneris injuria questos. *Fidem* dicit non *obsequium*. Subditis, ut ait ille, obsequii gloriarelictæ est, sociorum propria est fides. Si quis id voluisse addubitet, Audiamus Patavinos. *Semper* (ajunt illi) *ò Næses summæ Romanorum nomen honoribus prosequuti sumus. Testantur annales nostri, rebus ita ferentibus* (adversum Lacones, de quo Livius, Gallos, de quo Polybius, Antonium, ut citavi jam ante ex Philipp. 12.) *centena & quod excurrit militum millia a Patavinis auxilio Romanis fuisse submissa, ac pro tantis in Remp. beneficiis jure civitatis ac ferendi suffragij donatos majores nostros, &c.* Item, *Heccine amici Romani nominis experiamur, quæ ne inimici obventura sint?* Item, *Bello accingeris, cujus quæ tibi, eadem nobis, ac communis omnino utrimque causa.* Quid quod & sermonem suum non alio claudunt argumento, quam quod sese ut antiquissimos, ita & fidelissimos P. R. socios vocent? Ex altera parte Venetos audiamus. *Centum* (ajunt illi) *imo & plures nobis literæ sunt à Zenone, Leone, Justinio, Iustiniano ad nos datæ, judices illæ testesque nostra versus imperatoriam Majestatem observantia ac fidei, prolixæ item ipsorum erga nos liberalitatis, nec non & clementiæ.* Testantur ibidem Narseti arma se illi ferro sociæ. Item totis se animi viribus ad tuendum imperiū decum propendere. Hoc ipso inquitunt cui te paras bello fidelissimos. ac constantissimos nos experiturus es socios. Orationem illorum similiter plenum generosi spiritus effatum claudit, sese nimirum haud eo quod imperatoriam

fatoris majestati satisfacere teneantur, quodque Narsetis gloria velificari velint, aut sibi met etiam ipsis deesse nolint hæc offerre, *fidem nostram duntaxat* (inquiunt) *apparere volumus animiq; magnitudinem, quam non verbis modo ac facultatibus, verum corporibus quoque ac sanguine etiam nostro sancire atque antestari parati sumus.* Nemo sanæ mentis verba istiusmodi ab iis prolata iudicet, qui (sic nempe alicnis obnoxios imperiis Tullius describit) *nihil imperanti negare possint, nihil recusare audeant, queis si posset dandum sit, sejecit abeundum, si vocat veniendum, si dentque minatur extimescendum.* Prolata sunt tamen ac fidenter adserta, tanto duci, non bellicoso modo, sed victori imo & armato ac in media urbe versanti. Notum Demetrii ad Athenienses monitum Leonem intra muros ne admitterent. Studio prætereo, inter ancipitia rerum metuendos quoque fuisse Patavinos, quos habebant jam tum sibi infensos Veneti, ac si vel tantillum inclinasset Narfes, hostes etiam manifestos, certo certius erant habituri. Spirant igitur hæc cuncta Liberatam ut solido subnixam sui que servandi constanter tenacem, ita & grata benefactorum recordatione ab injuria tutam stabilemque; & in majus indies provchendam. Ipsam illam tantis Venetorum pro salute imperii studiis, tanto illorum pro illius incolumitate affectu, tanto ardore, vel leviter libatam imminutamque velle, Narseti non turpe modo fuisset ac probrosum, verum nefas quoque, imo & sacrilegium.

Putida porro sunt illa quæ in subjectionis argumentum trahit, quod coram Narsete ut Iudice, dicta superius caussa ventilata sit. Sane nec ordinariam ille jurisdictionem habebat in eos, neque quod sciam delegetam: Vnde mirari quoque satis non possum, cur tam operosus in eo enarrando sit Anonymus, cum sciat missum ab Imperatore Narsetem, belli gerendi, non Iuris dicundi gratia. Non inficior utique coram

coram ipso querelas suas instituisse Patavinos, & ad illas respondisse Venetos, sed tamen ipsi pro eo, quo præditus erat imperio, ex semetipso nimirum ac quatenus unus erat Iustitiani ducum, competiisse potestatem terminandæ litis, & jus etiam in invitos dicendi facultatem, illud ego equidem nego. Sed neque novum videatur cuiquam, exurgente inter vicinas liberalesque civitates jurgio sibi meritis ipsis jus dicere cum nequeant ac nec aliunde dependant, deferri ad arbitros cognitionem causæ, potius, quam ut eam dubii Martis arbitrio decidendam committant. Ne privati quidem extrema primo loco tentent, nedum illi, quorum ut causa publica est, ita & successus qualiscumque demum ille fuerit, non potest non esse publicus. Præclare ut omnia Grotius *ubi judicia desinunt bellum incipit lib. 2. c. 1. de belli ac pacis jure*. In legendis arbitris, summam aut spectatæ virtutis aut animi æqualitatis, aut denique gratiæ rationem haberi videmus. Adeo. fere semper, disceptaturi eos sibi arbitros legunt, quos aut benefactis, aut aliqua ratione sibi æquiores fore præsumant, aut saltem non adversaturos. Qualis vere inter Venetos ac Patavinos Narses fuisse credendus est, apud quem è contextu rei gestæ facile desumere est, utramque partem gratia potior ut esset pro virili annisam fuisse. Fuerit ergo Iudex, aut (qui Iudici æquatur) inter partis arbiter, Narses, non fecerit tamen adversarius ut ulterius quam ad illum ad quem prorogata est actum, sese jurisdictio exporrigat: finiri porro atque evanescere actu consummato jurisditionem istiusmodi nulli est dubium; ut & hoc notum ex ante dictis, actum ipsum non aliunde quam ab agentium utrimque voluntate dimetiendum. Absit autem ut eam aliam dicamus fuisse, quam ut medium sese Narses vellet interponere, ac litem motam componere. Neque enim credibile est, quâ Venetos, quâ Patavinos arbitrum legendo propu-

diosè

diosè à se Libertatem suam abdicare, & in insolitas sibi ad ea tempora servitutis leges convenire voluisse. Addo & hoc, repertum hactenus neminem, qui statueret, quæsitum etiam alias de semetipso Iura majestatis habenti, summæ ex eo potestatis jus, quod consensu partium, in Iudicem electus fuerit, ac pro facta sibi à litigantibus potestate lites diremerit. Ortâ inter Lusitanos Castellanosque super navigatione maris Indici controversiâ, Alexander VI Pontifex medium sese certantibus interposuisse legitur. At vero hactenus Lusitanix Castellæque regibus hoc ipsorum factò ademptum jus aut in pontificem translatum, nemo doctorum asseruit, non magis utique quam senatui Parisino quæsitum jus in Castellæ Lusitanixque reges dixit quispiam, quum illi percussis inter se foederibus ea non prius rata voluerè, quam à prædicto senatu sancita fuissent ac valvis apertis promulgata. Ne quidem Anonymus dubitet explosissimum futurum fuisse, qui summum in Imperatorem pontificemque imperandi jus eidem Parisino senatui hoc nomine vindicare atque asserere fuisset aggressus; quod ex annalibus doceamur Fredericum secundum controversias, quæ ipsi cum Innocentio quarto super regno Neapoleos erant, ad eundem judicandas detulisse. Ast inquit Anonymus provocari à Patavinis Veneti judicium Nasctis non diffugiunt, incompetentiam iudicis non allegant, imo vero in iudicem agnoscunt, quin etiam ex ipsa Venetorum oratione colligas quod vixisse sese pridem Herulorum regi Odoacri ac post ipsum cæteris Gothorum regibus obnoxios plane non diffiteantur. Allegat & hæc è quibus id colligi putat verba. *Quæstine eslis unquam de hac injuria apud ullos? Si nunquam, videte quo pacto vos explicetis, qui dixistis sæpe quæstos. Si quæsti aut apud Gothos aut apud Herulos aut Imperatorem. Si apud illos, spretus ergo imperator, & aetelatus Gothus; Quod si est cur nunc appellatis imperium? Si apud Imperatorem, quod*

Q

sæpe

sepe fecissis, exauditive unquam estis, an vero repulsi, exauditos non diceris. Hactenus Anonymo citante Iustinianus.

Ad utrumque ordine ut respondeam, haud nego, incompetentiam à Venetis allegari debuisse quod dicit, verum fuisse futurum, si quid Narses inchoare voluisset, per quod iniqua Venetis inferri potuisset conditio, quodve in imminutionem præjudiciumve juris ipsis quæsitum deverteret. At nihil hic tale, non ingessit se partibus pronuntiaturus se competentem si declinare alterutra, aut judicem agnoscere detrectasset, sed vacivas duntaxat (ita Comicus loqui amat) aurium ædes præbuit litigantibus, cum hinc ad causæ notionem deferrent Patavini, Veneti ab altera parte tantum bonitati causæ suæ fiderent, ut vel paratos sese testarentur illam judici etiam non suo terminandam permittere. Non obtendam ego hic in aliena à forensibus velitationibus hæc incidisse tempora, ac neque cuiquam temere persuasum iri Venetos, quos commune Italiæ discrimen plus satis exagibat habebatque exercitos, de quærenda probandaque exceptione quâ Patavinos repellerent a limine judicii, multum fuisse laboraturos. Sufficerint quæ de prorogata Iurisdictione notasse memini, nempe etiam si prætori in prætorem, consuli in consulem nihil sit juris, solere tamen prætorem in eos qui sese Iurisdictioni subjecerint de Iure decernere, *recepto* (ut textus ait) *jure si major aut æqualis alterius sese Iurisdictioni submittat, et & adversus eum jus dicit.* Absurdum plane & ab omni ratione dissentaneum est quod ex allegato Iustiniani loco conatur elicere. Repetat si tantis est benignus Lector, quæ superius à me demonstrata sunt, nuda assertione illius, qui se alteri obnoxium dicit, fatetur imò & pro tali gerit, statum liberi hominis immutari non posse aut conditionem, quæ primæ Libertati repugnet, probari; inveniet ut spero, exiis quæ ibi dicuntur ut facile, ita & per allegatas à me au-

tho-

thoritates legum firmum ad hanc adversarii objectionem
 responsum. Subjungam porro, si quæ Patavinis Veneti in-
 terrogatione facta objiciunt eum ad modum, ut facit Ano-
 nymus, interpretari liceat, optimo me jure, atque eadem o-
 mnino ratione, argumentum ei contrarium formare posse.
 Ajunt illa ipsa oratione Patavini detulisse sese multotiens
 super ea quam Narseti exponunt causâ, querelas suas ad Go-
 thos, expresso nominatim Theodorico illorum rege, eas
 vero insuper habitas dolent, eoque instantius Narsetem ur-
 gent, testanturque, mirum non esse, siquidem ipsi amici P.
 R. qui essent, ab inimicis nominis Romani non sint exau-
 diti. Ego sane causam non video cur & mihi dicere non
 liceret Gothorum reges eo quod scirent Venetos Patavi-
 nosque ad imperium jurisdictionemque suam haud spectare,
 querimoniis ipsorum deferre noluisse, seque alienæ rei, ac ad
 se non pertinenti immiscere. Sed enim vero agendum candi-
 dè, & ubi de mente loquentium constat ab ea recedere, nefas
 est. Certum est igitur atque indubium, prædicta, in oratione
 Venerorum, haud alio esse directâ, quam ut à Patavinis lau-
 dem illam, suæ erga Romanum nomen observantiæ, quam
 magno verborum apparatu sibi arrogabant, quantum po-
 tē cismoverent. Huc spectant illa verba quæ spreto Patavi-
 nis imperatorem, & antelatos Imperatori Gothos ar-
 guunt, spectant & illa quibus bene de Romano nomine pro-
 meritos Patavinos negant, & cum nulla quæ à semet ipsis
 profecta sunt in Remp. Romanam benefacta enumerare va-
 leant, aliena crepare, in os exprobrant, faciuntque illa de-
 nique quæ ex adverso de affectu suo Veneti studioque & of-
 ficiosa in Imperatorem voluntate Narseti edisserunt. Quis-
 quis utramque modo apud Iustinianum orationem legere
 volet, haud aliter allegata verba intelligi aut posse aut debe-
 re, mecum scio judicabit, ac prorsus malignè captata di-

stortaque ab Anonymo loquentium verba, & cum verbis mentem (verum modo amet) ingenue fatebitur.

Quod dicitur ex Diacono Narsetem universos Italiae fines obtinuisse, Item cum, universam Italiam ad Reipub. jura reduxisse, responso non eget: sumus eo labore jam ante defuncti, ac satis, nisi fallor, superque ostendimus, verba quantumcumque universalia ac præcisa, interpretatione congruâ explicari debere, diximus item pro interpretatione congrua haberi illam non posse, quæ aut veritati rerum gestarum adversetur, aut jus tertij ædat; ac denique quam exacte utrumque illud in proposita nobis materia attendi pensarique æquum sit, abunde monstravimus.

Postremum denique quod ab exstructa Venetiis æde divis Theodoro & Geminiano sacra, subjectionis contextitur argumentum omnino enerve est: Ait non facturum id fuisse Narsetem nisi in loco sibi subdito. Nihil ex adverso prohibet quo minus id factum sit in alieno. Est quidem inædificatio inter acquirendi rerum dominij modos à gentium jure introductos; ut tamen illa, una cum Dominio soli, jurisdictionem quoque conferat; in loca jam ante inessala alterique possessa, non modo non est juris gentium, sed nec ullius. Sequi sæculum & quod excurrit, jam effluxerat à primâ Venetorum urbis origine, cum demum ædificari coeptum illud, de quo sermo nobis est, sanum: Quis hic in vacua Narsetem venisse dicat, & occupanti cessura? Longe similis est verò, sui in Venetos affectus, inque divos pietatis, illum voluisse *μνημόσυνον* exstare. Quoniam vero ex illo ducis factio, jus aliquod imperii sibi fingit adversarius, videamus quale id sit, ac quidem ut existimo, nemo est quin videat nihil inde juris ulterius exsurgere potuisse, quam ut naturali ratione, ædificium ei cui inædificatum esset, solo cederet, eo deinceps jure censendum quo cætera quæ

quæ divinis ministeriis dicata sunt. Summum quod ex hac ædificatione inferri possit Anonymo si demus, nempe nullius in solo ædem extructam; cesserit ædi solum, *l. in tantum ff. de rer. divis.* sed neque quid, ultra illud. Sin vero (quod sane veritati omnino consentaneum est) habebat jam nunc solum illud dominum suum, exigat utique eadem nature ratio, ut ædem solo cesserit dicamus, præsertim si cum nosset solum illud ad se non pertinere, sciens in alieno ædificaverit: quo casu donandi animum in ædificante jura præsumunt, & nihil æque esse naturale dicitant quam ratam haberi voluntatem domini rem suam alienare, & in alium transferre volentis. Sed nec quempiam fore puto, qui circa hoc factum non animadvertat, gratum obvenisse Venetis insigni opificio urbem suam decorari, ac ut fere semper acceptissima sunt nobis munera, quibus suum est ab autore pretium, quam pronis illos animis tulisse insignem bello ducem, amantem nominis Veneti, & flagranti apud imperatorem gratiâ urbis feliciter adfurgentis decori splendorique de suo etiam quid voluisse superaddere. Mirum sane est Anonymum, qui toties pro se auctoritatem Blondi citat, non animadvertisse idem illum judicare atque ad exornandi urbem in Narsete studium & reddendas pro latis suppitiis gratias factum referre. Ait ille loco quem & superius citavi, *primus externorum Venetiis exornandis attulit adjumentum Narfes Eunuchus Patrius primi Iustiniani imperatoris, copiarum adversus Gothos in Italiam missarum dux, qui quum Veneti eum iraducendû à Tarvisio Ravennam copiis navigio juvissent, postquam subegerat Gothos, Ecclesias sancti Theodori & Gemintani in capite Broly Venetiis ædificavit.*

§. 9.

Qua de Aquilegiensi Patriarcha Gradum confugiente, Gradu autem insula Exarchis Ravennatibus subdita, ab Anonymo dicuntur, solide excutiuntur. Exarchis Gradus subdita non fuit. Smaragdi historia explicata. Aliud Exarchus, aliud Patricius. Patricij qui sint. Esfrenis Anonymi recorda. De regimine seculari, non Ecclesiastico, instituta hac disputatio.

D Evenit ad Logobardorum tempora author Scrutiniij, quos cum neque vi neque jure sibi Venetos obnoxios reddidisse adseverare aut possit, aut audeat, imo vero etiam fateri cogatur, illos in penitiora tractus Veneti loca se penetrare non potuisse, eo quod navigijs destituerentur; petit è longinquo nonnulla, quibus thesin suam firmet, eaque ipsa remota adeo, ut magis de mente argumenti, quam de solido ad illud responso sollicitum me habuerit. Sententiam illius, si quidem satis assequor, hoc vult. Aquilegensis Patriarcham metu hostium Gradum confugisse, Gradum insulam Ravennatibus exarchis fuisse subditam, ac proinde Cæsaribus: ac cum sit in confesso Gradensem Episcopatum ad rem Venetam pertinere, nulli quoque dubium esse posse, quin ex eo recte colligatur inferaturque ipsomet imperatori subditos fuisse Venetos. Quam recte hæc omnia, quamque verè, ægedum videamus. Quod de Patriarchæ fuga è Diacono allegat verum est. Negari item non potest Gradum esse ditionis Venetæ, ac nec ei contradico, quod de Ravennatibus exarchis Imperatori subjectis commemorat, nego tamen exarchis Gradum fuisse subditam

ram, quæque porro ex illa, quam sibi imaginatur, subjectione infert confectanea. Recumbit ergo in adseverantem probandi onus. Hoc ipsum cum nec effugere se posse videat, exemplum adfert Smaragdi cujusdam Ravennatis patricij, hunc ait Ravennâ Gradum sese contulisse, atque ibi pro libitu cuncta tractasse. Respondeo breviter, ex illo quem pro se allegat Diaconi loco non liquere, Smaragdum illum, de quò ibi sermo, Ravennæ fuisse exarchum (quancquam fuisse pro comperto habeam.) Aliud Exarchus est, aliud Patricius. Docent nos instituta Iuris, tir. de adop. ita dictos patricios, quod ab Imperatore in patrem legi solerent, essentque quasi patres ipsius Principis. Sic apud Zozomenum Eutropius Imperatoris Eupuchus *πατὴρ καὶ πατρὸς βασιλέως ἐν ἀρχῇ ἐληνῆν*, & apud Zonaram ipsa Imperatoris mater, Zoste (dignitatis id nomen) & patricia creatur. Præterea quod adfert de Smaragdo illud omnino est facti, atque etiam talis, ut manifestam præ se violentiam ferat. Ait enim Diaconus illo, quem Anonymus allegat, loco, Helix Aquilegiensi Patriarchæ Severum successisse, & regendam suscepisse Ecclesiam. *Quem, inquit ille tamen Smaragdus veniens de Ravennâ in Gradum per semetipsum è Basilica extrahens Ravennam cum injuria duxit cum alijs tribus ex Histria Episcopos, id est Iobanne Parentino & Severo & Vmdemio, nec non etiam Antonio jam sene, Ecclesie defensore, quibus comminans exilia atque violentiam inferens, communicare compulsi Ioanni Ravennati Episcopo trium capitulorum (supple Chalcedonenſis concilij) damnatori, qui tempore Papæ Vigiliij vel Pelagij à Romana Ecclesia desciverat societate. Exemplo vero anno à Ravennâ ad Gradum re versi sunt, quibus neque plebs communicare voluit, neque ceteri Episcopi eos receperunt. Smaragdus Patricius à Damiano non injuste correptus successorem Romanum Patricium accipiens, Constantinopolin remeavit. Hactenus ille. Quis perfectis alijs quid iudicaturi nescio. Ego sane effrenem. Anonymi vecordiam.*

demi

demirari satis non possum, quem è factis tam alienis ab omni jure, simulque ab authore, qui vivus etiamnum Dæmonibus in prædam cessit, ac sacrilegiorum à se patratorum penas dedit, argumenta sua non pudet mutuari. Est hoc si quid unquam

Flectere cum nequeas superos, Acherunta movere.

Execrandum remedij genus & Paganis dictum, morbo sanitatem debere velle: at quo demum nobis habendus est loco, qui jus ipsum justitiamque summa humani generis bona, vastissimis injuriæ violentiæque barathris debere velle pudendum haud putat. Quod porro Cardinali Batonio notatum commemorat Anonymus, Gradenfes Episcopos exortis in Ecclesia dissentionibus ad Ravennates exarchos ut plurimum deflexisse, Aquilegienses vero ad Longobardos convenire solitos; planè ad rem non facit. Sermo nobis de regimine Ecclesiastico, ut jam dici coëptum omnino non est, aut de ulla prorsus Episcoporum inter sese subordinatio-
ne, neque video ad ea, quæ tractamus ullatenus spectare qua verum illi, si quando sævientibus schismatum malis durius haberi premique sese viderent; concedendum sibi judicaverint, una duntaxat nobis de subjectione, temporalem quam votant, est controversia. Hanc Anonymus si probare sese posse confidar, hæc duo demonstret necesse est, fuisse Gradenfes ullo unquam tempore imperatori subditos, ac fuisse etiamnum tales, quo tempore eorum insula cum urbe Venetorum coaluit, parsque illius fieri cœpit. Accedit quod etiamnum tota illa causâ alterius fuerit fori, neque actum sit unquam de jure aut potentia Exarchorum aut obsequiis, quæ illis deberentur, verum de reconciliatio-
ne eorum, quos hæresis divulsos ab Ecclesiæ gremio, transversos egerat. Venetorum ecquid à partibus intervenerit scire lubet? audiamus

diamus age Rubeum suæ rerum Italicarum ac Ravennatum historiæ lib. 4. Ille de Smaragdo loquens sic ait : Severum de basilica tractum Ravennam secum adducit una cum aliis tribus Episcopis quos tandem omnes cum Joanne communicare invitos coegit. Insequenti anno cum se ad sedes quisque suas rectperent, Veneti rudes adhuc earum rerum, nisi quod Romanum nomen summæ illis esset venerationi, subsistere parumper an recipiendi essent, concilioque hac de re omnium oppidorum indicto cum plerique existimarent recipiendos, neque quod fecissent inviti & coacti id illis vitio & culpe vertendum, ea tandem sententia vicit, qua decretum est ab Romano pontifice, quem tunc, ut diximus, Pelagius gerebat, expectandum quid agendum esset. Pontificis enim Romani esse non arbitrii senatorum, hæreticos, qui in hæresi per annum perseverassent, Ecclesiæ reconciliare. Quapropter ex ejusdem pontificis responso non prius ad Ecclesiam quisque suam admissi quam coacta decem Episcoporum apud Maranum oppidum quod Varanum olim fuit Synodo coram omnibus hæresin jam acceptam abjuraverint. Hactenus ille.

§. 10.

Ingenua Anonymi confessio de Longobardis. Falsum Impp. Romanos profugorum in insulas Hadriatici maris Dominos fuisse. Nullum inter profugos & imperatorem imperandi vel parendi jus intercessit. Insula Amacina Exarchis non paruit. Nihil necessitas cum aliis se conjungendi Libertati demit.

FActa Longobardorum, nec non & Gradenfis oppidi mentione, pergit adversarius & cum fateri cogatur, nequam sese ex annalibus eruere potuisse Longobardos, non modo ipsam Venetorum urbem, sed ne insulas quidem ad-

R

jacentes

jacentes sibi subdere potuisse, firmat insuper, quæ nobis sub hujus disputationis principium fuere dicta, compluribus nimirum hostili metu profugos, concessisse in Hadriatici maris lacunas, ac vel patriâ carere potius habuisse, quam Barbaris servire, hanc ergo ut Gradenfis Patriarchatus, & multarum civitatum extitisse originem, quæ tamen nec catenus extendi debere statuit, ut vel præsumere liceat id egisse profugos istos, ut se justis legitimisque Dominorum suorum (impp. scilicet) imperiis subducerent, quin potius vixisse eos Ravennatibus Exarchis subditos, quod & Amacinæ insulæ (Italici *Commachio*) exemplo existimat posse probari.

De Longobardis post tam ingenuam confessionem illius, ultra non est quod urgëamus, ut neque operæ de Gradenfis patriarchatus origine, deque exordio aliarum adjacentium insularum multa coacervare. Hallucinatur in illo, quod Romanos Impp. veros legitimosque profugorum dominos facit, quos utique expellendis Barbaris impares, multis Italiæ locis, quod ea tueri non possent, ultro decessisse aut ut decederent, qua vi, qua sponfionibus adactos fuisse, liberaliter ostendimus; quin & diximus durum, barbarum, ac ne quidem humanum, fore, si quis istiusmodi loca, postlimio servituti velit addicta, sicubi sese, etiam non adniten- te imperatore, suo Marte, suoque sanguine, in libertatem asseruerint, ut alibi Boëthius,

*Repetunt proprios quæque recursus,
Redituque suo singula gaudent;
Nec manet ulli stabilis ordo,
Nisi si fini junxerit ortum,
Stabilemque sui fecerit orbem.*

Atque ut est à naturâ Libertas, ita & ab illius interruptione
ac in-

ac impedimento recessus, atque ad primævam conditionem recursus pro naturali quoque haberi debet. Quapropter si nos ad stipulari ipsi desiderat Anonymus ac statuere cum ipso, illos de quibus nunc loquimur profugos, quantumvis Barbarico jugo colla subduxerant, mansisse tamen Imperatori subditos. Hic iterum duo necesse est ut probet; quorum prius erit Imperatori tanquam vero legitimoque illorum domino; ut ut esset illis tutandis impar, adeoque & suæ illis tutelæ permitteret, durasse semper ac permansisse plenum in illos jus imperandi. Poterius, sicubi in Historiarum monumentis imperatori nonnulli ex prædictis insularis adhæsisse aut ejus agnovisse aut observasse Majestatem deprehenduntur, (inter quos fuere forsitan incolæ Amacinæ insulæ) id eam in sese necessitatem includere, ut omnino dicere nefas sit, illis in eis ipsis fuisse liberum, illam in quam sese asseruerant retinere atque exercere libertatem: Primum quod attinet, aliter sese rem habere jam ante vidimus, ac abesse longe ut revera Imperator dominus illorum fuisse dici possit, quos ipse fatetur, sedibus suis excitos, quæsisisse novas, civitateis extruxisse item novas, idque medio in mari, loco prorsus (si quis usquam) libero & tum quoque vacuo. At nec minus ægre, quod sibi ipse fingit, Imperatori jus durasse, probaturus est, quale quidem ego illi ut largiar à me non impetro.

Movet, quod in proposito nobis themate non possit Imperator (qui loquendi mos) pro subjecto habili reputari. Quippe cum natura dicet dominos ad protegendos sibi subditos non minus obligari, quam ad præstandam cum obsequiis fidem, dominis subditi tenentur, necesse est fateamur, juris id esse minime dubij, cessante potentia; nec non & illa, quæ facultatem imperandi tribuere solet, qualitate, jus ipsum cessare; idque modo non dissimili quam (si privata publicis fas est componere) cessat in hæredem collata

dispositio testatoris orbi, liberis supervenientibus, & sui heredis agnatione testamentum rumpentibus. I. tale pactum. §. ultimo ff. de Pactis. Accedit huic, quod, neque juris patiatur ratio, uti quippiam, vel tunc quoque subsistere, ac non potius extinctum velimus, si quando in istiusmodi casum revolvitur, à quo principium capere non potuit. Vidimus non uno loco, quam accisa profligataque essent imperij res, quas eo statu fuisse probavimus, ut ne quidem à direptionibus barbarorum immunis fuerit Roma, sedes ac caput imperij, nedum ut cætera illius membra longe lateque dissita secura forent. Isto quoque imperij deliquio, apud omnes in confesso est coeptam condi Venetorum urbem, à quo utique in novellam urbem regimen, jurisdictionemque, ac imperium ut facile vel quivis iudicet, inchoari non potuisse, ita & tali rerum cardine (ut ut dare velimus aliquid omnino juris Imperatoribus fuisse) servari illud defendique potuisse nemo crediderit. Iisdem artibus (addo & viribus) quibus initio partum fuit imperium, facile retineri auctor est Crispus, at vero alios in tutela ut habeat, qui sibi ipsi tuendo sit impar, etiam Imperator Romanus absurdum esse pronuntiat. Si verum amamus non potuit illis temporibus inter Imperatorem profugosque præcitos, ulla prorsus existere, aut introduci obligatio imperandi parendive; ad minimum saltem utiliter illa constitui non potuit. Imo ut si vel de facto contra textum d. l. existimo de verb. obl. cum Iuriscônulto Paulo pronunciare iubeat, Novum haud esse ut quæ semel utiliter constituta sunt, durent, licet ille casus extiterit, à quo non potuerunt consistere, nihil tamen inde compendii ad Imperatorem redundare possit. Quæ diximus illustri exemplo probat Rupella, infractis adverso Marte Gallorum rebus, Anglici quondam juris, ac nec multo post excusso jugo libera,

bera, neque etiam prius exinde regni Gallici accessio facta, quam in istiusmodi ultronæ suæ ad parteis Gallicanas adjunctionis redhostimentum, ea à Rege stipulati essent, quæ subditorum conditionem immane quantum anteverterent. Interfuere castri, quod urbi incubabat, destructio, Rege pro se ac successoribus aliud ædificandi Libertatem in perpetuum abdicante; Codendæ monetæ jus: Ut præfectos à rege missos, extranei si forent, aut iusta de causa suspecti, recusandi jus esset potestasque, nulli privatim publicève futura fraudi, aliaque his similia, pacto quin insuper adjecto, crimini sibi aut vitio, vertendum neutiquam fore, si quidem regibus contra pacta conventiona venientibus à corpore regni sese divellere vellent ac in alterius cujuscumque demum luberet Domini, potestatem concedere.

Amacinam insulam, eque adjacentibus civitatibus complures, Exarchis Ravennatibus quare paruisse credat, causam non vidéo: neque enim id ullibi expressum, quod sciam, aut à quoquam memoriæ præditum. Sed neque firum est illud, imo ne ullum quidem subjectionis argumentum, quod de vicinis civitatibus (id enim ex Diacono noster in argumentum citat) divitiæ multæ ibi fuissent commendatæ; quodque Francio militum præfectus, quem ibidem de partibus Narferis fuisse Diaconus ait, cum post sex obsidionis suæ menses Longobardis insulam tradidisset, essetque ipse, pro ut optaverat, à Rege dimissus, Ravennam cum uxore ac suppellectile properaverit. Arguant hæc insulam Amacinam cæteris iusulis (quod & continuo semestri obsidio tolerata, vel me tacente, satis evincit) munitiorem fuisse, arguant insulanis non male convenisse cum vicinis sibi Ravennatibus, subditos tamen fuisse, omnino non probent. Quo ne tamen agere præfractè nimium quispiam nos credat (salva quaquaversum veritate) largiamur age, ita ut nobis per-

suadere tentat Anonymus rem sese habuisse: Demus Amacinos Exarchis paruisse; insula amissa Francionem ad ducem suum, superioremque Exarchum Ravennæ, remeasse concedamus, nihil tamen egerit. Ut ut in omnes sese formas vertat, personam, aut corpus non est ut egrediatur servi conditio, neque etiam in proposito nobis themate ullo modo est ut subsistat argumentum à loco ad locum, à personis ad personas deducendum. Salustii hic verbis utar: *Libertas, juxta bonis & malis, strenuis & ignavis est optabilis, verum eam plerique metu deferunt.* Si quem fortasse in Amacinis, insulisque circumjacentibus metum (quod tamen eum fecisse non video) notasse potuit, ejus sane Venetos non est quod insimulet; ut quibus firmum semper immotumque steterit, id vero demum esse bonum nulli æstimandum, nulli obnoxium agere: unde & illibatam ab posteris transnitere libertatem, suis adusque subnixam viribus, & ab alienis arbitrijs pendere detrectantem. Quanquam & aliàs novum non est, ut tenuioris conditionis si quæ sint civitates, fortioribus sese adgregent, ab illis deinceps protegendæ. Enimvero iniquum foret, quin & iniquissimum, libertati ipsorum præjudicium aliquod ex istiusmodi facto creari, quod ipsos alia mente complexos haud constat, quam ut eandem sibi sanctam retinere & conservare possent. Facit hoc casu necessitas ut omnis honesta ratio esse videatur expediendæ salutis. Quod olim de bello Samnitium Dux adseverabat, *Iustum esse bellum quibus necessarium, plique ipsi arma esse, quibus nulla nisi in armis spes relinqueretur:* idem & nos usurpare possumus de obsequijs, quæ novis durisque rebus, ab infirmioribus. plus quam Manliana necessitatis jussa nonnunquam extorquent. Nihil ea libertati abradere, ac si sola, & per se considerentur, nihil ea juris in eum qui potentior sit, conferre, manifesto ex l. 7. ff. de Captivis & post l. revers. jam aliquo-

ties

ties nobis citatâ, deprehendere est. Quin imo si quid isto casu moribus receptum sit, attendere volumus, notatum Bodino lib. de rep. 5. Bernates olim Burundiorum metu compulsos, sese in clientelam Comiti Allobrogum dedisse, soluto metu, clientelari pariter lege confestim solutos, neque quicquam hoc nomine, quod clientes eos habuisset, comitem prædictum ausum sibi arrogare. Multoties illud usu venit, ut belli direptionumque militarium metu alienæ ditionis homines in oppida munitiora se recipiant, neque dubium est quin quam diu ibi agunt eandem cum cæteris obedientiam loci magistratui debeant, nec alia, quam e subditis quilibet, conditione regi; ast quam primum oppidi finibus excessere, retrogressos ad sua, ultra habendos esse ut subditos, nemo dixerit. Facit huc quod casu non absimili ac in terminis etiamnum fortioribus absolutissimi sui quem de Commissariis scripsit tractatus part. 3. l. c. 3. n. 5. observat Rulandius etiam Iudæis, quorum ut scimus, durior apud Germanos causa, liberum esse quoticumque voluerint exire à tutela illius cui sese addixerant magistratus. Notat idem, firmatum id esse Cameræ Spirensis præjudicio, decretumque adversus nonnullos equestris ordinis viros, qui Iudæorum è clientela exire volentium uxores liberosque captivos attulerant, mandatum cum clausula de dimittendo. Nota sunt illa Plantii apud Livium lib. 8. *Neminem populum diu in ea conditione esse posse cuius ipsum pœniteat.* Agit denique perverse hoc § Anonymus, qui corporis tutelam rerumque, ac ipsam quoque servitutis fugam ab impulsu naturali ipsemet cum arcepsat, præsumendum tamen negat iis adipiscendæ libertatis animum fuisse, qui sese servituti creptos inque plenaria Libertate constitutos videbant: perinde ac si non esset et idem in libertate adipiscenda, servanda, tuendaque, naturæ.

Pergit his § § in astruendo Exarchi ac sic Romani imperii jure antagonista, quod ut se non minus ad Venetos, quam ad cæteras imperij partes extendisse doceat tria Beati Gregorij loca allegat, unum nempe quo Callinicum Ravennatē Exarchum per Epistolam monet; ut Imperatorem certiorē reddat de mutua reconciliatione inter sese, nonnullorum Episcoporum, & inter illos, Caprulani sive Caprulensis Episcopi. Verba sunt, *Neceſſe eſt hac ipſa piſſimiſſi Imperatoribus noſtris ſuggerere ſeſſinè debeatis.* Alterum deinde, quo conſtet ipſum adeoque Pontificem maximum perquam multum detuliſſe Exarchi poteſtati, verba item ſunt ejusdem Gregorij ad Ravennæ Episcopum Marianum, *Magis autem apud excellentiſſimum filium noſtrum Exarchum id ſtudioſius peragite, ut ſuis illos juſſionibus apud eos, quorum illic intereſt, ſecuros in omnibus reddat.* Tertium denique quo aſſeritur Gradenſem Episcopum ſub Romanis fuiſſe. Eſt quidem de Ravenna, de qua ſuo loco, alia res, Caprulanum vero ac Gradenſem Episcopatum eſſe ditionis Venetæ ac tum quoque fuiſſe dubium non eſt. Vult ergo Anonymus ijs locis perlectis æquus lector ipſe, ut judicet eccujus ſub imperiis Veneti dicendi ſint vixiſſe.

Fateor ingenuè multum apud me valere illius, quem pro ſe adverſarius allegat, authoritatem, ut quem non modo ſic vixiſſe atteſtatur Platina, ut neminem uſque ad illa, quibus iſthæ ſcribebat, tempora parem habuerit, nedum ſuperiorem, vel ſanctitate vitæ, vel in rebus agendis diligentia vel doctrina & ſcriptis. Sed & conſentiens bonorum fama receptis coelo mentibus adſcripſit, interim ut, ne perperam ſi diſtorquantur, Venetos lædant cautio nobis eſt. Quod ergo dicit vir ſanctus Imperatoribus noſtris &c. Exarchum tangit ipſumque qui ea ſcribit D. Gregorium, nec eorum perſonas egreditur; ac ut egredi demus, non ſunt

S

alia

alia ista verba, quam enuntiativa merè, quæ ut animo disponendi prolata non sunt, ut ullius omnino dispositionis ac assertionis quoque legitime neque nomen habent, neque qualitatem, (ut de effectu jam nihil dicam) ita quoque nec alia dici possunt, quam prolata simpliciter, & cum narrativis *ἰσχυρισμῶν*. Tum quoque per se sola si considerentur, nihil probant, ast quid sola dico? imo ne quidem dispositiva si sint atque affirmantia, atque illius insuper à quo scripta proferuntur autoritate suffulta. Assertioni (assertiva si fuisse largiri placet) Papæ, Imperatoris, Regis ac cujuscunque demum, qui superiorem non agnoscat, fidem haberi debere plenariam, recepta quidem est DD. & maxime communis opinio, est tamen & hoc verum multis illam, nec immerito, limitationum repagulis obvallari. Quid si enim non per modum causæ (ut loqui solemus) sed narrative duntaxat quid asserant, ac nec in illo quod asserant intentionem suam fundent, utpote quod ad illius, quod sibi alterive arrogare nituntur, juris dispositionem minus sit necessarium? quid si pronuncient de facto aut jure alieno, quod non modo verosimiliter ignorent, sed & cujus in contrarium veritas è vestigio possit probari; quid si per errorem? quid si de re in controversiam non deducta? quid si & de tali, circa quam ipsis non modo non libera, sed ne ulla quidem dispositio competit? quid si ulterius exporrigenda sit assertio quam ad illos ad quos directæ est? quid si denique in tertii præjudicium sit redundatura, nec leve quidem illud aux modicum, sed longe maximum, ac cum gravamine continuo? quid si tertius ille asserentis imperio subditus non sit? quæque his adfinia sunt. Consulat super hac re qui volet Oldradum conf. 258. Ios. Mascard. Concil. 139. Cardin. Thuscum conclus. pract. tom. 6. concl. 62. per tot. non dictis modo casibus sed & longe pluribus, quos illi liberaliter enumerant & compluribus autho-

authoritatibus firmant, adferentes vel ijs ipsis, quos enumeravi in illis quæ dicant fidem haud esse habendam. Quæ si quis ad propositam nobis materiam velit applicare fateatur necesse est, ea ex amissim atque ad unum omnia sive separatim ea spectemus, sive conjunctim, concurrere, atque in illa locum sibi vindicare. Prædictis insuper addere si cui lubet, eam esse verborum, quæ enuntiatiua vocamus, naturam ut neque dispositionem aliquam inducant neque probationem, comprimis eò si directa dicantur, ut iniquè tertio nocitura, jus aliquod per ea constituendum sit, cui semel constituto, tertio illi deinceps ut ut maxime velit renuntiare liberum non sit, næ ille de facili judicaturus est, leviora hæc esse quam ut morari nos debeant, nedum movere. Addamus jam dictis, agi hic de probando per enuntiatiua supremo dominij jure, idque per enuntiatiua non modo non prolata in instrumento aliquo publico (quanquam ne id quidem de jure suffecturum sit *l. si quis in aliquo. C. de Edendo.*) sed in Epistola, quam ad instrumenti publici pondus in astruenda fide neutiquam assurgere, vel me tacente nemo est qui nesciat. Ferreus sit oportet qui cum jus ipsum, quod tamen impensissime libertati favet, enuntiativis verbis in favorem Libertatis disponentibus, vim juris effectumque non largiatur, l. cum testamento. C. de jur. & fact. ignor. in opposito casu, potentia ad infligendum Libertati lethale vulnus, istiusmodi verba esse velit, ac valida.

Atque hæc quidem de verbis, eorumque ad conferendum tollendumve imperij jus *enunciata* dicta sunt. Super re ipsa, subjectione nimirum illa, de qua ibi D. Gregorius, multis agere operæ pretium non videtur. Subjecta materies, nec non & scribentis qualitas (ut de meo nihil addam) satis evincunt, esse eam alterius fori, ac nec aliter quam de spiritali

caruē quæ inibi dicuntur intelligi debere. Non immitto
falcem in alienam messem.

I. 14.

Frustra Anonymus ex Heraclia ab Heraclio dicta, probatum vult Imperatori subditos Venetos fuisse. Heraclia à quo condita. Ordini sacro addictus Heraclius. Equilium à quibus dictum.

NARRAT porro Heracliam ab excidio Opitergij conditam, eique ab Heraclio, qui tum temporis Romanorum erat imperator, nomen impositum fuisse, ac cum nomine urbi nascenti, quæ brevi ex inde spatio non poenitendis incrementis assurrexerit, ac prima quoque Ducum Venetorum fuerit sedes, subjectionis characterem vel ab origine impressum.

De veritate historię non est quod ambigamus. Conveniunt in eo Sabellicus, Iustinianus, Sigonius. Quod tamen de impressio subjectionis caractere fingit Anonymus, id non falsum modo est, sed & malignitatem spirat. Heracliam qui condidit Antistes fuit cognomento Magnus, patriā Altinās, vir sanctimonia vitæ ac morum comitate, apud suos longe clarissimus. Hunc Opiterginæ Ecclesiæ pridem Episcopum, ejusdem Opitergii excidium, novam ubi sedem fingeret, despiciere coegit. Secessit ergo in interiora paludum ac novæ urbis fundamenta jecit: quam quod ab Imperatore Heraclio denominari ac Heracliam dici voluerit sat erat causarum. Ferebat sese Heraclius addictissimum ordini sacro, tremendis id temporis (non ignorat hoc, qui Ecclesiasticam historiam modo à limine salutavit) persecutionibus obno-

xio

xio ; fovebat illum protegebatque, & qua poterat, suble-
bat. Recens erat illius erga Aquilegiensem Ecclesiam be-
nemeritum, ut qui non modo aurea atque argentea vasa com-
plura, sacris usibus destinanda, Patriarchæ sive Episcopo
Primogenio, sed ipsam quoque Divi Marci cathedram,
Chosroe debellato ab Alexandria usque transmiserat, sui in
Aquilegiensem Ecclesiam amoris ac pietatis monumentum
suis ipse ulnis manibusque Crucem Christi Saracenis erép-
tam bajulaverat, & victor in urbem Hyerosolymam atque
in ipsum montem Calvariæ reducerat, nudus pedes & ad
Patriarchæ monitum projectis imperatoriis insignibus veste
plebeia indutus. Fortunatus quoque Gradenſium Episco-
pus sede sua deturbatus, quantumvis alieno tempore ac im-
plicito bellis Persicis Heraclio ; non aliunde tamen quam ab
ipso auxilium sese expectare monstraverat. Secutus exem-
plum Magnus quid mirum, si illa quoque ratione conci-
liare sibi Imperatorem ac demereri tentaverit, ut quem
non modo lætioribus si quando se offerrent, rebus faventem
sibi experturum sese consideret, verum etiam si quid denuo
à Longobardis, Opiterginæ sedis eveisoribus, exitiale timen-
dum foret, asyli loco esset habiturus.

Atque hoc est quod uno ore quos allegavi Historici notant
Magnum Altinatem impietatem Longobardorum, quos
tandem pestilens sidus, adflaverat Arrianæ Hæreseos vi-
rus, detestantem fugientemque, urbi à se conditæ in Prin-
cipis gratiam Heracliæ nomen indidisse. Quando vero id
factum ? quo nimirum tempore nondum sese ad Monothe-
litas (hæreticorum id genus unam in Christo voluntatem
deprædicantium) deflexerat, alii que (verba sunt Historici)
sceleribus sese contaminarat, sed virtutum opinione, om-
nibus gentibus erat venerabilis. Hic vero in Anonymo cal-
umniandi animum lector deprehendat, & non vulgare li-

bertatis spiramentum etiam in profugis Heracliae conditoribus conspicuum. Est eorum quæ dicturus sum, leviusculum quidem illud, tantum scilicet abesse ut in servitutis notam nomenve exules illi consenserint, ut conditâ jam tunc Heracliâ, à supradictis Opitergii quondam civibus, eundem antistitem agrestes quidam cum equis pecoribusque secuti, cum Heracliae mœnibus contineri non possent, alium sibi locum elegerint, eumque (ab equis ut etymon sonat pecoribusque) Equilium appellarint, ut est author Sigon. de Regn. Ital. lib. 2. Hi sane si quidem una cum civibus suis Imperatori sese obnoxios antestari volebant, earundem calamitatum, fugæ ejusdem focii, ac pari cum illis necessitate ad novam urbem condendam compulsi, non erat ut nomen principis quod civeis suos arripuisse avidè, ac ominis etiam loco videbant amplexos, ipsi diffugerent. Illud vero majus est, quod ruente, atque adeo etiam devexo in scelus non minus quam in hæresin, Heraclio, perinde ac si indignus esset ille cujus nomen ad posteros transmitteretur, ac ut sunt urbes ad spem æternitatis institutæ, cum urbe perennaret, ipsum Heracliae nomen superesse noluerint, coeperitque posteris urbs nova dici, quæ prius Heraclia fuerat dicta. Suo sic olim sæculo, quamvis occasione longe diversa Nolanis iratum Maronem cum ante dixisset

— *Vicina veservo*

Nola jugo —

Urbem illam cujus nomen victuris æternum carminibus inferuerat, ex albo velut immortalitatis expungere voluisse Servius notat. καὶ τὴν μὲν ἐν παρῳδῳ. Debuerat quæ retuli apud eundem Iustinianum, eodem loco, eodemque quem citat libro, Anonymus vidisse, aut saltem animi morbo eo usque indulgere non debuerat, ut iis venilis conditionis stigma

stigma inustum vellet, apud quos, res ipsa planum facit, etiam duris adversisque rebus, neque declarandæ gratitudini pronos affectus, neque generosam quoque Libertatem defuisse, qua cum vitiis, ipsam insuper vitiorum scelerumque memoriam, gravem sibi esse exosamque testarentur.

§. 15.

Male Anonymus quod ex jure probare non potest; ex facto adstruere conatur. Duces ab Imperatore non creati. Duces Veneti à quibus instituti. Prima Ducum in Italiâ origo. Longinus totius Italiæ Exarchus nullum Venetiæ ducem præfecit. Non eadem Venetorum cum cæteris Italiæ ducibus origo. Exarchi quot annos rexerint. Eorum sedes. Primus Dux Venetorum. Nullum Exarchi nullum Pontificis, nullum Imperatoris factum in creando Duce intervenit.

Diversam hic ab IC^{is}. viam Anonymus insilit, qui cum ex facto jusoriri tradant, ipse contrario prorsus modo, quod ex jure probare non potest Imperatori competisse, in facto fundamentum locat, illiusque validitatem deducit, atque hac ratione subditos Imperatori Venetos asserit, quod Ducum Venetorum, ut vult, origo, Ravennatibus Exarchis, ut delegatis ab Imperatore Vicarijs, adscribenda sit: Exarchis vero quum nec aliunde creandi Duces potestas quam à delegata jurisdictione imperatis proficisci potuerit, à delegatis facta ad ipsum delegantem referenda statuit. Prætereo ea quæ in hac hypothesi sunt juris, utpote talia, quæ probationem non requirant: ipsam thesin pro-

probari ait posse, utriusque Iustiniani, Antonij, nimirum Petrique testimonijs, quorum prior fatetur nonnullos existimasse dignitatem ducalem ab Imperatore collatam, quamvis ipsi ea se minus probet opinio; aitque Italiam, quâ ab Exarchis, quâ à Longobardis, dignitate Ducum coeptam repleti. Posterior Legatos ad Pontificem missos ait, ut instituendi legendique potestatem Pontifex autoritate, perpetuo Venetis confirmaret.

Quod ex jure deducit argumentum petitione principij peccat: aliud nobis in quæstione hætenus non est quam id ipsum, quod pro fundamento ponit. Dicunt ex adverso Veneti, cum delegantem nunquam supra se agnoverint, nec gesta à delegatis ad se pertinere. Videas ergo illos de imaginariæ illius delegationis vi atque efficacia plane idem pronuntiare posse, quod olim de condemnatis usurpatum Ulpiano in l. si sese non obtulit, 4. ff. de R. I. §. condemnatum accipiendum nempe pro condemnato, cum qui rite condemnatus est, ut sententia valeat; cæterum si aliqua ratione sententia nullius momenti sit, nec condemnationis verbum tenere. Nec male: eadem utrobique ratio negat, in rerum natura quod non est, accidens illius dari. Sed nec alio laborat vitio, quod Iustinianus recenset voluisse quosdam dignitatem ducis ab Imperatore collatam: quicumque enim illi tandem fuerint (quos mirum est ab Anonymo non conquisitos, cum tam curiosus etiam minutula atque adeo remotissima quæque peruestigaverit) non habuerunt illi fundamentum aliud opinionis suæ, quam quod Imperatori obnoxios fuisse Venetos crediderint. Probanda ergo in antecessum illius potestas foret, quod quam diu non sit (sane hucusque id non fecit adversarius) supervacuum fuerit rationum momentis conjecturas per se satis vanas & nulla veri autoritate suffultas, cludere velle. Veniamus ergo ad illa quæ fa-

quæ facti sunt, eaque male ac perperam in Venetorum detorqueri præjudicium demonstramus. At ex Iustiniano, *Italiam qua ab Exarchis, qua à Longobardis captam repleti ducibus.* Sed quid hoc? ergone & illo tempore urbi Venetorum præfectus dux? id si factum, à quo vero? num à Longobardis? nihil minus, id enim verum si esset, jam non Imperatoris, sed Longobardorum regum subditi fuissent Veneti. An ab Exarchis? quin cum nominat. Annales age consulamus, qui de prima ducum in Italia origine scripserunt. Blondus, cujus potissimum autoritatem sequitur adversarius, ac quacumque potest thesi suæ aptat lib. 8. decad. 1. sic ait: *Ceperunt autem urbs Roma & Italia novam gubernationis formam, ex qua dignitatem, gloriam & apud orbem terrarum timorem magis amiserunt, quam omnibus ex illis calamitatibus, quæ eos centum & sexaginta annos attriverant, atque aliquando fecerant Romam relinquere feris & obscuris avibus habitandam.* Longinus namque novum in Italiam adduxit Magistratum nomen Exarchatus Italie, qui interpretabatur Summus Italia Magistratus, & Ravennæ se continens, nunquam ivit ad urbem Romam vel qualis esset inspicendam. In administratione vero Italie, & urbium, quæ in Iustini Imperatoris partibus cum Roma & Ravenna duraverant, hunc primus servavit morem, ut non Provinciæ sive regioni præesset Princeps aliquis aut Magistratus, sed singule urbes singula oppida à singulis custodirentur regerenturque magistratibus, quos appellavit duces.

Sigonius, quem & ipse non uno loco commendat, à fide, lib. 1. de regno Italiæ Blondo adstipulatur ac de Longino sic ait: *fr Narsetem &c. & quod summa cum potestate atque imperio venerat, novam pro arbitrio Italiæ administrationem induxit.* Primum Ravennæ non Romæ præfectura suæ sedem posuit, nec se ducem sed Exarchum Italie quemadmodum Exarchus erat vocavit & provinciarum consularibus correctoribus, præsidibusque sublati singulis civitatibus singulos duces imposuit, ac varios eis ad reddenda jura judices assignavit.

T

Iustinia-

Iustinianum, Sabellicum, Sanzovinum, aliosq; idem memoriae prodentes omitto, ne Veneti cum sint, Venetis additiones esse obijciatur: quanquam in simplice rei gestae narratione, nec odiis, nec affectibus locus esse potest, ac citra mendacii notam scriptoribus à veritate defiectere non detur; & ex allegatis qua Blondi, qua Sigonii locis, longe diversum elicio. Esse nimirum evidens p o Venetis Libertatis argumentum, quod Longinus, qui totius Italiae Exarchus erat, qui singulis Italiae urbibus duces suos assignabat, nec urbibus modo, sed & oppidis etiamnum munitis, nullum Venetis ducem praefecerit. Nemo eorum, qui modo cum adversario statuere volet Imperatoriam Iurisdictionem, ad omnia generatim ac nullo discrimine exporrectam ex istiusmodi creatione ducum à vicariis Imperii facta, valide probari, in dubium id mihi, ut reor, erit revocaturus, non leviter adstrui Venetorum Libertatem, ex hac ipsa ducis creatione apud Venetos omissa. Quin assensum hic mihi si quis negare sustinet, diversitatis assignet velim rationem, causamque edisserat, cur qui per omnem Italiam priores magistratus antiquaverat, & ad novam regendi normam cuncta redegerat apud Venetos pristino statu res manere voluerit, suisque eos potissimum, ac neque praeteris, verum & solos Magistratibus permiserit regendos.

Dicam amplius eo majore cum instantia diversitatis me rationem assignari velle, quod non modo vicini Ravennatibus essent Veneti, ita ut n si liberi, ut erant, fuissent) verisimile non sit Longinum (qui & remotissimis Italiae locis de duce prospexerat) ipsorum in eo praeficiendo rationem habiturum non fuisse, sed quod ipsum Longinum Veneta in urbe versatum ex annalibus constet, benigneque exceptum, ac Venetis insuper honoris ergo multis cum navigiis comitantibus deductam Constantinopolin, factum id anno
ab urbe

ab urbe condita centesimo quinquagesimo octavo, id est toto quinquennio (si Sigonio credimus) antequam ab Imperatore Mauritio, successore ejus in locum Smaragdo domum revocaretur. Nemini sane istorum temporum historiam revolventi non videatur absurdum Anonymi dogma, qui velit Longinum in potentiae suae argumentum Venetis ducem (si quem alias praeficere in animo habebat) praefecturum fuisse, qui non Venetorum modo indigebat auxiliis, eaque ut rebus suis firmandis valida deprecare sustinebat, sed Classensi oppido, quod quam paucissimis à Ravenna miliaribus aberat, quodque ejus velut in conspectu obsidione premebatur, liberando par non erat; absurdum etiamnum, statuere si quis velit, factum id fuisse pro summi Imperii jure, cui reluctari Venetis tantundem fuisset ac strigosis equis Τὸ πρὸς κεντὰ λακτιζῶν. Alia longe quam ut tale quid admittamus temporum erat ratio, alius rerum status, nec id sinat Longinus ipse, qui praeterquam quod tum temporis bellicis distineretur curis, ubi ad se redierat, erat (talem cum annalium depingunt scriptores) infrunitus prorsus ignavusque, ac ipsi quoque Pontifici Pelagio dispectus juxta ac invisus. Eorum quae dicimus fidem adstruant illa ad Apocrisarium suum, qui illi postmodum in Pontificatu successor fuit, Pelagij verba à Sigonio citata: *Agite consulti quo pacto possitis mature nostrum periculum subvenire, quia res publica (Romana nempe) in tantas est angustias deducta, ut nisi princeps magistrum militum ac ducem huc mittat, omnibus simus auxiliis destituti: Nam pleraque urbes Romanae ditionis praesidiis vacant, atque Exarchus scribit nullum se nobis auxilium ferre posse. Ne se ad Ravennae quidem partes tuendas scire valere. Faxit Deus ut Imperator nostris subito periculo praesto sit, priusquam nefandissime gentis exercitus occupet quae à Repub. adhuc obtinentur* His de rebus subjungit immediate Sigonius: *Mauritius in praesens Longinum ut parum ad*

tantam rerum molem sustinendam idoneum revocavit, ac Smaragdum patricium virum impigrum atque imprimis militia gnatum Exarchum cum novo exercitu Ravennam, Gregorium vero ducem & Castorum magistrum militum destinavit. Quid quod Gregorius ipse alibi scribit: Malitia Exarchi erga nos, gladios Longobardorum vicit, qui nos rapinis ac fallaciis perdidit. Sed pergamus.

Evanidam esse omnino Anonymi conjecturam, Venetorum originem ab Exarchis deducentis, probatur quoque, vel hoc ipso quod non eadem Venetorum ducum cum cæteris Italiae ducibus fuerit origo. Referunt cæteri omnes ad Exarchum Longinum sua principia, Veneti ad Exarchorum nomen. Annorum computum si inimus, tribuuntur Exarchis anni centum & septuaginta quinque. Primus sese Longinus Exarchum, non ut sex civitatibus præfectum (qui quorundam est error) sed ἡγεμον, id est eximium, sive principum principem dici voluit, anno à partu Deiparæ quingentesimo septuagesimo octavo, à Venetorum urbe condita, centesimo & octavo supra quinquagesimum, Longinum Smaragdus excepit, Smaragdum Romanus, Romanum Callinicus, Callinicum alter Smaragdus, illum Iohannes Lanugius, natione Thrax, Lanugium Eleutherius, Eleutherium Isaacius, Isaacium Calliopa, Calliopam secutus Iohannes Platina, Platinam Theophilacius, illum Paulus Exarchorum penultimus, cui demum successit Euricus, qui anathemate percussus eundem & Imperij & Exarchorum nominis habuit finem. Exarcho demum Paulo, id est totis novemdecim, supra centenos, annis primus Venetijs Dux creatus Paolucius, sive Paulus Anafestus. Revolvantur omnes omnino Chronologi quotquot sunt, vel ante quot fuerunt si quis dicat ab ullo prædictorum Exarchorum, Venetorum ducem creatum, causa cadam. Quo tamen malignas suspiciones, quas legentium animis callide adver-

adversarius insinuat, planissime configam, ac ne illarum vel umbra superesse possit, ostendam mox suo loco ubi Anonymus agit de nonnullis, quæ sub Pauli Exarchatu, (sic loqui liceat) obvenere, ad Exarchum illum Paullum, ducem eligendi institutum referri non posse, eive acceptum ferri. Quod ubi præstitero, neminem fore puto, qui ducis creandi morem receptum jam tum & approbatum ad Euricum Exarchorum novissimum retro trahendum existimaturus sit. Ut alia omnia præteream, constat illum tanto odio laborasse adeoque despectui habitum ut non alia de causa Stephanus Romanus Episcopus Pipinum Gallum sibi in Italiam evocandum judicaverit. Ut vero conjecturis omissis regiam veritatis ingrediamur viam, mirum mihi videri profiteor quid Anonymum impulerit quam ob rem, si quidem allegatam à Iustiniano quorundam opinionem in medium adducere volebat, nullam prorsus eorum fecerit mentionem, quæ illamet ipsa verba, quæ citat, proxime antecedunt sequunturque. Vidit nimirum figmentis suis insignite pugnatura, nec fieri posse, quin eximium pro parte adversa ex illis ipsis assurgeret argumentum; quale sit hoc, quod non modo haud eadem creandi duces causa apud Venetos reperiatur fuisse, quæ cæteris locis, sed usque adeo diversa, ut nihil in illis aut simile aut commune quis comprehendat. Primis per Italiam ducibus Exarchi lubido præpostera principium dedit. Venetis vero commune urbis jam prope adultæ bonum. Nempe Juvenis ad instar aquilæ, quam (Poëtæ verbis loquar)

*Olim juvenus & patrius vigor
Nido laboris propulit inscium
Vernique, jam nimbis remotis,*

Insolitos docuere nisus.

Venti paventem, mox in ovilla

Dimisit hostem vividus impetus,

Mox in reluctantes dracones

Egit amor dapis atque pugnae.

Veneti jam tum vires, in quas succreverant exploratas habebant, illarum robur laceffendo fenserant, hinc Longobardi, Veneto nomini vel alias minus æqui, inde Turcæ, nec non & pyratarum maleferta colluvies, à vicinis prosperos urbis successus oculo sinistro torve spectantibus, submissa: accedebat ferale discordiæ virus, & à secessionibus periculum. Ventilabant quaquaversum dissidiorum stabella Tribuni qui si quid delirarent, plectebantur cives, illorum subinde conspirantibus studiis pressi, aut ubi dissiluerant distracti. Primus Christophorus Gradensis Antistes non aliud discordantis patriæ remedium fuisse, quam si ab uno regeretur, cum jam tum ut ad unum cuncta deducerentur pacis interesset cordate demonstravit, additoque in omne ævum salubri temperamento libertatis, valere jussis missisque Tribunis, auctor fuit ut Rectorem quidem Senatus crearent, sed regnantis tamen. Extat illius digna magno præfule, digna populo libero ad insulanos concio, traduce libertatis spiritu vel isto sæculo decora. Nullum vero Exarchi, nullum Pontificis, nullum Imperatoris factum intervenisse reperio. Si quis intervenisse dicat, probationibus justis se patet. Me quidem, ut ut aliter rem se habere commonstranti cessurum ingenue profitear, non movet illud, quod ducis sui ab Adeo-dato Pontifice confirmationem Venetos petijisse Anonymus allegat ex annalibus Petri Iustiniani, cum vel ipse totis viginti annis, antequam Duces Venetijs creari cœperint, Adeo-

Adeodatum invivis esse desijſſe notet. Tunc tamen Venetos petijſſe à Pontifice confirmationem Ducis ſui, idne eos pontificum poteſtati ſubjecerit ? nihil minus, utique longe abſit, ego id ut ſtatueretur, præſumam cum ne quidem Anonymus Venetos ſimpliciter ſubditos finxiſſe minime contentus, niſi ut vicarios inſuper traducat, rem tam à vero diſſonam eſſeire, nedum argumentis rationibuſve auſit tueri. Summum ut largiamur potuit erroneo illo ſuo effatu, Juſtinianus theoninis Anonymi dentibus lancinandum ſe præbere, potuit illi quid admorderet oſtendere, ſarta tamen manet, ac teſta Venetorum Libertas, nec ullum inde veritati luxamentum, quæ rerum geſtarum erroribus non vitiatur.

§. 16.

Fallitur Anonymus, dum inter terram continentem à Venetis incultam, & lacunas Hadriatici maris diſtinguendum non putat. Inepte etiam ex ſcripta à B. Gregorio ad Venetorum Ducem Epistoſa ſubjectionis inſert argumentum.

EST hæc Marci Tullij Ciceronis ad Quintum fratrem ſententia, *Ea eſt hominum labes, ut ſimulationum involucris tegatur uniufcuſque natura.* Vel tuta in adverſario mihi ſpectata ſunt, nec tamen ſuſpicionibus indulgere eſt animus: quod res eſt fatebor, non ſatis aſſequor quid ſibi noſter velit, cum hoc §. Gregorium 11: Marcello Venetorum Duci, ordine pariter ſecundo, ſcripſiſſe commemorat, cum inſcriptione *Dilectis filiis, Donato Patriarchæ, & Episcopis atque Marcello Duci, & plebi Venetiæ & Iſtriæ,* cujus epistoſæ tale quoque ſit exordium: *A Deo ſalvata communitas veſtra, &c.* Quantum con-

conjicio, vult hoc, non esse distinguendum inter Venetos, qui terram continentem incolant, quive in lacunas dispersi degant, sed nullo eos habendos discrimine, Pontificis nimirum exemplo, qui omnes ac singulos uno communitalis verbo sit complexus, aut si non id ei est in animo, subjectionis inde aliquam notam conatur elicere. Utrumque male, de priori, jam non agam, ne retexendis iis quæ jam ante adstructa sunt, ac vel adversarii confessione stabilita, fastidium legenti creem; illud addam, alterius illum cujus Epistolam jactat, atque ipsam quoque Epistolam, ut ex inscriptione liquet, fœni fuisse, ad filios spirituales directam, hos ipsos arctis nimium finibus, malignisque prorsum, circumscripsit Anonymus, si alios ipsis limites, quam quousque Beati Petri temporale (fas sit ita dicere) patrimonium exporrigitur, assignat, ut de Epistola ipsa nihil dicam. Quin ea pastorem curam, quin ordinationem ad spirituale bonum, spiret, mihi non est dubium: quidquid sit, adversarius ne quid quidem ex illius contextu adfert, quo libertati Venetæ vel tantillum decedat. Sin ex hoc, ipse quod scripserit Venetorum duci, plebique eorundem subjectionem infert à spirituali diversam, putidus est, eademque ratione Narsetem, Constantiam Augustam, Theodelindam Longobardorum, Brunichildem Francorum reginas, & quos non denique? Gregorio primo subiectos dixerit, hoc nomine quod multoties ad illos literas dedisse illum videamus. Filij sane vox dilectionis nota est, non Imperij, patrem spirat, non dominum, affectum denique scribentis adversus illos, quibus scribit, propensissimum, ac verbo ut dicam istiusmodi, qualem à nullo superari ipsæ adeoque sacratissimæ leges ajunt, sed non ero hic longior ne aut *οκνημαχῆν*, aut Andabatarum more in tenebris decertare credar.

S. 17.

Historia Leonis Isaurici Imp. excussa. Varii propterea motus exorti. Tempora nonnihil turbata ostenduntur. Venetorum duces & antiquati & denuo restituti. Exarchi quando esse desierint. Pontificatus Gregorij tertij, & Leonis Isaurici coincidunt. Rebellionis nomen aut crimem in Venetos non cadit. Rebells quis sit. Argumentum ex Etymologia infirmum. Diaconi locus illustratus.

Altius hoc S adversarius affurgit, ac non vulgare propositæ sibi subjectionis illius indicium putat quod Diaconus, exulceratis contra Leonem Isauricum animis, & rebus, ut videbatur, jam jam erupturis in nervum Ravennatem exercitum cum Veneto confundat. Verba Diaconi sunt: *Omnia quoque Ravennæ exercitus vel Venetiarum talibus jussis uno animo resisterunt & nisi eos prohibuisset Pontifex, Imperatorem super se constituere fuissent aggressi.* Hos ipsos animorum motus Blondo rebellionis voce taxari signarique notat. Illius item verba sunt: *ut Ravennates primi, exinde Venetia populi atque milites apertam in Imperatorem Exarchumque rebellionem præ se tulerint.* Tria consideranda videntur ipsi in Diaconi loco: primò, quod pari gradu Venetis ac Ravennas exercitus constituatur, ideoque indubie & pari subjectionis gradu censendi sunt: secundò, quod Imperatores supra se constituere voluerint. Ac denique quod Blondus loquatur de *populis Venetiæ* quod omnino etiam auctore Sabellico de terra Venetorum continenti non sit accipiendum, sed de Insulis maris Hadriatici.

Commode ad hoc argumentum responderi non poterit, nisi facem nobis præluceat historica Veritas, quam nimio plus parachronismis & enatis inde erroribus involutam, quo defensionis nostræ fides constet necesse erit expediri. Loquar ergo verbis alienis quacumque potero, & jugi collatione facta, protinam è Democriti puteo temporis filiam, quæque de Venetis ex Diacono, Blondoque allata sunt iis, de quibus nobis sermo est, Venetis aptari neutiquam posse demonstrabo. Certum est Leonem Isauricum Imp. Rom. cui post modum Iconomachi sive Iconoclastæ inditum nomen, Philippici cognomento Bardanis inhærentem vestigiis, ~~καὶ ὁμοῦν~~ omnibus omnino sanctorum imaginibus bellum indixisse, utpote qui auctore Sigonio vano Hebræorum vaticinio inductus, hostem eis se fore, si imperio potiretur, promiserat; quin cœque progressus est, auctore Diacono, cuius hæc verba sunt, *ut compelleret omnes Constantinopoli habitantes, tam vi quam blanditiis, ut deponerent ubicumque haberentur imagines, tam salvatoris, quam sanctæ ejus genetricis vel omnium sanctorum, easque in medio civitatis incendio concremare fecerit. Et quia plerique ex populo tale scelus fieri præpediebant, eodem referente, aliquantii ex eî capite truncati, alij parte corporis mulctati sunt, cujus errori Germanus Patriarcha non consentiens à propria sede depulsus est, & ejus loco Anastasius presbyter ordinatus est.* Hæc eadem Diaconi eisque sequiora excipiens Blondus allegato porro loco sic continuat. *Non cessavit mala intentione frustratus Imperator, quin imo majora in dies exaggerans scelera apud Pontificem blanditiis primo egit, ut si in suam vellet gratiam promoveri sanctorum imagines ubique in Italia, sicut ipse in suo Orientali fecerat imperio aboleri, deponi, incendiique curaret. Cui (subjungit) impietati tantum absuit ut consentiret Pontifex, quod è contra per universum terrarum orbem scripsit, ne impiis profanisque istiusmodi jussionibus obedirent, tantam tunc potestatem habuerunt Romani Pontificis decreta, ut Raven-*

nates

nates primi, exinde Venetia populi apertam in Exarchum Imperatoremque rebellionem jure se tulerint, impulerintque Pontificem ut abrogata Constantinopolitani imperii majestate, ex Italia Romæ Imperator diti-
 tigeretur, eoque processu Exarchi rebellio, ut depositi Exarchi magistratibus, singula et civitates, singula oppida, tunc primum postquam Romanum inclinavit imperium, proprios sibi magistratus quos appellarunt duces perficere inchoaverint. Composuit vero Stephanus Pontifex eam deligendi Imperatoris novi Italianensium voluntatem quod Leonem speraverit, saniori postmodum consilio flagitii temperatum; procedebat tamen & invalescebat indies Romanorum Italicorumque rebellio; Marinus Spatharius qui Romæ urbis dux erat, ejusque filius Campanie populos pertentaverunt. Quod cum rescissent Romani, patre & filio interfecit, Ducem & ipsi quendam Petrum nomine creaverunt. Et pariter Ravennates auditis hiis que per Italiam primo, & postea Romæ factæ erant, post variatas inter civitates intentandarum rerum novarum consultationes Paulum Exarchum interfecerunt. &c.

Quantum ergo ex Blondo colligere licet, opposuit sese Leoni Isaurico Pontifex Stephanus, hunc authorem, hunc ducem, hunc denique moderatorem habuere illorum temporum motus rerumque transitus, sed metuo ne parum ex vero id narretur. Ut enim vult Anonymus ac quidem (ut nec inficior) recte, gesta sunt hæc anno circiter septingentesimo vicesimo quinto. Stephanus vero totis viginti & septem annis ab illo demum tempore Pontificatum adeptus est, nempe anno septingentesimo & secundo supra quinquagesimum, rerum jam tum ab excessu Leonis, decennium integrum potiunte Constantino Copronymo. Turbat insuper sedis Apostolicæ successionem Blondus. Verum quippe ille si diceret, eradendi essent ex albo Pontificum Gregorius III. Zachariaque, quorum uterque Stephanum præcessit, annosque quisque sui Pontificatus enumerat plures decem. Sed neque res Venetæ permiserint ut

hæc in Stephani tempora dicamus incidisse, cum certum sit, etiam annuente adversario, obvenisse illa Urbi Hypatii Venetorum ducis temporibus. Urso, dum turbantibus Heracleanis & Equiliensibus medium sese interponit in turba occiso, cessavit quantisper Venetijs ducum electio; quin ducibus antiquatis fasti numerant quinque equitum magistratos annuo imperio urbi præfuisse, hic vero Magistratus cum denuo minus placeret, constat Theodatum Hypatum jam anno ante Constantini Copronymi imperium creatum fuisse Venetorum Ducem. Similiter non ferat hoc Exarchorum Ravennatum Historia, nam si Blondo credimus, præcessit hoc Stephani factum Paulli Exarchi necem, quam sub Isaurico obvenisse certum est, quin imo aliquot annis ante Ilius Isaurici mortem. Tradunt nimirum annales Isauricum Paullo interfecto Eutychum constituisse Exarchum, in quo & Exarchorum ut dignitas, ita & nomen, idque illo etiamnum imperante esse desijt; licet non desint qui demum Copronymo imperante Exarchorum gubernationem desijisse memoriæ prodant. Quid? quod & Longobardici regni series evincat contrarium. Siquidem enim illa obvenere, ut certe obvenere sub Luytprando, fieri non potest ut hæc Stephano attribuantur, cujus, Sigonio si fidem habemus, ut Aistulphi regnum Pontificatus incidit, cum tamen Aistulphum Hillebrandus præcesserit & Rachis, quorum prior paulo plus semestri, posterior toto quinquennio & quod excurrit Longobardini regni habenas moderatus est. His addamus Chronologos passim, ac nominatim qui de rebus Italicis Pontificumque scribere, Platinam in vita Gregorij, Sigoniumque lib. 3. de Regn. Ital. diversum à Blondo statuere: quamquam nec diffitear, qui post illos scripsit, Sabellicum, ut ut illis propior accedat, à Blondo non omnino abscedere. Ut ergo ex incertis certa constituamus, eaque tandem

tandem nostro instituto applicemus, statuendum in eadem tempora incidisse Leonis Isaurici imperium & Pontificatum Gregorij tertij, tumultusque illos, de quibus nobis agi jam cœptum ac deinceps agendum erit, præcessisse Pauli Exarchi necem, quorum posterius omnium consensu verum cum sit, probationem non requirit, prius etsi enervata Blondi contrarium statuentis autoritate probatum satis videri possit, non gravabor tamen hic quos modo citavi Platinae, Sigonij locos (cum & insuper lucem illaturi sint ad ea quæ nobis dicenda sunt) hic transcribere: ait ergo ille, *Hic Gregorius, nempe statim ubi Pontificatum iniit, Cleri Romani consensu, Leonem tertium Imperatorem Constantinopolitanum imperio simul & communione fidelium privavit, quod sanctas imagines è sacris adibus abrafisset, & statuas demolitus esset, quodque etiam de Homouso male sentiret.* Sigonius vero sic in fit. *Rome autem Gregorius Pontifex harum rerum certior factus, sevirè animo atque extrema meditari remedia cœpit. Itaque Pontificis Constantini exemplo decretum proposuit, quo Leonem Imperatorem piorum communione removit, ut qui non solum non Catholicus, sed etiam Catholicis infestissimus esset, ac mox Italiae populos, sacramenti quo se illi obligaverant, religionem absolvit; & ne ei aut tributum darent, aut alia ratione obedirent indixit. Quo decreto accepto Romani, Campani, Ravennates & Pentapolitani à Leone subito defecerunt ac varijs tumultibus excitati, ipsos etiam violare Magistratus non dubitarunt, quippe Ravennæ Paulum Exarchum occisum est, Romæ Petrus dux luminibus captus, in Campania Exhilaratus dux cum filio Adriano obruncatus est. Quin etiam edij sui vim adversus eum vehementer adeo intenderunt, ut ad hostiles acerbitates proventi de imperio illi abrogando alioque Imperatore legendo retulerint. Quod consilium Pontifex ut parum præsentì tempori aptum oportunumque repudiavit. Hactenus ille. Quæ cum nostram irrefragabiliter sententiam fiment, constanter nego, rebellionis aut nomen, aut crimen, quod ex Blondo Venetis impingere studet Ano-*

nymus, in illos potuisse cadere. Fundamentum mihi est cum Bartholo, non dici rebellem qui fecit contra Principem vel statum Reipublicæ, quando ei nunquam fuit subditus, quia tunc dicitur hostis, non autem rebellis. *Extra, qui sint rebelles, ressic. tenore in verbis. Sed quæro in quo differt.* Veneros autem Imperatori subditos non fuisse, ut alia jam dicta preteream testetur vel ipse ille Gregorius Pontifex, de quo sermo nunc est, qui literis etiam datis ad Ursum Venetorum Ducem, precibus egisse apud illum, Leoni & Constantino Imperatoribus, contra Longobardos supplicias ferre ut vellet, legitur, ut mox ad sequentem § dicemus fusius, ac quam non cadat in subditos adductis rerum testimoniis ostendamus. Rectius ergo in hostiles acerbitates erupisse Sigonius ait. Mihi quidem si adversarium hoc loco petitis ex iure rationibus confodere animus foret, non essent ea querenda longe, quid enim illud cuive bono, quod capto rebellionis etymo tantum sibi placet? est re vera aliud nihil etymon ipsum, quæque inde Etymologia deducitur, quam vocis qualiscumque, notatio, aut rei quam designamus expressio, quæ cum longe differat à vera certaue rei designandæ notitia, ne quidem adfirmative (ut nostro casu) concludit; tantum abest ut argumentum inde deductum, ad effectum (qualis nobis esset ex etymo rebellionis subjectionis illatio) ex etymo, aut ratione etymi causandum, procedat. Sed enimvero id mihi nunc animi non est, consulat qui volet super hoc Præsidentem Everardum in Topicis ubi late hæc singula subtiliterque pertexit. Illud ago, ut ipsa rei evidentia testatum faciam, quos pro se Anonymus adducit locos, eos adduci perperam. Ac quidem comprimis ipsum illum Biondi locum ad urbis Venetæ incolas applicari non posse, duo evincunt, primum est, quod, ut ad sequentem § latius dicam, Leoni Exarchoque vixerint addictissimi, quorum gratia

gratia ipsos etiam Longobardos, nihil adversum ipsos hostile designantes, ultro bello petierant. Alterum ex ipsius Blondi contextu deducitur, ubi enim dicitur *eo usque progressam rebellionem ut voluerint ex Italia Romæ Imperatorem deligi, item comperuisse Stephanum eam deligendi novi Imperatoris Italicensium voluntatem.* Item *invalestebat indies Italicorum Romanorumque rebellio.* Item *Ravennates audi. in qua per Italiam primo ac postea Romæ facta essent, &c.* nisi quis lumen animi excæcæ: e atque extinguere sponte velit, satis indicant non quadrare in incolas urbis Venetæ, sed iis adaptanda oræ Venetæ locis, quæ jam antea, qua Gothis, qua Narseti, cæterisque Impp. belli ducibus, qua Francis, qua Longobardis, cessisse, ex Agathia, Procopio, Diacono, Blondo cæterisque dixit author Scrutini. Quod porro ex Diacono notari jubet Ravennatum Venetorumque exercitum componi, pro me facit plane, verbum enim *vel* quod Diaconus usurpat, ibi accipendum est, aut ut copulet, aut ut exprimat, quod novum nulli videbitur cui stilus auctoris etiam tantillum est notus. Quin imo eodem hoc capite, cum Diaconis dicit *voluisse Leonem deponi ubicumque haberentur imagines tam Salvatoris quam sanctæ ejus genetricis vel omnium sanctorum* facturos hic mecum omnes credo, asserturosque particulam *vel* aliter, quam cum jungendi exprimendive potentia, nec posse accipi nec debere. Hoc si evinco, per me licet Ravennatem exercitum componat cum Veneto. Evidens plus omnibus erit exercitum illum aut unum fuisse eundemque, aut saltem non aliunde Veneti nomen fortitum, quam ab illis quos ilico designari monstravi Venetis.

§. 18.

Epistola Gregorij Pontificis diligenter extussa. Nihil illa Libertati Venetæ detrahit. Hortatur illa, non imperat. Pontificum vires unde creverint. Ad Venetos ut ad Tutores Ecclesiæ scripta, hæc Epistola. Orationes Paulli Exarchi & Ursi ducis, Venetorum libertatis luculentum argumentum.

Personam hic Anonymus ac scenam mutat, cumque videat ea, quæ contra Luytprandum Longobardorum regem gesta sunt à Venetis precibus qua Exarchi, qua Pontificis Gregorij fuisse data, ipsasque illas preces cum annexis optimo jure in libertatis insigne argumentum Venetis deduci, tacite ei occurrere conatur, ac, veritatem facti negare cum nequeat, ne nihil dixisse videatur, negat pontificijs in literis ullum omnino libertatis vestigium deprehendi, simulque nec debere nos, ait, factum illud Pontificis subditos ad præstandum, quod superioribus debeant, officium cohortantis, sic accipere, ut ex illo libertatem aliquam exemptionemque è jurisdictione veri legitimi que domini inferri putemus.

Verba ejus quam citat epistolæ Pontificiæ fatetur Antonio Iustiniano se debere, cujus fidei tantum in hoc rerum id temporis gestarum articulo cum deferat, ut vel ipsam pro se adducendam, ac contra libertatem Venetorum allegandam putet, in cæteris idem negotium spectantibus absque piaculo sane eam ipsam, quam usque adeo liberaliter ei se habere ostendit fidem, enervare tentet, aut denegare.

Ac quidem ingenue candideque agere, si mens ei fuit aut id quod adstruit, nobis probare, debuerat utique totam nobis exhibere Pontificis Epistolam, ejusque è contextu

textu, si quid inferri valide possit, deducere, atque ob oculos ponere, aut id si nollit, saltem æqui lectoris iudicio permittere. Ipse quod omisit, ego præstabo. Epistolæ hæc sunt verba.

Gregorius Episcopus servus servorum Dei dilecto filio Urso Duci Venetiarum. Quia peccato favente Ravennatum civitas, quæ multarum caput extat Ecclesiarum, à nefanda gente Longobardorum capta est, & filius noster eximius Dominus Exarchus apud Venetias ut cognovimus moratur, debeat nobilitas tua ei adherere, & cum eo nostra pariter vice decertare, ut ad pristinum statum sanctæ Reipublicæ imperiali servitio Dominorum filiorumque nostrorum Leonis & Constantini Magnorum Imperatorum ipsa revocetur Ravennatum civitas, zelo & amore sanctæ fidei nostræ. Deus te incolumem servet dilectissime fili.

Judicet nunc æquus lector ecquod breve hoc Pontificium in sese verbum contineat, quo Venetorum subiectio inferatur. Ex adverso multa sunt Libertatem quæ evincant, ac disertim illud, quod à subditis suis auxilium nemo implorat, suamque autoritatem ac fidem nemo interponit, ut subditi Dominis suis, quibus quin in læsæ Majestatis, feloniam, ac perduellionis crimen committant atque incidant deesse non possunt, laborantibus adesse velint. Nihil abhorret æque refugitque longius, potestas nulli obnoxia, quam precarium regnum. Hic si quidem, ut adversarius vult, subditi erant Veneti, si officii sui non satagebant, si ad defectionem spectabant, agendum erat pro autoritate, imperiisque ut ut

blandis, non segnibus tamen, aut in vanum lapsuris; Sic apud Poëtam, dum Phaëtonæum post incendium suam gnatique vicem non sine indignatione miseratur Phœbus, verbiſque non obſcuris, ſi Poëtam audimus, ſolitus curruſ moderamen detrectat,

*Talia dicentem circumſtant cætera ſolem
Numina, neve velit tenebras inducere terris
Supplice voce rogant.*

Ex adverſo,

— *Divum ſator atque hominum rex,*

ſic patrem ſeſe gerit, ut ſimul regem meminerit, ſic regem ut patrem non deponat, ſubjungit ergo idem qui ante Poëta,

— *Miſſos quoque Iupiter ignes
Excusat, precibuſque minas regaliter addit.*

Verum nihil hic tale. Ipſe Pontifex non imperatorium modo numen aut nomen, non barbarorum tetras gentes, non Ravennatum duntaxat urbem multarum Eccleſiarum caput, permovendo duci allegat, verum ſemet ipſum, ut

Quo nihil majus meliuſve terris,

ac ſecum communem zelum amoremque ſanctæ fidei ob oculos ponit; ſua pariter vice decertandum ingerit ac zelo & amore ſanctæ fidei revocandam urbem à Barbaris detentam. Eſt inſuper (ſi verum amamus) hoc ipſum quoque Libertatis ac potentæ Venetorum non leve argumentum, quod ab ipſis auxilium ſuppeticæque Pontifex deprecatus ſit. Qui hiftoriarum Italicarum à translatione præſertim utriuſ-

utriusque Imperii, omnino hospes non est, novit ille procul dubio, primos Pontifices vitæ sanctorum miraculisque claros, ac sic exemplo magnos, præstringente oculos ad hæc nova Evangelii luce, Imperatores multos ad sese pertraxisse, invitos etiam ac reluctantes: successu deinde temporum, sæculis hæresium sectarumque feracibus, cum tremenda in Ecclesiam Dei persecutionum tempestas desuper etiamnum incumberet, multotiens parricidalis, securi jugulum præbuisse, sub ictibus gemuisse, ac sacri cruoris stillicidio terram maculasse. Quoad usque tandem ab aliquot imperatoribus erecti promotique, in illas sese vires asserere cæperunt, quibus impræsentiarum instructi sunt, sed pedetentim gradatimque, ac confugiendo semper ad illos, tanquam ad Asylum, sicubi res eorum in arctum redigi, seque durius haberi animadvertabant. Sic in hujus ipsius Gregorii tertii vita memoriæ tradit Platina: *Consuevissent Pontifices, ait, Romanos, si quid mali ab externo hoste immineret, auxilia ab Imperatore Constantinopolitano petere, quod, subiungit ibidem immediate, facere Gregorius substitit, tum ob illas causas, quas jam commemoravi, tum vel maxime quod urbem regiam agere Leo à Saracenis tutaretur, nedum alios defenderet. Hæc itaque rationibus accidit, ut primum Ecclesiæ tutela ab Imperatoribus Constantinopolitanis translata sit.*

Atque hoc modo, qualiter & postmodum Ecclesiæ tutelam, Gregorij ejusdem precibus motus suscepit Carolus Francorum rex, tunc temporis ad Venetos, ut ad tutores Ecclesiæ scripta est Epistola Gregorij, non vero ut ad subditos, quos, ut sui quæ essent officij implerent, hortari (si Dis placet) opus ipsi fuit. Amplius dicam, nisi perceptam sibi veritatem suppressere dolo malo, nisi contra mentem ire, suæque met conscientiæ vim facere voluisset Anonymus, vidisset apud eundem Iustinianum, cujus auctoritatem pro se ad firmandam thesin allegat, orationem Ex-

archi Pauli, ejus quam asserimus Venetorum libertatis inconcussum testimonium, notassetque quam non pro subditis eos Imperatores habuerint. Allegabo ego eorum nonnulla, ut nisi Chamælion sit, erubescere discat adversarius. Illud tamen in antecessum Lectorem monitum volo, esse ea, quæ citaturus sum non Iustiniani ipsius, verum Sabellici, qui ea fere semper verbotenus, quanquam non ea subinde, qua Iustinianus, emphasi, expressit; Causam jam ante dixi, non est mihi nisi Italicè loquens exemplar Iustinianæ Historiæ, nec adeo sum arrogans, ut in exprimenda Iustiniani sententia æquare me posse confidam Sabellicum, hominem Italum ac tersissimæ Latinitatis scriptorem.

Ait ergo Exarchus, *Sese qui secūdus ab Imperatore summo, summumque Magistratum gerebat, copias dūctabat, cui populi, civitates, & insula nobilissima parebant, à quo auxilia cuncti implorabant, barbari & externi reges, exulem, extorrem, sine exercitu, sine dignitate supplicem cogi alienum auxilium implorare. Si subditi fuerant, Anonyme, cur supplicat Exarchus, cur alienum eorum auxilium vocat? repeto hic illud Poëtæ,*

*Omnem equidem terram, sceptris quæ libera nostris
Diffidet, externam reor.*

Primæ libertatis apud Venetos testimonium si desideras, audi Exarchum, *Nec prius, ait ille, quietura est seve barbaries, quam totum libertatis nomen tota Italia extinxerit, quod cum alijs molestum videri debet, tum vobis acerbissimum, Dux & viri Veneti, quorum majores non tam mortis, quam servitutis metu olim in hac loca devenere, qui hoc domicilium libertatis medijs fluctibus constitutum vobis per manus tradiderunt, cui tanto sunt barbari infestiores, quando stabilior est hic omni tempore libertas, quam alibi futura, si sint dico, qui*
cam.

eam tueri velint, sed cur vos illorum progenies non omni tempore tueri velitis, quod prisca Veneti ne amitterent amanissima Italia ora relicta in hac loca decreto migrarunt, in quibus nihil erat quod posset quemquam ad sui cultum invitare præter locorum fiduciam, quibus illi freti per tot bellorum motus, tot strepitus, tot rerum novitates, libertatem tutati, jam adultam & stabilem vobis reliquere, &c. quam vero, notanda sunt illa ejusdem Paulli? Et nunc illud persuadete viri Veneti non Italiae Exarchum, sed Romanum Pontificem, & Leonem Imperatorem, in conspectu vestro stare, vestrum axilium; vestram fidem implorare, multis precibus contendere, ut urbem clarissimam velitis vestra opera ad imperium retrahi, in vestra igitur potestate est velitis apud summos nominis Christiani principes summum beneficium collocare, de cujus hostimento dubitet quidem nemo, nisi qui Imperatoriam majestatem dignitatemque pontificiam ita profligatam existimet, ut nulla possit inde gratia in futurum expectari; quod tam esset impium, quam stultum credere. Ac paulo post. Etiam atque etiam vos hortor ac monco, ut ne talem promerendorum principum opportunitatem elabi patiamini. Ac denique quo fœderatos amicosque Imperatoribus semper fuisse Venetos constet, ne Apelles quidem penicillo æque graphice urbis situm faciemque expresserit, quam rerum Venetarum statum, exponunt illa Urbi Ducis: Quum mea magis quam cujusquam vestrum intersit videre ne quid in Republica peccetur, vel quia optimi sit Principis id cavere, vel quod major in me quam in alios redundaret invidia, nunquam paterer viri Veneti publicam fidem coſedere labefactari quod cum Luitprando iſtum habemus. Nam id in dubium video venire utrum fide publica incolumi possint Veneti laborantibus Imperij rebus opitulari. Sed meminisse vos oportet in eo fœdere, quod cum Longobardis regibus est publice iſtum, diſerte poſitum ut imperij & Romanorum Pontificum rebus caveretur, atque ita fœdus tenere diceretur, si Longobardi ab

utrisque injuriam abstinerent. Quod cum Ravenna de rebus imperij capta sit à Longobardis, sit & Italia Exarchus hostiliter pulsus, quis non videt jam Venetos nullo fœdere teneri. Caterum quantum illorum injuria liberat publicam fidem ab omni perfidia crimine, tantum necessitas cui nemo repugnat subigit nos etiam invitos Imperij rebus mature subvenire, quibus in Italia cadentibus, cadere Venetos necesse est. Nam quanta-cumque est hac rerum Venetarum fortuna, est enim Dei benignitate minime pœnitenda, quibus alijs artibus aut quibus viribus crevit, quam perpetuo cultu & amicitia Imperij? Et quæ porro sequuntur. Et sic quidem ad hunc § ni fallor dictum satis, probata quoque satis superque puto, quæ superioribus à me in commodiorem locum rejecta fuerunt:

- I. Exarcho Paulo non ferendam esse acceptam Ducis apud Venetos creationem, ut ut illa durante illius gubernatione principium habuerit.
- II. Pontificum epistolas, quæ ad Venetos datæ sunt, nullam superioritatis quo ad ipsos Pontifices, aut subjectionis à Venetorum partibus esse notam.
- III. Perperam ac contra veri fidem à Blondo taxatam Venetorum adversus Leonem Imperatorem, ejusque Exarchum rebellionem.

Liber ergo solutusque ad ulteriora progredior.

§. 19.

Anonymus frustra ex militum Magistris, Magistratu Veneto, colligit Venetos Imperatori subditos fuisse. Ejusmodi Magistratus etiam apud alios fuisse. De Tribunis Venetis & Romanis.

Commonstravi jam ante, non infimum ex illo Venetæ libertatis argumentum peti, quod pro libitu suo arbitraturque Tribunos, Militum Magistros, Duceis, ac quoscunque demum Magistratus sibi præfecerint, nedum ut inde aliquod omnino subjectionis indicium cruere liceat. Adversarius tamen quo probet Venetos Imperio fuisse subditos unum ait: ut Exarchos, ita & Magistros militum, nec non tribunos, Magistratum nomina fuisse alijs in locis haud nota, quam ubi summum habebat Imperator imperium, ac sic quidem Africæ suum fuisse Exarchum, sed qui Imperatorem agnosceret, idem de militum Magistris ac tribunis statuit dicendum porro, ac consentaneum vero, spectasse Venetos ad Imperij corpus, qui non secus quam cætera Imperij membra istiusmodi à Magistratu regerentur, quem vel ipsum nomen evincat, ad Imperiale fastigium, vim suam, una cum ortu referre.

Vt jam non dicam ab accidenti esse, eoque separato deductum consequens, ac neque vel in adminiculum sufficere argumentum tam leve, ut quoque iterato ne repetam pridem dicta, paucis defungar. Fallitur in eo Anonymus, qui non alibi quam sub imperii ditione Exarchos, Tribunos, Militumve Magistros, pari etiam qua sub imperatoribus agebant potestate instructos, reperiri putat. Exarchos quod attinet, audiamus de Exarchis dissertantem si placet Hieronymum

nymum Rubeum : is vero sub principium libr. 3. Ravennatis historiæ *Fuere & alii in locis Exarchi, ut in Africa Gennadius ad quem hoc titulo D. Gregorius scripsit. Athenienses quoque (an & hos Imperatori vendicas Anonyme ?) Exarchum habuere ut Iulius Pollux est author. Sicilia etiam Exarchum præfuisse à Michaele Balbo ceterisque Byzantiis Caesaribus missum ex Joanne Cuiopate & Thoma Fazelio rerum Sicularum diligentissimo scriptore satis constat. Quod si repertis vetustis Marmoribus habemus fidem Mediolani etiam fuit Exarchus, nam Merula tabulam ex marmore Mediolani inventam scribit qua hæc continebantur. D. M. Aurelio Ianuario insigni Dalmat. fert. & Aurelio Valentiniano Exarcho posuit Aurelius pater Ianuarius, vixit annis XXXIII. M. II. Ad Tribunos ut veniamus, est hic omnino ineptus adversarius, neque est quisquam tam hospes in Historia qui ullos omnino tribunos, quales sub Imperatoribus fuere, Primanos puta, Laticlavios, aut Augusti clavios, Rerum nitentium, Militum, Actuofos & Vacantes, Sacri stabuli, Notariorum, à præfecto prætorio institutos, & qui plures ejus generis fuere, cum Tribunis Venetis comparandos putet. Quid ? quod populare ab initio tribuni nomen vel hoc ipso placuisse potuit populis servitutis nomen exhorrentibus.*

Quid ! quod cum nomine munus eorum similiter fuerit popolare. Pone tamen tribunis apud Venetos largius aliquantisper imperium fuisse, ac regendi jus. Non minus id fuit sub populari regimine P. R. Appiano si credimus lib. 4. belli civili *ἡρχε ἔστιν ἡ ἀρχὴ καὶ ἀστυκῆ καὶ τὰ μέγιστε ἰσχυρὴν ὡς καὶ τῶν ὑπατάων πινὰς καὶ ἐν τὰς φυλακὰς ἰμβάλλειν.* Ac si quod res est dicimus mutuati sunt tribunitij nominis velamentum ipsi Imperatores, sic ut fere semper Libertatem everfuri qui sunt, speciosum Libertatis nomen præ se ferunt. Introducitur jam in Rempubl. Tyrannidis flator ac vindex Augustus, consulem ab initio se tulit authore Tacito & ad tuendam

ruendam plebem tribunitio jure contentum. Ac ut neque Militum magistros relinquamus intactos, magistratus illi qui apud Lacones *Γυμνασι* dicebantur Athenis *ἐμπροσθεν*, ut apud Sigonium suo de Atheniensi Republ. tractatu videre est, ejusdem, si non omnino nominis, autoritatis saltem ejusdem fuere. Interim longe diversa illorum potentia fuit dignitasque ab illa, quam habebant apud Venetos militum magistri. Quos cur illo nomine indigetare Venetis visum sit, annales tacent, neque ego dixero. Si conjecturis locum facimus ut exemplum, ita & nomen à Constantino Magno fortasse desumpsere. Ille narrante Zozymo, ut præfectorum prætorio qui à Maxentii partibus steterant vires infringeret, Magistros militum instituit, Venetis, quod Ducum potentiam res illorum temporum minus ferrent magistros militum legi coeptos, quo minus dicatur nihil vetat. Putidus sum, si cum res ipsa discrepet similitudini vocum nominumve recte quid deferri, multis aut negem, aut doceri velim.

§. 20.

Frustra est Anonymus, dum negat ex eo, quod Longobardi nunquam Venetæ urbis domini fuere, Venetorum sequi Libertatem.

N Vllim hoc § argumentum, directe atque in propatulo format Anonymus, sed cum jam ante falsus sit, Longobardos nunquam urbis Venetæ fuisse dominos, atque etiamnum fatetur, quo tempore Longobardis Ravenna unâ cum locis omnibus ad Exarchatum spectantibus iterato cessit, haud enumerari tamen urbem Venetam inter illa :

Y

quæ

quæ Longobardis cesserint; negat tamen ex illo recte quippiam inferri pro Venetorum Libertate, tacitæque objectioni velut occursurus, novum quoque negat esse, ut summo pluribus subalternis magistratibus hic aut ille cum imperio præsit, ac nihilo tamen minus cæteri illi distinctos habeant Jurisdictionum suarum territoriorumque fines. Ut exemplo res illustrior fiat. Neapoleos proregem Mediolanique præfectum refert, cæteris Hispani regis per Italiam ministris cum imperio præesse, nèque tamen ullatenus ob hoc mutatos regni Neapolitani terminos, sineve Mediolanensium consulos.

Multis hic non agam, vereor enim ne opera me abuti candidus lector credat; ad illa respondere si velim, quibus neque ipse quidem adversarius legitimæ argumentationis robur accommodat. Sciunt omnes quæ inter alios fiunt, tertio, cujus quidem nullum interesse vertitur, nec obesse posse nec prodesse, nihil id ipsum facit ad Venetorum Libertatem, qua lege ministros attineat Hispaniæ Rex, aut quam late quamve large jurisdictionis suæ limites extendat Mediolani Dux; Ac cum ex separatis nihil potenter inferatur, sufficit ex adverso pro Venetis ipsa illa adversarii confessio, cui elevandæ, ac in se quantum foret exterminandæ, syncera legentibus perstare judicia, quod haud patiatur mirum mihi non sit, quando neque ipsum fugere potest, quoties ex hujusmodi omissionibus authorum, scriptorumve, occasionem sibi arripuerit atque argumentum. Ac quidem illius confessioni quanta sit efficacia etiamsi ostendi à nobis posset, valideque in authorem Scrutinij contorqueri, non est tamen proprie id ipsum nostri instituti, ut pòte qui debitum veritati, nec non & illi quam defendendam adsumpsimus Libertati præstitisse patrocinium videbimur, si contutatis illius objectionibus, quid sentiendum sit de

tota

tota controversia, ipsi porro rerum evidentia commissum
linguamus.

§. 21.

Donatio Pipini imaginaria. Homines liberi in commercio esse non possunt. Duces Venetorum apud Imperatores Orientis variis dignitatibus fusti. Male exinde subjectio Venetorum insertur. Proedri, Spatarij, Archispatarij, qui fuerint. Batavi corporum aliquot Imp. Rom. custodes. Id honoris etiam Frisii delatum. Sebastii dignitas. Dignitates in Duces Venetos collatae amicitiae, non subjectionis argumenta.

AC ne hoc quidem § directe argumentari noster audet, quo ne tamen sui aliquo pacto dissimilis sit, quantumvis etiamnum ipse met fateri cogatur, nullis historicorum monumentis sufficienter probari posse Venetos (eadem ipsius hæc sunt verba) in temporalibus S. R. I. fuisse subditos, citat nihilominus textum ex Ostiense desumptum ac vel se iudice, erroneum, cujus auctoramento fides legentibus fieri possit Pipini munificentia donoque patrimonio sedis Apostolicæ Venetos accessisse. Is vero textus tenuis multum cum sit, ac cum propius inspexeris pellucidus, ait porro, spectasse potius ad imperium Orientale res Venetorum, utpote quorum Duces Spatarij, Protospatarij, Archispatarij, Imperialis Hypati, Protosebasti, Protoedri, Patricij denique imperialis, dignitatibus functos constat. Nisi omnino fallor animi morbo indulget, cunctaque è quibus inferri aut in suspicionem influere possit Venetorum sub-

Y 2

jectio

jectio, concervat argumenta ut ut evanida ac nec hilum profutura, nulli prorsus bono, nisi forte id agit, ut ex ipsa farragine præsidij quid suæ thesauri acquirat, ut quæ

— *Lectori singula duram*

Flectere non valeant, flectant simul omnia mentem.

Donationem Pipini quod attinet, imaginariam (ut est re vera) dixisse contentus, operose adversus illam non insurgam: fatigavit multorum calamos immensa Constantini donatio, ne quidem iis ipsis credita, quorum maxime ne convelleretur intererat. Peti ex illorum scriptis rationes possunt horsum facturæ.

Ac nec tanti judicet id quispiam, obviæ cum sint, tritæ, ac nulli non cognitæ. Clamat ipsa naturalis ratio quemadmodum homines liberi, in commercio esse haud possunt aut alienari, perinde quoque non aliam esse donationum materiem quam res illas, quæ in commercium cadunt, & sic quidem eodem jure donari possunt, quo illas alienare liberum est. Spectarintne porro ad Orientalis Imperii sedem res Venetorum, ac quatenus, commodius pleniusque suo mox loco exequemur, in præsens ergo quid sibi velit adversarius despiciamus, cum Duceis Venetorum iis apud Imperatores Orientis quas modo enumeravi dignitatibus functos ait. Dicam quod IC^{us}. Celsus, Domitio Labeoni rescipit. l. Domitius. ff. qui testam. fac. possunt. *Aut ego non intelligo quid sit de quo queris, aut valde stulta est questio tua.* Si enim simpliciter id a'legat, ut constet verum esse quod dicit, perperam omnino facit; cum quia plane nihil ad subjectam materiam tali commemoratione accedit, tum quod nec sit quispiam, qui factum neget, id ipsum quod dicit. Hoc vero si agit ut ex ista Imperatorum Orientis in Venetos Duceis dignitatum collatione subjectionem, quam sibi præscribit, adstruat, næ totus

totus in errore est, eoque nec uno. Nemo tam est in historiarum hospes, qui Libertatem Venetam (Ius hic summæ potestatis designo) pari cum ducibus jure censendam ducat. Ac ut ut summo cum imperio duces apud Veneros (quanquam falsum & hoc, ut suo pariter loco) rerum potitos asserendum putet, ea ad totum reipub. corpus pertinere, dicere audeat, quæ ducis personam ut egrediantur, nulla jûris ratio permittat. Addo quod nec hæcenus authorum repertus sit quispiam qui sentiat, cum, qui aliàs, in se consideratus, subditus alteri non sit, eo solo nomine, quod ab altero illo beneficiis adfectus, aut dignitatibus ornatus sit, è libero subditum reddi, quo nimirum casu non rei, sed personæ (ut hic) dignitas collata deprehenditur. Addo & hoc; rei alienæ & ad se non pertinenti etiam ab eo qui superiorem non agnoscit frustra atque inutiliter ullam dignitatem conferri, in subjectionis argumentum, ut ut secus sit in proposito adfectus testandi, de quo statim. Illud non inficior posse Papam, Imperatores, Principes, reales in terris sibi subjectis erigere dignitates, easque dignitates subjectionis argumentum esse non infirmum; etiam ultra statuo cum Abbate in *cap. cum inferior. de Major. & obed. Socin. confil. 152. lib. 2. pertotum*. Verum nec hoc mihi quispiam eripiat, concludi id omne territorii sui finibus, quos excedere si cui lubet, audiat illud, Extra territorium jus dicenti impune non pareri. Ac ut pressius etiamnum loquar, ipsa quæ enumerat dignitatum nomina vel me tacente evincunt datum quidquid id fuit amori, adfectus, personæque (fas sit ita dicere) ducum ipsorum, nec quid inde ad Rempublicam dimanasse, præter illud unum, quod etiamnum per subditorum gloriam inclarescere, ac (summum ut dicamus) quodammodo etiam vivere dicantur Respublicæ. Veruntamen, pone ullas, Venetis, quæ ducibus, quacivibus, dignitates contulisse, hinc Orientis, inde

Occidentis Imperatores, aut collatas voluisse, eone minus liberam, illustrem, sui que juris futuram fuisse dicamus Vene-
torum rempublicam? absit sane: Usurpare lubet illud Divi
Julij, quantumvis dissimili occasione prolatum,

— *Si cuncta minentur*

*Flumina, quos miscet pelago subducere fontes,
Non magis ablatis unquam decresceret aquor,
Quam nunc crescit aquis.*

Certum est porro dignitates illas, non semper subditis (quan-
quam & hoc non raro) verum etiam externis liberisque ho-
minibus conferri solitas; ac neque viritum, sed vel turma-
tim. De Patricijs Imperialibus, deque Hypatis dictum an-
tea, nunc non repeto; de Protosædro nihil hætenus, post
exquisitam satis indagationem, apud Codinum, Cedrenum,
Europa' atque, unde hæc petenda, reperio. Conjecturæ
si quid liceat, error est Typographi, Proedrum voluit con-
cillii sanctioris, ac in quo res gravioris negotii tractabantur,
Præsidem designare. Demus admotum sanctioribus conci-
liis hunc aut illum, virtutis id est meritique non subjectionis
signum: Sed missa conjectura, de Spatariis, Archispatariis
Spatho cubicularibus, Protospatariis videamus. Certum est
illos non alios fuisse quam *Συναρβίλακας* Imperatorum.
Id verò tali dignitate præditos; ut subjectioni damnet, me-
rito novum videbitur illi, qui Romano Pontifici, qui Gal-
liæ Regibus cæterisque pibis Christiani dynastis, ad corpo-
poris custodiam admoveri videbit Helveticos, gentem, si
qua alia est, liberam nec ulli subditam. Tacitum, Dionem,
Suetonium, qui modo à limine salutavit, Batavos ac latiori
nomine Germanos, Augusto, Tiberio, Germanico, Ca-
ligulæ, Agrippinæ, Neroni, Galbæ ac cui non denique &
corpo-

corporis custodes fuisse fatebitur. Istone ergo nomine etiamnum subditos? nihil minus. Delatum id honoris etiam Frisiis, ad quos, ab avo materno originem refero, meis, ut ex Interamneni in Vinbria reperta inscriptione, notare licet, quorum sane spectata in Populum R. fides fuit, obsequium quamdiu per avaritiam praefectorum non stetit, come ac diuturnum, nulla, quæ Libertatem ademerit, subiectio. Exemplo fuerit quod Neronis tempore cum in Pompeij theatrum intrassent Verritus & Mallorix Frisiorum Legati, & quosdam externo cultu, in Senatorum confessibus animadvertenter, quoniam forent rogitantes, postquam audiverant earum gentium legatis id honoris datum, quæ virtute & amicitia Romana præcellerent. NULLOS MORTALIUM ARMIS AUT FIDE ANTE GERMANOS ESSE exclamarunt digressique sint & inter Patres confederunt, quod ipsum committere visentibus acceptum, Tacitus notat, quasi impetus antiqui, bonæque (ita Lipsius legendum censet & recte) æmulationis. Item quod de Spatarijs, de Sebastijs quoque dixerimus, nempe Protosebasti dignitatem meritis potius quam subiectioni deferendam. Erant hac dignitate Sebastij, Sebastocratores, Sebastophori, Protosebasti, Panhypersebasti, quorum prima à Panhypersebasto erat (quod & nomen indicat) Protosebasti dignitas, Panhypersebasti vero qualitas, si Codino credimus, ἰσοτάτοι καὶ αὐτοκρατορῶν καὶ αὐτοκρατορῶν, ac Imperatori æqualis. Quis vero credat secundum ab Imperatorio fastigio locum delatum subdito? sane ut ut per quam egregie assurrexisset jam tum Venetorum nomen, lenta tamen habuit primordia, neque id temporis eo usque provectum erat, ut credibile sit par fuisse futurum ferendæ illorum invidiæ, qui Imperatori subditi cum essent, & auctoritate & opibus, nec non & viribus longe præcellebant atque oculis minus æquis, sinistrisque, ad-

specturi

specturi erant tam sublimeis honoris prærogativas. Ad ipsam denique rerum veritatem experientiamque quotidianam recurrere si lubeat, videbimus nullas hic subjectionis, aut dominij parteis esse, sed amicitia. Sunt hæc Scytharum ad Alexandrum, quibus bellum non intuleris bonis amicis poteris uti, nam & firmissima est inter pares amicitia, & videntur pares qui non fecerunt inter se periculum virtutum. Quos viceris amicos tibi esse cave credas, inter dominum & servum nulla amicitia est. Ea ipsa examissim in Venetos ac Orientis Imperatores aptari posse ex tota Historia patet, ut ex mox dicendis clarius patebit: saltem ab ijs, cum nec armis petiti fuerint; nec victi, minus ingenui sit, quæ amori debentur, violentiæ coactionique delata velle. Amicitia ergo in conferendis dignitatibus *μεγαλειαν* omnem ignorat. Nihil jam dicam, antiquam olim eamque iussimam apud Thraces legem fuisse ut nobis Athenæus lib. 4. Deipnosophisticorum memoria prodit, ut quibus facultates suppeterent regem munererentur, qui vero nihil haberent iis rex daret: In conferenda dignitate subsistam, ac ne multis, brevitatis ergo, & veteribus unum, pariterque unum è recentioribus, allegasse contentus defungar. Plutarchus suo de rebus publ. tractatu author est, Alexandro magnocivitatem à Megarensisbus decretam, atque hic cum studium eorum pro joculari duceret, regessisse Megarenseis, soli se superiorum memoria, civitatem Herculi, & secundum illum ipsi decrevisse; atque ita Alexandrum admiratione adfectum, dignationem raritate dimentem, agnovisse honorem. Recenti exemplo, nonne quotquot fere sunt ex Austriaca domo progenitib aurei velleris equites se ferunt? At nec ipsi Imperatores, ipsi Hispaniarum reges, Austriæ Archiduces, suæ cum domo Burgundica dignitatem, non exæquatam modo, sed & infra ipsam constitutam ferant, quod ex invento Philippi Burgundionis

dionis erecta sit prædicta aurei velleris societas, ejusque, nec non ab eo descendentium, manu, in ipsos collata sint societatis ac honoris insignia. Ut nec sanæ mentis futurus sit, qui magnum illum Alexandrum, cui ne quidem Orbis unus sufficit, Megarensibus ob admissos ipsorum honores æqualem, nedum inferiorem effingere in animum inducat.

§ 22.

Historia capti à Desiderio Longobardorum Rege filij Mauritiij Venetorum Ducis. Malignus Anonymi animus. Aliquando inimicorum amici hostium loco habentur.

A It hoc § narrare Bibliothecarium Anastasium, Mauritiij Venetorum Ducis filium à Desiderio Longobardorum rege fuisse captum, nec eorum quæ tradat rationem assignare, aut causam, quæ tamen in promptu sit, nempe factum id eò, quod adversum subditos imperij male affecti essent Longobardi. Leviusculum hoc, & quod sine responso transmitti posset; est interim adversarius apertè malignus. Filium quippe ducis si respicit, est ab accidenti quod vult captivum fuisse; ista namque captivitas, si dubio Martis debetur eventui, dicendum cum Epirotarum rege:

*Quorum virtuti belli fortuna pepercit,
Eorundem me Libertati parcere certum est.
Dono ducite, doque volentibus & magnis Dis.*

Sin vero illam delicto deputat, peccat in ipsam humanitatem,

tem, quæ delicti causas in se considerata procul habet. Si Venetos Imperatoribus subiectos credit, jam recordetur quæso, aliter olere catulos, aliter fues, ac longe à subditis amicos differre, quamvis & hoc novum quoque non est, neque inauditum, hostibus, inimicorum amicos, hostium loco nonnunquam haberi; nullam ob id necessitatem existere, cur subditis annumeremus, atque ut subditos odio Imperatorum male dicamus habitos, quos amicos dicere possimus, quibusque ipsum non minus quam subditis noxæ esse & potest & solet, amici nomen. Exemplo fuerit gens Ætolorum, eisdem cum P. R. amicos, inimicos eisdem ex fœdere habere iussa: Urbs etiam illa, quæ dum Senatus deliberat fœde eversa est, ut nihil dicam de iis, qui bello medij sunt, quos neque partis quæ superior est gratiam ini-re certum est, neque alterius odium diffugere. Notum illud Poëtæ,

*Nunc neque Pompei Brutum, neque Cæsaris hostem
Post bellum victoris habe.*

§ 23.

*Candor in Anonymo quaesitus. Carolus Magnus Franco-
rum Rex in Italiam adversus Longobardos excitus.
Suppetias ei Veneti tulere, non ex imperio, aut mer-
cede conducti, sed sponte libera.*

Produxit annorum gestarumque rerum series adver-
sarium ad finem regni Longobardici, utinam quoque ad
metam perverte cum rebus authorum scripta detorquendi,
cæque

eaque suppressendi quæ Veritati lucem allatura, non potest non esse vel ipsimet quam perspectissimum. Id ut vocemus, meritissimam nobis hic § occasionem suppeditat. Ait ille, scriptores Venetos memoriæ prodere, excitum ab Adriano Pontifice Carolum Magnum, Francorum Regem, adversus Desiderium Longobardum, à Venetis classe viginti quinque navium adjutum fuisse, quod cum nulli authorum, qui præteritis vixere sæculis, narretur, addit, non videre sese, quo pacto veritati consonum sit, quod Bernardus Iustinianus inquit, dum in consilio Tribunorum ventilatur, ferendæne essent Carolo suppetiæ nec ne, Desiderij quoque erga se studium multis in rebus perspectum memoratum fuisse; cum tamen certum sit, à Desiderio fuisse captum ipsius Ducis filium. Negat porro ex suppetiis Carolo latis, aut pro Venetorum Libertate, aut contra illam argumentum desumi posse, quamdiu non constat, qua lege, aut conditione, arma sua Francis adjunxerint.

Verumne sit nec ne, quod ille refert, non nisi Venetis scriptoribus tradi de latis Carolo adversus Desiderium Longobardorum regem auxiliis, indagare non est opus. Satis est quæ à Venetis tradita sunt, hæc stare, neque esse qui ea, pro minus veris habeant. Illud vero aperte malignum est, & viro bono indignum, quod ait, assequi se non posse, quo pacto temporibus istis beneficia Desiderij commemorari potuerint, qui eo ipso, quo hæc gererentur, momento, filium Ducis attineret captivum. Sin nescit, videat vel hinc saltem, discatque Anonymus, privatam Ducum conditionem ut ut civitatis Principem, cæterasque magno intervallo supergressam, non eo tamen fuisse loco, ut totum ad se Reipub. corpus sui momento attraxerit, sed neque omnino habendum pro impossibili, ut cujus in Rempub. extant beneficia, ejusdem quoque offensæ Rempub. lædant, ac vel in

tantum, ut reipub. Rectores ancipites habeant, vindicandæ sint offensæ, an vero grata benefactorum memoria obliterandæ. Non est humanarum virium rectum semper tenere cursum, neque eos, qui nunquam peccent, sed qui sæpius honeste agunt, pro honestis habendos ratio docet. Sane laudabili apud Persas instituto cum quis à Iudice quippiam contraleges argueretur fecisse, etiamsi liquido constaret eum culpæ affinem esse, non tamen condemnabatur statim, sed prius in omnem ejus vitam inquirebatur diligentissime, plurane turpiter & flagitiose, an bene laudabiliterque gessisset, turpium si vinceret numerus condemnabatur, si præponderarent turpibus honesta, absolvebatur. Ac sic quidem facile conciliantur, quæ adversario videntur *ἀντιζέτα*. Ut vero liqueat peccare ipsum contra viri boni officium, verba ipsa Iustiniani à me versa recitabo. Ille, post hæc verba: *Desiderii quoque regis erga se studium multis in rebus per- spectum memorabatur*, quæ ab Anonymo citantur, immediate subjungit, *Et specialim in Heracleæ confiniis, quæ pridem Venetis Euitprandio donaverat, donationem Desiderius ratam habuerat, amplissimoque insuper confirmarat privilegio*. Arbitror e quidem, quicumque videbit hæc non esse ab Historico ex intervallo posita, verum annexa, coherentia, eidemque inclusa periodo, debitum veritati candorem in Anonymo requireret, damnabi indignam viro ingenuo suppressionem veri, aut non negabit saltem malignum hominis esse iudicium; eique ne locum quidem fuisse futurum pronuntiabit, si quidem ille aut sibi met ipsi vim haud inferre, aut veritati, quam plenissime perspectam habebat cognitamque, quantum debuerat deferre voluisset.

Eandem omnino censuram opus est incurrant ultima citati à nobis §, quibus asseverare nititur, nihil Venetorum Libertati præsidii accedere, nihil quoque decedere posse, quan-

quantisper non constat, an Carolo militaverint ex imperio, an sponte liberâ, an vero mercede ad id conducti. Quid enim dicemus, si manifesto appareat, neque ex præscripto latas suppetias, nec exactas mercede media? Quod video, restabit nihil, nisi ut ipsemet secundum enumerationes illarum, quas fecit partium, spontaneas dicat. At vero dico, non fuisse latas illas ad imperium mandatumve Caroli. Argumento ipsa sit rei evidentia. Incognitum nempe ante ea tempora fuisse constat Caroli in Italia regnum. Sigonio si credimus: *Victo captoque rege Desiderio, & Longobardis omnibus in fidem ac ditionem receptis* (ipsamet illius verba sunt) *Carolus regnum Italicum jure victoriæ sibi vindicavit.* Si victoriæ jure, fuit ergo illi victoria pro titulo, quem antea nullum habebat, si eum demum sit nactus victo captoque Desiderio, & acceptis in ditionem Longobardis, dicat ratio non habuisse illum simile jus ante ea tempora, ac per consequens, neque Venetis pro imperij Jure, naves auxiliare sive copias, sibi ut submitterent indicere eum, aut præscribere potuisse. Si dicendum sit Venetos operas præstitisse mercenarias, (sciens prætereo aliud dictare rerum gestarum fidem) rationem non video, cur minus Anonymus liberos illos pronuntiaturus sit, quam Helvetios, quos ipse pro populo sui juris qui sit, in fundamentum velitationis hujus, ac exemplum, ultro adfert, omni exceptione majus. Insolens hæud est, aurum qui accipit: Libertatem ut vendat, et tamen id inter ea quæ libere fiunt, ac in quibus, sicubi displicuerit, liberum est juxta & poenitendi arbitrium, patetque plenarius ad pristinam libertatem regressus. Nihil ergo certum æquè, quam spontanea fuisse auxilia Venetorum illis temporibus Francorum regi lata. Quod quidem ita si est, ut esse negari non potest, lubens assentior, ipse per se benignus lector ut judicet, cujusnam fuerint status Veneti qui isto

saeculo vixerunt. Dixi jam ante non suscepisse me patrocini-
um asserendæ illorum libertatis, firma per semet ipsam
ea hæcenus stetit, stabitque (sæve benignum numen) inte-
merata, intemeranda. Calumniarum iniqua averruncare
volenti, suffecerit, intra justæ defensionis moderamenta,
mentem manumque arctare potuisse.

§. 24. 25. 26.

*Carolus donationem Pipini patris confirmat. Inter
alia donatæ Provinciæ Venetorum, & Histriarum
dicuntur. Nec Pipinum, nec Carolum donare eas
potuisse ostenditur.*

HOrum ut §§ refutationi operose insistam non est ope-
ræ, neque enim illi directè instituto nostro adversan-
tur. Accedit quod ex iis, quæ jam ante attulimus, satis ap-
pareat respondendum quid sit: hoc vult. Carolum Romæ
cum esset, confirmasse donationem patris Pipini, atque
etiamnum iterasse, Anastasium vero Bibliothecarium, in ea
illa, quæ Pontifici donatæ sunt, Provincias Venetiarum at-
que Histriarum comprehendere, credere vero sese textum
illum Anastasii mendosum, non minus utique quam alte-
rum illum Hostiensis, quem tertio ab hinc §, ipsemet erro-
ris damnat.

Quam paucissimis ergo ut defungar, unum dicam titu-
lum hic me requirere, cujus vi atque efficaciâ donare Vene-
tosum oras Histriæque aut Pipinus aut Carolus potuerint.
Sigonij, quem præcedenti § adduxi, locus, jus Carolo nul-
lum detert, nisi post debellatum Desiderium: atqui si Ano-
nymo credimus, paternam donationem tempore obsidionis
Patavi-

Patavinæ, ac sic nondum depulso sedibus suis Desiderio, ratam Carolus habuit. Monstrandum ergo quo jure Provincias illas aut donare Pipinus potuerit, aut quo pacto rata habere Carolus ea, quæ pater donaverat, cum tamen illa neutrius in potestate essent ac manu, siue donationis tempus attendas, aut quæ donationem sequuta fertur, confirmationis. Aliena dono dari posse, perinde ac vendi testamento-ve relinqui, modo interesse præstetur, quis forte dixerit, ac neque ego negavero, sunt tamen ab alienis ea segreganda quæ in commercio non sunt, inter quæ liber est homo, ni semet ipse venundari lucelli faciundi causa sit passus, spectataque Libertate, cui superesse forsitan haud potuerat, alterius esse maluerit quam suus.

Quod posterioribus §§ ait rede gisse Carolum sub ditionem suam Ducatum Beneventanum annoque à nato Christo VIIIC. Imperatoriam suscepisse dignitatem, ad ea quæ præ manibus habemus, ne hilum quidem faciant, aut sicubi (ut facturum se adversarius præfert) iis repetitis erit opus, aut confutatis, unius dilutionis aut confutationis labor ille futurus est, atque eo levior procul dubio, quod una eademque responsione ad binas simul objectiones, respondere dabitur, ac quod in proverbio est, geminos parietes una dealbare fideiâ.

§. 27.

*Anno DCCCII. utriusque Imperatoris Legati
convenere.*

Plane nihil hic § continet, quam anno recuperatæ salutis secundo, supra octingentesimum, nec non & tertio ultro citroque utriusque Imperatoris comœasse Legatos,

inferatur) si Gradensem civitatem velit anno superius citato nempe 1011 IV. urbis Venetæ partem fuisse. Si non fuit, ut revera non fuit, separatam Venetorum Gradiensiumque fuisse causam, æquum est patiatur. Ut quid obtineat, probandum foret, ad urbem Vencam, ut totius sui partem Gradum pertinuisse. Id vero ei impossibile; cum ex Historijs doceamur, totis quinque annis postmodum insulas illas, ac inter eas Gradum in unum corpus coagmentatas, nempe post navalem obsidionem à Pipino tentatam (ut seqq. §§) parum fæliciter. Italos scriptores ut consulto præteream Paulum Æmilium Historiographum Gallum patria cætero quin Veronensem, si placet audiamus, ait ille, *Constat bello Gallico faciem Venetæ urbis immutatam, ac paulò post: Veneti summi viri videbantur, Francorumque bellum, ceteris horrendum, ipsi etiam in bonum verterunt, ac relictis pars maxima reliquis sedibus, quas Venetiis contributas diversissimis æstuariis littoribusque passim incoluissent sexaginta passim insulas, ut quæque Rivo alto proximè adiacebant, pontibus inter se jungunt, quæ singula admodum parvæ, unverse magnificentissimæ urbis speciem præberent, ubi Ducum sedes publicumque deinceps concilium haberetur. Æmilio astipulantur Chronologi, neque qui dissentiat hætenus mihi visus. Accedit quod factum illud Caroli privilegii nomine vix est ut venire possit, sed citius beneficii habendum sit loco: quis enim privilegium dicat, si quis libere aliquem ac quiete agere permittat, qui sibi amicus sit, aut quem amici causa offendere non audeat? Conspiraverat adversus Venetos duces, quibus ob decessorem suum intestatam quam pessime volebat, Fortunatus Gradenfis Episcopus, detectaque conspiratione, Gradi ulterius haud ausus subsistere; in Galliam profugerat ad Carolum, cujus sese penitiori familiaritati jam antea Romæ cum agerent, insinuaverat: Ejus adminiculo, Carolum in Venetos extimulaverat. Quid hic mirum ergo si Carolus*

Venetorum hostis à Gradensibus contra Venetos adjuvandum, iis concesserat, ut quiete viverent ? fuit ergo concessio ista, non tam (ita loqui liceat) beneficii positiva, quam negativa maleficii, qua scilicet iis qui sub ejus agerent exercitu, aut imperio, prohibitum fuisse dicendum est, Gradenses aliquo pacto lædere. Si quis urgeat, cum causam successivam habuerit, imo maxime dicendum Privilegium, atque eo magis quod ipse Iustinianus ait extare exemplum istius Privilegii (quod amplissimo epitetho etiamnum ornat) in Chronicis Andreae Danduli; adstringi tamen id suis finibus dicendum est: Histriae nimirum, Romaniolae ac Longobardiae, quas quidem Carolus ex foedere, de quo statim sequenti § fusius tractabimus, sibi depectus erat. Vnde etiam apparet, iniquè cum Iustiniano, qui cum rideat agere Anonymum, cum dicit ex textu illius Privilegii videri nullum Imperio Gallico in maritima Venetia jus fuisse. Exigit quidem ipse dicti rationem à Iustiniano, eam tamen si non videt, cæcus est, si videre non vult malignus. Certum est potestatem concedentis Privilegium attineri territorii finibus; certum est item verba generalia specificis subjuncta restringi ad specifica. Si Gradus pars fuit Venetiae maritimae, si Dominus ejus erat Carolus, cur qui adjacentium Provinciarum Histriae, Romaniolae, Longobardiae meminit, Venetorum obliviscitur. Si pars non fuit, quis non videt verba illa: *& ubi nunquam quiete degant.* ad Histriam, Romaniolam, & Longobardiam sese referre, nec ultra porrigi?

Hæc ergo Iustinianæ dicti ratio est; quam cum ipse fundet in textu privilegij à se visi, si quid contradicere volebat adversarius, poterat illius fidem (ut sapiuscule solet) elevare, rationem vero ut exigeret, causa non erat, cum præter textum illius privilegij immediate etiamnum alteram Iustinianus subjungat rationem, quam non potuit ille non videre, nempe

Caro-

Carolum Magnum post firmatum cum Orientis Imperatore foedus, cum ducem Istriæ Provinciæ præfecisset Iohannem, quererenturque Istriæ populi atterit: sese insolitis oneribus, tres eo destinasse quæsitores, qui despicerent, ne populus Clerusve, durius haberentur, cunctaque in pristinum restituerentur statum, ejusdemque essent conditionis, quæ ante fuerant, Græcorum sub imperio: additque Iustinianus nullam oræ Venetæ mentionem fieri, cur? quia *ex fœdere libera manere jussa erat, nec imperium Caroli agnoscere tenebatur*. Inter hæc Iustiniani verba si quid intercessisset rerum, si quæ lacunæ, si quæ sententiarum digressiones, venia forsân adversario danda esset; at nihil hic tale, imo ex adverso connexa sunt omnia, atque inter se concatenata, medijs nihil est. Adeo sicubi præjudicijs judicium succumbit, vel ad solis jubar caligant mortales,

*Nec juvat ad surdas si cantet Phinæus aureis,
Nec miserum Thamyram pietæ tabella juvat.*

§. 29.

Frustra Anonymus Venetos utrique Imperio subditos facit. Fieri id non potuit. Diviso Orientis atque Occidentis imperio sibi, & libertati suæ Veneti sunt relictæ. Aliud est utrique imperio obedire, aliud neutris partibus accenseri. Pax inter Irenicum & Carolum facta. Quæ Veneti neutri obnoxij pronunciantur. Fazoldi mens explicata.

Languere cœpisse videri poterat adversarius aliquot §§. in disputatione sua. Hic vero se recolligit, & illo quod

inter Nicephorum Orientis, ac Carolum Magnum Occidentis Imperatores, sancitum est foedere, cautum refert, auctore Blondo, ut Veneti, qui antea *ex vetusta consuetudine Constantinopolitano magis parentes* (verba sunt Blondi) *erant Imperio, legibus proprijs ita viverent, ut pariter utrique Imperio obedirent.* Citat insuper & alterum Blondi locum, ubi sic ait, *Pariter altera in parte Italia Veneti, etsi Græco magis consentiebant quam Romano, non tamen in omnimoda illius potestate erant.* His non contentus in Iustinianum denuo incurrit, Bardum adulationis taxat, Goffredi Viterbiensis fidem elevat, cœlum denique terræ miscet, ut Venetos, utrique imperio fuisse subditos, Lectori persuadeat.

Equidem, sicubi unquam veracem adversarium expertus sum, hic experior, agnosco ipsum quod facere se velle dixit, abunde præstare, ac non quid juris sit, sed quid facti inquirere. Hoc ipsum tamen lubens ei condonarem, nisi vir egregie, quod hic ipse testatur discursus, in jure versatus, in quæstione facti, captiosis vera postponere, injustaque pro legitimis venditare præclarum putaret. Veniamus in rem præsentem. Utriusque Imperij subditos Venetos facit. Plebis hic apud Livium voces audire videor: Unius Regis ejecti loco, binos sibi imperitare quiritantis.

Quid vero hoc monstri, binis eundem populum paruisse? non diffiteor, ubi scissis in contraria studiis, in partes itum est, aut bello civili factione ve, ut Rempub. hic premat, ille distrahat, accidere posse; verum quis hoc evenire posse præsumet eo in loco, qui utrique imperio medius, & per se subsistere poterat, ac neque impedire, quo minus Imperium utrumque intra fineis suos terminosque coercitum, secure subsisteret? Si credi debere putat Anonymus, utrique imperio Venetos paruisse, unde illa quæso, ac quidem primæva parendi necessitas? à situne urbis? absit, à primo urbis condi-

conditore utrique subdito? nec hoc quidem; à quaesito utrique imperantium jure? multo minus. Hactenus id saltem non liquet, ac refuga dominantium Libertas, non alia jura novit quam quæ à communi parente cuivis prompta sunt obviaque, ac ne verborum sim prodigus, ingenua. Obedisse Anonymus si vult, Imperium necesse est ut ponat, illud vero unde? an translata Constantinopolin sede, facta quoque eodem tempore divisio conventumque eccujus Imperio Venetum Urbs accederet? sin facta est aliqua, cur non adfertur? sin nulla, quid frustra tempus extrahimus? Iterum dico, si facta est aliqua divisio, unde tam altum omnibus omnino, qui Historiam istorum scripsere temporum, super hac re silentium? id ipsum fortuitum si quis putet, nec ultra æstimandum, ad quid pactione opus fuit? Iam ante obedientiæ vinculis attrinebantur impetriti, quid stipulatione, ut utrique obedirent imperio? Apage ergo Alexandri maleferiatam sententiam, cui nec magis duos Asia Reges habere potuisse visa est; quam mundus geminos soles sufferre: ridicula sit experientia Lucani, cui

— *Dum terra fretum, terramque levabit
 Aër & immensi volvent Titana labores,
 Nulla fides regni socijs, omnisque potestas
 Impatiens consortis erit.* —

Arduum esse eodem loco potentiam esse & concordiam, frustra Tacitus (hist. 4.) cui & alibi (ann. 12.) Regni cupido fratre & filia potior dicta est, monuerit. Frustra Carthaginensium deploraverit antistes, quos unius uteri hospitium ceperit, unius regni non cepisse consortium. Cypr. Epist. ad Demetr. Anonymo si credimus per decursum non unius sæculi, utriusque imperij, Venetum Urbs portio fuit, &

quidem ex æquo; tamque immensa rerum omnium, sursum deorsum euntium, vertigine. Mansit illibata imperatoribus utrimque concordia, neque quis sibi præcipuos illos habere, aut eis præ altero dominari in animum induxit. Taceo jam eo deveniendum, ut ipsam veritatem quæ neminem posse simul duobus obedire dominis pronunciat, (cum adversario si sentimus) inaniloquij ream pronunciare sit necesse; prætereo, frustra IC^{tor}. proprium imperio, innatumque jurisdictioni & adæquatum ducere, ut sint individua: quibus tamen si quis recte sentire velit, non video quo pacto cum adversario ei sit conventurum. Me quidem iudice (salvo melius sentientium placito) tutius fecerimus, si cum iisdem JC^{ris}, formam ipsam substantiamque ab effectu secreverimus. Individuum quid est servitus, at vero fructus dividos nemo neget: Individuum quid jurisdictio, at non perinde individui sunt jurisdictionis effectus, & cum effectu commoda. Ut Blondum veritati, quin etiam sibi conciliemus, statuendum quod res est, Venetos quo tempore facta est divisio Orientis, atque Occidentis Imperiorum, ejus jam tum fuisse momenti ac pro talibus habitos, ut alterutri si sese illos adungere partium eveniret, uterque Imperator judicaverit fieri non posse, quin illa ejus accessionem sese Veneti vellent, alteram viribus excessura esset, ac tantum non oppressura; ac proinde communi suffragio satius esse visum, ut quos natura situsque loci utrimque se junxerant sibi sua haberent, resque imperij ut extra se positas, nihil ad se pertinere putarent, essentque tuta utriusque imperij subditis cum Venetis ac sine fraude commercia. Venetisque ex adverso cum subditis Imperij ita componere se suaque liceret, ut assolent illi, qui nulli privatim, publice obnoxij, secure degunt, ac neminem cum læserint, ne quis eos lædat neutiquam timent. Vsu compertum non semel, ex ipsa situs vicini-

vicinitate, quæ dominantibus ut firmissimum amoris vinculum, nunquam non prætendi solet, graviorum quaquaversum curarum, sequiorumque fere semper suspicionum, ac simultatis non infrequenter causas enasci. His si jungimus vicinorum odia semel concepta non eadem facilitate, qua nascuntur, emori solere; utrique nullam hic cum adversario imaginabimur in proposita nobis facti specie similitudinem veri, saltim istiusmodi nullam, qualem ille nobis delineat, nedum à facti verisimilitudine delabemur ad credulitatem nullis (solida ac per se subsistentia ut omittam) veri simulacris suffultam, quamque ipsa, quæ stultorum mater, rerum experientia, viam monstrantibus innumeris omnium omnino sæculorum exemplis confodit evertitque. Atq; hoc est quod firmant illa Blondi, quæ ipse quoque Anonymus citat, *in fœderibus illud accurate apud vetustos Scriptores legimus intervenisse, ut Veneta urbs Italiae maritima utrumque reverita Imperatorem, proprijs uteretur legibus, & sive pace sive bello neutrius partium censeretur.* Nemo est qui non videat, aliud esse, utrique imperio obedire, aliud, proprijs uti legibus, &, sive bello sive pace, neutris partium accenseri, sunt tamen hæc utraque ejusdem Blondi, quem sibi si contrarium dicit Anonymus, qua fronte quæve fiducia volet, contra receptam praxim, ut testi fidem habeamus contraria attestanti? Sin existimat conciliari posse, ecquæ sane conciliatio excogitari, nedum dari possit, quæ vero magis sit consentanea, quam est illa quæ jam nunc à nobis est allata? quam sane conciliationem non leviter probant illa Pauli Aemilij Veronensis qui libro historiæ suæ tertio in vita Caroli Magni, ubi de fœdere inter Carolum & Nicephorum agit, ait. *Id in has conditiones ictum, ut alter Orientis, alter Occidentis Augusti fratresque essent, dicerenturque simul hinc à Neapoli, illinc à Siponto, quid, quid ulterioris Italiae in mare procurrit cum suæ regione insulis à Græco, reliquum à Franco*

jura

jurapererent, inter duo imperia mediuscardo Venetiæ, utriusque Imperij Majestatem comiter conservarent. Quam procul hæc ab omni remota sint subjectione, per se videre Lectorem non dubito, modo recordari velit geminatim jam ante repetita IC^{ti}. Proculi verba, *Liberum nempe haud minus esse populum, etiam si fœderis legibus adjectum sit, ut ille populus alterius Majestatem comiter conservaret.* Atque ut sic etiam ab eo quod juris est, accedamus, ad ea quæ facti sunt, id est, ad ipsam gestarum rerum veritatem, videre lubet quid super hac transactione posterorum memoriæ commendatum sit. Qua in re ut eo, quem sanctè professus sum quaquam versum observaturum, candore progrediar, IC^{tot}. primum omnes ac quidem magni nominis ac inter eos Alciatum præteribo: Historicos etiam ipsos, atque inter eos Egnatium prætermittam, licet ille disertim tradat in vita Caroli Magni, voluisse Carolum in transactione terminorum cum Orientis Imperatore ut Veneti neutrius legibus tenerentur. Atque omnes denique annalium scriptores, qui Venetæ urbi nataleis suos debent. Omnes etiam præteribo Chronologos, qui Venetos Authores hoc loco laudant, ac quo nulla vel suspicionis umbra residua sit, minime suspectos allegabo, ac primo quidem Carolum Sigonium, vel ipsi adversario à sinceritate ac fide commendatissimum, & Huldricum Mutium, hominem Germanum, eoque judicio ac candore scriptorem, quantum in probatissimo vel votis optare liceat. Ait ergo Sigonius de regno Italiæ lib. 4^o. Nicephorus initio rebus pariter suis conducere arbitratu pacem cum Carolo habere, Legatos ad Carolum ad Salam annuam castra habentem, de feriendo fœdere misit; Eos Carolus non benigne solum excepit, sed etiam fœdere isto cum literis donum remisit, in fœdere illud nominatim expressum, ut Veneti inter utrumque imperium positi, liberi, atque immunes, & ab utroque securi viverent, ac sine molestia res suas, in Italico regno possiderent. Pò-

rior

sterior rerum Germanicarum lib. 9. *Paxque facta est*, inquit, *inter Frenem & Carolum & cum Nicephoro, ea conditionum lege, ut Veneti suis legibus uterentur, essetque civitas libera neutri, neque Orienti neque Occidentis Imperio obnoxia.* Subjungam his epimetri loco Iacobum Lesmoræum Theologum Scotum è societate Iesu, nec id alia de causâ quam quod authorem suum nominat Æmilium lib. 4. integerrimum hæc in re testem, aitque, *quantumvis pacis conditiones essent inter duos Imperatores, ut uterque Augustus esset & Orientali maneret Sicilia, cum ea parte Italie que est à Sipontini in Apulia versus Græciam, reliqua omnia essent Imperatoris Occidentis, Veneti tamen ab utroque Imperio immunes ac liberi decernuntur.*

Lesmoræo etiamnum alterum è dicta Societate Iesu adjungere libet Horatium nempe Tursselinum, ita ille *Articulû hujus fœderis additum, ut Veneta Respub. nec hujus, nec illius imperium agnosceret, nequaquam imperio subdita, upote absolute libera, sui que Juris.* Petrus autem Berthautius Presbyter oratorij D. Iesu. Flori Gallici lib. 2. c. 15. *Convenit, ut Orientis alter, alter Occidentis Augustus diceretur, ac medius inter duo imperia velut limes, Venetiæ Respubl. utriusque Majestatem observaret: libera, immunis, & ab utroque secura.* Recordatur etiamnum fœderis hujus Petrus Mexias nobilis Hispanus, aitque in vita Caroli Magni fœdere isto cautum fuisse, *Veneta urbs utrique parit ut esset amica, neutrarum cateroquin partium nec huic nec illi subdita.* Plura non addam, videt ex allegatis benignus Lector, quam vera sint quæ de origine incrementoque libertatis Venetæ è Blondo, Cedreno, Sigonio, aliisque supra citavimus, videt quoque, ut successu temporis urbs illa, velut eo manu ducenibus fatis, indefesso supremi numinis favore quaqua versum comitante, tantos progressus fecerit, ut quam ab initio opprimere pronum fuisset, quo minus id fieret, quos magnis conatibus oportunos notatum, transitus rerum, primo im-

jurapeterem, inter duo imperia medius cardo Venetiæ, utriusque Imperij Majestatem comiter conservarent. Quam procul hæc ab omni remota sint subjectione, per se videre Lectorem non dubito, modo recordari velit geminatim jam ante repetita IC^{ti}. Proculi verba, Liberum nempe haud minus esse populum, etiam si fœderis legibus adjectum sit, ut ille populus alterius Majestatem comiter conservaret. Atque ut sic etiam ab eo quod juris est, accedamus, ad ea quæ facti sunt, id est, ad ipsam gestarum rerum veritatem, videre lubet quid super hac transactione posterorum memoriæ commendatum sit. Qua in re ut eo, quem sanctè professus sum quaqua versum observaturum, candore progrediar, IC^{tes}. primum omnes ac quidem magni nominis ac inter eos Alciatum præteribo: Historicos etiam ipsos, atque inter eos Egnatium prætermittam, licet ille disertim tradat in vita Caroli Magni, voluisse Carolum in transactione terminorum cum Orientis Imperatore ut Veneti neutrius legibus tenerentur. Atque omnes denique annalium scriptores, qui Venetæ urbi nataleis suos debent. Omnes etiam præteribo Chronologos, qui Venetos Authores hoc loco laudant, ac quo nulla vel suspicionis umbra residua sit, minime suspectos allegabo, ac primo quidem Carolum Sigonium, vel ipsi adversario à synceritate ac fide commendatissimum, & Huldricum Mutium, hominem Germanum, eoque judicio ac candore scriptorem, quantum in probatissimo vel votis optare liceat. Ait ergo Sigonius de regno Italix lib. 4^o. Nicephorus initio rebus pariter suis conducere arbitratus pacem cum Carolo habere, Legatos ad Carolum ad Salam annuam castra habentem, de feriendo fœdere misit; Eos Carolus non benigne solum excepit, sed etiam fœdere iusto cum literis datum remisit, in fœdere illud nominatim expressum, ut Veneti inter utrumque imperium positi, liberi, atque immunes, & ab utroque securi viverent, ac sine molestia res suas, in Italico regno possiderent. Posterior

terior rerum Germanicarum lib. 9. *Paxque facta est*, inquit, *inter Frenem & Carolum & cum Nicephoro, ea conditionum lege, ut Veneti suis legibus uterentur, essetque civitas libera neutri, neque Orienti neque Occidentis imperio obnoxia.* Subjungam his epimetri loco Iacobum Lesmoræum Theologum Scotum è societate Iesu, nec id alia de causâ quam quod authorem suum nominat Æmilium lib. 4. integerrimum hæc in re testem, aitque, *quantumvis paci conditiones essent inter duos Imperatores, ut uterque Augustus esset & Orientali maneret Sicilia, cum ea parte Italie que est à Sipontini in Apulia versus Græciam, reliqua omnia essent imperatoris Occidentis, Veneti tamen ab utroque Imperio immunes ac liberi decernuntur.*

Lesmoræo etiamnum alterum è dicta Societate Iesu adjungere libet Horatium nempe Tursselinum, ita ille *Articula hujus fœderis additum, ut Veneta Respub. nec hujus, nec illius imperium agnosceret, nequaquam imperto subdita, utpote absolute libera, sui que Juris.* Petrus autem Berthaurius Presbyter oratorij D. Iesu. Flori Gallici lib. 2. c. 15. *Convenit, ut Orientis alter, alter Occidentis Augustus diceretur, ac medius inter duo imperia velut limes, Venetiarum Respubl. utriusque Majestatem observaret: libera, immunis, & ab utroque secura.* Recordatur etiamnum fœderis hujus Petrus Mexias nobilis Hispanus, aitque in vita Caroli Magni fœdere isto cautum fuisse, *Veneta urbs utrique parti ut esset amica, neutrarum cateroquin partium nec huic nec illi subdita.* Plura non addam, videt ex allegatis benignus Lector, quam vera sint quæ de origine incrementoque libertatis Venetæ è Blondo, Cedreno, Sigonio, aliisque supra citavimus, videt quoque, ut successu temporis urbs illa, velut eo manu ducenibus fatis, indefesso supremi numinis favore quaqua versum comitante, tantos progressus fecerit, ut quam ab initio opprimere pronum fuisset, quo minus id fieret, quos magnis conatibus oportunos notatum, transitus rerum, primo im-

pedierint, videt exinde ut viribus civiumque numero indices auctior, suamet ipsa libertatem tutari servareque, servatam in majus extollere potuerit, acveleo magnitudinis virtute ac constantiâ civium suorum promovere, ut media cum esset inter utrumque imperium constituta, imperantium uterque suis eam legibus permittere maluerit, quam aut communibus armis appetere, aut uni sibi vindicandam reliquere. Nec aliter videas saluberrimo in omne ævum consilio, rerum humanarum petitisimos, quacumque datur sic potentiam vicinorum viresque admoderas velle, ne unquam graves sint, ac in æquilíbrio velut bilancis trutinæ pendulæ, se sineque suos tutari possint, adversum vim atque injuriam: res aliorum novare, turbare aut invadere, non item. Ut longior ne sim in re (ut spero) nulli dubia, consulto prætereo, quæ adversus Iustinianum nugatur Anonymus, quæ Bardo convicia ingerit, utpote talia quæ sint ut ijs jam nunc responsum sit, aut nullo præterea responso sit opus. Paucis addam, leviusculum esse quod ex Faroldi elogio elicit. Hunc nimirum, Anonymi mens est, cum dicat eo anno sive superiore remansisse Venetos, subjectionem in præteritum tacite fateri; Quasi vero aliter accipiendum sit illud, quam Venetos, ab omni ævo ante ea tempora liberos, ad illud jam fastigij traducem subvexisse libertatem, ut vel ipsorum imperantium non consensu modo, sed decreto, liberi, sique juris, sine superiore remanserint. Alia sane Faroldo mens esse non potuit, aut si fuisse ut credamus postulat, subjectionem in præteritum oportet adstruat argumentis indubijs validisque, in tam ardua, tantique momenti re, conjecturas male formatas, exsurgentisque ex perperam detortis scribentium verbis, ac contra ipsam scribentis intentionem prolatas, admittere æquum haud esse, non uno discursus sui libro adseverat

severat Anonymus, nos etiam quid epiphonematibus, eloquijs, enunciatisque ejusmodi deferendum sit, non uno loco monuimus.

§. 30. 31. 32. 33. 34. 35. 36. 37.

Pipinus Venetos neutiquam in potestatem redegit. Id ipsum Emiliū Veronensis, Sigonii & aliorum testimonio luculenter probatum. Historia illius belli accurate excussa. Libertas Veneta passim stetit immota. Magnifica Venetorum legatio ad Carolum Imperatorem. Historia horum temporum & res obscura. Facta probari debent, non præsumi. Imperator à Venetis Dalmatisque minus recte inter se convenientibus consultus, & quare. Fœdus inter Venetos, & Italicos ante Caroli Crassi tempora percussum. Male Anonymus ex Nicephoro sententiam suam de debellatis Venetis adstruere conatur. A perfidia in Pipinum notâ Veneti liberati. Locus Adelmi de subjecta Pipino Venetia quomodo intelligendus. Adversatur sibi Anonymus. Variis auctorum testimonijs sententia adversarii refutata.

HOrum quos nunc in manum desumo §. §. una hæc est intentio, ut Lectori probet Pipinum Caroli filium, vivente etiamnum Carolo patre, Venetos in potestatem redegisse, everfurus nimirum fundamenta nostra, quibus Libertatem esse diximus quod velis faciendi facultatem, nisi

aut vi aut jure prohibearis, neque enim causa est, quin si vi superatis sint, actum sit cum eorum libertate. Quid præstet agendum videamus, Ac quidem primo fatetur plurimum tenebrarum circumfufum esse historiæ, fatemur & nos: verum cum id fateri habeat necesse, perperam agit, ac fide prorsus non bona, qui fragmenta quædam Gallicorum scriptorum eruit, ac lectori obtrudere satagit, quo ne ullum ex iis quæ præcedunt quæve sequuntur, judicium ferri possit, nos ad singula cum bono Deo responsa paramus, ac quidem ut in hac re notus sit candor noster, hoc lectorem meum ut notare dignetur etiam atque etiam rogo, laudari ab Anonymo circa veritatem hujus historiæ; atque etiam in argumentum, adeoque in argumentum à sensu corporeo desumptum ac sic quidem validissimum adduci, adductum etiam jam ante à nobis Paulum Æmilium Gallicarum rerum scriptorem, qui sane patriâ Veronensis cum fuerit, omnino credendus non est, plura studio partium, quam veritati dare voluisse, equidem jure optimo etiam à nobis adducetur, coque majore ut æquum est efficacia, quod ipsius etiamnum testimonio acquiescentem Anonymum videamus, ac, sic quoque causam subesse non posse, quo minus ejus narratis plenaria fides habeatur. Hic ergo lib. historiæ suarum tertio, ab ovo cuncta repetens, causasque belli primi enarrans postquam inter Nicephorum & Carolum fide sic satis ambigua scripsit agitata pacis consilia, porro subjungit, *Venetis utrumque Imperatorem observare jussus, ultro citroque commens pacem redintegrare conabatur, nulla re infecuta, nisi quod infestior hostis Veneto Pipinus quam Græco effectus est, crimini dans eum inter speciem reconcilianda gratia pecuniâ supplementoque hostium classem jurasse.* Agnoscet hic ut opinior, (si quidem vir bonus esse aut videri vult) adversarius, sequestra Venetorum inter utrumque Imperatorem modera menta, ad pacem in-

ter eos formandam spectantia, Bardumque male adulationis sibi taxatum fatebitur, ac in posterum sugillare desinet. Pergit Æmilius. *Ac paulo ante Nicephorus Augustus duces-fratres Obelerium Spatarium, Beatum Consulem creavit, igitur Francus Brundulum, Palestinam, Albiolam, quæ Venetæ civitatis perbonæ partes erant, capit, Meibamaucumque desertum fuga Optimatum, nobilem locum, quod ibi tunc ducum sedes ac regimen rerum esset occupat, & velut confecto bello, cum una parte Nicetas, altera Paulus cum classe adventarent ne circumveneretur classem reduxit. Est apud Venetos fama, Pipinum cum Rivum altum insularum Venetarum celeberrimam classe tentaret, brevibus stagnisque impeditum æstu recedente hæsisse, cladeq; Francorum nobilem locum factum, certiores auctores nihil tale tradunt. Constat Gallico bello faciem Venetæ urbis immutatam, Tipinum, divissa classe, Mediolanum se recepisse. Augustus Francus eo exorabilior paci Venetis reddenda fuit, quod omnem culpam à republica in duces suos averterent, quos in patriam nefaria consilia intulisse vel ea fides erat, quod voluntarium sibi conscivissent exilium, & Veneti summi viri videbantur, Francorumque bellum ceteris horrendum ipsi etiam in bonum verterant, ac relictæ pars maxima reliquis sedibus, quas Venetiis contributas diversissimis æstuariis littoribusque passim incoluissent, sexaginta circiter insulas, ut quæque Rivo alto proximæ adiacebant pontibus inter se jungunt, quæ singule admodum parvæ, universæ speciem magnificentissimæ urbis nobis præberent, ubi Ducum sedes, publicumque Concilium detineps haberetur. Sunt qui non ductu sed jussu Pipini Venetum bellum gestum tradant, idque facile crediderim quod neque Carolum Augustum, neque filios ipsos aliis certaminibus navalibus interfuisse constat, sed præfuisse Comites suos, cum in terrestribus neque suo, neque filiorum periculo parceret Francus.*

Æmilio Veronensi quem Comitem potius addiderimus quam castigatissimæ fidei atque sedulitatis historicum Carolum Sigonium, ille ergo postquam belli illius historiam variè adeo à Francis Venetisque narrari est pro-

fessus, ut neque in caussa neque in eventu consentiant; postquam ostendit in quam diversa inter sese illi, ac discrepantia dissiliant, ad se ubi redit, historięque suę filum prætexit, Belli, inquit, ut apparatus, sic etiam exitus fuit memorabilis. Pipinus cum Metamauci nihil, nisi domos vacuas reperisset, eas diruit, ac littore toto percursus usque ad portum pervenit, ibi cum omnem belli summam ad Olivolam & Rivum altum constitisse, omnesque Venetorum copias ad eum locum tenendum collatis esse audiret, cum invadere statuit. Verum majoribus navigiis eo penetrari non posse à peritis regionis edoctus, ex proximis amnibus lintres contraxit, ad quos, quia satus multi non erant, rates ex irabibus compactas adjecit, ac castellorum in modum munias affatim armis, virisque implevit, atque eas adversus hostes, Obelerio facilem victoriam pollicente, immisit. Rates passim accessu æstus, partim remulco lintrium, partim longis militum pilis impulsæ, aliquanto spatio cursum prospere confecerunt, ubi vero in altiore aqua sunt proveccte, neque contis amplius impelli, neque propter gravitatem suam remulco trahi longius potuerunt. Id cum Veneti sensissent, atque æstus decedente, jam in contrarium rapiente, Francos laborantes vidissent, continuo levibus Lintribus, quibus abundabant, se intulerunt, ac remulcis incisis rates à lintribus separarunt, quo factò lintres ipsos adorti, plerosque aut fluctibus submerserunt, aut in potestatem adductos pessimè habuerunt, inde rates quæ in paludes ab ipso æstus impetu abrepta subsederant, usque adeo urgere cœperunt, ut Franci tenui vado confissi in aquam se demitterent, quo pedibus ad litus perfugerent. Verum opinione sua decepti, mox obruti limo, cæsi omnes, aut capti sunt. Pipinus qui cum paucis Metamaucum felicem rei exitum operiens se retulerat, ubi tantam suorum cladem audi-
 vi, mæstus Obelerio & Valentino secum ductis, Ravennam repetijt. Hac tantà victorià partà ingens inter Venetos gratulatio facta, novaque formanda Reipublica consilia inita.

Dux

Dux cum Metamaucum excisum videret, animum ad sedem in Rivum altum & Olivolam traducendam adjecit, eas propter magnitudinem suam satis amplas ad vicinorum populorum multitudinem & Reipublica, quam sibi pollicebatur, dignitatem recipiendam fore arbitratus: atque tribunis & primoribus insularum in consilium advocatis, ex eorum auctoritate regiam eo traduxit. Beato vero, antequam res ad exitum perduceretur, vita functo, Angelus Particiacus Dux substitutus incerta persolvere instituit, itaque cum Rivum altum Duci, Olivolam Episcopo destinasset, prima Ducalis pratorij, quo loco nunc est, fundamenta jecit. Urbs Rivoaltum & Olivolam continens, post uno Venetiarum nomine appellata. Hac ejus urbis & Reipublica, quæ ad hunc usque diem opulentissima, atque amplissima fuit, principia fuisse feruntur, quæ tum terminis à Grado ad Caput aggeris angustissimis claudebatur.

Atque hic etiam desinit Sigonius, cujus equidem testimonio etsi probatam satis adsertamque Venetorum existimem libertatem, monstratumque eos Pipini armis in prædâ nullatenus cessisse, ut tamen evidentius sese legentium oculis nuda rei veritas ingerat, intexam ut luculentum, sic & veracissimum testimonium Huldrici Mutij, quem Germanum cum dixi, germana virtute & fide quivis intelligat, utique à partium studiis immunem; omitto quod vel fatente invidiâ scriptor ille fuerit comprimis magni judicij, ac quod caput rei est, qui nihil unquam veri indictum relinquere, nihil falsum dixisse ausus fuisseprehenditur. Ait ille libro Germanicarum rerum nono. hanc defectionem Venetorum (nimirum quod Constantino-politano imperio adhæsisse videbantur, spretis quæ cum Gallo inierant pactis conventis) non laturus Imperator Carolus, multo quam prius apparatu belli ampliore, invadit eos Duce Pipino. Venetorum subditi, ut antea ex oppidis & agris passim

passim se intra mœnia Venetiarum recipiunt, Pipinus omnia habitatoribus & omnibus rebus vacua facile in potestatem redegit. Erat autem consilium & spes Venetorum, non diu cum tanto exercitu permanere posse in castris: Ipsi vero habebant omnia necessaria in urbe uberrimè & liberè navibus per mare, quo volebant, invehere poterant, neque enim navali facultate Pipinus pollebat, ipsi vero classem habebant magnam, & bene instructam, & qui eam regebant peritissimos, ad pugnamque navalem expeditissimos.

Cum igitur Pipinus aliquamdiu sic in castris tempus frustra tereret, Venetique nullum deditiōis aut timorū signum præberent, sed se intra mœnia continerent, intellexit eorum spem esse brevi discessurum. Erat primum consilium Pipini captum agrum & urbes advenis habitatoribus tradere, foribusque viris ex Germania, & Italiam reliquam illi jungere ut quando Veneti post exercitus discessum, recipere conarentur, una conjuncti resisterent. Sed Carolus jubet eum nullis impensis parcere, classem quoque parare, qua etiam ab usu maris prohibeantur, pontifex in classe paranda & tota Italia juvat eum. Postquam circumdedit urbem mari & terrâ pontem ab arido usque ad urbem, magnum opus facere instituit, cum autem pene erat ad urbem perductus, igne à Venetis miro artificio ex materia factō, correptus, mediâ nocte totus conflagravit, peritque eâ nocte magnus militum, qui in ponte erant, numerus, Classem quoque ejus incendere conati, sed Itali qui in ea erant, caverunt: sed navali prælio congressi, cedere coacti sunt Pipini naves, unâ atque alterâ amissâ, quibus rebus non parum commotus est irâ Pipinus, sed quo magis cupit ulcisci, hoc minus spei est fieri posse, videt enim inexpugnabilem urbem, videt obstinatos civium animos, pudet sic decedere rebus infectis, Imperator Carolus subornat Pontificem ut se interponat, & qualemcumque possit pacem faciat. Pontifex ad Venetos mittit legationem Episcopum virum facundia & prudentia insigniter dotatum, qui ubi venit ad Venetos & Pontificis voluntatem & postulata de pace exposuisset, responderunt, se nullis rationibus posse mercaturam qua civitas cœperit, & in eam magnitudinem creverit & hætenus conservata sit, relinquere, nisi velint

velint & cælum mutare, sed ad impossibilia promittenda adactos à Carolo, quæ servare ullis legibus nemo cogatur, quare aut Libertatem suam retinere, aut extrema omnia tentare. Si Carolus eis velis integrum relinquere cum Constantinopolitanis & etiam cum Turcis mercaturam exercere, habiturum amicam civitatem, & quæ officia justa nunquam sit negatura. Interea Tipinus reparare naves, simulare se alios milites ex Germania expectare, moliri maxima queque, Veneti respondent Pontificis Legato, si possit efficere ut in quiete possint statum civitatis conservare, salva Libertate, maximi beneficii loco habituros. Donant præterea munuscula non vulgaria legato, qui horum responso audito ad Carolum proficiscitur in Germaniam, agiturque apud Carolum Venetorum causam, & exponit Pontificis voluntatem de facienda pace, quasi ignarus, quod hoc Carolus à Pontifice petierit, & incertum est an dissimularit se scire, an vero nescierit. Carolo magno placuit taciturnitas & fides Pontificis, Venetorum causam serio agit, quod tueri statum urbis sine Græcorum & aliorum exterorum commercio non possint: Si ex agricultura aut pactione vivere velint, urbem relinquendam necessitate coactos, invitos contra casarem Caroli Majestatem egisse, Caroli virescens à pluribus Venetiarum Principibus viris predicari candidissime, nihilque cupere quam à Carolo occasionem præberi, quo animum civitatis erga eum declarare possint. Petere pacem sed cum Libertate conjunctam, sed in qua urbis status possit durare, sed possibilem servatu, contraque quam non cogantur, velint nolint, agere. Carolus à Pontificis Legato Episcopo placatus, & Venetis benevolus redditus totus, respondet se majora Pontifici non negare aut posse aut debere. Venetis ignoscere, & quæcumque ad augendam civitatem faciant, concedere. Episcopum multis officiis collatis, dimittit, cupitque arbitros Pontificem & hunc legatum de componenda pace cum Venetis. Fit pax, sua omnia recuperant, liberè cum omnibus commercia agunt, dimittuntur exercitus. Hoc pacto hoc est finitum bellum. Hactenus Mutius. Sunt porro Mutianis illis multum affinia quæ traduntur à Petro Mexia, cujus jam ante mentionem fecimus. Super hoc inquit ille bello, quod in Ve-

netos susceptum fuit antiqui scriptores tam diversa tradunt, ut veritatem perfecte sequi non liceat. Tradunt quidam, aliquot illorum insulas, & in eas regionem cui à Rivo alto nomen, adversus vim sese defendisse. Quicquid sit, in longum tempus protractum fuit id bellum, fecitque tandem pacem cum Venetis Carolus, integerrima ipsis Libertate relicta illa, quam semper conservarunt, facta item pax cum Imperatore Græco, quæ occasione belli Veneti fuerat disrupta.

Spes me tenet his pollicitis, judicaturum etiam quemvis Lectorem, modo mens ei lava non sit, aut corrupta partium studiis, veritatemque ante sententiam condemnatione, ante iudicium præiudicio, parata gravare, in tanta antiquitate sequens de Venetis eorumque libertate nihil esse statuendum, nec aliud sane meretur illorum virtus, constans illa masculaque, atque ut ait ille.

Adversis rerum immerfabilis undis.

Cæteroquin in re tanta candide hæc tractantem Petrum Berthantium oratori Domini Iesu Presbyterum audiamus, ille sane ut ut Gallis æquior alienum ab illa, aut ea indignum quod sit nihil adfert; & clarissimam Venetiarum insulam tentatam quidem fatetur, devictam vero, dicere non sustinet. Ita ille capite decimo & octavo Flori Gallici lib. 2. Multorum jam annorum erat Respublica Venetorum, Franciæ Regno prope æqualis xxxv ferè annis, ab initio Francorum desuncta, ruinis & ipsa Romanorum aucta, cum Francorum vires tum vel maxime horentes ausa est experiri. Media, (ut dictum est) utrumque imperium observare ac colere iussa; Sed Nicephoro Orientis Augusto pronior, Pipini Italiæ Regis à Carolo Magno instituti inimicitias in se convertit; Adeo difficile est cum finitimis ac potentibus prætereaque amicis pacem tueri, qui nec vincere, nec vinci, sine finitimorum periculo possunt. Duces Venetorum Obellerius & Beatus Fratres

tres Græcorum classe sub Paulo Patricio primum freti, sed eo propter occultas cum Venetis similitudines discedente penè fracti: rem tamen strenuè gesserunt. Sed Francus superior tandem evasit, quanvis fœdè decerptam Pipini Classem Itali scriptores insinuent. Occupatis aliquot nobilissimis locis, ac tentatâ Venetiarum clarissimâ insulâ Ravennam iter intendit, mox Mediolanum se recepit Pipinus, ubi intra paucos dies fato functus est. Vir mchercule si diutius vita suppeditasset, virtutis magnitudine, patriam avitamque gloriam facîle adæquaturus. Inita deinde cum Venetis pacis fœdera, omissoque cum nobilissimâ gente bello, Græcis petentibus, Nicetæ, ac Paulo Nicephori Ducibus data pax. Ab eis etiam stare Venetos ob locorum opportunitatem & mercaturæ usum, concessum est, satis suâ magnitudine tutâ ac securâ Francorum potentiâ. In hoc summi certe viri, & singulari laude digni Veneri, qui Francorum bellum cæteris formidabile, aut invicti sustinuerunt, aut victi in bonum suum verterunt.

Reliquum nunc nobis ut transcendamus atque epitamur quin & superemus tremenda illa repagula, quæ sese è penitissima antiquitate producere jactat. Primus locus est ex Chronico Adelmi Monachi sive Ademari. Dico liberè non videre me quid sibi adversarius velit. Ait textus, *venisse Wilarium & Beatum Venetorum Duces, nec non & Paulum Ducem Jadera, atque Donatum ejusdem civitatis Episcopum, Dalmatarum Legatos ad presentiam Imperatoris cum magnis donis, & facta est*, inquit, *Ordinatio ab Imperatore de Ducibus & populo tam Venetiæ quam Dalmatiæ*. Non credo id adversarium velle, non licuisse Venetis ad Imperatorem accedere, absque præjudicio libertatis suæ, quam ipse Imperator confirmarat solemni decreto, conceptisque verbis. Minus existimo, vitio id ipsum vertere, quod cum muneribus acceperint ad eum, cujus ipsi juxta

ac Orientalis Imperatoris Majestatem comiter observabant : hoc si urget, dispositionem factam ab Imperatore de Ducibus & populis tam Venetiæ quam Dalmatiæ, æquum prorsus est ut ostendat dispositione istâ præjudicium Venetorum libertati illatum fuisse : quam diu id non probat, alia quævis credendi causa justissima est. Quid? quod nisi fœd fragus esse vellet, nihil in præjudicium libertatis Venetæ disponere potuerit? De hoc ipso facto ita Sigonius: *Iohannes & Mauritius (qui duces fuerant Venetiarum) cum Metamauco pulsi, se Mantuam recepissent; Nicephorum de rebus quæ evenerant, de quo exilio in quo ipsius causâ erant, fecerant certiorum; rumorque increbuerat, Nicephorum classem ad eos reducendos, missurum. Itaque extremo anno Obelerius & Beatus, Valentino fratre domi relicto, una cum Paulo Duce & Donato Episcopo Iaderinis, Carolum cum Pipino & Ludovico filiis, hybernantem, post solenne natalitium, magnificum cultum, donis rogaverunt, ut Venetos ac Dalmatas in amicitiam reciperet, ac duces populosque suos confirmaret, quibus auditis Carolus haud gravatè assensit, ac sordere concessio dimisit.* Ex quo Sigonij loco facile deprehenditur, turbata partium studiis cuncta cum sursum deorsumque agerentur, ex primoribus, hos ad Nicephorum, illos ad Carolum concessisse; illud verò neutiquam deprehendi potest, ecquid ab ipso aut statutum sit, aut omnino statui potuerit, libertati publicæ noxium quod esset, nisi forte facta privatorum, ut revera privati erant, hinc Iohannes, Mauritiisque, illinc Obelerius ac Beatus, statim prototius urbis facto accipienda dicat adversarius, ac perinde habenda quasi publico mandato gesta. Diētant ex adverso jura, quæ facta sunt non præsumi, sed probari debere, manda vero, quin sint facti, nemo addubitet. Cumulatus ut satisfaciam, causam me non videre profiteor, cur in hac rei gestæ caligine nobis idem haud licere credamus, sibi quod liberum esse legislatores volunt, nempe ut hoc judicemus
rebus

rebus inesse, atque ad eas pertinere personas, quæ quandoque similes erunt, quod & nisi contrariæ sint multis, IC^{ur}. in l. non est novum ff. de Legib. ait argumentis probari. Ut ergo proximum vero quod est assequamur, de Ducibus cum viderimus, ipsosque etiam ut stringamus populos Venetos nimirum Dalmatasque, convenientissimum mihi quidem videtur dicere Imperatorem à Venetis Dalmatisque (ut ferre rara vicinorum est concordia) minus recte inter se convenientibus, fuisse consultum: à Venetis nimirum, qui Dalmatas Imperatori subditos, læsos nollent, nec Imperatoris cujusmet ipsi Majestatem comiter observarent, judicium defugerent: A Dalmatis, ut subditis Imperatoris, & qui absque illius assensu, in Venetos quid designare, molirive haud auderent, ut sic quidem sequestra potius fuisset dicenda sit ista dispositio, quam ex mero absolutoque imperio, aut ut DD. loqui amant, ex plenitudine potestatis profecta. Cur ita credam, movet me, præter illud quod statim hoc ipso Sex Sigonio sum allegatus, quod apud eundem Sigonium lib. 5. de Regno Italiæ invenio, Carolum Crassum Regem Francorum & eundem Imperatorem, foedus inter Venetos & populos Italicos sibi subjectos, renovasse. Ac lib. 6. Regem Berengarium secundum ejus nominis cum Adelberto filio cum esset Olonæ foedus inter Venetos atque Italicos renovasse, finesque eorum inter se determinasse. Opus ergo fuit, ut foedus aliquod inter Venetos Italicosque aut Dalmatas tempora Caroli Crassi præcesserit, cujus equidem regnum inter proxima est, ab illis temporibus. Ac cum istiusmodi foederis mentio nulla fiat, non est omnino ad fidem difficile, hanc ipsam dispositionem, de qua Anonymus agit, foederis in se leges, inter Venetos Dalmatasque continuasse. Nolo tamen mihi meisve conjecturis hac in re quippiam deferri, subsistam potius, a videque expectabo, nunquid for-

tasse posthac probari contingat quo lucis aliquid Historiæ, aut roboris argumento adversarij adferatur.

Secundus textus, quem pro se citat, totidem verbis ait. *Classē à Nicephoro Imperatore, cui Niceta Patricius præerat ad recuperandam Dalmatiam mitti, Quid vero inde sequitur? Dalmatiam recuperare voluit Nicephorus, ergo & Venetam urbem quam non amiserat, ac cum ipsius nunquam fuisset, amittere non potuerat, ergo in potestatem suam Venetam urbem Carolus Pipinusque redegerant. Sibilo digna sint, non responso.*

Tertio textu hoc ait, *Nicetam qui cum classē Constantinopolitana in Venetia se continebat, pace facta cum Pipino & inductusque ad mensem Augustum constitutus, statione solita regressum Constantinopolim.* Nec hoc ex textu quid inferendum sibi statuatur Anonymus video. Classē in Venetia se continuisse, mirum non est, patebat undique littus & aer, ac longe aliud diversum ab urbe Venetia, tractus est Venetus, ut jam notatum pluries.

Quarto loco ait, *anno insequenti classē Constantinopoli missam, primo Dalmatiam, ac mox Venetiam appulisse, prælium commississe, victa cum esset, Venetiam recessisse, agitasse Ducem Paulum pacis consilia, sed cum conatus ejus Beatus Obeleriasque impedirent, ipsique etiamnum insidias pararent cognita illorum fraude discessisse.*

Delio hic naratore opus foret ad eruendum ea, quæ desumere nos ex hoc Adelmi aut Ademari loco vellet adversarius. Citat ille hunc locum ut ostendat domitos à Pipino fuisse Venetos, at nihil minus ex eo elicitur, fieri forte potest, ut Græcis superiores fuerint Franci, ut fuisse credibile est, domitos tamen ex eo non sequitur bello superatos fuisse Venetos. Ut toti rei gestæ lucem veritatis circumdem, operæ pretium fuerit Sigonium denuo ut audiamus: ille

ille paucis lib. 4. sic insit. Eodem tempore (nempe ab N. C. 1000 vi.) Nicetas Patricius cum classe in sinum Adriaticum venit, à Nicephoro ad componendas intestinas Venetorum Dalmatarumque discordias missus. Ad ejus adventum Dalmatia nulla expectata oppugnatione in fidem, eadem quâ defecerat levitate, revertit. Veneti recepto Niceta, duces quos ille restituere jussus erat, se recepturos negarunt; ac Beatum Ducem Constantinopolim miserunt, qui sui consilij Nicephoro rationem redderet, atque excusationem cur non recepissent, adferret. Idem paulo post, Pipinus his auditis cum Niceta Venetijs agens obviam ire, ac socios Venetos in fide retinere, pro regia dignitate studeret, amen hoc anno (nempe 1000 vii) nihil tentavit. Scire velim num & hic Venetos adversarius dicturus sit utrique imperio paruisse? Si dicit Orientali, videt ipse, ut Nicetam quidem recipiant (id enim erat Majestatem committere conservantium) postulata vero illius non admittant, Legatum Constantinopolim (an & hoc subditorum?) ut ablegent, causas recusationis expositurum Imperatori, probaturumque. Sin Occidentali & quidem bello domitos à Pipino, quomodo verum erit, quod ait Historicus, voluisse Pipinum; Socios Venetos in fide retinere pro dignitate regia? aliud socij sunt, aliud subditi, aliud socios in fide retinere, aliud subditos ab obedientia tramite devios in ordinem cogere. Supervacuum sit in re manifesta pluribus agere velle.

Agmen adversario claudit terribilis Anonymi, sive ut ipse vocat Adelmi locus, qui sic habet *Pipinus rex perfidia Ducum Venetorum irritatus, Venetiam bello terra marique statuit appetere, subiectaque Veneſſia ac ducibus ejus in deditionem receptis, eandem classem ad Dalmatia littora vastanda misit, sed cum Paulus Cephalevia praefectus cum Orientali classe ad auxilium Dalmatis ferepndum adventaret, regia classis ad propria regreditur. De fide aut perfidia Venetorum Ducum non est quod quaeramus. excusat utique à perfidia nota Ven-*

tos loco à nobis citato Paulus Æmylius, cujus eo libentius recordor, quod cum adversario probari sciam: feceratque di aliquot ante Æmylium sæculis, in suo Chronicorum supplemento Bergomenis qui ubi de hac ipsa expeditione Pipini ei sermo est, sic ait, *Hunc etiam pater Carolus in Venetos sibi infideles falso accusatos (nota Lector) misit, & Heracliam atque Equilium invasit, propter quod multa familia nobilium Venetis migrarunt, quibus gestis etiam multis alijs prælijs egregie confectis Mediolanum veniens ibi vitam multa cum laude finit.* Accedit quoque, quod si Ducum qui Pipinum irritasse dicuntur, edita forent nomina, parata esset ad tam atrocis sugillationis objectionem responsio, id cum non fiat, dandum id auctori, homini Gallo, regis domestico, ac fidei non integræ; cum ergo animi sui morbo pravitateque, nec non & gestarum rerum ignorantix ulciscendum relinquamus.

Mirum vero cur Venetiam subactam dicat, nulla tractus Veneti ab uibe Venetâ, sive rivo alto saltim, quæ jam aliquot sæculis potior pars erat, separatione factâ. Erat jam quoque, longo tempore Rivus altus Ducum sedes, ac ut manifestum sit quod de subacta Venetia dicit, intelligendum esse synecdochice, nimirum qua partem pro toto efferimus. Evincit illud supra citatus Bergomenis locus, quæque ibi refertur, captis Heraclia, Equilioque familiarum nobilium Venetias migratio; evincit specifica locorum à Pipino, ejusque exercitu occupatorum enumeratio Æmilij, Sigonij, Mutijque; evincit illa insularum omnium in unum corpus coalescentium occasione belli illius enata conspiratio, eamque insecta nova Venetæ Urbis facies. Neque enim simile vero nobiles familias Venetam in Urbem fuisse concessuras, si quidem ejus dominus jam tum factus erat Pipinus; quas non aliam ob causam eo concessisse vel imaginatione præsumi potest, quam

quam ut in tuta se reciperent, quoque imminenti se incubantique faucibus suis Franco subducerent. At vero, inquit, Duces in deditionem recepit. Quos vero illos? Beatum atque Obelerium? atqui stabant illi à Francorum partibus, atqui concitaverant illi Francos, injurijs suorum irritati. Si Valentinum vult (tres enim id temporis Venetos duces habuisse annales notant) frater ille erat utriusque, utrique ex æquo charus, ac qui nihil adversus fratres suos ab amore fraternitatis alienum, nedum hostiliter designasse, aut ut designaretur accurasse usquam legitur; aut alios ergo duces fuisse adversarius doceat, aut confundent ipsum iidem illi autores, unde sua depromit. Ut ut est eos in ditionem receptos, persuasum nobis si cupit, nomina denuo cur filet? ecquid amabo in eos exempli statutum? neque enim credibile sit, ut dedentes sese in gratiam Pipinus receperit, quorum, si diis placet, perfidia, belli suscipiendi gerendique causam dedisse narratur. Ast nec hic opus multis insistere. Scit ipse adversarius noster, falsa esse quæ scribit, neque opus aliunde ea quæ allegat, quam ex ipsismet illius allegatis confundere. Citat ille hoc ipso S. Æmilium, qui nunquam expeditioni illi maritimæ Pipinum ait interfuisse, nec id permisisse Carolum Pipini patrem. Vnum hoc pro omnibus suffecerit, ac quidem videt sibi hic aquam hære, quo tamen effugium pateat (ut ingeniosus est) loco verborum: *Venetiam terrâ marique statuit appetere*; Ait scribendum esse *jussit*, ac sic quoque à Reginone aliisque scribi. Veruntamen non est admittendum, ut verbo medicinam facere qui velit, totam rei gestæ veritatem pro libitu intervertat. Sed faxo, ne hic auctoritatem diffugere videamur: agedum demus adversario non interfuisse Pipinum. Id si verum, jam non video quomodo subsistere ac cum rei gestæ veritate conciliari possit, quem in suis ad Scrutinium additamentis citat.

Constantini Porphyroginetæ locus. Dicat porro expediatque quis belli Dux fuerit, quis Venetiam subegerit, quis Duces Venetos in deditionem acceperit, hæc mihi si potis est ediffere, ac qua decet fide commonstrare verbum non addam, herbam victori porrigam; Nimis vero longè abest ut id metuendum sit aliquatenus, contrarium ejus ostendimus jam ante probavimusque inconcussis istiusmodi auctorum testimonijs, ut in concursu nemo futurus sit, qui non *δὴς δὴς πῶς οὖν* eorum amplius auctoritati deferendum jure censeat meritoque, quam fabulis eorum anilibus, quos adversarius pro se allegat. Ac tandem ut finiam breviter, citatis à me auctorum testimonijs, duo etiamnum adjungam, unum hominis Germani (qui nusquam Venetis æquus, quaque versum subiniquior existeret deprehenditur alterum Galli, ac sic quidem nulla ratione quod Venetis addictior quam suis futurus sit, pro suspecto habendi. Prior est Sebastianus Munsterus, qui in Cosmographia sua universali, ubi de ditione, potestate atque opibus Venetorum agit, de hoc ipso Pipini adversum Venetos bello, sic inquit. *Carolus Magnus dedit Venetis multa Privilegia, cum tamen illi ingrati facti, clam suppetias miserunt Nicephoro Constantinopolitano Imperatori, Caroli magni hosti, quo comperto Carolus in mandatis dedit filio suo Pipino, quem regem super Italiam constituit, ut injuriam istam ulcisceretur, movens ergo Pipinus expeditionem in Venetos, coegit eos omnes fugere in mare usque ad Rivum altum, extructoque longissimo ponte instituit eos bello petere sed oborta tempestate & fracto ponte, retractus est à proposito. Alter est Iohannes Serranus Gallus ipse & ob eximiam in historius scribundis fidem regidum viveret apprime charus, in vita Caroli magni sic inquit. *Magnum etiam ac periculose alca plenum (Carolus nempe) cum Venetis gessit bellum, cui gerendo filium Pipinum præfecerat Obelerius & Becurius (error Chalcographi est, Beatum dicere debuerat) auctoritate in-**

ten

ser suos illustres; Venetis rebus se intromiserant, Imperator cum Francis suis, grandi clade à Venetiis affligitur, Veneti tamen nullum inde victoria sua retulere fructum, quam quod inter omnes Italia populos, qui victricibus armis Caroli magni cedere fuerant coacti, non modo invicti permanserint, sed felici successu sese magno illi Carolomagno (pro uno id Historicus nomine usurpat) opposuerint, siquidem nominis sui famam illo pacto longe lateque propagarunt quidem, non tamen ditionis suae fines ullatenus extenderunt, satis nempe erat ad laudem, arma adversum talem, tantumque inimicum expedire, isthoc cum successu, potuisse. Hæc ille, quæ cum idiomate Gallico conscripta omnium manibus circumferantur, videat quivis, ex fide à me in Latinum sermonem conversa.

Sed nec silentio premenda sunt quæ tradit Horatius Tursselinus Iesuita in annalibus suis. Itaque (ait ipse) lib. 7. in vita Caroli M. accinxit sese (Pipinus nempe) ut Venetos terra marique appeteret, ac primo quidem impetu Metamaucum, Venetorum ducum iis temporibus sedem, in potestatem suam redigit. Inde Rivoaltum, quo se cum duce Beato Veneti receperant aggressus est, crebris insultibus mari obsessos urgens, militari ad id manu navibus imposita ceteroquin hic ipsum successus destituit. Hinc factum ut post amissos Gallorum plurimos, quos insuper vadorum incerta & locorum incommoda misere premebant Ravennam retrocesserit, nulla se gesta unde quippiam honoris domum referre potuerit. Hactenus ille. Pluribus si rei veritatem constabilire juvat, videbimus etiamnum juratissimum Venetorum hostem, Vlticum Huttenum, eo ipso tempore, quo sub Maximiliano copias in Venetos ductitabat ipsoque illo carmine, quo Venetorum ortus incrementaque foedissime collutulat, id fateri. Ergo ille ubi ad expulsos duceis ad querelas ad Gallum delatas pervenit, sic ait,

Dd 2

Capta

*Cæpta est interea Veneti captura senatus
 Suspiciosa, animos regum passimque petitos
 Irritare duceis, coeunt ex urbibus omnes
 Italia procures, tentant dirvellere, servat
 Casibus in mediis tutos fortuna, marisque
 Esse jubet dominos.*

Adducere interim ea tanto impensius volui ut potens etiam adversum temporis edaceis morsus, adversum sribilignes barbarici ac malevolorum, veritatis regnum ostenderem, dignumque quod mecum omnes, quotquot sunt boni devenirentur; emergit illa nimirum ac per nequicquam obtensas umbras, ijs devictis caput effert, tanto magis decorum, quanto foedius id suppressere calumniantium conatus est livor. Hæc dum scribo influit menti, ac de propiore nota insinuat se cogitationibus nostris plenum illud generosi spiritus effatum, quod est apud Tacitum, *Servat Syria Asiaque & suetus regibus Oriens*. Videor sane mihi parce, si non malignè Venetorum defendere libertatem, qui cum ante idque summo Iure, sum antestatus, esse quàm verissimum, neque natum, neque donatum quemquam Venetijs, qui non ibidem spiritum hausserit liberum, liberum iridem creatori Deo reddiderit, in eo laborare videri possim, ut probem, victos à Pipino non fuisse, quos, nulli unquam victos, longe sit certissimum. Afferro me mihi. Ita de Venetis Iul. Cæsar Scaliger;

*Pervia barbaricis tellus Oenotria turbis
 Pertulit impositi pondera dira iugi.
 Ipsa suos flevit populares Roma Quiriteis,*

Sensit

*Sensit & indomita noxia tela manus.
 Haud tulit hoc Genius, cujus fatalibus ausis
 Tutior in medio Roma renata mari est.
 Clara virum virtus animo, insatiata cupido
 Imperii, vastæ non numerantur opes.
 Iupiter, haud temere tua sunt ita diffusa cœli
 Mœnia, si possunt tangere, parte cares.*

Janus Pannonius de iisdem.

*Illic millenos indelibata per annos,
 Succubuit nullis Libertas Virgo Tyrannis.*

Autor proso-metricæ Cosmographiæ Ritteius Grunbergensis, disertis verbis de urbe Veneta sic ait. A primo fundatoris tempore, nunquam in hostis alicujus potestatem venit. Quid clarius quispiam velit aut dilucidius? Desino in Laurentio Scraderio Halberstadiense Saxone: is in suis Italiæ monumentis, prorsus ingenua atque appositissima proposito nostro confessione de Urbe Veneta sic ait. *Et quamvis multa bella gesserit, variamque fortunam in mille annis sit experta in externi tamen hostis potestatem nunquam devenit sed ad extremam victrix facta est multarum urbium & insularum Domina.* Plura non addam, ne vel meridiano soli facem præluere velle videar. Vtique si debitis magnorum virorum manibus, qui minoris Libertatem haud fecere quam vitam, quam spiramenta animæ, honor nos tangit, certò nec olim terrarum Deam, gentiumque Romam elogium Hadrubalis Pœni decuit magis, quam post repulsum fortiter, ac retro cedere coactum Pipinum idem illud Lyrici de Venetis usurpes.

Ios opimus.

Fallere & effugere est triumphus.

*Gens, quæ cremato fortis ab Jlio
Lactata Tusciis aquoribus, sacra,
Natosque maturosque Patres
Pertulit Hadriacas ad undas,*

*Duris ut Ilex tonsa bipennibus
Nigra feraci frondis in Algido,
Per damna, per cades, ab ipso
Ducit opes animumque ferro.*

*Non Hydra secto corpore firmior
Vinci dolentem crevit in Herculem.
Monstrumve summisere Colchi
Majus, Echioniaeve Thebae.*

*Merses profundo, pulchrior evenit,
Luctere, multa proruet integrum
Cum laude victorem; geretque
Prelia conjugibus loquenda.*

*Ecquid Venetica non faciant manus?
Quas & benigno nomine Iupiter
Defendit, & curæ sagaceis
Expediunt per acuta belli.*

Sed odiosa Circensibus est pompa. Pergamus.

§. 38.

Varia ab Imperatoribus privilegia Venetis indulta. Persona concedentis, & effectus concessionis adtendenda. Privilegia aut vi supremæ potestatis, aut testande benevolentia ergo conceduntur. Horum illud fieri non potuit apud Venetos. Si posteriore modo indulta iis Privilegia nihil agit Anonymus. Effectus privilegiorum triplex. Subjectio privilegio induci non potest. Quomodo privilegij concessio imperij sit nota. Recipere privilegium, non est se subijcere illi, à quo conceditur. Id exemplo Batavorum, & jure Canonico probatum.

SVmmo ut huc usque vidimus molimine contendit adversarius, ut aut Carolo magno, aut Pipino in potestatem vi redactos fuisse Venetos demonstret. Hactenus ut spero luculenter ostendimus, nihil ipsi præsidij esse in monumentis historię. Veniamus ad alteram partem, quam quidem ipsi visum ex facto deducere, sic tamen ut in dispositione juris fundamentum ponat; responsuri deinceps ad illa, quæ firmandæ suæ opinioni adducit ipsorum, uti vult, Venetorum confessione stabilita.

Ait ergo hoc § tradere Iustinianum, Laurentium monachum duo supra viginti immunitatum recitare privilegia à Carolo primo usque ad Fredericum secundum ex Andreæ Danduli chronicis collecta. Hæc, inquit; si exhiberentur, litteram nullam prorsus futuram, quippe evidens manifestumque è vestigio evasurum quis dominus fuerit, quive subditi; Illud interim sufficere, ipsam privilegiorum immunitatumque

que concessionem superioritatis esse notam ; utque in compendium verba : paucis hoc vult, omnino statuendum, Venetos Imperatoribus paruisse, ex quo certum est ijs ab Imperatoribus concessa privilegia. Despiciamus an recte.

Et quidem facti hic nulla quæstio ; firmum esto per me licet, verumque quod dictum de immunitatum privilegiorumque concessione ab Imperatoribus facta ; versatur in illo cardo rei, ut quid in subiecta materia juris sit lectori planum fiat.

Ordine ut procedamus duo examinanda sunt persona concedentis, ac concessionis effectus.

Privilegia qui concessisse dicitur Imperator est, cujus imperij jus inque Venetos fundatam (ut loquendi mos est) intentionem adstruere conatur Anonymus : hujus intuitu statuendum, quod quæcumque concessit ille, concessit omnino aut vi supremæ absolutæque potestatis aut benevolentiae testandæ gratiâ: tertium non datur. Si posterius ponimus, cessat tota disputatio. Sin prius, jam principium dicemus peti & quantisper haud convincimur, aut vi aut jure coactos Venetos Imperatoris supra se, ut veri legitimique domini agnoscere imperium, causa non est cur admittamus ullos omnino dominij effectus, imo ex adverso si tanquam ex imperio ac sua jurisdictione quam ei nullam competere nos dicimus, privilegia concessit, nihil ipsum egisse dicendum est. Bald. ad.l. nec temere. ff. quod metus. Nullam quippe jurisdictionem cum habeat, indubium est quin nulla sint omnia; utpote quæ aut nullo gesta sunt titulo, aut falso, ac neque dubium quoque quum ipsæ adversum tales armentur insurgantque leges. Exemplum est in l. decernimus C. de Sacros. Eccles. ubi ab Imperatore Zenone privilegia tempore tyrannidis concessa (invaserat namque Rempubl. Basiliscus) annullat, revocatque. Iterum item in l. cum cognatum C. de Ingenuis. in qua lege

lege videmus à Palmyrenorum rege Odenato ejusque, quam deinde Aurelianus debellavit conjugè Zenobià imperio occupato, Imperatores Diocletianum Maximianumque disertim negare, distractionem hominis de cætero liberi, qui tempore Palmyrenæ dominationis fuerat redemptus, ac distractus pro captivo, illius ingenuitati præjudicare.

Effectum porro concessionis attendere atque introspicere si lubet, non est equidem talis iste, ut nullam omnino subjectionis necessitatem ponat.

Hunc ergo Privilegiorum si inspicimus & quidem substantialem, est ille triplex: aut jus datur privilegio, aut per privilegium introducitur obligatio, aut derogatur juri contrario, subjectio ut introducatur hætenus est inauditum. Prius quod attinet, scilicet privilegio quatenus jus alicui datur, non subditos si attendimus, non est ille jurisdictionis sibi competentis usus, sed merum liberalitatis exercitium ac si non subsit aliqua specialis juri aut privatæ legis ratio, purum donum erit, non privilegium; si verò privatæ legis aut juris specialis ratio constituitur, ac sic ut respectus esse possit ad res personasve ei obnoxias qui imperium concedit alia res erit. Ponamus exempli gratia Venetis datum fuisse ab Imperatore Privilegium, quod per terras Imperij transeuntes pedagia haud solverent, erit eo casu quidem Privilegij auctor Imperator, eaque immunitatis concessio recte & omnino revera Privilegium vocabitur, sed nec alium effectum habebit, quam Venetorum intuitu quod Privilegium sit. Et si enim id Imperator concesserit, non sunt tamen obligati Veneti ut isto velint nolint utantur Privilegio, ac cum non sint obligati, id quoque accedit commodi quod non poterit in eorum odium retorqueri Privilegij tenor. Ast vero eo quo diximus modo, nempe illius respectu cui concessum est Privilegium non potest in ejusmodi concessione

E c

con-

considerari aliqua potestas dominica, ac ut ut maxime considerandam dicamus, quorsum ea cuive bono, si evanida sit futura aut inutilis? Qui vero pote ut alia sit quam inutilis ac supervacua, si destituitur obligandi potestate? ponamus privilegiatum suo Privilegio uti nolle, ponamus juri pro se introducto renunciare velle, nullum hic auctori Privilegij jus est eum cogendi, reumve eo nomine arcessendi. Quin ne quidem eum in foro poli, aut sub culpa (ut Scholasticis mos est loquendi) aut ad poenam obligari non utendo Privilegio aut illud ab se abdicando quispiam dicar. Vnde planum jam factum reor, ad essentiam concessionis, subjectionem non requiri quatenus Privilegio jus aliquod dari non subdito, facultatemve faciendi quippiam aut non faciendi contingit. Ex adverso si Privilegium attendimus quatenus obligationem inducit ac sic quatenus Lex est, jam diversa ratio est. Idem enim quod intuitu privilegiati jus est atque Privilegium, respectu aliorum lex est, legis nomine dicto, posita est quoque ad obligandum efficacia, hoc nimirum nomine quod per Privilegium jam nunc jus quæsitum sit privilegiato, unde accedit ut obligentur alij omnes non privilegiati, ut illi privilegiato jus suum servant: idque cum naturali ratione, quæ jubet, ex quo jus alicui quæsitum est, id ei integrum servetur, ac inviolatum, tum etiam civili, ex quo videmus fere semper iudicibus alijisque demandari observantiam, protectionem, conservationemque privilegiorum. Atque hoc casu dominica potestas non potest non esse considerabilis, sive authorem Privilegij sive ejus subditos velis respicere. Vtique ipse Privilegij auctor illud concedendo necessitatem quin sibi met ipsi impôsuerit beneficia sua rata habendi nemo ambigat: subditis vero post edictum superioris sui, impedimentum privilegiato ullum ut ponant liberum minime est, imo vero

non

non minus puniendi sint in Privilegia ab illis concessa si peccent, quam si committant in Leges superiorum suorum. Ac sic quoque facile dijudicatu est, Privilegij concessionem imperij ac superioritatis esse notam sed diverso respectu. Prior quidem, cum ad omnes omnino tam extraneos quam subditos ex æquo se porrigat, hoc largiatur ut Privilegium recipiens aliqua ratione inferior sit illo à quo illud recipit, saltem secundum quid, verum libertatem ejus aut statum non immutabit, nec quid in illum Iuris ei conferet à quo id recepit. Posterior, quatenus ratio Legis obligantis Privilegio inclusa est ac parendi necessitatem imponit, Imperij nota erit, & quidem summi; sed quod ipsum tamen iisdem terminetur finibus quibus adstricta est atque inclusa Iurisdic-tio illius, qui Privilegium concessit. Addo jam dictis, ipsam rei evidentiam dictitare, non esse eam subjectionis notam, quod ab alio Privilegia quis recipiat, ut profecto illustri exemplo videre est in Batavis, quibus Rex Christianissimus speciali Privilegio concessit ut bona ad hæredes suos transmittant, cum tamen fisco regio vendicaretur eorum hæreditas, qui supremum vitæ diem in Gallijs claudunt, alibi nati. (Albinos vocant, & jus Albinagij.) Neminem equidem fore existimo qui regiam beneficentiam in gentem sibi foedere amicitiaque junctam sic interpretandam putet ut unde aut Regi quæsitum esse in Batavos imperij jus, aut Libertati Batavica detrimentum enasci velit, ac sic quoque unde jura profluere oportet injuriarum occasiones exurgere. Quin si quid credimus interpretibus Canonici juris ad c. novit ille. de Iudiciis, ac ad c. 1. de probationibus. ipse Pontifex (qui tamen ipsis luminare majus est) ab Imperatore privilegia accipere potest. Idem, cum Clericos exemptos ab imperatoria jurisdictione mordicus defendant, nullamque in spiritualibus jurisdictionem Imperatori concedendam, posse

tamen ajunt Imperatorem Principesque temporales privilegia concedere non Laicis modo sed & Clericis, Religiosis, & generatim Ecclesiasticis. Quin adeoque & privilegia generatim concessa ad Ecclesiasticos extendi debere ultro volunt, nec non deinceps civilia ista, quæ favorem communem complectuntur, quibusque sine detrimento communis boni renuntiari non potest. Rationes etiam assignant, quod beneficia illis concedere, immunitati Ecclesiasticæ non deroget, sitque actus ille non jurisdictionis in illos, sed quasi donationis, ac favoris. Idem ipsi disertim per c. quicumque. 11. q. 1. ostendunt Imperatorem iudicibus Ecclesiasticis, qui ipsi subiecti non sunt concedere Privilegia, ut non nullis casibus, directè de laicis in causis temporalibus judicare possint per viam appellationis. Ac sic in terminis Salasuo delegibus volumine, quæst. 96. tractat. 14. disput. 17. sect. 3. nu. 28. ait ad rationem Privilegii non requiri ut is cui conceditur sit subditus, sed satis esse ut materiam curet circa quam versatur & alios homines esse ei subiectos. Additque immediate, id ipsum esse Privilegium, si talibus sibi subditis præcipiatur ut melius se habeant cum illis sibi non subditis, quam cum aliis, ut inquit, si alicubi præceptum fuisset ne cui permetteretur equos extrahere de regno, & exciperentur Clerici in ordine ad proprios usus, etiam si illi Clerici essent alterius regni, & nullo modo subiecti Principi sæculari, diceretur Privilegium illis concedere, quia in illorum gratiam, relaxat legem subditis positam: Addo & hoc, tantum abesse ut ex privilegiorum concessione subjectionem inferri credibile sit: ut tradant ex adverso maximi nominis IC^{ti}. Privilegia non subditis data concedentis respectu in contractum transire, ac sic nec revocari quidem posse. Atque hoc est quod totidem verbis ait Matheus de Afflictis decis. 361. nu. 6. & ante eum Romanus cons. 252. nu. 3.

nu. 3. cui id ipsum cur immunitates non subdito concessæ revocari nequeant pro ratione est, quod in contractum transierint, & ad c. 1. de concess. præbendæ. Communiter Canonistæ quoque, concessum non subdito Privilegium non posse revocari per ipsum concedentem, ex quo suam incontinenti perfectionem habet, cum pervenit in notitiam Privilegiati, & est illi jus quæsitum, & concedens non est amplius Dominus. Idem statuunt Abb. Fælin. Aretin. Andr. ad l. novitille, supra citatam de Iudic. Card. Zabarella conf. 147. aliique. Sed enimvero quatenus in contractum transfeant, quatenus revocari possint concessa subditis Privilegia suo loco despiciemus. Inpræsentiarum suffecerit id unum ex quo non subditis æque, atque iis qui subditi sunt Privilegia conceduntur, perperam ex illo adversarium deducere argumentum subjectionis, quod Privilegia recepisse ab Imperatoribus Venetos annales tradant.

§ 40.

Historia Obelarij Ducis Venetorum excussa. Is perfidus in Imperatorem pœnas perfidia apud eum dedit. Extranei in alterius territorio etiam delinquant. Delicta quæ in aliquo territorio committuntur, in eo etiam expiantur. Obelarius tamen nec Orientis, nec Occidentis Imperatori subditus. Obelarius miserum vitæ finem à Venetis accepit.

Magni momenti non est, quod hisce §. §. adfertur de Leone Spatario ac Obelario, nequid tamen intactum omittere videamur quid velit despiciamus. Locus quem

citat sic habet. Et cum eis Leo quidam Spartbarius natione Sclavus & Willarius Dux Venetorum, quorum alter ante annos decem Romanum ad Imperatorem cum ibi esset de Sicilia profugit & redire volens in patriam (Constantinopolim) remittitur; alter propter perfidiam honore spoliatus Constantinopolim ad Dominum suum duci jubetur.

De Leone Sparthario non est ut agamus utpote homine extraneo, de Obelerio sermo sit, hunc ait ob perfidiam honore spoliatum, deduci jussu ad dominum suum Constantinopolim. Illud ni fallor ex allegatis infero, perfidia sua hominem Venetum, quin etiam Ducem adversus Imperatorem aut Regem Francum delinquere potuisse, poenas quoque ab illo intuitu commissæ à se perfidiæ, ut exigi potuisse ita & fuisse exactas, denique eum honore spoliatum ac remissum ad dominum suum Constantinopolin. Quod sane postremum cum Libertate nullatenus conciliari possit. Primum secundumque quod attinet, aut juris hic nobis rationem proponimus aut facti, si juris, certum est atque indubium non minus extraneos ac non subditos delinquere in alterius territorio posse, quam subditos ipsos, certum est tales ratione delicti videri quasi contrahere in loco delicti, seseque legibus illius judicandos exponere. Si facti, succedat illud in jure tritissimum, ubi te invenero ibi te judico. Recepto apud omnes gentes jure constat, quæ quis alieno in territorio committit siquidem deprehendatur, recte inibi quoque ac quidem nulla habita ratione dignitatis & Privilegii expiari commissa, puniri. Interim tamen ut ex tali privati hominis delicto aut quæ delictum exceperit poena præjudicium aliquod libertati totius gentis inferatur, aut alteri jus aliquod Imperii quærat, nemo est qui id unquam dixerit, dicturusve sit ut arbitror. Porro, si rei gestæ veritatem attendimus, verosimile non est Obelerium à Carolo magno ob perfidiam male habitum, quem fere omnes scripto-

scriptores patriæ suæ aut saltem Ioanni Mauricioque Vencorum pridem Ducibus infestum ad Carolum se recepisse bellique Venetis inferendi, quam acerrimum suaforem impulsoremque fuisse memoriæ produnt, complures etiam (verene an secus non usque quaque convenit) tradunt Caroli filiam naturalem duxisse in uxorem.

Ad posterius quoque ut respondeam, aut hic iterum de jure quæstio est, aut de facto, si de jure, non potuit utique jus illud Francorum Regis aliunde emeruisse quam ex delicto Obeleri Ducis, ac sic quoque ab accidenti habere originem, accidentium vero utjam ante notatum, non est habenda ratio, ubi de ipso juris fundamento principioque despicendum est: addatur & hoc quod ex jam dictis manifestum, si Constantinopolitanus Augustus dominus erat Obeleri (ut vult hic locus) non fuisse possibile ut ejusdem quoque dominus esset Francorum Rex: ut & illud, remissionem illam, utcumque eam expendere velimus, nullius futuram fuisse momenti. Si quidem aut remisit puniendum Francus, quod omnino non exprimitur, aut simpliciter ut noxæ dederet: sin prius arridet, atqui ut adversarius vult honore jam nunc eum spoliaverat, ac sic quoque ut dicamus necesse est bis ob idem delictum sorti fuisse subjiendum. Id vero juris rationi adversum est; sin posterius jam exprimendum foret quid qualeve fuerit quo Constantinopolitanus Augustus læsum se crediderit ab Obelero: atqui tacet hic textus quem ipsemet pro se allegat. Sciens prætereo occidentis Imperatorem in se consideratum non potuisse Orientis Imperatori necessitatem imponere puniendi eum à quo non erat læsus, non potuisse item remittere, salvo atque incolumi si quod in illum sibi competeat Imperatori iure. Pari in parem imperium ut deferamus leges non sinant, ut abdicata à Franco translataque in Græco dominica potestatis jura ne

Ano-

Anonymus quidem largiatur. Facti veritatem introspicere si cupimus, etiam ex ijs quos citavit ille, constat pessime inter utrumque Imperatorem convenisse, ac ut ante quodque visum nobis, exarserat jam nunc bellum inter illos grave, diuturnum, ac magnis utrimque animis gestum, quis vero credat infestissimis hostibus tantum inter se superfuisse benevolentiae, ut subditum (si dijs placet) alter alterius remitteret tanquam ad dominum? Accedit, vix esse, ut hæc ad Carolum referantur quæ ad Pipinum (hunc enim perfidia Venetorum ducum irritatum jam ante citavit) referenda nec ipse diffiteatur, ac potiores historici manifesto referri debere profitentur. Vt ne longus sim, finis vitæ Obelerij contrarium evincit, illa fere constans scribentium opinio est, cum de eo reducendo Venetisque conciliando (sive Carolus ille fuit sive Pipinus) ageret, idque gravatim præstitissent Veneti, statim ab illius discessu à populo discerptum, ejusque præcordia evulsa à quibusdam dentibus lacerata, conjugemque illius insuper quæ Gallici sanguinis erat, una cum ipso interemptam. Nemini primum sit credere, cum aut honore spoliatum ab Occidentis Imperatore, aut Constantinopolin dimissum ad Dominum suum, qui videt, id etiam rebus compositis belloque finito enixissime illum egisse, ut in pristinum dignitatis gradum, patriamque quam exilio mutaverat, restitueretur.

S. 41.

Versiculi effigiei Beati Ducis subscripti excussi. Obelerius Patriæ infestus invidiam Venetis apud Pipinum conflagavit. Pipinus Rivum altum non cepit. In pro contra
usur-

usurpatur. Tentavit tantum Venetos Pipinus, non expugnavit. Pax cum Pipino inita.

DUcit nos operis incepti series ad illa, quæ ex antiquis subscriptionibus (brevia acversarius vocat) quibus breviter res gestæ singulorum Ducum velut adumbrantur, allegare visum est illi: atque hoc quidem §. ait ex Sanfovino, effigiei Beati ducis fuisse subscripta hæc verba. *Fratri ob invidiam Rex Pipinus in Rivum altum venit; defendi patriam sibi gratificatus.* Circa prius subscriptionis membrum vult, etsi quidem ipse Pipinus in Rivum altum haud venerit, nihilo tamen secius, quod in idem recidit, venisse auspicijs Pipini missos ab ipso duces; quo modo etiam nostra dicimus quibus auctoritatem nostram impartimur. Circa posterius agnoscit phrasin esse minus concinnam, atque à Grammaticalibus legibus abhorrentem. Cæterum verba illa, *sibi gratificatus.* omnino ad Pipinum esse referenda, ac sic quidem, ait ipso interprete genuinus verborum sit sensus. Pipinus, occasione dissidiorum inter fratres duces existentium, Venetam urbem capit, illam Beatus pax cum Pipino facta, instanti ruinæ subductam, conservat.

Eodem ordine ad singula ut respondeam prius epigraphes membrum quod attinet, ostensum nobis, ut spero, demonstratumque luce meridiana clarius Pipinum ejusve duces nunquam occupasse urbem Venetam, ea ut repetamus non est opus. Ipsa quin etiam subscriptionis verba attendere si lubet, explicet quis mihi velim, quomodo subsistant ista inter se, patriam suam defendisse contra vim hostium Beatum ducem, & (quod Anonymus nobis persuadere conatur) Pipinum urbem Venetam occupasse.

Vt vero liquido constet minus candide inque sensum perversum de quoque textum ipsius subscriptionis, fallitur in

eo adversarius, quod verba illa *Fratri ob invidiam venisse Pipinum in Rivo altum* : explicanda putat occasione dissidiorum inter fratres existentium : neque enim ista explicatio cum historica rerum gestarum veritate, ac neque cum ijsmet, quos ipse superioribus §. §. aduxit allegationibus conciliari valet, ipsa quoque rerum evidentia in contrarium vergit. Utique ad Pipinum si quod frigus animorum inter fratres erat exortum nihil attinebat, nec erat cur se rei alienæ intromitteret immisceretur ; quæ ergo hic dices invidia ? illa nempe, quam frater Beati Obelerij patriæ infestus ac sponte exul detractionibus fugillationibusque conflarat, diducendo ex asse à Nicephoro stare Venetos, illuc cuncta vergere, exosum ijs non minus quam ipsi Nicephoro, cui id semper in ore erat.

Francum amicum habeto, vicinum nequaquam,

Francum nomen, quæque his similia apud Historicos extant. Fortunato interim Iadertano apud Reges cadentia verba Obelerij graviter tollente, ulceratumque plus satis Imperantis in Venetos animum, acrius extimulante. Illa quæ sequuntur verba, *in Rivo altum venit*, cur sic explicanda ducat ut Rivoaltum, aut ipsam, cujus Rivoaltus potior semper pars fuit, urbem Venetam cepisse Pipinum statuatur, equidem non video ; verba illa in Rivoaltum satis indicant infestis armis adversus illam venisse Pipinum, sed nec ultra exporrigi possunt, planeque particula *in* accipienda pro adversus aut contra : quo sensu eloquentiæ parens (cujus quoque in Q. Cæciliū, in Verrem, in Catilinam, in Pisonem declamationes inscribuntur) ubi Salustio respondet carere omni vitio debere ait eum qui *in alium* paratus est dicere. Apud Poëtam simili sensu Nisus,

Me

Me me, adsum qui feci in me convertite ferrum,

exclamat; cui consonent illa Ovidii,

Juppiter in Trojam pro Troja stabat Apollo.

Vt & illa Lucani primo Pharsalidos,

— *Populumque furentem*

In sua victrici conversam viscera dextra.

Manifestum sit ergo ex illis, Pipinum Venetam urbem bello tentasse, in potestatem vero redegisse ex allegatis verbis, tantum abest ut liqueat, ut ex iis quæ proxime sequuntur, nempe, *defendo patriam* (quod & statim notabam) contrarium prorsus appareat. Longior in re satis superque explanata ut esse velim causa non est. Non mihi tempero tamen, quin mantissæ loco, allegatis à me authoribus, inconcussæ auctoritatis fideique unum etiamnum superaddam. Bernas dum nempe Girardum Haillani dum viveret Dominum, ac quatuor Galliarum regum historiographum. Ille postquam Venetos Francosque scriptores inter se commisit, eorum dicta opinionesque velut in trutina suspendit, historiæ Francicæ lib. 4. tandem sic ait, *Equanam demum modo exercitus illi (Pipini nempe Venetorumque) inter se concurrerint, sententiis variatur, ex equo tamen apud omnes annalium scriptores constat pro certo, devictos fuisse Francos, Venetosque extimam ab illis victoriam reportasse.* Hæc sane quam non convenient cum Anonymi nugamentis, quis non videat? Veniamus ad ultima in inscriptione verba. *Patriam defendo sibi gratificatus.* Ait hæc parum Latina, nec ego dissitcor: vult ad Pipinum referenda; quod si verum est, verbum ergo isto loco *sibi* tantum valebit quod *illi*, ac neque ego hic ei adversabor, quanquam causa non

fit cur minus verbum *sibi* referendum sit ad patriam, aut etiam fratrem Beati ducis Obelerium, quam ad Pipinum. Ut quod sentiam eloquar, equidem non video aut Historicæ veritati, aut ipsi textui, vim aliquam illatorum iri, quaquaversum illa referre libuerit; ac, quod caput rei est, utcumque prædicta verba accipere voluerimus, nullum inde, ut ex jam dicendis clarum fiet, Venetorum libertati præjudicium creabitur. Ad patriam si referenda dicamus, faciet pro nobis textus ipse, in quo verbum *patriæ* immediatè præcedit, ut sic quidem gratificatio illa vix aliter quam cum relatione ad patriam possit attendi. Faciet quoque disunctio: post enim illa verba, *Fatri ob invidiam Pipinum in Rivo alium venit*, periodus absolvitur, poniturque (quæ periodosolvere solet) puncti nota. Faciet ipsa quoque rei evidentia, quod enim gratum magis accidere civitati potuit, quam civis sui virtute se defendi servarique, contra vim insultumque istiusmodi hostis, cujus paratissima ad nocendum promptissimaque custodia, omnino nihil erat quod destitueret, omnia promoverent? Si referenda ducamus ad ipsum Pipinum, ne sic quidem (modo per disunctionem liceat) peccaverimus, potuit patriam defendere Beatus, ac simul quoque gratificari Pipino. dum sic bello propulsando se accingit, ut pacem etiam deprecari sustineat, quod & fecisse id temporis annales tradunt, miliosque qui pacem deposcerent ad illum Legatos; idque etiamnum bello, supra votum, foeliciter finito. Nimirum non potuit non esse quam gratissima Pipino injecta ab hostium duce mentio pacis.

Pacem reduci velle, victori expedit.

Victo necesse est:

utque illud omittam, quod

Si iter.

*Si aeterna semper odia mortales gerant,
Nec cæptus unquam cedat ex animis furor,
Sed arma felix teneat, infelix paret
Nihil relinquent bella.*

quodque incerta casuum pensanda sint, nec aliud agendum, quam ut bello pax quæsitâ videatur; hoc sane illud tempus erat, quo maximo Reipubl. bono pacis agitata fuere consilia. Quid! quod & à parte Pipini longe verosimilimum sit, ipsum præter acceptam cladem alteram gravio-rem etiamnum timuisse, nempe prælio victum etiam bello superari posse. Addamus, quod & videbat spem omnem quam ex Obelerij Fortunatique verbis defacilitate potiundæ victoriæ conceperat, turpiter deco'lasse: norat insuper, fama bella stare, eque primis successibus mortâleis futura dimetiri, atque æstimare solitos.

Pipini denique haud leviter intulerat, ne in regni sui principio Francici nominis terror, qui omnia longe lateque compleverat, consideret; neu quoque quam posset contemni impune, cætera Italix loca à Venetis edocerentur. Ut ut est, arreptam avide fuisse bellum cum pace mutandi occasi-
nem, derivatamque in exules, Fortunatarum nempe atque Obelerium culpam, satis ostendunt illa, ex Amilio superius citata hic repetenda. *Augustus Francum eo exorabilior paci Venetis red-
dende fuit, quod omnem culpam à Repub. in duces suos averterent, eos in
patriam nefaria consilia intrasse, quod voluntarium sibi consecrerant exi-
lium, & Veneti summi viri videbantur, Francorumque bellum cæteris hor-
rendum ipsi in bonum verierant.* Si deniq; ad Obelerium referenda statuamus, memorata jam nobis subinde inscriptionis verba, nec id ipsum ratione careat. Gratum proculdubio fuit Obelerio, Beatam fratrem, adscita fortiter patriæ Libertate, vel

intantum Francorum Regem demereri potuisse, ut jam pace stabilita, firmaque, preces suas pro ipsius in patriam reditu, apud Venetos interponere non fuerit gravatus, ac nec exilii modo impetrare gratiam, ac præteritorum oblivionem, sed & amissæ dignitatis locum; quod ipsum etsi mox à regressu Pipini, Obelerio (ut jam ante dictum) cesserit in exitium, haud effecerit tamen, quo minus inscriptioni quatenus ea ad ipsum referenda cuiuspiam videbitur, fides veritasque constet. Atque hæc quidem ad hunc § plus satis. neque enim reor sani iudicii quempiam, ex ea quam discussimus inscriptione iudicaturum, probari posse Venetos à Pipino domitos fuisse, aut subjugatos, quorum res citra omnem disputationis aleam mansisse infractas, illibatasque ne quidem ipsamet diffiteatur invidia, re verâ superiores fuisse, non unus annalium scriptor asseverat.

§ 42.

Versiculi imagini Angeli Patriciaci Ducis additi examinantur. Quæ omissa sunt, omitti non potuissent; sed omissa non infringunt aliorum scriptorum auctoritatem.

BEatum Angelus Patriciacus sive Participatius, (Badoarium hoc tempore dixeris) excepit, hujus ait Anonymus ex Sanfovino, imagini subscriptum fuisse,

*Tecta palatina communis parvula fundo
Ædifico sanctum, Zachariamque Hilariumque.*

additque, si vera fuissent quæ de exemptione sua Veneti commemorant, deque hac adversum Francos victoria, futurum procul dubio fuisse, ut ejus aliqua facta esset mentio;
quæ

quæ cum nulla fiat, totius rei gestæ veritatem non obscure in dubium vocat. Quod quidem an candide satis, ipse viderit. Sanfovinus utique unde hæc habet quæ ipse omiſſa cauſatur, non Goffredi modo Viterbiensis testimonio, verum Hugonis quoque ac Pontij abunde probat, additis insuper decretis divisionem hanc inter Carolum & Nicephorum, qua medijs inter utrumque imperium, sui que juris relictæ sunt Veneti, confirmantibus. Hinc Ludovici II. inde Othonis I. Lotharii IV. Frederici I. Henrici VII. Othonis IV. ac Frederici demum II. quæ sane talia sunt ut vel obstinatissimo mortalium confessionem extorquere possint, liquido fibi ea, quæ inibi de prædicta inter Orientis & Occidentis Augustos inter se divisione facta commemorantur, esse probata. Consulat cui integrum erit Sanfovinum, & iudicet. Mihi alienos labores pro meis venditare non lubet. Est interim id ipsum quod hic denuo refricat adversarius, à me in notis ad §. 28. abunde tractatum: unum addam, potuisse illa quæ omiſſa sunt, non omitti, omiſſa vero cum sint; nihil eum agere si quæ tot tantisque authoribus facta traduntur, non alio nomine, pro infectis habenda pronuntiet, utpote quæ talia sunt quæ & adesse possunt & abesse. Addam & hoc, male cum Venetis atque inclementer agere Anonymum, cui, si quidem ipsi ea quæ dicuntur silentio prætermiſſa expressissent, non probaretur eorum expressio, utpote testium in causa propria; nunc quia non expressere, tanto præjudicio vel silentium confoditur, ut si quas illi in iudicando partes relinquimus, quæcumque præstantissimi atque *alij* annalium scriptores tradidere, longe tali silentio sint postponenda, multoque minus ad adstruendam veritatem roboris habitura.

§. 43.

Historia Ducis Beneventani excussa, Obsides Carolo dati. Nihil Libertati Venetæ commune in Exemptione Beneventana. Beneventani hostes Caroli à Pipino debellati.

Refert sese hic §. ad ea quæ §. vicesimo sexto jam ante ex parte commemoraverat, ac per la us Beneventani Ducis, Venetam Libertatem sauciare contendit. Promissi me reum fateor, quodque id loci facturum suscepî; una, eademque ad utrumque §. solutione, defungar. Recenset erga priore §. Carolum minore Beneventani ducis filio in obsidem accepto, majorem patri remisisse; accepisse insuper à populo obsides undecim, misisseque Legatos, qui ipsum Ducem & omnem Beneventanum populum per sacramenta obstringeret. Posteriore §; ex Fuldensibus annalibus citat, factam cum Grimoaldo Beneventanorum duce pacem, & tributinominæ x x v millia solidorum auri à Beneventanis accepta. Infert inde, ac utroque quidem loco, cum Veneti ejusdem fœderis quod inter Carolum Nicephorumque sancitum fuit beneficio, neutri sese Imperio obnoxios ferant, quemadmodum ejusdem cum Venetis conditionis sese, Beneventani id temporis ferebant, censendos id propter esse eadem lege cum Beneventanis Venetos, quos ex locis allegatis videre est ab Imperatore habitos, non ut liberos sui que juris, verum ut subditos, utpote queis pleno Imperandi jure obsides tributaque Carolus indixerit, speciatimque jure jurando sibi devinxerit.

Dicam quod res est, prope erat ut hæc tanquam aliena trans-

transmitterem, neque enim quid Venetorum Libertati commune esset cum exemptione Beneventanorum satis videbam, attamen ut hominem sensi id agere; ut hanc illamque nullo discrimine sugillet, rideatque ac falsi insuper insimulet, mearum esse partium credidi, propalam testatum facere, æque aliena hæc esse à bona fide, quam sunt à veritate dissentanea. Falsi crimen à Venetorum Libertate, fœderis utrimque legibus stabilita, amolitus sum jam dudum, ut à Beneventanis amoliar causa nulla est, ut nec ulla est ea quæ jam à me superius allegata suo loco sunt, repetendæ, quo tamen utrimque cumulatè satis fiat, laudatum modo nobis Haillani Toparcham, si lubet, audiamus. Ait ille eodem quem mox citavimus loco. *Græcorum imperio potitus Nicephorus, misit confestim legatos ad Carolum, fœdus quod inter ipsum ac Irenen iustum fuerat renovaturos: Convenit ut Græci sese Orientis Carolus Occidentis Imperatorem ferret, fratresque in posterum dicerentur. Imperium de cætero ita divisere, ut quidquid à Neapoli Sipontinoque (Mansfredonia ea nobis) in superum inferumque procurrit mare, una cum Sicilia insulisque adjacentibus sibi haberent Græci, cætera Galli cederent. Vt Beneventanus dux, cujus erat in Longobardorum terris ditto, nec huic, nec illi imperio, esset obnoxius, quantumvis prompte semper ad Græcos desisteret animo, idque hanc sere ob causam, quod Veneti apud Pontificem, cujus in dicundis fœderi legibus Imperantium uterque opera niebatur, cavisse dicerentur ut ne unquam necesse haberent occidentalibus sese rebus intromittere: Conventum porro ut civitas Veneta utriusque Imperij cardo esset ac limes, exceptumque ne cui amborum subiecta foret, atque ut ut bella fortean inter illos exurgere contingeret, nulla ipsi necessitas esset huic illive parti sese adungere, sed absque nullo prosus subjectionis obligationisve vinculo, secundum priscas quas habebat leges privilegiaque sese pro arbitrio componeret. Hactenus ille, quo (liquid allequor) tam luculento hominis Galli testimonio vel ipsemet adversarius contentum se necesse est ut*

fateatur, nec ulteriorem subsannandi sugillandique locum superesse. Ad ea quæ supersunt convertamur; parem ait utrimque hinc Venetorum, inde Beneventanorum fuisse conditionem, largior id quoque, verum eatenus, ut ne factæ inter utrumque Imperatorem divisionis metas transcendat: Ast inquit imperati Beneventanis obsides, tributa annua, sacramento speciali adaçti sunt, quo verò demum jure, nisi imperij? Largior, & hoc (salva quaquaversum veritate). Cur ergo inquit non licuisset Imperatori in Venetos idem designare, quod in Beneventanos eadem inter se lege censendos? Verbo dicam, facti erant hostes Carolo Beneventani, & à Pipino sub jugum missi, sui esse desierant. Annalibus hic si credimus, Sigonium audiamus, is historiæ suæ de Regno Italiæ lib. 4. *Grimoaldus ait Princeps Beneventanus, qui gravi cum Pipino bello contenderat saniore usus consilio arma posuit, atque Oratores de pace ad Carolum misit, eamque septem millibus solidorum aureorum obtinuit quotannis tributi nomine persolvendū. Aut hominis Galli magis si probatur fides, Ioannes Serranus, in vita Caroli Magni sic inquit. Grimoaldus deinceps clementer habitus pristinaque dignitati redditus, obsequentissimum sese exinde additissimumque gessit Carolo magno, quem prosperæ virtutis ergo, nec non & propter benignum victoriæ exercitium duplici nomine beatum depredicare liceat. Hæc ille, ac ut quam paucissimis absolvam, ipse adversarius §. ordinē sextum à vicesimo sic inchoat. Anno septingentesimo octogesimo & sexto Carolus sibi Beneventum subjugat, ita ut omnino evidens sit inter Beneventanos, Venetosque diversitatis ratio. Si missos sub jugum, si ob hostileis offensas tributis attritos, si obsides dare coactos, si denique sacramentis adaçtos specialibus, probare Venetos potest, patiar locum esse argumento quod ab exemplo arcessit, sin minus (ut certe nunquam poterit) quid causæ subsit quin ipsi candori ingenuitati que bellum induxisse credamus eum,*

qui

qui non modo bello victos à liberis non secernit, verum etiam amissæ Libertatis ignominiam iis, qui eam amiserunt demere fatagit, quo liberos homines præter æquum bonumque similis infamiæ adspergine collutulare, atque coinquinare possit?

S. 44

Gradus Insula ab Eginharto in enarratione testamenti Caroli Magni recensetur. Eginharti fides elevatur. Donationibus jura Libertatis nec amittuntur, nec queruntur.

A It hoc § Gradum insulam ab Eginartho in vita, aut potius enarratione testamenti Caroli Magni, inter Metropolitanas civitates regni illius, (Caroli scilicet) recenseri, & quidem quinto loco; argumentum porro lectori formandum relinquit. Mentem ejus si capio, hoc innuit, Gradum quæ pars sit ipsa Venetæ civitatis ad Italiæ regnum spectasse, atque ex eo satis apparere quid de ipsa Venetorum urbe sit sentiendum. Nugæ meræ ac gerræ quod ajunt Siculæ. Non jam dicam Eginarthi socerum fuisse Carolum Magnum, eaque occasione fidem elevabo testis minus integri, sciens præteribo in re tanta non sufficere enumerationem unius authoris, nullis aliorum autoritatibus suffultam, ut & hoc taceam, istiusmodi enumerationibus rerum dominia nec quæri posse aut jura Libertatis amitti.

Sed nec jam ante à me dicta, de respectu aut collatione totius ad partem, quæque inde valide juris deducatur analogia, operose repetam, unum suffecerit, quod ex Æmilio, Sigonioque citasse memini, mutatam nimirum occasione

belli Venetis à Pipino illati, insularum urbisque faciem, illasque quæ sparsim ante fuerant habitatæ, pontibus tum demum jungi coeptas, quæque ante (ut creditu facile) parvæ admodum fuerant, universim junctas magnificentissimæ urbis præbuisse specimen. Factum vero id vixdum uno lustro ante Caroli è vivis excessum. Aut ergo constare deberet (ut ut plenariam Eginartha fidem deferre voluerimus) jam tum antequam ea scriberet immutatam fuisse civitatis Venetæ faciem, atque quantumvis una cum cæteris adjacentibus insulis Gradus in corpus civitatis illius esset coagmentata, mansisse eam nihilo secius regni Carolini, aut potius Italiæ partem: Eoque quam maxime probato, quo eam titulo Imperator possederit, commonstrandum foret, aut cum ex annalibus constet, Carolum sese etiamnum vivo de regnis imperijsque in filios dividendis assignandisque agitasse, probare adversarius deberet, ea quæ ex Eginartha citat non fuisse longo tempore ante obitum Caroli Magni conscripta.

S. 45.

Argumentum Anonymi, ab ade Zacharia Leonis Armenij mandato exstructâ desumptum, elevatur. Inscriptio in ejus rei memoriam suffixa examinatur. Ædes D. Michaelis à Sergio Senonensi excitata, nec tamen aliquot ejus dominium Veneti agnovere. Subditi à Vassallis longe distant.

Solutio ad hunc § ex ijs quæ jam ante à nobis dicta sunt erit petenda, neque enim aliud continet quam Iustinianum Participatium, Venetum ducem, ædificasse D. Zachariæ,

chariæ, idque Leonis Armenij mandato, cui rei probandæ adfertur inscriptio ipsius Ducis, qui sese id mandato Imperatoris (quem pacis qua universus terrarum orbis fruatur, conservatorem indiget) fecisse omnibus Christianis, quique S. Romano imperio fideles sint, notum facit. Urget Anonymus hæc tria potissimum, I. Quod inscriptio facta sit propria Ducis manu. II. Quod Imperatoris mandato ædem extruxerit. III. Quod mentionem faciat eorum, qui fideles S. Romano Imperio sint, nec obscure significet, ipsum sese Ducem, eorum numero adgregatum voluisse.

Primum quod tangit, est illud omnino nullius momenti, modo ne tale sit, quod evidenter atque citra exceptionem libertati Venetæ adversetur, quale quid nemo sani cerebri examinato illius inscriptionis tenore deprehendet: omninoque probandum ante omnia foret, quid sit illud unde aliquod, quod vel in speciem stringat, sumatur argumentum.

Mandatum Imperatoris quod adfert, nihil movet. Dictum jam ante, esse inter pares & æquales, inter quos imperium non est, ut e. g. inter amicos, mandatis locum; jussu, ad eos qui non sunt æquales referri. Vt ergo allegatis ab ipso sit locus, ante omnia constet oportet, eo Ducis populique Veneti loco res fuisse, ut ita volente Imperatore, non potuerint non ea cuncta effecta dare, quæcunque injungeret. Quod nisi præstat ac nihilominus ex facto jus aliquod admetiri conatur Imperatori, aliud plane nihil agit, quam quod principium petat. Adde, quod nec imperantis mandatum inscriptio testetur magis, quam divinam revelationem, qua extimulante, illum primitus animum ad extruendam ædem Divo Zachariæ sacram adijcere occupasse, Ducisque religioni eam curam demandasse, ipsamet inscriptio testatur; quod quidem mandatum subjectionem aliquam arguere ac præ se ferre dicere si lubet, perinde egerimus, ac

si testamenta condentibus subditos velimus extraneos quoscumque, quibus ut executioni elogia sua mandent, illi injungunt, quosve hæredes si quando instituere, fideicommisso gravant. Iam ante ubi exemplum Narsetis ab adversario simili casu adductum examinavimus, satis ample pertractata sunt à nobis omnia, quæ circa istiusmodi templorum, basilicarum, religiosarumque domuum ædificationes, considerata veniant, ostensumque largiter, nihil ex istiusmodi factis inferri posse, quod subjectionem aliquam, aut ex altera parte imperandi facultatem aliquatenus probeat. Illis nihil addam, præter hoc unum, non Imperatores modo, ut hic Leo Armenius, eorumve Legatos ac duceis, ut superius Narsetes, templa Venetijs aut extruxisse aut extruenda curasse, verum etiam privatos, tam in ipsa urbe quam extra illam. In urbe infinita exempla sint illustrium familiarum (ut est hæc propria Venetorum laus pietate erga Deum, patriam, parentes, nulli cedere) nemo tamen illis ea de causa quid supra cæteris juris detulerit. Extra illam, exemplo sit Sergius Senonensis apud suos autoritate ac divitijs Princeps, cui ædes D. Michaëlis prope Brundulum promontorium belli injuria à Pipini exercitu subversum dirutumque, teste Sabellico Hist. Ven. dec. 1. lib. 2. originem debuit incrementumque, & cum incrementis ornatum. Sabellicum toties cum exagitet noster homo, mirum cur non & Senonensi Principi Sergio Venetos subjecerit, utque olim est,

Facta tribus dominis communis Roma,

ipsa quoque Venetum urbs inter imperia hinc in Oriente, illinc in Occidente dominantium, si dijs placet, distracta tertium quoque supra sese Senonensem agnosceret Sergium, cui pro extructo ornatoque D. Michaëlis fano mercedis ac redhostimenti loco seque ac libertatem suam grata submitteret.

Tertium

Tertium denique quod urget, illud est, quod nempe dirigatur ad omnes qui §^{to}. Romano Imperio fideles sunt, ducis inscriptio. Quantulum vero hoc est, dirigitur ad eos qui tales sunt, ergo & ipse talis fuit? quin imo ipse dux talis fuit, ergo tota respub. Imperatori subdita fuit? non sequitur. Largiamur Anonymo fuisse ducem talem, quid miri? fatetur sese Hypatum (ut ipsa monstrat inscriptio) Imperatoris, hoc nomine fidelem & fuisse, & ratione dignitatis, esse quoque debuisse, dubium non est, aut non subditum, ut superius late sum prosecutus. Titulus fidelium vassallis competit eorumque proprius est. Nemo autem est qui nesciat quanto intervallo secernantur à subditis vassalli, tum quoque de talis enunciati effectum, nempe quod fideles, quod devoti, quæque his similia sunt dicuntur nonnulli, quid sentiendum sit, quidve juris eliciatur ex istiusmodi verbis, absolvi jam ante, ubi male distortas ab adversario Aurelij Cassiodori phrasas sub incudem revocavi.

§. 46.

Verba Epistolæ Lotharij ad Petrum Fradonicum Venetorum ducem scriptæ, examinantur. Dominatio pro ditione accipi non potest. Dilectionis vox excussa.

MIrum ni ab oculis male habeat Anonymus, quum ipsum Lotharium Imperatorem, anno à nato Christo quadragesimo super octingentesimum, Petro Fradonico Venetorum Duci scripsisse agnovit, DE POTESTATE VEL REGNO DOMINATIONIS VESTRÆ. Ergo ut occurrat, vocem dominationis ait accipiendam, pro ditione, ac territorio, aut loco *dominationis vestra*, legendum esse *dilectionis*.

Etionis. Absurde prorsus. Nam cum jam duobus Imperator usus sit verbis idem significantibus, qualia sunt *de potestate vel regno*, qui fieri pote, ut vox *dominationis* pro ditione accipiat, neque enim consistant hæc inter se *de regno ditionis tue*, præcedente quam proxime verbo *potestatis*. Quod per explicativam particulam *vel* re vera idem esse vult Imperator ac ejusdem cum regno significationis. Vox quoque *dilectionis* in eum non quadrat, quem potestatem regnumque obtinere fatearis. Nullo æquidem ævo *dilectionis vestre* adjecta qualitas ijs fuit, quos aut nascendi fors, aut populorum consensus, ad id fastigij subvexit: uno duntaxat Pontifice excepto, qui cum se patrem omnibus ex æquo ferat, filiosque promiscue indigitet, monarchas dynastasque quoslibet, non alio quam dilectionis epiphonemate uti solet. Hæc si non admittit adversarius, meque ignarum styli isto sæculo usitati dicat, næmihi ille bono (ni fallor) jure, criticus multo judicabitur infœlicior, qui, ut maleferiato Venetis distrahendi zelo ne desit, candori suo deesse mavult, locoque nec mendofo nec corrupto, istiusmodi adhibere medicinam, quæ non cadat in sensum communem, nedum in sensum istorum verborum, quæ novus ille Machaon, aliud quam id quod disertim exprimunt, velit innuere.

S. 47.

Quid inter Orientis, atque Occidentis Augustos decretum sit, quoad Venetos. An & quatenus decretum illud Libertatem Venetorum afficere potuerit. Quis sit effectus

fectus illius, quæ decretum sequuta est, confirmationis.

DEsiderat hoc quem refutare aggredior §, Anonymus animum ab omni affectu præjudicioque liberum, directeque Venetos alienis Imperiis egisse obnoxios, hoc se loco probare credit. Annitar ut nec in recensenda adversarii mente fidem, inque ijs quæ pro se adfert refutandis, candorem, quisquis hæc lecturus est requirat. Recenset primo ex Sigonio de regno Italiæ lib. 5°. Privilegium à Ludovico secundo concessum ei quem proxime præcedenti §. nominavimus Venetorum Duci Petro nimirum Tradonico, *de possessionibus* (verba Sigonij sunt) *Cleri & populi Veneti in Imperio ejus jussu & legitime possidendi pro ut per sædus cum Graci ictum Carolo proavo suo regnante possederat.* Formulam deinde privilegij adducit ex Sanlovinio, in hæc verba conceptam. *Dux Veneticorum deprecatus est nostram majestatem ut ex rebus sui ducatus quæ infra ditionem Imperij nostri existere noscuntur, confirmationis nostra præceptum fieri juberemus, per quod ipse, ac Patriarcha, Pontifex, atque Populus sibi subjectus, sibi debitas res, absque cujusquam contrarietate seu refragatione tenere quovissent, quamadmodum temporibus bisavi nostri, Caroli, per decretum cum Graci sancitum, possederunt.* Postquam deinde (quod jam ante suo loco, ipsum facere debuisse indicavi) ait, memorare Sanlovinum, eadem ab aliquot qui postea secuti sint, ibique enumerantur (nos eos jam ante d. l. enumeravimus) Imperatoribus fuisse confirmata, Sanlovinum arguit erroris, qui inde inferat voluisse Carolum, instituta Imperii divisione, Venetos inter utrumque Imperium remanere liberos, cumque textui vim inferre prædicat, ait, que nihil agere Ludovicum, quam quod ducatus possessionem confirmet, qui quidem cum notorie situs sit in ipso Imperii territorio, ac cum non aliter intelligi accipere

cipive possit ista confirmatio, quam de insulis maris Adriatici, quas Veneti insiderant (neque enim terminos suos id temporis in continenti terra etiamnum protulerant) nihil aliud Ducem, Pontifices, Patriarchas, Clerum populumque per illam sibi acquirere potuisse confirmationem, quam illarum rerum quietam possessionem, quas jam tum, quo tempore inter Carolum Nicephorumque ictum fuit foedus, possidebant.

Ergo ut videmus, ordine considerandum nobis I. quid inter Orientis atque Occidentis Augustos decretum sit, quoad Venetos. II. An & quatenus decretum illud Libertatem Venetorum afficere potuerit. III. Quis sit effectus illius, quæ decretum insequuta est, confirmationis.

Hæc tria ordine ut exsequamur, ab eodem quo adversarius hunc § inchoat Sigonio, ordiri lubet; meminit ille foederis per Carolum Ludovicij bisavum cum Græco percussij. Æquum ergo quò ad suum principium rem ipsam deducamus, ut quo pacto sancitum firmatumque illud fuerit, repetamus. Verba Sigonij superius quoque à nobis adducta sic habent, *In foedere illud nominatim expressum, ut Veneti inter utrumque Imperium possint liberi, atque immunes, & ab utroque securi, viverent, ac sine molestia res suas in Italico solo possiderent.* Sigonij dictum firmant illæ, quas ibi fufius sum prosecutus. Scriptorum autoritates, quibus nihil addam nisi unum Christophori Rossini, in Curia Burdegalenfi dum viveret Præsidis testimonium, quòd quidem eo magis mihi faciendum puto, non quod pluribus agere proposuerim in re clara, verum quia fuit iplennatione Gallus, sic ut eo nomine, tanquam Venetis addictior quasi sit, in ipsum suspicio non cadat, ac simul quoque, ut jactabundæ Anonymi asseverationi occurrat, qui se duntaxat ex antiquis ac qui eo tempore vixerint authoribus, sua adstruere dum putat, recentiorum
fidem

fidem convellere atque elevare tentat. Ait ille in suis omnium ab orbe creato historiarum commentarijs. *Ea que per novam Caroli Magni creationem facta est Imperij Romani à Constantinopolitano divisio nullo habuit certos Provinciarum fines. In eorum foederibus illud accurate apud vetustos scriptores legimus intervenisse, ut Venetia, urbs Italiae maritima, utrumque reverita Imperatore proprijs uteretur legibus. Quod & Blondus post antiquos egregie profequitur.* Huc usque Præles Rossinus. Itaque si actum id est ut liberi viverent; jam tum procul dubio liberi erant, neque enim est ut libere vivant, manumissione jam dudum atque his potissimum temporibus, sublata, nisi qui ipsimet sint liberi. Si comprehensum foedere ut suis viverent legibus, legeis, secundum quas viverent, ante percussum inter Imperatores foedus, ut habuerint, oportet. Eas ipsas unde nacti sunt ab Imperione Romano? ejus rei, neque vola, neque vestigium, in toto Iuris corpore, aut ullis omnino annalium monumentis apparet. A Constantinopolitano? æque parum: sibi ergo suisque leges si vixere, αὐτῶννομος si fuere, quid causæ sublit, cur eos alienis legibus astrictos credendum existimemus? nulla sane; ac ne quidem imaginaria. Iungamus his, illa quæ allegat ex Sansovino atque ex contextu confirmationis verba. *Ipse, Patriarcha, Pontifex, atque populus sibi subjectus, sibi debitas res absque cujusquam contrarietate sive refractione retinere quivissent, quemadmodum temporibus bisaviti nostri Caroli per decretum cum Græci sancitum possederunt.*

Hæc si inspicimus, jam tum tempore Caroli, ipso Cæsare id deprædicante atque agnoscente, populum sibi subjectum habebant Ducēs. (eo id accipiendum sensu postea docebimus, quo de Pompeio apud Lucanum Cato fuisse cum ait libertate salvare rectorem Senatus, sed regnantis) Illis quoque temporibus res sibi suas habebant, eo jure, quo earundem liber homo moderator est & arbiter. Quæ cum ita sint,

præsertim si prædictis jungimus illa Sigonii, nempe fuisse cautum ut liberi, immunes, & ab utroque securi viverent, sane non video, quam vim Sansovinus adferat textui, dum vult Venetos divisione cum Græcis factâ, liberos fuisse relictos, immunesque ab alterutro hinc inde imperio; quin potius ad claram lucem adversarius mihi cæcutire videtur, si aliter illa verba putet explicanda. Esto interim lectori suum de tota re iudicium. Vidimus huc usque quid actum sit inter Nicephorum Carolumque. Superest ut despiciamus, an, & quatenus, iste actus in ipsam libertatem Venetam influat, eamque afficiat. Quò priusquam deveniamus, præmittendum paucis inter libertatem ipsam interque exercitium libertatis distingui debere. Hoc præmisso, alterutrum necesse est statuamus, nempe Venetos tempore divisionis aliquoties nobis memoratæ, aut liberos fuisse, aut si liberi non fuerint, divisionis illius beneficio ex consensu decretoque imperantium, in posterum (ut futuris leges formam dant negotijs) liberos esse fuisse iussos. Tertium non datur. Si verum prius, cessat omnis ex illo decreto quo ad Venetorum libertatem affectus: si posterius amplecti lubet, expediendum prius, quo pacto, nec non à quo, libertatem sint adepti. Modum quod attinet, Sigonius, loco quem allegat adversarius, accidisse ait *per fœdum cum Græcis istum*; loco à nobis citato *id in fœdere nominatim expressum* ait Rosfinus *in eorum fœderibus accurate intervenisse*. Sansovinus decretum cum Græcis sancitum (quod cum fœdere in idem incidit) pro modo assignat, quæ singula si perpendimus, sapiunt utique stipulationem inter fœdus sancientes. Quid enim aliud est fœdus quam duorum pluriumve summo imperandi jure præditorum inter se pactio? Ergo si fœderi pactoque deferenda libertas Venetorum, aut quo ad fœderatos, ipsi in eorum potestate fuere, aut extranei; sin placet prius, hæcenus id non esse probatum.

batum regeram, si noster ad tit. Institutionum de inutilibus stipulationibus, adversarius erit relegandus. Quis est modo nō omnino hospes in Iure sit, qui nesciat neminem regulariter alteri extraneo, non existenti in potestate sua, stipulari, pacisci, aut acquirere posse? atque hoc illud est quod ait Scævola in *l. quo tutela. §. neque de R. I.* nec paciscendo, nec legem dicendo, nec stipulando, quemquam alteri cavere posse, & in *l. quacumque ff. de Obligationibus & action.* quacumque gerimus, nisi ex nostra persona obligationis initium sumant, inanem actum nostrum efficere; & ideo, neque stipulari, neque emere, vendere, contrahere, ut alter suo nomine recte agat, posse quempiam, IC^{us}. Paulus negat. Dixi porro, foedus esse pactiosem summi imperii jura habentium, & quidem inter se, quod eo addidi, ut constaret (quod etiam in jure dubium non habet) absenti neminem recte quid pacisci. *l. illud. Cod. de sacrosanct. Eccles. l. multum interest c. si quis alteri vel sibi.* Cujus quoque evidens est & ad propositum nobis lemma applicanda ratio, quod ad hoc ut quis posset paciscendo contrahendove extraneo absenti acquirere, mandatum vel æquipollens intervenisse sit necesse. *arg. l. consensu. ff. de O. & A.* atqui verò nunquam probabitur, foederis tempore praesentes, foederativæ medios, fuisse Venetos (haud gravatim hæc se adversario, qui ad infimæ sortis abjectam conditionem Venetos quaquaversum allegat, hæc se probabit negativa) aut ut sibi suæve libertati eo foedere voluisse prospectum. De modo vidimus: restat ut videamus ecquinam ille, illive, forent, quibus libertatem Veneti acceptam ferendam haberent, si quidem ea ex foedere accepta ferenda esset. Certum est libertatem ei qui antea liber non fuit conferendi potestatem esse Imperii summi; summi vero Imperii hanc esse naturam, præclare eruditorum nostri sæculi Phœnix Hugo Grotius nos edocet, ut illud nihil

exaquet, aut superet. Vult adversarius Venetos utrique Imperio paruisse; Si ergo alterutri Imperatorum ea debebitur, obstabit in facto, probationis defectus, in jure, ipsa Majestatis natura parem non ferens. Si utrique, obstabunt præter eundem defectum probandi quæ superius in eam sententiam allegavimus, nimirum ejusdem rei duos in solidum Dominos haud esse posse. Pressius rem ut consideremus, neque Sigonius, neque Rosinus, neque Sansovinus, neque demum quispiam mortalium dixerint ipsam Venetorum Libertatem in se consideratam ac ut est naturalis facultas eorum quæ cuique lubet faciendi, nisi aut vi aut jure prohibeatur: foederi prædicto ullatenus deberi, cujus evidens est ratio, quod materia pactiorum, stipulationumque, sint omnes res, quæ aut in commercio sunt, aut quibus leges non resistunt. At vero in Principio libri nostri ostendimus neque liberi hominis esse commercium, neque etiam libertatis, utpote quæ nisi hominem ex homine exuere velimus, est omnino ab homine libero inseparabilis. Quin nec dubium quoque, quin pactis istiusmodi quibus aliqua ratione Libertas in commercium deducatur, leges resistent. Vid. pulchre hac de re differentem *Hottomanum lib. 1. quest. illustr. quest. 1.* per totum. Quodcumque ergo actum, gestum, decretumve fuit, libertatem Venetorum non tangit, totumque in libertatem habendi modo exhauritur; neque enim aliud inter foederatos actum, quam ut semel facta divisione, nulla de finibus enasci inter ipsos posset differentia, quod quidem eo proniore actum desiderio, quod teste Æmylio ejusdem foederis legibus expresse cautum sit, ut ambo fratreis inter se essent dicerenturque, nec poterat non esse utrique perspectissimum, quicumque tandem eorum Venetæ urbis esset dominus, gravibus illum damnis alterius Imperij sineis de facili affligere posse. Est itaque prædicto foedere non Venetis,

ast

aut ipsis foederatis dicta lex, quamet ipsi volvere, ne cui eorum opera auxiliove, pacis bellive tempore, contra alterum uti liberum esset. Quod ipsum dubium non est, quin factum sit pro recepto summis potestatibus more, eos etiam in foedere comprehendendi, quos sibi aut amicos haberent, aut inimicos nolint. Inde utique, sequa juri quaesito, siqua libertati damna sint enascitura, superflua sint ista foederum capita, pereatque benigna comprimis natura regula, qua docemur, hominem beneficio affici, ipsius hominis interesse. Progredior ad tertium, quod de confirmatione adfertur. Atque hic quoque ut absolvam quam potero paucissimis: dico in antecessum, nobis hic in quaestione nihil esse praeter unam Venetorum Libertatem, atque ex antedictis binas conclusiones formo, quas nemo mihi, ut spero, sit negaturus. Prima esto ad hoc ut de confirmatione constet, constare ante omnia debere de confirmato, idque dupliciter, primo, ratione juris, scilicet, an id quod confirmatum est, sui natura fuerit confirmabile, secundo ratione facti, nempe sitne illud confirmabile, revera confirmatum, nec ne. Altera, constare debere de firmante, scilicet fueritne habilis ad id firmandum quod postea confirmatum fuisse dicitur. Libertatem ipsam quod attinet, illa, ratione juris quod Venetis competebat, nec firmari nec confirmari potuit, de facto quoque nec firmata fuit nec confirmata: Locus Sigonij siquidem de Libertate, ejusve jure, mentionem facit nullam, ac solummodo de possessionibus Cleri & populi Veneti in Imperio ejus jure possidendi, prout per foedus cum Gracis item Carolo proavo suo regnante possederant. Loquitur Sanseverini ad idem locus ne quid quidem de Libertate: id duntaxat actum, ut ipse, ac Patriarcha, pontifex, atque populus sibi subiectus, sibi debitas res absque contrarietate cujusquam, seu refragatione, retinere quivissent, quemadmodum temporibus bisavi Caroli, per decretum
cum

cum Græcis sanctum possederant. Ex adductis clarum etiam est, constatque de firmante, illud nempe, ne quidem ad ea firmanda habilem eum fuisse, quæ jure naturæ sibi competentia, asservarant nec alieni juris unquam fecerant Veneti. Ipse ergo, nullo jure titulove, sibi illa arrogare poterat, quemadmodum quoque nunquam sibi ea arrogasseprehenditur. Libertas ut anima, tota est in toto reipub. corpore, nec non & tota in singulis reipub. partibus. Illam ipsam absque vi aut jure prævio, minuere aut augere firmare nemo queat. Imperatorem cujus multis encomijs celebratur prudentia, illud unquam attentare voluisse ne credendum quidem. Quodcumque ergo confirmatum esse dici potest, nihil est, præter usum exercitiumque Libertatis; ista Libertati originem suam debeant, in substantiam vero Libertatis eatenus haud influant, ut ad illam constituentdam, tollendamve, vel hilum possint. Sed nec omitendum nobis, ipsam quoque confirmationem bifariam considerari posse, nempe quatenus illa idem est quod ratificatio, & sic quatenus habet vim declarationis, pariterque, quatenus adinventum primitus est confirmatio, ut actui præcedenti robur addat, unde & illam DD. definire solent, quod sit actus qui præcesserit corroboratio. Pioris casu ambigendum non est, istiusmodi ratihabitionem ob stare non posse, modo non obstiterit id quod ratum habetur. Posterioris rei gestæ est attendenda veritas: si hac de qua nobis hoc § discursus instituitur confirmatione quæ præcesserint corroborata dicimus, fatendum utique confirmatione nihil roborari potuisse, præter ea quæ foederis legibus decreta fuerant sancitaque inter utrumque Imperatorem, non vero inter Venetos & Imperatorem. Eo foedere cum non sit collata Libertas, ut nec conferri potuit, ratio dicat, non contendifse apud Imperatorem Venetos ut liberi fierent, essent, rema-

remanerentve, verum ut liberum ipsis esset, intemperatumque, ac nec ulli temperandum Libertatis exercitium.

Atque hæc quidem de ipso confirmationis effectu dicta sufficiunt, unum hoc § superest, nimirum, quod pro subiecto, circa quod versata sit repetita pluries nobis confirmatio, Veneram urbem ac maris Adriatici quas Veneti infederant lacunas fuisse ponit. Quo posito ratione situs illas utpote in medietate Italiae constitutas negari haud posse contendit, quibus tota pareret Italia, subditas quoque easdem fuisse. Nos vero id ipsum quam non sit magni momenti toto cap. 7. hujus tractatus ostendimus: non peccabo fastidiosa eorum repetitione in patientiam benigni lectoris, si commodum est inde petat, quæ larga manu, plenoque quodajunt modio admensi sumus.

§ 48.

*Ad sequentem Paragraphum de jure cudendæ monetæ,
Venetiæ ab Imperatore concessæ, introductio.*

TRaducit hoc § ut parum attit omnino haud verosimile, quod vult in suis admirandis Venetæ urbis Goldio, quique Goldioni coetaneus est ac authorem Volateranum citat, Nicolaus Doglio Theatrifui parte tertia: Ursus ejus nominis secundum Venetorum ducem, à Contrado Imperatore, qui ab anno nongentesimo duodecimo usque ad decimum & nonum habenas Imperii moderatus est, cudendæ monetæ jus obtinuisse, quod nos verum ne sit nec ne, quod ne supervacuis ac non facientibus ad rem disquisitionibus, lectorem ac nosmet ipsos ne quicquam implicemus, in medio relinquendum putamus: Vt & illud, rectene, quæ Goldioni Doglioni que tradita sunt, Anonymo parum verosimilia

milia videantur nec ne, idque duabus quas potissimum hoc loco adducit rationibus, quarum prior est quod non legatur Conradus curæ cordive res Italicas habuisse. Altera, quod inter Annalium scriptores non pauci Conrado locum inter Imperatores nomenve haud assignent. Vnicum fateor hoc § habet, de quo dicendum aliquando curatius, concessio nimirum juris monetandi, quam Venetos dicit acceptam ferre Imperatori debere: ait hoc ipsum quandoquid m § proxime sequenti tractatur, nos quoque ad eundem, utpote commodiore loco, nullisque temporum supputationibus involuto, Chronologicisve salebris impedito, tractare aggredimur.

§. 49. & 50.

Ius procudenda moneta Venetis ab Imperatore indultum, nihil derogat eorum Libertati. Missio legatorum à Venetis ad Imperatorem instituta probat liberum eorum Imperium. Frivola Anonymi circa hac conjectura. Illi, qui monetam cudi curat, in Majestatis argumentum fere semper cedit. Vultus regnantis nummis insculptus, & quare. Ratio cudendorum nummorum à Numa Pompilio inventa. Regum Italie aut Imperatorum vultus in nummis Venetis non conspiciuntur. Ducis aut Divi tutelaris effigies iis insculpta. Hoc summi Imperii argumentum. Subjectionem non probat, quod quis alieno beneficio monetam cudat.

dat. Quod Beerengarius fines Venetorum & Italicorum terminarit, nullum Imperii summi jus probat.

ATque ut agamus quod instat, iis prætermisissis quæ superflua sunt, citat ex Sanfovino Privilegii verba à Rudolpho concessi traditque in manus Metamaucensis Episcopi. (Dominico ei nomen), nec non & Venetorum Legati, Stephani Caloprimi. Sunt autem illa, *simulque eònummi monetam concedimus, secundum quod eorum provincia duces à priscis temporibus habuerunt.* Allegat quoque §. 51. Petri Participatij Venetorum ducis imagini subscriptum sequens breve:

*Multa Berengarius mihi privilegia fecit,
Et mihi monetam cudere posse dedit.*

Ac priore quidem §. verba Sansovini *Consueto more* dicit non audere sese cum ad modum intelligere, perinde ac si nullius auctoramento prævio, sed de consuetudine, aut quod majus etiamnum est autoritate propria, monetam primitus cudere cœpissent Veneti. Neque enim credibile ait, siquidem apud ipsos jam diuturnus usus monetam cudendi invaluerat, juris illius confirmationem insuper fuisse petituros. Vtrum prius illud, quidquid denique fuerit, siue morem siue usum appellare lubeat, referri debere ad privilegium aliquod tempore prius: ita ut facta à Rudolpho Venetis concessio anterioris alicujus privilegii aut gratiæ dicenda sit fuisse confirmatoria.

Vt dictum multoties, nihil nobis hic argumenti est præter Libertatem Venetam: eam quod attinet, unum examinandum est, an quo casu jus monetandi Venetis ab Imperatore fuerit concessum, necessario statuendum sit, illos Imperatori fuisse subditos. Agit hoc anxissime adversarius

rius, cò tamen nonnunquam successu, ut quibus nullis præjudiciis imbuta mens est, aut minus ingenuus videri possit, aut ipsemet ea adducere, quæ penitus inspecta, longe diversum ab eo quod astruit, manifesto evincant. Vtriusque exemplum præsens exhibet §. Si subditos vult Venetos, rogare lubet unde eis legatos mittenti jus, nulli liberum nisi cui pariter quoque summum imperandi jus citra controversiam debetur. Est ut scimus à legante suum legatis nomen, & quidem istiusmodi ut authore Tullio (divinat. in Verrem) *non modo inter hostium sociorumque jura, sed etiam inter hostium sociorumque tela versetur incolume.* Illud ipsum vero unde, nisi à suprema illa potestate, quam nihil est ex pari quod aspiciat nedum quod supragrediatur? Si dominus Venetorum erat, Imperator, cur eorum ad se legatos admittit, ac privilegiis etiamnum ornatos à se dimittit? Ut jam dicere cœpimus est ea Legatorum dignitas, ac cum jure quod habent prærogativa, ut in subditorum nomen sortemve haud cadat. Iis qui pro obnoxijis alieno imperio reputantur, ut Legatos mittant nemo concesserit, nedum is, qui sese illorum dominum fert, subditos sibi suos æquari citra manifestissimam Majestatis suæ imminutionem ac læsionem unquam admisit. Ab altera parte minus ingenuum est quod cum ipsemet pro se Sansovinum alleget, probaturus illius testimonio, Venetos Imperatorio beneficio monetam cudendi jus habere, contra clara Sansovini verba, conjecturas obtrudit eaque non malignas modo, verum ne probabiles quidem, nedum ab ullo probatas. Sed nos illa Lectori discernenda atque dijudicanda relinquimus. Ad ipsam rem ut accedamus, pariterque ut demonstremus, quam neque ipsa rei veritas, neque juris dispositio, nugis adversarij patrocinentur, sciendum circa numos cudendi facultatem duo considerari potissimum, quorum primum, illi qui monetam cudi curat

di curat, in Majestatis argumentum fere semper cedit, ad reverentiam dilectionemq; dominantium, subditorum mentibus insinuandam efficax remedium: secundum, quandoquidem mensura rerum nummus est, utilitati publicæ totum devovetur. Illius nimirum interest quam maxime ut sua commercijs constet facilitas; quam videmus indies monetarum diversitate ac confusione non leviter turbari. Prius quod attinet, apud omnes fere gentes invaluit, ut monete cui forma publica esset, insculperetur vultus regnantis, ut in promiscuis quotidianarum rerum actibus, atque ipsis etiamnum commercijs, quibus non modo civitatum prosper ac felix status, verum & omnis hominum vita constat premodum, perpetuo vigeret versareturque ob oculos, sacrosancta Principum Majestas; quam quoties oculis ea sese aggereret (quod non poterat non accidere quam creberrime) tanquam præsens numinis simulacrum, homines devenerentur. Sic Christo Christianos ac Christianis Christum de propiore nota conciliaturus, ait de iisdem Christianis beatus Augustinus ad Psal. 66. *Fecisti nos ad imaginem tuam, fecisti nos nummum tuum.* Inventum interim numos imagine sua signandi Isidorus suis originum libris Numæ Pompilio tribuit, aitque; numi à Numa Romanorum Rege, qui eos primus apud Latinos imaginibus notavit, & titulo nominis sui præscripsit. Numæ verò vel solum nomen argumento fuerit non alij id repertum fini, quam illi quem mox assignabamus, quem nos in monetam cudendi facultate si attendimus, duo iterum occurrunt, primo non reperiri regis Italiæ imperatorisve numis, qui Venetijs cusi sint, aut insignia sua insculpi curasse aut nomina.

Cum tamen ex adverso liberæ Germaniæ civitates (eas omitto, quæ se consuetudine tuerentur aut præscriptione) quæcumque jura numos cudendi exerceant Imperatoris indul-

to, nec non & cæteri Principes inferiores, id in nummis quoscudunt religiose observent, (exemplo sint imperiales, quorum frequens his regionibus usus, Thaleri) ut facies una quidem Principis inferioris effigiem, aut civitatis liberæ præferat insignia, altera vero nunquam fere non imaginem Imperatoris aquilamve Romano-Germanici Imperii insigne ostendat. Secundo, quod Veneti nummis suis non Imperatoris, verum aut ducis sui, aut Divi sub cuius patrocinio clientelaque vivere se gloriantur, insculpant effigiem, ut de posteriore testis est Boërius decis. 327. statim à principio: insigni mecastor argumento summi illius Imperii, quod in se suosque exercent. Vtique non aliter æstimatum id Francis tempore Iustiniani, quibus id (ita tradente Procopio lib. 3. de bello Gothico) datum ut numum aureum è Gallico metallo percutiant, non Imperatoris Romani ut fieri affolet, characterem solido imprimentes, sed propriam ipsorum imaginem. Nam Persarum quidem Rex numos quidem argenteos, quoquo modo velit ferre est solitus, sed ei fas non est effigiem suam auro insculpere, neque ulli alii omnium Barbarorum regi, quamvis auri in suo regno reperi Dominus existat. Hucusque Procopius. Et quidem quæ de Persis ille, etiam in aliis deprehendas gentibus. De Germanis (quos natione quidem non ratione Barbaros Romani judicarunt) ita Tacitus, *formas quasdam nostræ pecuniæ cognoscunt atque eligunt, pecuniam probant veterem & diu notam Serratos Bigatosque*, ita dictos, auctore Plin. lib. 33. c. 3. quod notæ argenti Bigæ atque quadrigæ fuerint. Imprimendæ porro numis imaginis, post Numam satis recens est exemplum Servius Tullus: interque antiqua Cymelia etiamnum numismata reperire est. Romæ, Serviique, nomen exprimentia: at quid hic operosus sim? diserte id ipsum reperire est apud Suetonium in Augusto, qui numos veteres regios Serviatos, quibus nota Servius, recenset. Publicum si contuemur bonum, certum est non esse possibile
ut Prin-

ut Princeps aliquis quantumvis potentissimus, & sufficiens, & ubique nec non & omnibus, possit de moneta prospicere, ita ut rerum status, & in commune utile quod esset, compluribus necessitatem imposuerint monetam cudendi. Hanc sibi facultatem si adversus ipsum (ubi res ita fert) Imperatorem tuentur adferuntque civitates liberæ (de iis me loqui professus sum, quæ jus istiusmodi non aliunde metuntur quam ab Imperatore), constare potest non esse sufficiens argumentum ad probandam subjectionem, quod quis alieno beneficio moneta: cudat, non magis utique quam omnimoda libertas inferri queat ex hoc ipso, quod monetam de consuetudine cudant civitates nonnullæ. Publicæ quoque utilitatis intuitu ac mutuæ symbioseos causâ, multoties evenit, ut Princeps Principi concedat istiusmodi nummos cudendi jus, quorum valor in illorum utrumque districtu territorioque æstimetur ex æquo. Ex adverso nec illud infrequenter obvenit, ut Principes etiam fœderati, civitates item liberæ, alter adversus alterum istiusmodi subinde ferant monetarias leges, quibus liberum suis subditis haud relinquant, extra terminos ditionis, hos illosve nummos aut accipere, aut acceptos expendere; præsertim si commisturæ commensurationisve minus probæ (*alloy* Gallicis vocatur) esse perhibeantur. Utrumque pro imperij jure fieri nemo neget, ac neque ut spero adseverabit quispiam eum, qui neque propter se parem neque supra se agnoscat superiorem, siquidem beneficio illi datur ab altero, item summi Imperij jura qui exerceat, ut istiusmodi monetam cudat, eo statim nomine subditum alterius devenire, aut eum quoque, cujus numis nota reprobæ commistionis iniusta est, ac sic eorum expensitationibus interdictum, summi quod ipsi competat imperij jure privari. Ut ergo ad Venetos unde digressi sumus revertamur, meo quidem iudicio maximi ponderis

deris sunt allegata ab Adversario Sanfovini verba, quibus *ea numi moneta concessa est secundum quod eorum provincie duces à præfatis temporibus more consueto habuerunt.* Quippe si civitates ipsæ Imperio subditæ quando de earum antiqua consuetudine constat, etiam non obstante quod jura istiusmodi à Principe fluant ad eumque resfluant, similem cum Principe jurisdictionem habere atque exercere non prohibentur, per ea quæ tradit ac pluribus firmat Budelius de monetis & re monetaria lib. 1. c. 4. nu. 6. & 7. multo magis dicendum est, populos liberos, exterosque, jus monetæ ab hoc illove Principe accipere, citra ullum Libertatis suæ dispendium, compendiumve, utpote quibus nihil, quod non sua virtute atque efficacia in se habeant, concessum dici potest, nec alteri bono jus acquisitum prodest, quam ut quos in terris sibi subditis intra fines suos libere numos expendunt, pari Libertatis jure, alieno in territorio expendant. Ut absolvam non potest aliud ex hac concessione deduci, quam de cæterorum Privilegiorum concessione, de qua verba jam supra fecimus, ostendimusque Libertate salva Privilegiis ornari posse ab hoc illove Principe etiam non subditos. Paucis adjungam quæ porro §. 51. de Berengario adducuntur, eum nempe Oloria cum esset, foedus inter Italicos ac Venetos renovasse, ac fines eorum inter se terminasse, plane nullum Imperii jus directo præ se ferre, sed potius prorogatum partium utrimque consensu jurisdictionem sapere. Similem lite inter Venetos ac Patavinos ortam, & ad Narsetem delata, superius tractavi casum, quæque in considerationem venire possent adducique, fusè sum prosecutus, ea repetendi molestiam mihi benivolus lector abstulerit, si quæ ad illum locum dicta sunt habere dignetur perinde ac si denuo repetita forent, simulque etiam ad allegatum hoc §. ab Anonymo Berengarii fines inter Italicos Venetosque terminantis exemplum, applicare non gravetur.

Rex

§. 50.

Rex Hugo Vrsō Venetorum Duci vetera Libertatis beneficia confirmavit. Quid sit confirmare. Salva Libertate quis confirmationem ejus potest postulare. Male confirmationem ejusmodi cum legitimatione Anonymus componit. Italia Occidentis Imperatori Carolo pro ditione habita. Alia hic ratio fuit Venetorum. Nihil ipsis imperatum, quod subjectionem possit inferre. Quæ exemptionis, Libertatisque nonnullarum urbium origo. Earum cum Venetis comparatio instituta.

TAngit directo hic §. Venetorum Libertatem, adducunturque bini ex Sigonio textus: quorum priore *Rex Hugo Vrsō Duci Venetorum per legatos vetera Libertatis atque immunitatis beneficia sibi confirmare postulanti annuit.* Posteriore explicatur quomodo accipiendum sit, quod Libertatem Imperatores firmasse, aut civitates esse liberas voluisse dicantur, eo nimirum intellectu quo teste eodem Sigonio Imperator Otho, primus ejus nominis, Libertatem Civitatum in eo fere posuit, ut leges, consuetudines, jurisdictionem, magistratus, vectigalia sui ferme juris atque arbitrii haberent, ita tamen ut sacramentum regibus dicerent. His superaddit, si absolute liberi erant Veneti, confirmatione opus haud fuisse; eandem Privilegio probare qui velit, perinde agere ac si legitimationis rescripto vitium natalium tegat, ac tandem eo statu res Venetas ait esse impræsentiarum, ut non modo non sint Privilegium aliquod sibi postulaturi, sed & oblatum re-

pudiaturi, adeoque etiamnum injuriæ deputaturi, si quispiam simile quid eis offerre præsumeret.

De veritate allegationum non est sollicitè ut inquiramus, ea potissimum consideranda sunt quæ ex allegatis inferuntur. Vidimus confirmationis proprium quidem esse ut declaret, roboret, ratificet, novi vero quippiam ut ipsa introducat fieri haud posse, vidimus similiter, eo acceptam significatu Libertatem, pro ut eam fundamenti loco monuimus accipientem, Privilegio dari haud posse, cui consequens sit neque confirmari eam posse, idque propter, ea cuncta quæ de Libertatis confirmatione allegantur, non de ipsa Libertate, sed de Libertatis exercitio intelligi debere.

Ad hunc §. ingenue fateor, causam me non videre cur citra libertatis præjudicium is, qui in illius quasi possessione est (ut fuisse illis temporibus Venetos sat arguunt verba ista Sigonij *Vetera libertatū atque immunitatū beneficia*) cur inquam non possit liberum sibi libertatis exercitium ab alio depositum. Illud in jure certum, quemlibet possessionem recte petere ut sua sibi tenuta (frequens apud DD. hujus verbi est usus) firmetur, DD. comm. ad l. 1. *Cod. de Carb. Edict.* quæ confirmationis à possidente facta postulatio, tantum abest ut habenda sit pro superflua, ut quinimo ex adverso DD. loco citato, utilissimam esse dicant. Hoc enim pacto pravas aliorum spes coerceri, machinationes subleatas præveniri, turbationes tolli, plenaque possidentem securitate donari, utpote cui factum tectumque asservetur, manuque ut ajunt teneatur possidendi jus, uno omnes ore pronunciant. Nemo hic mihi ullam diversitatis rationem assignet. Dico porro manifeste errare adversarium qui probanda libertate confirmationis privilegijve allegationem legitimationum rescriptis æquat. Tollit quippe vitium natalium impetrata legitimitas: at vero nullæ ad tollendam aut constituendam libertatem.

bertatem vires privilegij insunt. Legitimationis rescriptum novum quid ponit, hominem nempe factum ex illegitimo legitimum. Confirmatio ex adverso, id duntaxat, quod jam per se subsistit, fortius reddit. Sine legitimatione sublatum esse haud queat ex natalibus vitium: Deficiente privilegio, ejusve confirmatione naturalis quæ velis faciendi facultas à suo subjecto haud divelletur. Plura etiamnum dissimilia sese offerant, verum in re clara prolixus haud ero, dicamque porro nullius esse valoris illationem adversarij, qua Venetos ait injuriæ potius quam beneficij loco habituros, si quis ipsis Privilegio ejusve confirmatione libertatem deferre præsumat; est enim illud omnino extrinsecum & ab accidenti proveniens. Sunt sua nascentibus imperijs incunabula, est in progressu adolescentiæ vigor, est exinde temporis decursu statum ac virile robur, nihil ubi cæpit consistit. Iniquus sit qui res hominum moribus actionibusque adtemperandas velit, ac non homines potius rebus temporibusque servire. Notum illud hæc ætas aliam vitam, alios mores requirit, nec non & alterum, pro ut res se dant magni atque humiles sumus. Sapientum est non uno semper ire gradu, via tamen una, quæ regia est virtutis, publicique boni.

Vt ergo & hæc missa faciamus, utpote quæ facti sunt (de facto autem respondere non est jurisconsulti) ac facti insuper conjecturalis, ejusque generis quod citra substantiæ aut veritatis immutationem, aliter quoque se habere possit; ajo, inique agere adversarium, qui Libertatem civitatis Venetæ iisdem cancellis, authoritate textus illius quem è Sigonio citat, circumscribendam velit, quibus cæterarum Italiæ urbium fuerit inclusa. Certum est Italiam Occidentis Imperatori Carolo habitam pro ditione, quæ in proprio ipsius patrimonio foret, qui eam Barbaris Longobardisque ereptam sibi servaverit, utque talem, instituta regnorum suorum inter

filios suos divisione, testamenti tabulis ad unum ex iis devolvi, voluisse. Venetorum à cæteris Italiæ urbibus diversam hac in re fuisse conditionem ostendimus, utpote quæ nunquam armis in potestatem redacta, sui juris usquedum remanserit, ac sic quoque nulli filiorum in partem hæreditatis assignari potuerit. Vnde etiam apparet non potuisse eam, simili cum cæteris modo à successoribus Caroli magni pro libera censi, frustra si-quidem sit qui alicui redditum dicat, quod ademtum nunquam fuit, datumve quod jam ante habebat omni jure, quodque in dantis manu nec erat, nec esse poterat. Cæterum noster adversarius si ordine eodem cum cæteris Italiæ urbibus habendos statuit, prober velim datam Venetis eodem quo cæteris modo, jure, lege, conditione, Libertatem, ostendatque eccui unquam imperantium in subjectionis notam speciale sacramentum dixerint. Id si præstat, quidvis mihi præstitisse videbitur. Ac quidem cum de libertate, immunitate atque exemptione nonnullarum urbium dicendum sit nobis, earumque cum Veneta libertate comparisonem instituere præsumat Anonimus, sciat candidus lector, primum omnium imperio diviso, Carolum magnum devictis à se provinciis, magistratus præposuisse Episcopos, ac Duceis, eisque adjunxisse comites, idque stipendiis assignatis proventibusque, ad tempus tantum, & ad constituentis arbitrium. Mox à Francis ad Germanos Imperio quoque translato, eos qui Caroli Magni successores exceperint Imperatores, ac Othones comprimis, labascentibus paulatim Imperij rebus, & in senium devexis, regalia quædam ac jura quædam superioritatis, communicare cœpisse, unde factum ut qui antea auspicijs, ductu, ac nomine Imperatorijs jus dixerant, in locis regionibusve sibi demandatis, in ipsdem deinceps locis speciali Sacramento fideque vasallitica Imperatoribus devinciri cœperint :

rint : Hinc ergo illa libertas exemptioque, nec non & Principum quamplurimorum territoriale jus, ex temporali factum perpetuum; quemadmodum & quæ titulo administrationis habuerant, hæreditaria facta sunt. Hoc cur ita sibi faciendum putarint Imperatores, causæ fuerunt prægnantes: Nimirum præpotentis populi vires semet ipsas conficiunt, ægreque admodum continetur, quod capi non potest; Videbant itaque illi sese rectius facturos, si administratoribus suis (quorum potentia, turbata nonnunquam Imperii res, impunitatis spes præsentissimum ad delicta incentivum, Imperatoris absentia, occupationes, remissio, ac quævis denique occasio, fidem suspectam reddere poterant) certas darent assignarentve provincias, urbibus item nonnullas prærogativas largirentur, atque hoc modo sibi devincirent, quam ut omnia retinendo semper de Imperii summa periclitarentur. Accedebat quod tam munificis concessionibus etiam devotiores sibi regni sui status Imperatores reddiderint, eo scilicet modo, quo Patavinus scriptor ait, quod fides habita ipsam obliget fidem. Fieri porro non poterat ut turbatis rebus, aut externis hostibus ingruentibus, majore cura fideque sua defensuri haud essent, quam aliena; Vnde, neque immerito prudentes rerum æstimatores, totum Imperii robur istis concessionibus specialique fidei Sacramento deferunt. Ac denique ut est Imperantium majestas, Imperii & salus, & tutela, ipsaque Majestas nihil aliud est, quam Venerabilis amplitudo admirationis prætexta velata, factum inde ut non mediocriter augeri cæperit Majestas Imperatoria, tanto magis in excelso posita, quanto dignioribus inque eminentiori gradu constitutis ipsa præesset. Quæ aut singula ad Libertatem Venetam aut universa nemo applicaverit, neque enim aut urbs ipsa quo cæteræ liberæ Imperij civitates Libertatis exercitio fruitur. Ipsa Libertas ab Imperatorio be-

neficio non habet exordium, ut nec ducum autoritas, qui nec Sacramenti fideiue vinculo innexi fuere, nunquam ad tempus aut arbitrium imperantis constituti, nunquam postea hæreditariam transnūmere ac nec hodieque transmittunt dignitatem suam. Sunt ergo illationes adversarij ut videmus petitz à rebus longe separatissimis, unde cum solidi nihil deduci queat, causa non est cur nobis ea longiore confutatione digna videri debeat.

§ 52.

Male Anonymus secularia Ecclesiasticis confundit. Locutus Sigonij de Gradenſi Ecclesia excussus.

A Liquid in speciem pro Imperij jure, quod in Venetos Imperatoribus competere poterat, hic habere sibi § videri posset, si quem citat locum, ingenua fide cum ac non mutilum potius allegaret Anonymus, ait ille ex Sigonio Venetorum Legatis ita postulantibus nonnulla, quæ Gradenſem Ecclesiam concernerent fuisse sancita, Osbo vero (verba sunt Sigonii) potestatem exercendi juru. quod Romana haberet Ecclesia dedit, id est ut omnes servos, colonos, advenas ceterosque qui in agris suis versarentur coercere atque judicare possent, multasque ipsæ Venetiæ Ecclesiæ immunitates dedit.

Non geminabo hic quæ de Immunitatum concessione, ejusque effectu à me sunt dicta, nec iis aliquid adjungam, satis ni fallor superque demonstratum, istiusmodi immunitatibus largiendis, neque meliorem suam conditionem facere eum, qui illas largiatur, neque deteriore recipientium fieri. Cæterum perverse Anonymus agit, qui sæcularia Ecclesiasticis confundat, quique ea, quæ totum Venetæ regionis tractum

tractum tangunt, perinde haberi cupit, ac si Venetorum urbem duntaxat concernerent. Quid actum sancitumque sit attendere si lubet Sigonium audiamus. *Aderant Joannes Contarenus & Ioannes Denerus Venetorum Legati, eis petentibus decrevit Conventus Gradensem Ecclesiam totius Venetiæ Metropolim esse, Otho vero, &c.* Videt Lector, verba illa totius Venetiæ ad unam Venetorum urbem restringi non posse, videt in illo Episcoporum Principumque conventu, nihil à legatis actum, quod ad Imperii aut Libertatis jura ullatenus attineret, verum ut Ecclesiis tractus Veneti, aliisque vicinis, inter se dissidentibus, minusque convenientibus ecquænam Metropolitana dicenda esset, totius conventus decreto jus Gradensis Ecclesiæ, utpote quæ Patriarcharum sedes continuo fuerat, confirmaretur; quod & factum, decretumque eam esse totius Venetiæ Metropolim. Hoc ipsum porro decretum cum totum occupetur in ordinatione jurisdictionis circa spiritualia, nemo non videt, à disquisitione nostra alienum prorsus esse. De facto Othonis jam non dicam, quæcumque enim ille concessit beneficio deputanda sunt, nullumque superioritatis argumentum in se complectuntur. Voluit ille honori Metropolitanæ Ecclesiæ id delatum, ut pati cum Romana gauderet jure, in servos, colonos, advenas, cæterosque, qui in finibus suis versarentur.

Consulto prætermitto, quod ait ille, olim in Repub. Ecclesiam fuisse, neque enim nobis de hujus aut illius jure quæstio est, sufficit quæcumque ab Imperatore donata fuerunt, atque concessa, quatenus ea beneficii limites transcendunt, potestatemve conferunt, ulterius cum parendi necessitate nullum obligationis vinculum inducere, quam eorum respectu, quorum ipse Imperator pleno imperandi jure rector erat aut dominus.

S. 53. 54. 55.

Male Anonymus ex eo, quod Veneti ob Vitalem Candiani Ducis filium interfectum, apud Imperatorem rei fuerint, Iurisdictionem Imperatoris in eos adstruere conatur. Fœderati Imperatoris Veneti. Fœdus quid sit. Fœderum diversitas. Fœderis causa uniuscujusque utilitas. Fœdera aut inter pares, aut inter impares intercedunt. Non se Veneti Imperatori deditere. Fœdus eorum cum Imperatore non est subjectionis argumentum.

Nihil hîc §§, præter seriem annorum de suo Adversarius adducit, expressoque duntaxat, quotus ejus nominis Imperator fuerit, subcujus imperio quæ recenset obtigerint, nuda Sigonij verba profert: sunt autem hæc.

Anno 976. Vitalis Patriarcha ad Othonem (secundum denotat) profectus Venetos de eade patris sui perpetrata accusavit, & Valdrada ipsius Dux uxore, quæ Sigeberti Marchionis filia erat, eadem ad Adeleidem Augustam Placentiam progressâ exposulavit. Dux nuntio Placentiam missô, mulierem placavit.

Anno 978. Vitalis Patriarcha qui Verone exul agebat, domum repetijt, ac jussu ducis in Germaniam profectus, Othonem Venetis propter necem patris offensum reconciliavit.

Anno 980. Otho Imperator cum fœdus Venetum rescindere vellet, tamen à Legatis Ducis rogatus, abstinuit.

E quibus Sigonij locis argumentum quidem nullum format, est tamen illius in aperto mens, intentioque minime obscura, nimirum cum ex illis appareat rēos apud Imperatorem Venetos, à Vitale Candiani Ducis filio, quem conjura-

juratione facta interfecerant, fuisse peractos; pro more suo Iurisdictionem Imperatoris imperiumque in illos adstruere nititur. Sed male, quandomot ipse ex allegato Sigonij textu fateri compellitur, foedere Imperatori junctos fuisse. Respondet enim pro Venetis ipsum foederis nomen, quod à fide derivari nemo ambigat, fides vero in foederibus ut in omni vita, si Ciceronem audimus, dictorum factorumque constantia est, & veritas, cui sane fidei, constantiae, veritatisque quid cum subjectione commune sit, quidve subjectioni magis quam libertati conveniens, non video. Quin, imo, si verum amamus, ipsamque foederis intuemur naturam, non potest ei quippiam esse commune cum subjectione. Passim notavimus, nihil esse quod summo imperio par reperiatur, nedum prius: Ipsum autem foedus, Grotio definiente, multorum summo imperio intentum pactio est, aut ut latius IC^{tus}. Vestfalus, Pactum est publicum inter Reges, Principes aut civitates liberas de mutuis auxilijs, aut alia quapiam re sibi praestanda, solemniter conventum. Publica vero scimus, alia haud dici in hac materia, quam quae supremi Magistratus jure fiunt. Secundum eundem proprie dictum foedus est, quo diversi Principes sese mutuo solemniter obligant, ad amicitiam colendam, fidem praestandam, auxilia mutua habenda, & hostes communes habendos. Non diffiteor aliam atque aliam pro rerum occasionumque diversitate foedera ineundi rationem observari solere, ipsamque etiam deditiorem nonnunquam ad foederis naturam apud Romanos spectasse. Non me fugiunt quae de foederum inaequalitate subinde apud auctores occurrunt, sed & hoc certum, atque inconcussum est, aequalitatem esse à natura, ac non probata inaequalitate. Sententiam ferre nos debere, pro eo quod est aequale. Hic nobis facti quaestio si sit, si praetermissis omnibus in una Venetorum Republica ejusque

eiusque libertate pedem defigimus, libere dico, à nemine mortalium probatum iri, si quæ cum Imperatoribus sanxit foedera, eo inæqualitatis illa gradu fuisse, ut ex illis ullam omnino libertatis, id est summi in se suosque imperij, imminutionem colligere detur aut inferre. Imo, si facti quod est, juri lubet conjungere, ac quatenus ex facto jus oritur, quæque tenus quæ moribus utentium recepta, peræque observantur, non postremas juris parteis sibi vindicant, materiam foederum penitus introspicere fert animus, pari quæ semper fiducia dicam, non alia occasione quædam miserabilia atque inæqualia foedera dici cœpisse, quam, quod ex æquo, primis mortalium, sese illorum cum necessitate commendavit utilitas. Allatæ modo definitioni inhæreamus, nemo cui læva mens non est, auxilia petat sibi nocitura, nemo in hostem moveat si non & suatim interesse putaverit, tutius ei sociatis occurri viribus, quam à solo timeri semper, expectarique; ut nihil dicam de contrahenda conservandaque amicitia, quam non ij modo quibus anima profale data est, verum & maximi quique, utilitate metiuntur. Foederum vero, pactionum, sponsonum conventionumque quarumlibet si naturam attendimus, non aliud potentius ad ea ineunda contrahendaque est incentivum, quam sua cuique utilitas. Ipsa vero utilitas hic (ne quis ulterius proroget velim) *iusti prope mater & aqua*. Ast vero quid utilitati cum summo imperio? Vtrumque in se si spectamus? quidve causæ subsit, cur non aliam sancienti foederis causam imaginari nobis velimus, quam quæ Libertati sit damnosa atque exitialis? Quæcumque unquam firmata fuere foedera aut inter pareis aut inter impares firmata sunt.

Pares habentur dictante Curtio qui non fecerunt inter se periculum virium, quive facto virium periculo, pacis interesse sapienter existimant foelicem statum non concutere,

terè, ac proinde tuta malunt ac præsentia quam vetera & periculosa. Dispare, qui sive bello victi, sive pro temporum conditione fracti viribus, interioresque, facta in perpetuam deditione, victori cedunt, aut quam in præsens tueri Libertatem haud potuere, conditionibus etiamnum iniquissimis in futurum sibi asserunt. Prioris generis sint rebus integris Schytæ, quorum hæc apud Alexandrum vox. *Firma est inter pares amicitia & videntur pares qui non fecerunt inter se periculum virium.* Item *Vtique tuo Imperio finitimos hostes an amicos velis esse considera.* Exules item Trojani de quibus Poëta,

*Non mihi jam Teucris Italos parere jubebo,
Nec mihi regna peto, paribus modo legibus ambas
Inviçtas gentis aterna in fœdera mittam.*

Nempe quadret in illos Plinianum illud. *Inductas quidem nisi æquis conditionibus non inibant, legesque ut acciperent dabant.* Rebus nutantibus dubiisque istiusmodi nobis Syllam Paterculus describens, dicit *tentavisse eum justis legibus ac æquis conditionibus pacem componere, sed in quibus & pessima & immodica cupiditas erat, pacem placere haud potuisse.* Rebus etiam propalam adversis æquat se Alexandro Darius, magno jam tum victus prælio, de quo sic Curtius: *Postulabat autem magis quam petebat ut accepta pecunia quantamcumque Macedonia caperet matrem sibi ac conjugem liberosque restitueret. De regno æquo si vellet Marte contenderet, si saniora consilia tandem pati posset, contentum patrio, excederet alieni Imperii finibus, socius amicusque esset, in ea silem & dare paratum & accipere.* Talem similiter apud Plutarchum sese fert Eumenes, apud Lucanum Pompejus, ac cuncti passim anguium in morem, capite obtrito, cauda ad extremum minitabundi. Alterius classis sint illi mitius sicubi agitur, qui honoris dignitatisque

prærogativam superiori non modo concedunt ; quod est maiestatem alterius comiter habentium ; salvaque libertate fieri posse notavimus ; verum quoque omnem de bello ac pace cognitionem, ut de Latinis Romanorum socijs memoriæ proditum , omnemque victoriarum fructum , victori relinquunt: Item qui durius atque inclementius habentur, aut agri parte mulctantur, aut obsides dare, naves reddere, inuorum partem deruere aut similia quæ sunt præstare iubentur. Ea enim ut ut ad tempus dura sunt, & affinia servituti, illud tamen haud effecerint ut ne istiusmodi Legibus adstricti liberi sint ac legibus suis, juribus, iudicijs, vœtigalibusque consuetis, utantur fruantur. Ubi vero ad extrema devenitur, nec ullus æqualitati locus relinquitur, non alia rerum facies est, quam apud Appianum in Alexandrina deditio. *Omnis multitudo Oppidanorum armis projectâ, munitionibusque suis relictâ, veste ea sumpta, qua supplices dominantes deprecari consueverant, sacrisque omnibus prolatâ, quorum Religione placuit offensos iratosque Regum animos erant solti, advenienti Cæsari occurrerunt, seque ei dederunt.* In hac tanta fœderum fœderatorumque disparitate, ad libertatem, quatenus fœdere dari, conservari, adimive potest, ut revertar, quantum reor nemo tam abjectus est, ex-perisque cordati spiritus, ut quotiescumque revolvit horrendum deditiois carmen, *Deditisne vos populumque, urbem, agros, aquam, terminos, delubra, utensilia, divina, humanaque omnia, in meam populique Rom. ditionem,* ut est apud Livium. non & ipse totus exhorreat. Hanc tamen ipsam conditionem utilitas, si-ve vera si-ve præsumpta (omnes enim cum Philosopho bonum appetimus) subinde expetendam fecit subeundamque : ast quibus ? illisne vero quibus hoc menti statet immotum,

Posse mori fors prima viris, fors ultima cogi!

Minime vero. Nempe Campani fuere, quos cum multotiens

à Sa-

à Samnitibus Romanorum socijs essent victi, auxiliaque Romanorum incassum implorassent multotiens, in hæc verba tandem erupisse idem testatur author. *Quandoquidem nostra queri adversus vim atque injuriam non vultis, vestra certe defendetis, itaque populum Campanum, urbemque Capuam, agros, delubra, Deum, divina humanaque omnia in vestram Patres conscripti Populi-que Romani deditiorem dedimus, quidquid deinde passuri dedituri vestri passuri.* Absit, absit, ut in indomitam malculamque Venetorum virtutem unquam descendere potuisse credamus, ut libertatem suam captiosis foederum legibus, aliquali utilitatis umbra se offerente, sublatam voluerint. Ac de Venetis ut taceam, hoc rerum humanarum fluxu refluxuque, cum quod apud Poëtam est

— *sua cuique Deus sit dira libido,*

cumque & quod de prælijs usurpatum, de foederibus dicere liceat

— *Quemque sua rapiant in fœdera cause,*

non alia de causa factum reor, cur tam curate Scriptores inter ipsa fœdera, æqualia nempe & inæqualia distinxerint. Illud certum quotiescumque fœderis alicubi mentionem injici contingit nec ullum discrimen adjicitur, de æquo fœdere intelligi. Quod ipsum ut insigni exemplo fiat manifestius, non uno apud Polybium loco videre est, pro solempni formula in æquali fœdere hæc fuisse posita verba *φιλίας ει-
ραι*, cum tamen in inæquali, aliud Populo Romano receptum foret. Livio si credimus mos Romanis vetustus fuit, ut cum quo nec fœdere, nec æquis legibus jungerentur, amicitia non prius in eum, tanquam pacatum Imperio uterentur, quam omnia divina humanaque dedidissent, obsides

accepti, arma adempta, præsidia urbibus imposita forent. Atque ut aliquando tandem è diverticulo in viam revertar, firmiter statuo, cum non appareat unquam ab Imperatoribus bello petitos Venetos, nedum superatos, cumque appareat ex adverso eos nullo impellente, suaque sponte, multis officijs Imperatoreis juvasse, ac tandem quoque Imperatoribus fuisse foederatos, citra injuriam fieri non posse, ut quis istiusmodi Venetorum cum Imperatoribus foedus in subjectionis argumentum distorqueat, præsertim cum docere nequeat, actum id disertim foedus ineuntibus, ut summi imperij jus uni ademptum, conferretur in alterum. Non est ut foedus per se Iurisdictionem tribuat. Quumque foedus quædam sit pactio, qui suam ex tali pacto juris dicundi facultatem deducit, nã & ille fateatur necesse est, illam sibi ante ea tempora jure suo neutiquam competiisse. Estque ex jam dictis ni fallor parata responsio ad ea, quæ Anonymus allegatis à se locis probari posse existimat, utpote quæ talia sunt, quæ sublato jurisdictionis fundamento, per se corruant. Neque enim id Venetorum libertatem convellit, quod apud Imperatorem reos illos peregrisse dicatur Vitalis antistes, eundemque exinde ad ducale fastigium subvectus quod idem placaverit Vitalis, quæque plura de Valdradæ, quæ Ducis uxor fuisse perhibetur, apud Augustam expostulatione mihi narrantur. Exilio nimirum id temporis patriam ipse mutaverat, extorris dum agit, dum læsum delect, (neque enim suæ cuiquam injuriæ parvæ videntur) novum haud fuit, siquidem apud extraneos præsidium querendum putaverit cum sibi domi sciret nihil superesse. Illud vero inauditum foret, eos qui liberi sint, qui *αὐτῶνομοι* qui *αὐτῶδικοι*, qui *αὐτῶπλῆς* sola exulis querelâ, delatâ ad eum, qui in illos nullum imperandi jus habebat, ejus conditionis factos, quem vel in belluis, vel in inanimatis rebus naturæ primæva

primæva abhorreat intentio. Dicat fortasse quispiam si Veneti ad Imperium haud attinebant, Imperatori si subditi non erant, cur tam sollicitè placandum illum curant? Dicam, fœderati erant, ac sic amici, sciebant ignem gladio fodiendum haud esse, neque cum prono eos affectu prosequeretur, cur minus æquum sibi vellent, alienumve à sua Repub. Imperatoris animum, causa suberat. Præclare Crispus, *non exercitus neque thesauri præsidia regni sunt, verum amici, quos neque armis cogere neque auro parare queas, officio & fide paxantur.* Ut ut est, inde si qua subjectionis oboriri suspicio queat, eadem ratione suspicari liceat fœminæ Venetorum ducem fuisse obnoxium: ut enim habet citatus ab Anonymo textus, Dux nuntio Placentiam missò mulierem placavit, id vero tam ridiculum fuerit ut vel ipsi Crassò, qui ἀγίλας suis dictus fuit cachinum extorqueat.

§. 56.

Fragmentum diplomatis ab Imperatore Othone Venetis indulti. Quousque verba ejus extendi debeant. Nihil demit Venetæ Libertati. Pontificem Veneti in temporalibus Dominum non agnoscunt. Fodrum quid sit.

R. Ecenset hoc § author Scrutinii fragmentum ex diplomate quodam Othonis, qui ejus nominis tertius fuit, aitque concessum ab Imperatore inter cætera, quæ Venetos tangant, Gradensi Ecclesiæ fuisse, ut nullus Princeps aliquem Venetorum coercere aut fodrum exigere, aut banno mulctare posset, Lauretum, quousque falsa pertineret, in eorum potestate maneret.

Non repetam, quæ superioribus pertexui de Privilegio-

rum

rum concessionibus, neque enim reor inventum iri quempiam, si modo illa legere dignatus sit, qui credat omnino aliquod quo quidem subjectionem probari contingat argumentum, inde recte desumi, nedum valide, aut necessario. Supervacuâ jam ante dictorum commemoratione frustra Lectorem morer, eadem ipsa pro repetitis habere contentus, paucis ad allatum è præfato diplomate textum, illud dicam, perperam ab adversario truncatum mutilumque locum obtrudi. Ita Sigonius. *Legitur diploma Adeleidis Augustæ aviæ rogatu concessum xiv kal. Augusti indictione v. anno dcccc xcii Ottonis regnantis anno datum, Ne in riparum legibus & transitibus aliquid novi statueretur: ut servi capti redderentur, ut bona Ecclesiæ Grædensis atque aliarum itemque monasteriorum posita in regno atque illis in urbibus, castris, montibus, campis, nemoribus, aquis, aquarum ductibus, molendinis, piscationibus, & Venationibus à Venetis ante triginta annos possessa quiete tenerent, & amissa recuperarent, ut nullus Princeps aliquem Venetorum coercere, aut fodrum exigere, aut banno mulctare posset, Lauretum quousque salsa permaneret in eorum potestate esset.* Hactenus ille hist. de regno Ital. lib. 7. statim à principio. Quis vero non videt, sive Imperatoris ista sanctio fuerit, sive dispositio, sive privilegium, aut quidvis denique, ultra regni fineis, ea quæ inibi recensentur sese haud exporrigere, quin potius iis attineri circumscripta? Verba ista diplomatæ posita in regno quæ dicimus ita firman, ut nec dubitationi aut ulli in contrarium argumento aut locus supersit, aut occasio. Totum ergo illud cum intra limitantium verborum coerceatur effectum, causa non est cur longius extendi oportere quispiam putet; Atque hinc dubium haud esse potest, quin ea, quæ adversarius adfert, nempe interdictam Principibus Venetorum coercionem, exactionem fodri, mulctationemque banni, ejus sint effectus, ut negativis actibus accenseri debeant, quatenus nimirum potestatem istam prin-

principibus Imperator demit, Venetorum intuitu, qui ante concessum ab Imperatore diploma, pro delictis extra ditio- nem suam, ac sic in regno commissis perpetratisque, idque vi illius Iurisdictionis, quæ Principibus competeret, sorti subijci poterant; quatenus & posset ab ipsis pro re natâ fo- drum exigi, aut forte quoque consueverat. Clarius etiam fit ex jam dictis, nihil in Venetos extra regni terminos con- ferri, ita ut eo nomine, quod proprie Libertatem Veneto- rum concernat, nihil adduci queat; Potuit sibi leges Impe- rator dicere, potuit principibus ejus imperio subditis, potuit etiam istiusmodi legum eavis fuisse, ut liberum ei haud es- set ab illis, ex quo quæsitum jus earum beneficio Venetis fuit, in præjudicium Venetorum recedere, cum vero quam nulli, nisi jam Deo debent, aut dare, aut adimere Liber- tatem minime potuit. Equidem si è negativis istiusmodi actibus subjectio infertur, largiar Anonymo, non Impera- tori modo sed & Pontifici (de temporalibus loquor) subdi- tos fuisse Venetos. Si quid enim Sabellico credimus Cle- mens V. qui Venetos ob occupatam Ferrariam anathemate percusserat, reconciliatus iisdem opera Francisci Danduli Legati, interdicto sublato mandasse etiam dicitur, ne hoc aliove nomine, Veneti postea à Romanis Pontificibus tam lethifero spiculo peterentur, & id quoque scripto constare voluit. Sabel. l. 1. Decad. 2.

Ast vero, novit mecum totus terrarum orbis, testanturque imo & clamant, innumera scriptorum monumenta, quam non agnoverit unquam in temporalibus ac nec etiam- num agnoscat ullum supra sese Pontificis Imperium Venc- torum Respub. Verbo dicam, actus istiusmodi si defician- tur Iuris dicundi potestate, evanidi sunt ac nulli; sin ea mu- niti sint auctores suos tenent. Coerceri bannove mulctari possunt subditi, sed non soli. id ipsum quam in fæderatos

M m

cadat

cadat non uno loco ostensum est autoritate ICⁱⁱ. Proculi. Fodri exactio, utique coëctioe ac banno minor, neque enim aliud fodrum quam equestre pabulum (nobis *voeder*) Apud Ligurnium commentatorem,

Id quoque quod fodrum vulgari nomine dicunt,

videas accipi, pro rebus ad victum Imperatorii exercitus necessariis. Non negabo, iis qui ad C. I. *quas sint regalia* commentati sunt & inter ceteros Hotomanno, Carondæ, Cujacioque pro extraordinaria ad expeditionem Imperatoris collatione fodrum capi, verum siquidem ipsius verbi naturam atque energiam attendimus minus recte.

I. §7.

Nihil adversus Venetos agit Anonymus, dum eos portus, mercatusque Privilegium Imperatori acceptum ferre tradit. Venetis, ob præclara eorum merita, concessum, ut in omnibus Hierosolymitani regni, Antiochenique Principatus urbibus privum forum, aliaque eo spectantia haberent. Privilegii Othonani mens non alia, quam ut in terris Imperii commercia sua libere quaqua versus exerceant.

PORTUS ait mercatique privilegium, Sabellico qui id ipsum vel geminato repetit authore, Enn. 9. l. 1. decad. 1. Lib. 4. Venetos eidem Imperatori (Othoni nimirum 111.) acceptum ferre.

Idem, ut videmus, quod præcedenti §, agit adversarius, nec aliud ex eo cujushic meminit, exemplo inferri potest, quam

quam quod ex altero illo probare tentatum est ipsi. Ego similiter nihil regeram nisi, respondisse me jam ante ad illius formæ allegata, & demonstrasse nihil ea concludere, atque exemplis insuper rationes quas suo loco adduxi firmasse. Quam mox absurdi notam frivolis adversarij illationibus imposui, allato ad id exemplo Clementis quinti, eandem nunc quoque quandoquidem ipse exemplum & cum exemplo argumentum geminat iterare lubet. Non dissimile est quod apud eundem Sabellicum Blondumque, quem prius nominasse oportuerat, non modo ut scriptorem tempore priorem, sed & ut oculatum testem eorum, quæ adducam, ac Æmylium, reperitur nempe cum Veneti Hierosolymitana expeditione præclaram Reipub. Christianæ operam navassent, & jam Tyrus obsidenda esset, quamvis Balduino Hierosolymorum rege à Turcis capto, sub primam obsidionem in has à Warmundo Hierosolymitano antistite cum Venetis conditiones fuisse ventum, ut quæcumque à Balduino rege in Syria fuerant Venetis priore bello concessa, eis rata manerent. Pacta hic quispiam mihi nominat aut conventa? Blondus *privilegium* vocat, aitque vidisse se in privilegij formula notatum fuisse, ut in omnibus Hierosolymitani regni Antiochenique Principatus urbibus, privam aream, privum vicum, privumque forum Veneti haberent, neque quidem ea tantum, sed & alia quædam non pauca ad usum vitæ necessaria: negotia adhæc, quæ Veneti in Africa facerent, ab omnibus essent vectigalibus immunia. Si quis Venetus naufragium fecisset, aut intestatus diem in iis locis obiisset, illius bona Veneti magistratus erant, cui quotannis regius quæstor ex Hierosolymitano nummos aureos trecentos numeraret; subjungit Balduinum postliminio reversum rata omnino esse voluisse; additque Æmyl. lib. 5. additum his in tertia parte Tyri & Ascalonis ubi primum eorum

tum ope recepta esset potirentur eo jure, quo qui optimo. Nulli dubium est, nunquam (unam belli societatem & ex ea exsurgentem auctoritatem demo) Balduinum Venetos sibi haud habuisse subditos: Dominum utique non magis, quam nullus ambigit eundem Balduinum, qui armis suum fecerat Hye. o. solomitanum regnum æque bono, si non potiore jure, Privilegia largiri potuisse, quam ea in Imperii terris Imperator concedat. Atqui tamen ampla, magnifica, augusta ab eo Privilegia ut retulerint videmus. Ineptus vero sit insulsusque, non alia de causa Venetos Libertate sua privatos qui velit, eique cui modo in bellica societate partes obveniant primæ, nec præter illud eminentis in ipsos Domini jus aliquod habebat, obnoxios. Privilegia vero si quis fuisse neget, velim probe ille mihi eosdem authores, quos pro se Anonymus adfert, alio sensu usos Privilegii verbo. Fœderi porro quæ recensuimus Privilegia non deberi, si quis urgeat, equidem cum ex proxime præcedentibus fœderatos inter se Imperatorem Venetosque videamus; hic si negare ei lubet, idem nobis debere credi in casu non dissimili, privilegiaque non aliunde quam à pleno, atque Imperij jure arcessenda statuatur, non jam præsumptione modo contra se, sed & insuper onere probandi gravabitur. Quæ ex Æmylio adducuntur, privilegiis nemo quidem accenscat, utpote quæ revera haberi debeant pro lege, quæ societati dicta sit. Verum quoque, ruentibus Imperij rebus tantisque Barbarorum illuvionibus obnoxia Italia, non omnino dissimilem fuisse Venetorum eorumque belli ducum, quos adversum Barbaros Imp. ablegabant inter se conditionem, ab illa, quæ tum temporis inter Balduinum ac Venetos extitisse potuit, ex iis quæ ad priores hujus capituli Paragraphos à me adducta sunt, desumi potest. Procopius saltim, quotienscumque eorum, quæ inter Narsetem, Ioannem, Belisarium,

rium, ab una, Venetosque ab altera parte pacta fuere recordatur fœderum, non alio quam *Συμμαχίας* utitur vocabulo : sed non est opus collatione scrupulosa, longeve petita lectionemoremur, in re clara ac satis superque ut arbitror à nobis suo loco discussa. Unum duntaxat omittendum non est, ad hoc ipsum quod adversarius pro se adducit Othonis Privilegium; non aliter illud accipi intelligi posse, reiverrate inspecta, quam ut effectum sortiatur, non quidem in urbe ipsa Veneta (neque enim inter eam mercandi jus Imperatorio beneficio ut impetrarent opus omnino, ut nec licentia indigebant ut in portus sese suos ac sic in domos suas stationesque reciperent) sed extra eam, nimirum in terris Imperii, ac sic quidem ut Imperator ipsis indulserit Venetis, portus suæ ditionis subire libere, absque onere aut impedimento, atque similiter commercia sua quaquaversum exercere, tali mercati (ita Sabellicus vocat) aut mercandi jure, quod cæteroquin forensi citra specialis indulti beneficium minime competere poterat. Ergo ut quod res est proferam, quoad illa beneficia subditis suis, Venetos, quoties aut portus subire, aut Vrbeis Imperij mercandi gratia frequentare volebant, æquavit Imperator, si non prætulit, novi vero juris nihil adjecit.

§ 58. § 9.

Male Anonymus, ex eo quod Veneti Othonis Privilegio ab onere Pallij Aurei quotannis Imperatori offerendi liberati sunt, eorum Libertatem infringere conatus est. Pallium hoc in obsequij testimonium oblatum nemo tradit. Origo ejus rei in dubium vocatur. Munificentia

Mm 3

ficentia Venetorum, non subjectionis argumentum. Munera aliquando aliis offeri solent ne injuria aliqua aut vis inferatur. Ex fœdere oblatum Imperatori à Venetis Pallium. Conventio longe distat à jurisdictione. Doglio ab Anonymi calumnia defenditur.

Venetos ait insigni ab Othone donatos immunitate, quippe qui illos aureum quotannis pallium Imperatori dependere solitos, eo liberarit onere. Fateri id ipsum Sabellicum, cujus hæc verba: *Aureum pannum, qui ex publico fœdere Cæsaribus annuū debebatur, in perpetuum Veneto nomini remisit.* Aitque Marefcotto suspectam hic esse fidem Sabellici, eique vero videri similis, Venetos occasione senescentis Imperij paulatimque fatiscantis captatā, cum viderent, quam impune per Italiam Imperatorum contemneretur majestas, ab annua istiusmodi præstatione cessasse: sed tamen noster ubi nullo commentario suffultus, suum nobis obtrusit commentum, nimirum credere sese ejus præstationis originem ad Carolina tempora referri debere, Doglionem ridet, cujus hæc sit opinio, gestamen togæ auræ solis in venerationis insigne Cæsaribus usitatum fuisse, illud ipsum postmodum à Cæsare Venetorum Duci fuisse communicatum, ac per consequens imperatorio beneficio concessum, simili sese vestimento ut induere liceret.

Vis argumenti in eo sita est, quod cum privatio habitum præsupponat, negari nequeat, quin immunitate atque exemptione ab onere præstandi positā, ipsum quoque onus præstandi positum sit, sunt enim relata inter se dominus & subditus, unoque relatorum posito, ponitur & alterum juxta vulgatum logicorum axiomā. Cum vero subditorum sit istiusmodi præstare ac dependere in argumentum conditionis

tionis suæ, neque aliunde liberari possint, quam ab eo, penes quem eximendi jus est, cum scilicet, qui summo imperandi jure præditus est, aperte confiteri, Dominum Venetorum Cæsarem fuisse, qui eos liberaverit; subditos Cæsaris ex adverso fuisse Venetos, qui illius beneficio immunitatem (quam per legitimos tramites aliàs habere non poterant) sint consequuti.

Mihi hoc loco de rei gestæ veritate multis inquirere propositum non est, neque id ulli bono foret, cum jam nunc haud dubie moti autoritate Sabellici qui cum secuti sunt Scriptores, id ipsum pro vero memoriæ mandarint, quamquam neque ego quoque velim quispiam existimet, perinde ac si à rationibus destitutus essem, in negativa me acquiescere velle. Illud in antecessum dixisse fraudi nè sit, tanta in scribentium turba, neminem repertum qui pallium illud aureum dependens fuisse commemoraret in observantiæ alicujus, venerationis, obsequijque, (horre enim ad servitij vel solum nomen calamus) argumentum. Plane si quis id scripsisset, non fugisset utique oculos adversarij, quos ubi in Venetps quid dici potest adferri, ipsum superare Lynceum, ac nisi ad unum veritatis lumen cæcutire videas. Et quandoquidem ipse ad Carolina tempora referendam putat originem anstæ illius, de qua nunc sermo nobis est, præstationis, mirabitur mecum benignus Lector, præteriri hæc premique ab ijs, qui res à Carolo gestas scriplere, scripsere autem ut scimus, & ex superioribus vidimus non pauci, ipsi Carolo coætanei, domestici etiam illius, ministrique, imo & affines ut in Eginarto, cui filiam suam Carolus in matrimonio collocarat, notatum nobis. Quis hic non dicat quod non narratur cum maxime narrari attineat, id nec factum esse censeri debere? Verum ut dixi non committam ut argumento ab auctoritate inniti credar, nedum ut illius.

illius præsidio facti negativam coner adstruere. Ab hac parte quemadmodum rem ita sese habere dari queat, sic ab altera quoque Scriptores illam silentio citra præjudicium veri potuere transmittere. Quamquam credo haud facile repertum iri quempiam (ut ut ego hic quam minimum mihi licere aut largiri velim) cui tam altum tamque constans omnium omnino silentium verosimile fiat. Aut enim rem ipsam procul omni affectu recte quo ponderemus, quotannis tale pallium dependere qui debuerint soli fuere Veneti, aut una cum Venetis eodem nexu tota Italia attinebatur impetrata: ut solos dicamus nulla ratio est, neque enim causa assignari queat, quæ eos ut tale quid, præcipue in ullam subjectionis, quod adversarius velit, notam, factum vellent impelleret. Nimirum jam nunc foedere inter utrumque Augustum libertati Venetæ abunde prospectum erat. Ut cum cæteris Italiæ populis ac sic junctim præstitisse dicamus, minus etiamnum causæ subfit, neque enim eadem Venetorum id temporis erat ratio, quæ cæterorum, ac neque eadem, quæ reliquis conditio aut par necessitas. Suum sibi Patrimonium Cæsar totam fecerit Italiam, belli jure an deditione quærere non attinet, dum non & Venetos, quos liberos esse nos tuemur. Dicam cum Philosopho maximam hanc esse inæqualitatem, æqualia si quis inæqualibus velit attributa. Coactione, ac sic quoque parendi necessitate remota, ipsa nos æquitas ac naturæ ratio ad æqualitatem manu ducit. Atque ut revera subditi qui sunt, ijs quæ ut subditi dependunt dominis suis munerum nomen perperam accommodent (hoc enim est, quod Salvianus Massiliensium Episcopus ait lib. 6. *Insuper etiam, inquit, ridiculos facimus, qui aurum quod pendimus munera vocamus, dicimus donum esse, quod pretium est, & quidem conditionis durissime ac miserrime*) ita & iniquus sit, qui liberi populi munificentiam, non secus ac si servitij tessera foret exagitan-

exagitandam sumat, ac debiti nomen traducat. Æqualitatem hic si respicimus, nihil adeo frequens inter amicos Reges, resque pub. liberas, quam ut muneribus datis infuturæ testentur amicitiae fidem.

Ac non inter amicos modo, sed & qui amici fieri desiderant, aditum muneribus sibi parant, quive inimicitiam deprecantur, sitque id omne citra Libertatis dispendium. Exemplo sint ea, quæ apud Virgilium Ilioneus Didoni offert, Diomedes Venulus, ac omnium appositissimè missi ab Ænea Oratores ad Latinum regem inter quos etsi jam nunc utrumque esset antestatum nihil aliud agi, quam gentes utraque in æterna foedera, paribus legibus ut coalescerent, suum tamen muneribus locum Poëta facit, dum sic loquentes introducit,

*Dat tamen interea fortune parva prioris
Munera, reliquias Troja exardente receptas;*

ac respondentem Latinum,

*Munera nec sperno, non vobis rege Latino
Divitis uber agri Trojæve opulentia deerit.*

Quæque sequuntur. Hic vero si Anonymus insurgat, dicatque quæ de annua præstatione dicuntur muneribus applicari non posse, etsi in se id verum non sit, Libertate quam vindicamus positâ, atque æqualitate assertâ, quo tamen & in annuæ præstationis terminis discursus nostri figamus tenorem, fatebor ultro, eos qui potentiores sunt, ab inferioribus sui venerationem muneribus multotiens experiri solitos, atque agnoscere, sæpque adeo obvenire, ut talia, tanquam sibi si debeantur exigant, atque esse ea Principatus insignia & obsequii argumenta, utpote quæ etsi palam mittantur, tacite

N n tamen

tamen imperantur ac tributa verius indigetari possunt quam munera. Veruntamen istis non obstantibus & hoc dicendum ex allegato Sabellici loco nihil inferri posse, quod istiusmodi præceptum sapiat, aut obsequium. Ut enim ex illo colligere velimus præstationem fuisse atque annuam quidem, ut ut quotannis debitam dicamus, non tamen ideo dici statim potest haud alio nomine quotannis depensam, quam ut esset insigne Principatus, aut argumentum obsequii, ac ut ut neque diffiteri velim, gravi suspitione laborare quæcumque Imperii jure magis, quam familiaris amicitiae intuitu præstantur, ac pro talibus apud non infimi nominis I. C^{os} haberi, ut ex iis servitutis quasi possessio probari posse dicatur, non est tamen ut hic ductis à præsumptione rationibus in re tam ardua locum velimus. Est & hoc non minus apud omnes receptum, quotiens diverso respectu liberum quid esse, aut haberi pro obnoxio potest, pro libero id haberi in dubio, ipso legum, quæ, ut in principio hujus tractatus dixisse memini, Libertatem onerari abhorrent, sic ferente dictamine.

Quod ipsum ut ad istiusmodi præstationes de quibus his §§ Anonymus, aptemus, nemo tam in Historijs est rudis, qui nesciat eas alium in finem multoties depensas, atque ut horum exemplo id constet, videamus traditum de lege Regia discursum Thomæ Lansij. Ille num § 1. disertis fatetur verbis, Reges Romanorum Mauritaniae, aut alios, qui Turcarum Imperatori alijsve ne regionum suarum fines infestent ac devastent annuam solvere pecuniam, hoc ipso minime non excidere summam quam in suos habeant potestate. Rationem si quærimus præsto est, sustinent hic Principes aut Respub. boni patris-familias personam quo damnum inevitabile à suis avertant. Quinimo si politicis ad unum omnibus habenda fides, nullus æquè absolute suis ac πανταστικῶς impe-

imperat quam Turcarum Imperator, cui summi super omnes Imperij insigne conficere ait Bodinus quatuor B qui se βασιλεῶν βασιλεία πῆς βασιλῶν βασιλείοντα glorietur, hic tamen ipse Regi Æthiopum nec non & illis qui Arabiæ montes tenent populis, magnam quæcunq; pecuniam dependere tenetur. Venum de his postea, ubi directè agendum nobis erit de tributis præstatione, ac quatenus ea libertati detrahatur, impræsens illud ad adversarij objectionem pro responso suffecerit, quod ipse ille Sabellici locus ait, præstationem illam quæcumq; fuit debitam fuisse ex foedere publico, unde illud infero, ex quo tempore publici foederis eos Imperatoribus obstrinxit vinculum, ex illo saltem perperam considerari perinde atque Imperatori subditi si essent. Subditis foedera sancire ac contrahere illi vetant, ut est in *l. denunciamus. C. de his qui ad SS. Eccles. confug. l. 1. & 2. Cod. de seditiosis. l. ult. & tot. tit. ff. de Colleg. illic. Frid. Imp. de pace tenenda. §. conventicula.* nec immerito. Est enim (ut pluries jam dixi) foedus summo Imperio utentium pactio publica.

Quæ ab huiusmodi pactionibus recedunt pro conspirationibus habentur conjurationibusque, Caesaribus usque eo exosæ, ut capitulationibus Imperii conceptis verbis solemniter promittere eos videas, sese omnes illicitas subditorum nobilium ac populi confederationes atque conspirationes sublaturus ac abolituros. Formo ex prædictis argumentum. Si ex foedere publico aureum illud pallium persolvendum fuit, utique persolvendum non fuit ex jure summi Imperii, quod penes Imperatorem residebat, eo enim ipso iurisdictione exclusa fuit quod foedere sibi deberi voluit. Quo sane opus si fuit, ne quidem imaginariæ iurisdictioni locus sit, neque enim meum quod est amplius meum fieri potest, ac futilis sim rem meam mihi qui stipuler. Ipsa quo-

que foederis naturalis est, ut per se jura Imperii conferre nequeat, nisi id actum sit, inter contrahentes, ut jam ante monui. Monui similiter, quotiens aliquid ex foedere dicitur fieri, intelligi id de foedere proprio, nempe quo conventio fit citra Majestatis praerogativam, atque etiam de foedere aequali. Illud addam quod etsi summa quæque (subjectionem solam excludo) concedere mens nobis esset, maximosque effectus qui præter deditionem, in foederis substantiam cadunt, isti de quo agimus foederi attribuere; ulterius tamen id omnino prorogari non posset, quam quidquid ex foedere depensum fuit, pretium fuisse protectionis, ac sic quoque ipsum foedus fuisse clientelare, Illud vero, conventionem publicam recte dixeris, qua patrocinijs fruendi gratia, principes, populi. resque publ., viribus inferiores, aut alias sibi metuentes, sub certa plurumque pensione annua, in potentioris protectionem transeant, salva majestate, salvoque imperandi jure. Ipsa quoque protectio operæ quædam cum sit species, cumque à conventionem deducatur, non potest non esse quam separatissima ab jurisdictione, unde & ab una ad aliam nihil recte inferri notatum *Sixtino conf. marpurg. vol. 3. conf. 8. num. 109.* Quin etiam annua quoque illa solutio non ferat, ut inde subjectionis notam deducamus, libera cum sit contractumque sapiat. Neque enim illa alio fine censenda est fieri, quam ut illi, cui ea præstatur, liberum non sit sese contra præstantem adjungere hostibus illius, aut alias quoque ut, ita urgente necessitate, auxilium laboranti submittat. Erit vero mox hæc fusius prosequendi locus opportunior. Ad pallium ut revertamur, ipsa illius præstatio honorario potius accedere mihi semper est visa, quam ulli omnino subjectionis demonstrationi: atque inter ea referri debere, quæ libere fiunt, aut si præstandi aliqualem necessitatem secum ferant, summæ tamen potestati non derogent, præ-

præsertim cum non sit novum, ut citra majestatis imminutionem etiam subditis suis, quotannis ex causa bene gestarum rerum Principes elargiri teneantur. Exemplo sit Hispaniarum rex, qui si quid eorum qui de regno Hispaniæ commentati sunt relationibus, deferimus, Arcobrigum duci vestem debet, qua in virginis Deiparæ festo indutus fuit. Sunt ex Pachecorum illustri familia, quibus idem rex, Cyathum è quo trium regum festo, simulque divæ Luciæ pervigilio, merum hausit, ut donet, est obligatus.

Salinarum comites, eodem modo ac jure, regale indumentum quod citato regum festo rex gestavit, sibi vindicant. Perinde & reginæ amictum, quo die natali Divæ virginis, festoque Pascharis conspicienda fuit Palmensis Bastagonesque comites, uxoribus suis ferunt, majorum subrum virtutis, & spectata in reges fidei insigne monumentum. Neque plura desunt ejus generis, si ea memorare foret operæ. Allegata suffecerint, è quibus abunde constare potest, etiam istiusmodi præstationum usum esse promiscuum, neque magis subinde ad subditos, quam ad dominos ipsos spectare; simulque nihil esse quod impediat, quo minus, etiam à non subditis, proveniant. Atque ut ut res cadat, dubium esse non potest, quin ea nullam in sese majestatis læsionem imminutionemve complectantur, videtque, ut spero, benignus lector, quam parum stringat, id quod de præstatione jam sæpius repetita, commemorat Anonymus. Quæ porro Marescottam statuere refert, nullius auctoritate firmata, ac nec sibi credita, tanti non sunt ut iis confutandis molestus ulli sim. Paucis addam, inique ac minus probe eum agere, qui non alia de causa Doglionem adulationis insimulet, quam, quod de pallio aureo tradita quæ sunt, Imperatorio beneficio, ad eum quem supra dixi modum, deputanda censet. Versatur hic in conjectura sua Doglio, ad quam partim

scribentium silentio, partim eorum qui non comperta pro compertis obtrudere satagunt temeritate, partim eorum qui aliena temere credita pro veris posteritati venditant, levitate, recurrere fuit coactus. Nemo conjecturis tantum certitudinis attribuat, quantum Mathematicorum demonstrationibus. Sed nec ego video, quid sit illud quo nomine, tam propudiosa adulationis reus peragi Doglio meruerit. Neque enim magis est mirum, ut dignitatis suae insignia, summæ potestates inter sese communicent, quam si prærogativas aliquas non subditis concedant. Ac nec longe petendum exemplum. Testantur antiquæ inscriptiones, ac visuntur hodieque in processionum solemnibus, quæ quantaque fuerint, quibus augustiorem duci Veneto majestatem circumdare, quamque promeriti erant, animi beneficiorum non immemoris demonstrationem, testari voluerit Alexander tertius.

§. 60.

Henrico quarto Imperatori pannum aureum annuamque pecuniam quomodo & quare Veneti persolverint. Discordia inter Venetos, & Patavinos. Ad concordiam suadet Imperator. Historia illa omnis nihil contra Venetorum Libertatem facit, sed eam probat. Pacta & libri Pactorum apud Venetos. Verba Henrici Imperatoris quibus testatur imperium suum ad Venetos usque non protandi. Gregorius Pontifex Venetorum Rempub. veram Libertatis suæ dominam appel-

appellavit. Veneta civitas libera à Frederico tertio Imperatore nominatur.

ET si videmur nobis satis esse defuncti, iis quæ ad proxime præcedentes §§ attulimus, neque quippiam hic § novi contineat, atque id unum duntaxat narret Henricum quartum denuo à Venetis, quibus complura concesserat Privilegia, pannum aureum certamque pecuniæ summam sibi perfolvi voluisse; quo tamen nobis laboris fideliter suscepti peractique constaret ratio, nec hoc omittendum fuit. Semel dicta non geminabo, ac dicammodo, quod ait, voluisse Imperatorem denuo pannum aureum sibi dependi, non sic accipienda, tanquam si ea alicujus Historici forent. Nihil minus. Sunt enim ipsiusmet Anonymi, ac proinde tanti facienda, quanti testimonia illorum, qui præjudicio gestarum rerum veritatem gravaturi, quippiam narrant; tantum abest ut actum quem prædicta verba designant ab absoluto plenoque imperandi jure promanasse dici queat. Verba quoque Sabellici quæ citat, nempe *ab Henrico quarto multa & ampla immunitatum privilegia hac ipsa tempestate impetrata dicuntur. Ad hoc ipsum petendum Vitalem Faldrum, Stephanum Manrocenum & Vrsum Iustinianum Romam missos apud quosdam reperio, qui Pallium Henrico aureum, & annuam pecuniam, sed eam admodum tenuem, concessarum rerum monumentum, publico nomine polliciti sunt.* Verba, inquam, Sabellici, quidquid concessum fuit, ex pacto convento originem traxisse clarum faciunt, nimirum ut in redhostimentum concessarum rerum, ac pollicitum nomine publico: Quo quidem promisso, publico nomine intercedente, nihil est ut ad supremæ potestatis jura respiciamus. Agit tamen adversarius pro more suo minus candidè, qui Sabellicum dicit in eo sese torquere, ut extenuet pecuniæ summam, quam sibi Imperator depectus est;

est; suppressitque, eundem Sabellicum, atque eodem illo quem citat loco, de rei veritate in tantum dubitare, ut fateatur ipsemet scriptores dari, qui res ab Henrico gestas scripsere, nominatimque res illorum temporum, *Omni inter se pallij, alteriusve tribui mentione omissa*. Iungamus, quod neque adversarius ignorare potuerit, ea quæcumque publico nomine Cæsari polliciti fuere, Venetorum legati, ejus generis fuisse, ac tali occasione promissa, ut omnino procul habenda sit quævis, hinc Imperij, subjectionis inde, vel levissima suspicio.

Nimirum Patavini bello à Venetis victi ad opes Henrici refugerant, auxilium imploraverant, pctierat per Legatos à Venetis Imperator, (quo vero missis legatis opus, si dominus erat? sufficiebat nudum mandatum, simplexque citatio (*ut ad se mitterentur, cum quibus* (verba Sabellici sunt) *Patavinam causam cognosceret*). Occasionem dissidij ut transcribam hujus non est loci; *Ceterum Henricus cum Legatis* (Venetorum supple) *qui hoc nomine, Veronam* (pergit textus). *accessit fuerant, (nempe à Cæsare) exit, ut deposita omni altercatione, Veneti Patavinique, amicè inter se, rem de qua ageretur cognoscerent. Oportere predicans, Venetos meminisse se à Patavinis ortos, rem indignam se facere nisi pio quodam studio, illius urbis nomen, unde originem se trahere non ignorarent, proseguerentur, ac ipsos loci incolæ, velut decrepitos parentes filij solent, summa pietate foverent. Contra Patavinos dicens, ipsos non modo non invidere Venetæ gloriæ debere, sed gloriari etiam, quod ad eam diem, hi qui à se procreati essent, tantum gloria terra marique adepti essent. Censere itaque suos fines utrisque constare oportere* (Arbitratorem hic Anonyme agnosce, non judicem non dominum) *nec eo aut alio nomine, amplius cognata arma in se vertere*. Subjungit porro immediate Historicus. *Valuit multum illa Henrici auctoritas* (sic & alibi Tacitus auctoritatem suadendi, à potestate imperandi, in

Ger.

Germanorum Ducibus fecernit) ad tollendam discordiam, quæ adducti Legati, qui aderant, discordiam sopivere. Actum demum Venetos ajunt quæ diximus ab Henrico obtinuisse. Fuerunt etiam in numero scriptorum, qui ea Venetis concessa crederent, quo per idem tempus ille venisset, omni interim auri Pallij aliterisque tribus mentione omissa. Huc usque Sabellicus. Causa cur quaquaversum sibi haud consent scribentes, alia ut reor haud est, quam quod accuratam satis rationem temporum non habuerint. Quæ enim inter Patavinos Venetosque discordia fuit, ea decimum in annum incidit, supra millesimum centesimumque, quo nimirum anno, ut Sigonius refert, Veronam (Henricus) cum processisset, à Patavinis de incommodo à Venetis accepto edoctus, rem inter utrosque composuit, inde nullo alio maleficio illato (erat enim cum exercitu triginta millium, quem in duas partes diviserat) Padum trajecit, & castris ad Placentiam factis, solemnia munera à Placentinis exegit, totis vero sex annis postmodum demum, eodem Sigonio referente, mense Martio Venetias profectus, honorifice ab illa civitate est habitus, urbis situ adiumque decore, quæ diligenter invisit, mirifice delectatus, votis D. Marco solutis & monasteriis possessionibus regni auctis, discessit. Hæc ipsa Sigonii si cum Sabellico conferimus, planum fiet, ut spero, quæ nos diximus esse quam verissima. Omnino si subditi Cæsari fuere Veneti, causa ut assignetur velim cur in eos, qui Patavinos pariter subditos (ita enim dicendum foret) clade insigni affecerant, haud animadverterit præsertim cum esset in promptu exercitus, si solemnium munerum debitores erant, cur Venetis omisissis, ea à Placentinis exegerit, ac ad postrema ut deveniamus, eccui credibile fiat Imperatorem qui honorifice habitus fuerat, qui Venetorum Reip. Monasteria, terras ac latifundia extra illorum territorium concesserat, quos beneficiis non pœnitendis affecerat gravare voluisse, ac non

O O

potius

potius beneficiis cum beneficiis certare, ut vel eo duntaxat modo, quanto excelsiorem ipse se ferebat dignioremque, tanto quoque munificum magis augustumque ipsi agnoscere?

Ceterum & nos languidi hic nimium, remissique sumus, qui argumenta à factorum verisimilitudine desumimus, cum verissima quæ sint, ipsa venerandæ antiquitatis fides, abunde suppeditet. Primum ergo esto, quod ea quæ Privilegia minus recte ab authoribus vocari videmus, publicis apud Venetos monumentis, tot jam retro sæculis, nomine *Pactorum*, venerint. Testimonium perhibeat, ipsum librorum in quo gesta inter Venetos ab una, & Imperatores ab altera parte continentur, frontispicium, nempe *LIBRI PACTORVM* inscribuntur: sunt autem illi libri numero quinque, eaque, ut dicere cœpi, cuncta complectuntur, quæ non cum Imperatoribus modò, sed & Pontificibus, Regibus, Rebus pub.; Principibusque, acta conventaque sunt. His ipsis libris, ea quæ Anonymus insinuat, continentur, haud alio quam *pactorum* nomine legenda, eoque quo pacta conventa solent ac debent, effectui censenda. Ne quis vero à Venetis *pacta* vocavi dicat, quæ Imperator Privilegio deputanda existimet, eccum ipsa Henrici IV, (quidam V. volunt) verba, *Hac igitur ratione, tante dilectionis uniti, nostram utrimque caritatem rationabilem observavimus. Igitur ob Synceram & venerabilem ejus (agit de Duce Veneto) dilectionem, veræ charitatis vinculis adstrictam, quicquid ipse Dux, & Venetici ducatus Ecclesiæ, & populus, retro per triginta annos in Imperii nostri potestate habet, secundum quod in PACTO Othonis legitur, per hanc nostram imperialem paginam confirmamus. Paulopost, Et ut maxime notentur vicini populi, specialiter tam ex nostro imperio quam ex predicto Ducatu Venetiæ, à quibus hanc ejus PACTIONIS institutionem observandam esse decernimus, ideo & hæc series Fæderis, ad PACTVM INVIOLABILITER OBSERVANDVM*

dvM semper maneat, per cuncta annorum curricula. Manifestiora quis petat? Certe *Observandi inviolabiliter pacti* nulla necessitas, nisi inter eos, quos Synallagmatis vincula tenent; quæ esse inter Dominos & subditos superflua, quivis eo casu concedat, cum quis ex iis Dominum adstruere, aut subjectionis notam conetur elicere. Illa ergo ipsa *pacta*, cum priorum *pactorum* quæquaversum meminerint, sic, ut ea tanquam relata, suo referenti, juxta regulam, inesse sint dicenda; efficaci argumento sint, Imperatores eo ipso, quod ad *pacta* conventionesque cum Venetis descenderit, saltem, quo ad dicta nobis *pacta*, Venetos sibi æquasse, nec minus ipsis Imperatoribus pactis conventis fuisse standum, quam Venetis: pari utrimque obligationis vinculo. Quid vero, quod & ipse Imperator Henricus, quæcumque Venetis concessit, ea ut extraneis, sibi que nullatenus subditis, concessit? quod eos non modo hæud esse Imperii partem professus sit, sed & extra terminos Imperii constitutos: ac, quid Venetos duo? imo ipsos Venetorum maritimos fines, ab Imperii finibus discretos, separatosque testetur! Magna hæc, & Achillææ adversus Anonymum quivis dixerit, cui id modo observatum, Anonymum Romani Imperii in Venetos jus Scrutinio suo asserere velle, idque ipsum titulo libri sui disertim profiteri. Non morabor lectorem, ipsa Imperatoris Henrici verba pro ut in diplomate continentur ponam. Ergo, postquam designata sunt enumerataque quæ sint illa, ac qualia, quæ Imperator largiatur, quæque confirmet, quo loco bona finesque eorum describuntur, inter cætera, hujusmodi verba in textu legere est. *Nec non etiam fluvium qui dicitur Retrone, sicut currit à vado, qui dicitur Siltea, usque ad fossam, quæ nominatur Barba, sicut currit à fossa quæ dicitur Alta, & intrat in Corium, VSQUE AD MARITIMOS FINES VENETORVM CITRA QVPS IMPERIVM NOSTRVH HIS PLVMINIIVS TER-*

MINATUR. Datum ad Castrum Rivoaltæ. XVI Junij Anni MCXC.
 Recognitum ab Ogerto Hyperegienſi Epifcopo Cancellario vice Hermanici
 Archi-Cancellarii. Abſit de meo quippiam ut ſuperaddam,
 vel Anonymus fateatur, Imperatoris voce, tanquam oraculo
 ſacro, firmari Venetorum Libertatem, maritimoſque eorum
 fines, extra Imperii juſſe. Imperatorio effato, breve Pon-
 tificium lubet ſubnectere, quod nempe Gregorius ejus no-
 minis nonus, Romanus Pontifex, anno pontificatus ſui
 tertio & decimo ad Gradenſem Patriarcham, ac illius ſuffra-
 ganeos, dediffe deprehenditur.

Ille ergo, poſtquam diu multumq; de Imperatore Frideri-
 co ſecundo, ac quidem peracerbe conqueſtus eſt, in quem
 tanquam juratum hoſtem Eccleſiæ Romanæ ſpiritualia tela
 direxerat, quemque anathematis mucrone verberare fuerat
 coactus, poſtquam prolatam in ipſum excommunicationis
 ſententiam publicari juſſit, inter cætera, dum veritatis te-
 ſtem adhibet Venetorum Rempub. in terſuinis ſic ait,
*Quæ autem à dicto Friderico, pro bonis ſibi collatis Eccleſiæ retributio-
 nis præmia receperit, VENETAN REMPUBLICAM VERAM*
LIBERTATIS SUX DOMINAM, PACIS NOSTRÆ SPEM
preſenti paginâ conteſtamur. Nobis cum ſit unicus de Libertate
 Reip. Veneræ ſermo, opus haud eſt ut multis Venetorum
 in Romanam Eccleſiam pietatem depredicemus, ſuffecerit
 eam tantis auctoramentis ſuffultam quantis nulla altera,
 ſuffecerit eorum libertatem vel ipſius Pontificis voce, to-
 tis quatuor ab hinc ſæculis, pro verâ juſtaque celebratam,
 idque acroamate tali, quod eorum temporum ſecta non
 patiatur, aliter intelligi, quam fuiſſe eam, longe ante ea,
 quibus Pontifex iſta ſcribat, tempora, *veram Libertatis ſux do-
 minam.* Properabat ad Imperatorem Fridericum calamus,
 cæteroquin lubet inter utrumque Imperantium, medios ad
 dare, binos Pontifices. Priorem habuimus, veniamus ad
 ſecun.

secundum. Ille Clemens sextus esto. Cujus extat Breve Avenioni datum anno pontificatus ipsius quinto, xiv Iulij die, anni mcccxvi. cujus textus ut edisseruit, concessisse summum Pontificem omnia reddituum, & proventuum bonorum Ecclesiasticorum, in civitatibus, aliisque locis ditioni Venetæ subiectis, vel subijciendis, decimas quotannis, & perpetuis temporibus colligendas, simulque ut inibi late commemoratum est, quanta Veneti in Romanam Ecclesiam benefacta congesserint, inter cæteras causas, quæ Pontificem impulerint ad ea omnia Venetis concedenda, hæc recensetur. *Attendentes, & debita consideratione præ oculis habentes, quam diutini laboris & impendij, maris Hadriatici legitimum tuentes imperium sape ab ea [id est Ecclesia] Hostium arcendi conatus sint nacti, &c.* Qui attendet diutini Venetis fuisse laboris, ac impendij, legitimum maris Hadriatici dominium tueri, næ ille ut spero, per se judicabit, non illo demum tempore Venetos Maris Hadriatici dominos fuisse factos: diutinosq; istos labores, impendiaque etiamnum diutina, asserendo legitimo imperio asservandoque depensa, benigne ad altiora revocaturus est principia. Næ simul & ipse mecum fatebitur, perperam Scrutinij principio, illius authorem sugillare imperium quod sibi asserit in Hadriaticum mare serenissima Venetorum Respub. Nobis interim satis superque videtur, quod inter plures summorum virorum, qui eandem nobiscum veritatem tuentur, assertiones, irrefragabile adduxerimus testimonium, Pontificis summi, quodque palmarium, tertio ab hinc sæculo, motu proprio loquuti. Agmen claudat Frederici tertij Imperatoris decretum factum Neapoli (Germanis *Neustedi*) occasione controversiarum intuitu Patriarchatus Aquilegiensis, enatarum, eò quod Forum Iulium in Venetorum ditionem transisset, cum jam olim spectasset ad patriarchatum prædictum. Narrat isthoc

decreto Imperator, se controversias istiusmodi ad Romanum Pontificem rejecisse, &c. Addit præmisso à se prius Venetias fratre suo, Austriæ duce, ubi Patriarcha quoque Aquilegiensis aderat, Venetias appulisse, ibique Venetos illius arbitrio omnes permisisse controversias, tandemque sancit, Patriarchas qui ex decreto Reip. Venetæ bona Patriarchatus in ditione existentia, possederant, possidere etiam debere cætera, quæcumque sita sint in locis imperio subiectis. At vero ubi de civitate Veneta ei sermo est, in hæc ipfissima verba digreditur. *Vbi, cum imperialem celsitudinem, Tribus mira structura, aquis enata, solâ sui admiratione æquasset, plus nobis in LIBERA CIVITATE decretum Venetorum præstiti obsequium, quam in illis, quæ nostro subiectæ imperio, ad hoc ex debito tenebantur.*

Plura his non addo, quod nec credam addi potiora posse. Eat nunc Anonymus, & Venetæ libertati, si potest, facesset negotium. Ego, quid præstiturus sit, expectabo. Ut vidimus, stant contra ipsum, tam clara, tam illustria, & à tantis authoribus prolata testimonia, eaque non emendicata, verum motu proprio, ab ijs, quorum sunt, edita; quin imo talia ut nec ullus negaverit esse verissima, quando ipsemet Anonymus videt (neque dubium quin hoc nomine oculi ei dolcant,) illa etiamnum confessionibus eorum vallari, quorum interesse quam maxime, diversum ut credant mortales, toto suo discursu, monstrare annitur. Mihi sane nemo persuadeat, habenda esse ea pro minus integris. Ex adverso esse ea quam integerrima necesse est ut fateamur. Quantum enim hoc quod odij irarumque causas procul habent! quantum, quod nihil sequioris effectus spirent! Si quis uberiore benevolentia luxuriantia notet, reponam nec moris id esse inter summas potestates, nec rationem pati, nec imperij maiestatisve naturam ferre, ut amoris aut amicitiae tanta taliaque deferantur, idque præter veri fidem aut etiam directo
contra

contra eandem, quæ cum non modo multum è Republica trahant, sed & rerum summam concernant, non possunt non libare summum illum Majestatis apicem, qui regnantibus idem, quod in oculis pupilla, in homine spiritus vitalis. Sciens, omitto, quæ jam diximus, non unius sæculi decursu roborari.

S. 61.

Pax cum Imperatore Frederico in Italia inita nihil derogat Venetæ libertati. Venetorum victoria à Frederici Imperatoris filio reportata. Pax cum Lombardis, abjss- que sœderatis rogante Imperatore stabilita. Pacis conditionibus Venetos non est complexus Imperator. A victoribus gravissima quæque, salva tamen libertate, victis imponi possunt. Id Carthaginensium, & Ætolorum exemplis firmatum.

AD ipsam Venetorum confessionem hic sese S refert; quam ut probet, textum nobis Sigonij allegat, qui sic habet. *Societas Lombardiæ, Marchiæ, Feronæ, & Venetiarum, cupit habere pacem Frederici in hunc modum. Ut Fredericus pacem habeat cum Ecclesia Romana, & nos civitates Cremona, Mediolanum, Lauis, Bergamum, Ferraria, Brixia, Mantua, Vicenza, Venetia, Pavium, Tarvisum, Bononia, Ravenna, Ariminum, Mutina, Regium, Parma, Placentia, Bobium, Deribon, Alexandria, Vercella, Novara, Obiso, Marchio Male spina, Comes de Brenone & omnes homines & Castellani qui sentiunt cum Ecclesia Dei & nobiscum, acceptâ ab eo pace volumus facere omnia, quæ antecessores nostri, à morte posteriori Henrici Imperatoris, antecessoribus suis; sine molestia fecerunt.*

fecerunt. Hæc autem sunt, quæ intelligimus Imperatorem habere debere, & antecessores ejus habuisse. Fodrum regale & consuetum, consuetam paratam cum tendit Romam Coronæ causâ, & pacatum transitum, comineatum idoneum, pacate transeat, & sine maleficio, sacramentum à vasallis accipiat, omni offensione remissa. Vasalli expeditiones pro eo suscipiant ut solent cum tendit Romam coronæ causâ. Hactenus Sigonius.

Ad hunc locum ut succincte solideque respondeamus, tria consideranda sunt, quorum primum est, quis Imperatoris illis temporibus fuerit status, quis Venetorum; alterum, quid huic fœderi sive paci occasionem præbuerit, ac quid actum sit in rei veritate; tertium denique, quomodo id ipsum, quod inter partes actum fuit, accipiendum sit, explicandumque.

Primum quod attinet, Venetos id temporis nihil Libertate sua inferius indignumve, in animum dimissuros fuisse, ut credamus, cogit nobilis illa victoria, qua Frederici filium, Boemis, Dacis, Getis, Germanis Italisque contra Pontificem arma sociantibus, maritimo prælio fuderant, fugaverantque, captivum fecerant, ipsumque Fredericum ad pacem compulerant, ipsimet interea arbitri pacis inter Imperatorem Pontificemque. Eos jam tum sibi Imperatori Pontifex æquaverat, pari curulis sedis prærogativâ, (quam hodieque servant) ex æquo confidere jubens, idque omnino non contradicente Imperatore, aut ullum sibi in Venetòs Imperium arrogare auso. At quo Imperatore? Barbarossa nimirum, magnanimo si quis unquam fuit, & vel infractis rebus, majestatis suæ acerrimo vindice. Si quis hæc gesta dicat anno millesimo centesimo septuagesimo quinto, quæque ex Sigonio allegantur totis octo annis esse recentiora, nihil aget. Pleni sunt omnes libri, plena omnium historicorum monumenta, fœderatorum (fœderis autem Principes Veneti)

partes

partes quaquaversum superiores fuisse. Ipsum paucis audiamus Sigonium. Ille librum suum de regno Italiæ quartum & decimum, ex quo eodem hic illius locus ab Anonymo desumptus est, sic orditur. *Sequenti libro, praeclarum popularis concordiae civilisque consensionis exemplum memoriae posteritatis prodetur; ut et in Italia nunquam acrioribus repetenda Libertatis ac propugnandae Ecclesiae studiis arsit, nec concordioribus aliquando animis aut firmitioribus opibus utriusque laudem dignitatemque defendit, sic neque fructum laborum suorum uberiolem, nec victoriam illustriorem, ullo tempore tulit, quam Frederico & Italiam & Ecclesiam effusis omnibus Imperii virtutibus oppugnante, ipsa societate ac fœdere inter se illigata, percepit: ut unusquisque intelligere possit quantum ad res magnas gerendas, constans concordia, atque animorum firma conspiratio, valeat.* Haecenus ille. Cujus toto isto libro ne pagina quidem ulla est, quæ non testetur verum esse quod asserimus: mihi ea compilare aut transcribere non lubet, ac, ut reor, in re nota satis, iis, qui historiam istorum temporum vel à limine salutarint, non est necesse. Secundum videamus.

Hic quoque citra omne dubium est, occasionem ferendis pacis legibus, Venetos haud dedisse, quorum, ut mox dicebam, res erat superior, aut imperatorem ipsum. Ille enim sive adversante fortuna, bellandi satur, sive filij precibus cedens, imperiali fastigio haud indignum ratus concordiae viam tentasse, primus legatos misit, si quid Sigonio deferimus; illius hæc sunt verba. *Idem annus* (tertius nimirum supra millesimum centesimumque ab octuagesimo) *pax à Lombardis cum Frederico facta, fuit nobilitatus. Affectabat eximio studio Italici regni coronam Henricus, Frederici filius, ut qua omnes affecti fuissent, qui ante se regnum Germania obtinissent; neque bello cum Lombardis, atque adeo etiam cum Mediolano manente, rationem ullam inibat, qua ad decus istiusmodi pervenires. Itaque Fredericum patrem Constantia conventum mense Martio agentem, ro-*

P p

gavit,

gavit, ut quando inducia Lombardorum in fine essent, rerum suarum statum stabilire, integra pace prestanda Italia vellet, id, cum sibi ad animi voluptatem jucundum, tum vero, ad tutam regni possessionem fore jucundissimum. Cui Fredericus, si animum, inquit, inducere Itali potuerint, ut pacem æquæ conditionibus possint, haud invitum faciam, ut tuo rogatu cedam. Tum Henricus, atqui si Legator, inquit, in Italiam cum liberis super hac re mandatis miserò, noli vereri, ne non civitates pacem ulro sentiant petitura; qua re audita Fredericus Guilielmum Episcopum Hassensem Marchionem, Henricum Guerschium, fratrem Theodoricum, & Rudolphum Camerarium, eo nomine Placentiam misit. Id vero postquam civitates cognoverunt, exemplo Legatos Prætoresque suos, eodem & ipse destinarunt. Ibi pridie Kalend. May. colloquio constituto, Legati Frederici tabulas ejus protulerunt, in quibus scriptum erat, se arbitrium pacis inter se & societatem Lombardia reintegrande eis permittere, quaque ipsi statuissem, ea se rata in perpetuum habiturum. Occasionem vidimus, nunc quæ inter contrahentes acta sunt exsequamur. Subjungit immediate Sigonius. Quibus relictis federati pacem his verbis postularunt. Societas Lombardie, &c. Repetat ea lector ut sunt ex Anonymo nobis in principio hujus §. descripta, nos Sigoniana continuabimus, Quibus, inquit ille, postulatæ cognitæ, Kalendis May jurarunt Legati, se duros operam, ut Fredericus & filius ejus, pacem his conditionibus facerent, atque his rebus in tabulas relatis, postridie Kalendas ipsi prætores civitatum tale sacramentum inter se conceperunt. Ego juro omnibus civitatibus federatis Lombardie, Marchie, Romanie, & Opizoni, Marchioni Malaspinæ, me pacta omnia servaturum, quæ in tabulis pacis continentur, inter Legatos Imperatoris, & civitatum federatarum, conscriptis, neque auctorem futurum ut aliquod eorum minuatur, & præcepta moderatorum observaturum, à presentibus Kal. May, usque ad triginta annos, & hoc quantoquoque renovaturum, & consules aut prætores ac credentiam mea civitatis, hoc jurejurando obligaturum.

His quæ

His quæ porro Sigonius adjungit adscribere superfluum fuerit, credatque nos lector id agere, ut transcribendis alienis nostra turgescant, mutila ut transcribamus aut calumniæ obnoxium sit, aut candori quem profitemur adversum. Vni cum interim illud omisisse sacrilegium videatur, Cæsareo adoblatis à foederatis pacis conditiones responso, Venetorum, aut urbis Venetæ ne nomen quidem reperiri. Mihi quispiam ut c'edat nolim. Sic Sigonius. *Nomina urbium quibus gratiam nostram restituimus & prescriptam concessionem fecimus sunt hæc, Vercelle, Novara, Mediolanum, Laus, Bergamum, Brixia, Mantua, Verona, Vicetia, Padua, Tarvisum, Bononia, Faventia, Mutina, Regium, Parma, Placentia, his autem civitatibus & locis pacem nostram reddimus, & concessionem nostram facimus, videlicet Imole, Sancassiano, Bobio, plebi de Grabadona, Feltrie, Belluno, Canera, Ferraria autem pacem reddimus, & concessionem nostram facimus, si intra duos menses post reditum Lombardorum à curia nostra de pace prescripta cum eis concordēs fuerint. Legati autem civitatum hanc pacem receperunt, & in presentia nostra jurarunt Mediolani, Brixie, Placentie, Bergami, Verone, Vicetie, Padue, Tarvisi, Mantue, Faventie, Bononie, Mutine, Regij, Parme, Laudis, Novara & Vercellarum. Hæ vero sunt civitates & loca quæ pacem prescriptam sub juramento Lombardorum nobiscum receperunt, & eandem per se juraverunt, Papiæ, Cremona, Comum, Aquæ, Verihona, Hasla Cæsarea, Genua, Alba & aliæ civitates, & loca, & persone, quæ sunt, & fuerunt, in potestate nostra. Hæc autem sunt nomina civitatum, quarum legati investituram consulatus à nobis nomine civitatum receperunt. Mediolanum, Placentia, Laus, Vicetie, Padua, Tarvisum, Mantua, Faventia, Bononia, Mutina, Regium, Parma, Novara, Vercelle, Bergamum, acta anno incarnationis MCXXXIII. Data apud Constantiam in solemni curia VII. Kal. Iunij. Quo facto civitates ita jurarunt. Iuro ego, me posthac fidelem fore Friderico Imperatori, & filio ejus, Henrico regi, neque in consilio futurum ut ipsi vi-*

tam aut regimen amittant, & si quem ego id moliri comperero, me id Imperatori, aut regi, aut legato eorum, indicaturum, auxiliumque futurum, ut regnum teneant, & si amiserint, recuperent; & pacem ab ijs & sua parte, cum societate Lombardorum factam observaturum, & omnes mecum habitantes mares à XV I. annis, ad Septuaginta, hoc sacramento obligaturum, ac denique has inde, inquit Sigonius, tabulas singuli domum retulerunt, neque quicquam ex eis à successoribus detrabi passuros, summa semper posthac ope contenderunt, hodieque in omnibus fere civitatum tabularijs multis exemplis descripte reperiuntur, eaque vulgo pax Constantia nominata. Hactenus Sigonius. Nos ea quæ ex ipso allegavimus, qualiter accipienda sint, atque explicanda, ut despiciamus, ordo exigit.

Quod ipsum ut aggrediar, ex ijs quæ à me de statu ac conditione Venetorum allegata sunt, cuilibet existimo constare posse (dum modo commoda rebus gestis, & vero non dissidentanea, quæque obsequij excludat vinculum, ratio assignetur aut causa) ne in præsumptionem quidem cadere posse, taleis tantisque viros eo delapsos, ut libertatem, quam mordicus tutati semper fuerant, nulla impellente causa, pedibus illius advolverent, quem non semel ipsi vicissent. Quinimo, necesse mecum est omnes judicent, præsumptionem in contrarium militare, quatenus scimus nata libertati pectora, cum vel generosiores equi lupata detrectant, taurique non nisi coacti iugo colla submittant, ad extremum libertatem, quam primo vitæ spiramento hausere tutari semper ac defendere. Utique Veneti cum summo semper nifu eam sartam tectamque servare fixum ipsis esset immotumque, ut ut voluissent quam maxime (missa præsumptione accedo ad veritatem rei gestæ) citra perjurium, illam ab se abdicare non poterant, utpote qui sexennio jam ante sacramento illigati, foederatos, adversum omnes homines, defendere tenebantur, auctore Sigonio d. libro.
ac ne-

ac neque pacem neque inducias sine communi consensu pacisci poterant. Atque hic quoque si id potuisse demus, aut voluisse, evincit in contrarium fides annalium, primum fuisse Imperatorem, qui quæ mente conceperat pacis consilia, non modo eminus ostentaverit, verum etiam in apertum per Legatos deduxerit, speciali ad id dato mandato, cujus & ipsi prius certiores fuerint facti, quam aliqua ratione ad mitiora deflecterent. Ipse ille quoque textus evidenter ostendit, quæcumque ibi referuntur, non modo non facta in deprecationis modum, aut submissæ petitionis, sed verius præscriptionis aut præcepti; quatenus ipsi nimirum, qua lege amicitiam cum Imperatore colere vellent, ac quibus obsequiis Italiæ quietem præstare, & vice versa, quæ ab Imperatore fieri sibi desiderarent, ostendunt. Ac denique, quàm sint illa omnia aliena ab aliqua parendi necessitate, (alia ut omnia sciens prætermittam) satis illud evincit, quod utrimque præstitum est juramentum. Equidem subditi si erant, causa nequeat dari, cur subditis suis juramento se obstringeret summæ potestatis iurâ habens, quibus semel imperium auspicaturus, jure-jurando se devinxerat, quosque eodem sibi nexu habebat devinctos; præsertim tali juramento, quo sibi ipse summi imperij iura stipularetur, aut stabiliret. Illos invicem subditos, quos quidem ipsi pleno imperandi jure dominos agnoscant, ad jusjurandum compellere non posse, quin in læsæ Majestatis crimen committant impingantque, nemo est qui ignoret. E quibus deprehendi nullo negotio potest, textum illum, quem pro se adducit adversarius, nulla ratione sic accipi posse, ut ullam omnino subjectionis præ se ferat includatve confessionem. Quinimo videmus ut isthuc loci, nulla subjectionis mentio fiat, verum pacis, pacis inquam istiusmodi, cujus ipsi Leges non minus ferant, quam accipere paratos demonstrent.

Videmus item, ut nec ulla ipsi aut offerant aut deferant quæ salva libertate offerri deferri haud possent. Cumque & insuper vasallorum nomen (quorum status ac conditio toto cœlo determinatur ab illius statu, qui se subditum fatetur) usurpent, ac præterea (finem ut faciam) liquido constet neque juramento sese Venetos ad ea præstanda devinxisse, ut de reliquis civitatibus jam ante vidimus, ac nec Imperatorem quoque, illis, quas firmabat, pacis conditionibus, Venetos fuisse complexum; facile ex antecedentibus colligitur, quam à naturali atque omni prorsus juris ratione alienum fuerit, præter intentionem agentium, verborumque contextum, ea adseverare velle, quibus ipsa humanitatis ratio, quam non semel pro naturali jure Leges usurpant, aperte resistit. Amplius dicam, mirari me, cur adversarius, vir sane comprimis eruditus & multijuga Historiarum lectione spectabilis, istiusmodi pactiones (neque enim aliud commodius hic aptiusve nomen) ut libertati adversas, nobis proponat. Non jam dicam aliud esse servire, aliud esse in servitute degere, nec geminabo distinguendum esse inter ipsam libertatem ac habendæ libertatis modum; factum id mihi jam ante, suoque mox loco plenius fiet cum bono Deo: sed (pace adversarij) id cum monebo, cum ideo bella gerantur ut pace aliquando tandem mutentur, ea subinde libertate salva imponi à victore & posse & soleri, quæ multo graviora sunt, quam ea quæ continentur hoc, quem nunc examinavimus, Sigonij loco.

Non ero hic longior, duo duntaxat exempla adducam è multis, Carthaginensium nimirum, Ætolorumque. Carthaginenses quod attinet, illis apud Livium lib. xxx hæ pacis leges dictæ à Scipione. *Capitvos, & persugas, & fugitivos, restituant, exercitus ex Gallia & Italia deducant: Italia abstineant: Insulis omnibus, quæ inter Italiam & Africam sunt, decedant,*

naves

naves longas, præter viginti, omnes tradant, tritici quinquaginta, hordei trecenta millia modium: pecunie summam quantum imperaverit, Postmodum eis acriter correctis, atque exprobrata ipsorum perfidia, monitis, ut tot cladibus edocti Deos & jusjurandum esse crederent conditione, pacis has ab eodẽ Scipione dictas Livius refert, Ut liberi suis legibus viverent, quas urbes, quosque agros, quibusque finibus ante bellum tenuissent, tenerent, populandique finem eo die Romani facerent, perfugas, fugitivosque & captivos omnes, & navas rostratas, præter decem triremes, traderent, Elephantosque quos haberent domitos, neque domarent alios, bellum neve in Africa neque extra Africam, injussu populi Romani gererent, Masinissa res redderent, fœdusque cum eo facerent, frumentum stipendiumque auxiliis, donec ab Roma Legati rediissent, præstarent, decem M. talentum Scipionis arbitratu darent, nec minores XI V, neve majores xxx inducias, ita se daturum, si per priores inducias naves onerariæ captæ, quæque fuissent in navibus restituerentur, aliter nec inducias nec spem pacis ullam esse.

Ætolorum subinde mentionem fecimus, quoniam tamen ipsis ex asse Libertas mansit illibata, ac nisi ad comiter observandam Romanorum majestatem devincta, eaque ipsis injuncta quæ sunt, ne quidem uno die nominari, nedum comparari cum iis possint, quæ ab adversario citantur, quibus legibus in amicitiam venerint ex eodem auctore adscribere non poenitebit. Ejus libro xxxviii sic habetur. Imperium majestatemque populi R. gens Ætolorum conservato sine dolo malo, ne quem exercitum, qui adversus socios amicosque eorum ducetur, per fines suos transire finito, neve ulla ope juvato, hostes eosdem habeto, bellum pariter gerito, perfugas, fugitivos, captivosque reddito, Romanis, sociisque, præterquam si qui capti, cum domos rediissent, iterum capti sunt, qui tum hostes ei ant Romanis, cum inter præsidia Romana Ætoli essent: aliorum qui comparebunt, intra dies centum Coryreorum magistratibus sine dolo malo tradantur, qui non comparebunt, quando quisque eorum primum inventus fuerit, reddatur. Obsides XL. arbitratu Cos.

Ro. ne

Ro. ne minores XII annorum: major XL obfer ne esto. Prator, Præfectus equitum, scriba publicus, quæ urbes, qui agri, qui homines Ætolorum juris aliquando fuerunt, qui eorum L. Quintio. Cn. Domitio Coss. post eos Coss. aut armis subacti, aut voluntate in ditionem Pop. Rom. venerunt, ne quem eorum Ætoli recepisse velint. Amades tum urbe agrisque, Acarnanum sunt. Hactenus ille. Atque hæc inter se si quis componere velit, in nostras ut spero partes haud gravatim transibit. Pergamus interim.

§. 62.

Fallit Anonymus, dum Venetos ait nunquam usque ad annum clo ccc pro liberis se gessisse. Imperatorum Privilegia non dedere Venetis, sed firmavere Libertatem. Immemorialis præscriptio titulum non requirit. Bartoli Baldræ auctoritas legem non vincit, aut rationem. Alteri per alterum iniqua conditio inferri non debet. Semel quæ competiit Libertas revocari non potest.

Primævam Venetorum Libertatem confessurus ait, nunquam illos, usque ad annum millesimum trecentissimumque, sese pro liberis gessisse, neque tali unquam modo sibi Libertatem asseruisse, ut quam jure proprio suam dicerent, sed Imperiali eam Privilegio acceptam tulisse, ac sic etiamnum quoque longi sese temporis præscriptione defendere. *Albericum de Rosate* ait de semet ipso attestari in l. cunctos populos. *Cod. de summa Trinit.* vidisse se Privilegium exemptionis concessum Duci & civitati Venetiarum, bullatum bulla aurea, & per illam (subjungit, Anonymo referente, Albericus) di-

cunt

cunt se Imperio non debere subesse, & ita etiam videtur sentire magister Joannes Parisiensis. Munit porro sese adversarius auctoritate Bartoli, cujus hæc verba citat. *Quinimo sunt populi, qui nullo modo obediunt Principi, nec istis legibus vivunt, & hoc dicunt se facere ex Privilegio Imperiali, & isti similiter sunt de populo Romano, ut faciunt Veneti: Nam cum illam Libertatem habere se dicant ab Imperio Romano, & Privilegio, quodammodo præcarlo tenent ab eo, & posset Privilegium revocare cum vellet, cum et liceat mutare voluntatem suam. Bart. in l. hostes. ff. de Captiv. & post. revers. Bartolo denique Baldum addit comitem, qui referente Canonherio, in suis ad Tacitiannales discursibus, (locum non exprimit), inquit, Libertatem ab Imperio Romano recognoscunt & vivunt tanquam filii emancipati, debentque illi reverentiam, quam si non exhibent possunt in servitutem revocari tanquam ingrati, quia non sint liberi, quam per patientiam Imperatoris, vel speciale Privilegium, quod alii successores possunt secundum Bartolum revocare.*

Atque hic quidem prima fronte videri possit adversarius argumentum attulisse, non speciosum modo, sed & validum, nec minus auctoritate scribentium illustre, quam ratione suffultum; penitus introspicere tamen si lubet, quam non stringat vel quivis judicabit. Negativam facti, nempe quod totis mille trecentis annis, sese pro liberis gerere haud sint ausi, nunc non attingo, utpote quæ per ea, quæ passim ac ubique fere, toto hoc opere adduximus, sit confutatissima. De privilegio quod ait, similiter per ea quæ suo loco superius discussimus, solvi potest, nec quid ut addam jam dictis est opus. Originaria nimirum libertate satis superque probatâ, res ipsa docet, si id quidem verum sit privilegio libertatem Venetis, fuisse concessam, (quod tamen nusquam apud Historicos reperio, quo imperante id factum foret) tali privilegio imperatorem aliquo modo videri posse Vencorum jus firmasse, aut revera nihil novi juris eis tribuisse,

ad ipsam libertatem constituendam; secus ad eam defendendam, adversus imperatorem ipsum.

Nam & privilegium ipsum eaque, quam adversarius allegat præscriptio, imo eodem respectu in Veneris concurrunt. Ac sic quoque, si largiamur Anonymo, Venetos æque privilegio sese tueri, ac præscriptione, nihil profecerit; possunt nempe Veneti privilegium pro tuenda Libertate adducere, possunt allegare præscriptionem; illud quidem, non ut causam effectricem libertatis suæ, ac neque alteram, quatenus inter modos acquirendi rerum dominij præscriptio accensetur, verum exceptivè: quo nimirum allegatione privilegij, atque immemoralis præscriptionis exceptione, eos à quibus turbari contingat, repellant. Atque hoc est, quod aut privilegio conferri potuit, aut præscriptione quæri, ut stabilita possessione, non teneantur ultra titulum originariæ acquisitionis probare, ut ostendimus jam ante per l. 3. §. *ductus, ff. de aqua.* neque immerito. Receptum est illud apud omnes fere DD. immemoralem præscriptionem non requirere titulum, utpote cujus tanta sit efficacia, ut non modo vim tituli habeat, verum per se quoque vel sola reputetur pro titulo; quibus & hoc accedit, quod communi, atque adeo receptissimo scribentium suffragio, immemoralis istiusmodi præscriptio parere dicatur præsumptionem juris & de jure, qualis præsumptio quandoquidem similiter per se sola veritati non æquipollet modo, verum etiam pro veritate habetur, præsumptionem in contrarium non admittit. Bartoli Baldique non est quod hic quempiam moveat auctoritas, de ea usurpare liceat, quod de consuetudine, eam nempe haud usque adeo sui valituram momento, ut attractionem vincat aut legem. Hoc vero quod de revocatione Privilegij ipsi dicunt, aperte rectæ rationi adversatur, legibusque, & favori Libertatis. Recta ratio non ferat ut quod in con-

in contractum transiit (talia enim diximus privilegia , quæ conferuntur in non subditos) ad libitum revocetur , parte invitâ. Ut habent juris regulæ , ab ipso naturæ fonte extructæ , alteri per alterum iniqua conditio inferri non debet , neque potest quispiam in alterius injuriæ consilium mutare. Si effectu non destituitur privilegium , ligat concedentem , obligationi vero semel constitutæ , adversario non consentiente frustra sit qui renunciare aggrediatur. *l. sicut. C. de Oblig.* repugnent leges , ut videre est in *l. pr. Cod. de manumiss. vindict.* ubi Antoninus in casu non dissimili , atque adeo etiam ab adversario , auctoritate Baldi comprobata , ait , post causam à judicibus probatam (nostro casu post concessum Privilegium) & manumissionem secutam , non solere statum in dubium revocari ; cujus ratio perelegans est , in *l. justam. §. ult. de manumiss. vind. Cause probationis contradicendum est , non etiam causa jam probata retractanda est.* Favorem denique libertatis si attendimus (ut in allegata similitudine eorum qui manumissi sunt perseveremus.) etiam fortioribus (ut ita loquar) in terminis , data quoque ex falsa causa libertas , eoque etiam probato , causam fuisse falsam , (absit tale quid vel adversarius audeat in Cæsareo privilegio suspicari) ex quo semel competijt , est irrevocabilis. *§. semel autem. Instit. quib. ex causis manum. non licet. l. justa causa. §. 1. ff. de manu. vind. l. sicut semel. l. sicut datam. C. de liberali causa.* Vtique naturalis libertatis est favor , cuique naturâ quilibet eo propendet , ut sicubi à primævo naturalique statu distractum fuerit , ad eandem quam citissime recurat. *l. si unus. §. pactus ne peteret. ff. de Pactis.* perinde quoque ut qui liber natus est , ex libero servus haud fit , nisi certis quibusdam modis , ex gentium jure civicoque introductis , ita neque facile libertatem , quam semel quis nactus amittit. Nimirum , ut duo vincula fortius ligant , manumissus qui est libertatem habet ,

& ex natura, & ex manumissione; qui privilegio libertatem defert, cum naturali facultate copulat privilegij beneficium, utque in manumissione ipsa nihil aliud adfert manumissio, quam quod obstaculum servitutis tollat, quo sublato. talis homo remanet, quales sunt à natura omnes, ac proinde liber; ita & privilegium, ea quæ naturali isti facultati adversa obvenere, dissipat disijcitque, ac privilegiatum ad originariæ libertatis statum reducit. Terminet disquisitionem hanc nostram quod est in *l. imperatores ff. de manum. testam.* multum notabile, nimirum usque adeo verum id esse, semel quæ competiit libertatem revocari non posse, ut si quid ad eam revocandam, sit in illa ipsa clausula, per quam libertas data fuit, inanis & inefficax, illa sit adjectio.

§. 63. 64. 65. 66.

Oratio Antonij Iustiniani apud Guicciardinum sub examen vocata. Fides Guicciardini elevatur. Aliorum scriptorum testimonia Guicciardino adversa. Sublesta fides Anonymi in adducendis auctorum, quos pro Guicciardino facere dicit, locis. Baptista Leo, qui falsi arguit Guicciardinum, ejusque rationes à calumnijs adversarij defenduntur. Non nimium Scriptoris tribuendum. Optimi eorum odio etiam & amore transversi aguntur. Guicciardinus in Venetos, & Ducem Vrbinate minus æquus, & quare. Cur Veneti Guicciardini historiam in urbe sua passi fuerint evulgari. Frustra Anonymus causæ sue patrocinium à silentio cognatorum & postetorum Justiniani petit. Tubero Dalmata tantum abest, ut cum

ut cum Guicciardino consentiat, ut quam maxime ei ad-
 verferetur. Mæcenici locus excussus. Arête tunc tem-
 poris Venetorum res, sed non decollata. Prudentia
 patrum Venetorum. Quæ contra Baptistam Leonem
 adducit Anonymus, non probat. Vanis suspicionibus
 laborat. Incredibile est consiliarios Imperatoris, eo
 invito, cum Iustiniano de tanto negotio egisse, idque
 ratum habuisse. Frustra Anonymus tempora Legationum
 distinguit. Iustinianus in conspectum Imperatoris non
 admissus. Oratio Ludovici Heliani adversus Venetos,
 mendacijs & Numniji atrocissimis scatet: nullam
 tamen illæ subjectionis mentionem facit. Nemo unquam
 legatus fuit sine mandatis. Authenticum ipsum man-
 dati tabelarium, quod Iustiniano datum, penes he-
 redes Iustiniani adservatum in Cesareis archivis non
 exstat. Frustra adversarius est in Paruta redarguendo.
 Maritimum imperium maximi semper habitum apud
 Venetos. Vires ararij Veneti. Virtus Veneta nunquam
 fortune succubuit. Elogium Venetis à Britannia Rege
 tributum. Pauli Barbi, Petri Duodi, Christophori
 Mauri, Aloisij Molini elogia. Qui ita victus, ut de-
 nuo vincere non possit, victori cedit. Campanorum
 & Venetorum inter sese instituta comparatio. Ex ora-
 tione Iustiniani colligi non potest, eo angustiarum
 redactos Venetos, ut Libertate fuerint privati. Quid
 propositum Oratione ejusmodi fuerit Venetis (quamvis

Venetorum esse non liqueat.) Continentis possessione Veneti paulisper discessere. Eorum rationes. Levioribus incommodis graviora sustulere. Immotum Venetis semper stetit, tempestatem belli, quantum pote, declinare, salva ubique libertate. Id constanter universa illorum temporum historia testatur. Actus ultra agentis intentionem non agit. Verba orationis Iustinianea præter mentem Venetorum non interpretanda. Argumentum ejus non nisi in auxilij imploratione consistit. Longe distant protegendi potestas, & jus imperandi, clientes, & subditi. Liber populus, statâ libertate, alterius patrocínio se dare potest. Quid sit clientela. Majestatem illa non exstinguit. Quomodo verus legitimusque dominus Imperator à Venetis in Iustiniani oratione nominetur. Ut intelligendum, quod Veneti continenti cesserint. Novum non est patronis à clientibus præmium aliquod præstari. Præmia illa non tributi, sed Boethicis nomine veniunt. Jurisdictio & patrocínium aliquando conveniunt, non semper. Falsum est jura aliqua majestatis Imperatori quæsita. Quomodo accipiendum illud, quod Veneti, jussa, decreta, sanctiones, & præcepta Imperatoris libenter velint amplexari. Protectio protectorem facit, non dominum. Indiculus ineptiarum, & calumniarum Anonymi. Sanctissimum humani peccatoris bonum fides.

Excm.

Exemplorum autoritatumque adversario agmen claudit, quod Cameracense foedus excepit, bellum, illud quidem comprimis atrox, eventu varium, rebusque Venetis non semel adversum, cæterum cujus cum ad modum ipse recordatur, perinde ac si tum temporis non debilitata modo aut luxata Venetorum libertas, sed prostrata prorsus soloque fuisset afflicta.

Hic ergo foedissimis in Venetos criminationibus exan-
descit, ardetque hic

*Monte decurrens velut amnis, imbres
Quem super notas aluere ripas
Fervet, immensusque ruit profundo.
Torridus ore.*

Venetos, ait, bello magis, quam prælio, ad Abdnam victos, ad Imperatorem Maximilianum ejus nominis I. ablegasse Antonium Iustinianum Oratorem suum; illius vero Franciscum Guicciardinum Historiarum suarum lib. 8. istiusmodi verba recensere. *Redeant nobis annuentibus ad te verum legitimumque Dominum quicumque majores nostri à S. Rom. imperio ducatuque Austriæ abstulerunt. Quibus ut decentius veniamus omnia qua in continenti possidemus adjicimus. Quorum juri utcumque questum sit renuntiamus. Præterea quotannis T. M. legitimisque in imperio successoribus, quinquaginta millia aureorum perpetuo ex arario depouemus, alia tua jussa, decreta, sanctiones, & præcepta, lubentes amplectemur. Tueare quæso, ab eorum insolentia, quibuscum paulo antea socia arma junximus, quos nunc sevissimos hostes experimur, qui nihil æquè cupiunt & desiderant quam Veneti nominis eversionem, Tuâ servati clementiâ, te patronum, parentem, & urbem nostræ fundatorem appellabimus, annalibus inscribemus, & filijs denique nostris tua ingentia merita sedulo ingeremus. Nec parva tuarum laudum fiet accessio,*

accessio, quod primus es, cujus pedibus Respub. Veneta supplex se prosternt, cui submittit cervicem, quem ut caeleste numen colit, veneratur, observat. Magna hæc in speciem, imo maxima, ac quæ liberum relicta non sint animum ad speciosa stupentem; sunt tamen interim volæ tramæque putridæ prorsus, in flumine paludibusve conceptæ, atque à terra surgenti vento simillimæ; in quo vehementiam quidem agnoscas, verum citra pertinaciam. Solido quæ allegat destituta sunt robore, inanique tumore suffulta; de ipsis si quid vero deferre velis, cum Seneca dixeris lib. 1. de Ira. Primi ejus ictus acres videantur, sicut serpentium venena à cubili repentium nocent, innoxij dentes sunt, cum illos frequens morsus exhaustit. Res ipsa loquatur. Adversarius quo fortius pedem figat, Guicciardini locum postquam transcripsit, subiungit, Ioannem Baptistam Leonem admodum in hac oratione se torquere, eamque falsam atque opprobrosam appellare, foetumque ingenii in Venetos exulcerati, quæque his consona sunt. Leonis porro rationes adducit, ac mox easdem convellere nititur, adductis ad id nonnullis ex Langij Citicensi Chronico, Tuberone Dalmata, Andrea Mæcenico, Bembo, Paruta, ac Petro Iustiniano, locis, quos & nos ordine suo singulos resencebimus, ac ut quanta possumus soliditate respondeamus objectioni huic, duo videamus. I. sitne hac in parte standum Guicciardini narratis. II. Ecquid ex iisdem inferri possit, libertati Venetæ contrarium. Ac primum quod attinet duo item despicienda sunt, quorum prius, ecquis præter Leonem, falsi redarguere Guicciardinum sustinuerit, posterius, ecquid cæteri aut annalium scriptores, aut Chronographi cum Guicciardino hic consentiant. Citat his ipsis §§ adversarius non uno loco Petrum Iustinianum, qui historiam Venetam scripsit, Venetus ipse, nec est ut opinor quispam adeo iniquus, ut Anonymo liberum esse statuat, Venetos

tos suorummet civium testimonio jugulatos ipse ut velit, mihi ex adverso non licere ejusdem testimonia in adversarium retorquere; justissimas, optimo jure, patiendi viceis, Seneca fatetur, ubi suo quisque excipit supplicio, quod excogitavit alieno. Ut ut est quem pro se ille adduxit, contra se loquentem neutiquam reprobare fas illi. Ita ergo Iustinianus.

Illud vero (absit verbo invidia) insigni, sempiternaque Venetum laude exornat, qui tantam belli molem per octo ferme annos adversus universa Europa principes, suis solis viribus sustinuit, ac rem inclinatam non solum erexit, sed in pristinam etiam dignitatem restituit: quod memorabile cunctis seculis predicabitur. Sociis enim armis tot Reges, tot Principes, Venetum adorti, omni pene terrestri imperio spoliarent, actumque aliis super aliis cladibus, de Rep. fuisset, nisi singularem ad adversa fortune constantiam, patres habuissent, collapsumque tandem erexere admirabili virtute imperium. Liceatque mihi hoc loco, quando scriptoris vel inscitia vel error manifestè deprenditur, ejus dicta refellere. Nam quum in Fr. Guicciardini commentarios Thusco sermone conscriptos, qui nuper in lucem editi sunt, fortè incidissem, multa in his parum veridice de rebus Venetis ab authore descripta inter legendum animadverti, præcipueque in ea oratione, quam scribit, Ant. Iustinianum Venetum Legatum, post Abduanam cladem, apud Maximilianum Cæsarem habuisse. Nam præter multa summissa, suppliciterque ut scribit à Iustiniano coram Cæsare explicata, illud mendaci vanitatè plenum addit, quinquaginta ancorum nummum millia, Venetos pollicitos fuisse Cæsari, in perpetuum census nomineolvere, ut pacem ab eo impetrarent: quod falsum atque est. Non enim perpetuo, sed decennio tantum donativi nominis ea pecunia summa oblata fuit, ut publico patet mandato, qua commissi a nostris appellatur, quam ego diligenter perlegi, dum ve-

Rr

ritatis

ritatis hujuscemodi indaganda percupidus, publicas tabellas ex Archivis evolvō. Nec negare possum, magnam animorum consernationem in Civitate fuisse. Pro tot Reip. adversis, dubiisque fortuna casibus, dum omnis Europa conjunctis armis furens, infestaque, in Venetum nomen debacchatur. Nulla enim unquam aetate, nullisque annalibus scriptum legitur, gentem unam in fœdiorem conspirationem, potentioresque hostes incidisse, quorum formidabili impetu Veneta res pene eversa corruit: vixque Romanus ille rerum Dominus, eorum arma sustinisset: non se propterea tantum civitas abjecit, ut nullâ habita publica dignitatis ratione pudendis pactionibus, verbisque indignissimis Venetum nomen deformaret, prudenterque à patribus factum fuerat, ad placandos Caesaris, reliquorumque principum animos, tot eis civitates ulro reddere, pro quibus ab initio bellum ortum erat. Iis igitur sponte traditis, hostibusque emollitis, quæ nam formido, animique abjectio Venetos impellebat, ut præter urbium alienationem, tantam auri vim in perpetuum superbissimo hosti penderent, & nomen Venetum mortali ludibrio exponerent: Nulla præterea acrior necessitas, supremumve Reipubl. excidium imminerebat, ut ea consilia ignominia plena Veneti sequerentur. Tentatâque est (neque id inficior) à Senatu cum Cesare reconciliatio, iniquioribus aliquanto conditionibus, ut qui in adversa fortuna constituti sunt, facere solent. Non tamen in hæc fœda, ac pudenda consilia Patres animos demittere unquam potuerunt, quando saluum omne maritimum imperium staret, terrestria quoque ditionis aliqua pars in potestate adhuc nostra esset, nec recuperandi imperij spes omnino deplorata exciderat: quod Deorum benignitate, constantique patrum virtute postea evenit. Adde id quod dilucidiorum proventus causam facit, ne quis ullo modo addubitet, Guicciardinum manifesto errasse, quum plane constet, Iustinianum legatum in Germaniam proficiscentem, Casarem in conspectum suum venire non permisisse,

• *ſiſſe, nec victoria elatum alloqui voluiſſe. Itaque Iuſtinianus à Caſare non admiſſus re infecta in urbem rediit. Quo nam igitur pacto Guicciardinus, Scriptor alioqui clarus, hæc ſomnia effingit? audetque deſcriptis iniquiſſimis pacti conditionibus, humilique, & abjecta oratione conficta, Venetum nomen tam impudenter deformare. Sed hæc ſatis ad conſutandam calumniam a nobis dicta ſint.*

Hactenus Iuſtinianus, cuius locum cur conſulto præterierit adverſarius, cauſam non video, niſi quod metuerit fortasſe, ne ſi pluribus orationem hanc falſitatis argui lætor attenderit, idque non modo nudo præjudicata opinionis auctoramento, verum ſolidiſſimis rationibus, ad id in medium allatis, ipſe quoque fidem ſuam non ita facile commodaturus ſit. Pergamus interca, deſpiciamusque, ecquidnam ſint Hiſtorici, qui circa rerum geſtarum fidem cum Guicciardino conſentiant. Eorum primus hic eſto Langius in Citiſenſi ſuo Chronico, atque eodem illo, quem noſter adducit, contextu. Illum ego eo libentius cito, ut appareat, ſubleſta fide agere adverſarium, qui mutilam periodum lætori obtrudit, ac nondum abſolutam, eo duntaxat commemorato, quo lædi res Venetum poſſe, viſum ipſi; iſque ex adverſo ſuppreſſis, quibus rei veritas innotefcere, ac ſuo ſe robore libertas ſuſtinere tutarique queat. Langius ergo ſic ait. *Quorum multi tudine & potentia Veneti vehementer arctati, tandem anno ſalutis MDIX ſe humiliantes, dexteram à Maximiliano petierunt, in ſignum ſubjectionis, annuatim magnam pecuniam certamque aurorum ſummam præſtare ſpondentes. Aſt Caſar (hæc quæ ſequuntur adverſarius omittit) eos audire detreſtabat, quos armis viribusque ſubjugare propoſuerat. Fortuna autem fallente, Venetis Papa clam auro mediante conciliatis, & ſederatis, Caſar in Italia Papa deſtitutus auxilii, tandem & ipſe, licet invictus, ab eorum oppugnatione deſiit. Padua autem ante, & aliis urbibus Imperio recuperatis, licet ipſa, inſtabilis Padua,*

recedente Cæsare rursus ad Venetos defecerit, & ita tandem finaliter ipsi Veneti invicti mansere, flebile principium meliori fortuna secundante.
 Langiana hæc attente qui leget, nullo negotio deprehendet, adversari ea, ac quidem directe Guicciardini narratis. Langio comitem addamus, quem potius quam *Cuspinianum* ipsius Maximiliani medicum, ac Oratorem, quique invitante eo, atque adeo imperante, historiam suam conscripsit. ille ergo in vita Maximiliani. *Sunt deinceps à Maximiliano rege gravissima & varia gesta bella*, inquit, & paulo post, *Vt Veneticum*, quod octavo anno post mille quingentos incæptum non sine suorum incommodo tractavit. Quid autem verosimilius, quam Cuspinianum, rem tam notabilem (siquidem eo se Veneti unquam demississent) memoriæ mandaturum fuisse? nihil tamen minus apud ipsum invenias, quin imo bellum illud non sine suorum incommodo tractasse Cæsarem ultro fatetur. Quæ de *Cuspiniano* eadem de *Carione* dicenda sunt, quem qui leget, jurasse eum in verba Maximiliani merito pronuntiet, adeo multus est in deprecandis insignibus in Maximiliano animi dotibus, tamque accurate vitam ejus & res gestas exequitur, ut nemini hac in re postponendus sit. Ille ejusdem Veneti belli originem progressumque dum pertexit, postquam Venetum exercitum dissipatum, prostratum, concisum, inque omnem Pachilionem actum, desiderata à Venetis novem millia, commemoravit, *his cladibus*, inquit, *Veneti affecti*, inque difficultates rei nummarie, exhausto arario, terrestrique Imperio omni perditæ, *conjecti maxima*, pacem à Julio Pontifice supplices petiverunt, qui cum sibi abunde satisfactum esset, ut Gallos Germanosque nihil de sua acerbitate remanentes Italia exturbaret concessa Venetis pace, *Alphonso Ferrariensi* etiam ut arma poneret imperavit. Quid vero causæ futurum quis existimet, cur Pontifici magis, quam Imperatori supplicēs factos traditurus fuerit homo Cæsari addictissimus, Venetis minus æquus, Pontificem exosus? curve tam insigni

insignis facti gloriam, quæ non potuisset non tota ad unum Cæsarem spectare, maligne suppressere voluerit? Cæterum cum factos Pontifici supplices similiter asserant tres historici natione Galli, Arnoldus nimirum Ferronus, Bernardus Girartius, Haillani toparcha, ac Ioannes Serranus, qui eo ipso loco Veneram urbem *priscam Libertatis sedem* indiget in vita Lodovici, ratio ipsa postulare videtur, ut iis potius assensum præbeamus, quam Guicciardino, quem sua, nullo auctore eadem tradente, chartis illevisse fateamur necesse est. Utique qui Guicciardino proximus accedit *Zelus est Calvinus* qui Maximilianum ait *Veronam, Vicentiam, & Patavium, urbes ad imperium pertinentes occupasse pace* (abest ea longe à tam propudiosa supplicatione) *quam Veneti offerebant* (non emendicabant saltem) *repudiata*. Audiamus quæ de fine belli illius habet idem Calvinus. *Maximilianus*, inquit ille, *Imperator, Gallis Mediolanum erepturus, deseritur à militibus quibus stipendia persolvere non poterat, & occasionem Venetis præbet, Brixia recipiende, & Verona obsidende, qua Venetis dedita, finis tandem bello Veneto impositus est, in quo Veneti omnibus præliis victi, sapientia & tolerantia in malis effecerunt, ut victores belli fierent; his addi Sleidanus postulat, qui Maximilianum inter cætera multa, cum Venetis gessisse bella lib. de quatuor summis imperiis tertio narrat, ac eadem ipsa pagina, Venetos liberrimos, & ab imperio Romano plane se junctos pronunciat.*

Superadungi possent & ea quæ de Venetis Munsterus, Scraderus, & alij commemorant, nisi ea jam ante, ubi de Pipini in Venetis expeditione tractavimus, à nobis essent allegata. Hactenus utique vidimus non solum esse Baptistam Leonem, qui falsi arguat Orationem Guicciardini, vidimus alios etiam auctores, longe ab illo diversos abire. Reliquum est, ut argumenta Leonis, & ad ea quæ Anonymus respondeat, despiciamus. Leonem ecquid ex fide citet nec ne,

quandoquidem eum nancisci hætenus non potui, in medio relinquam; ac largiar ultro, vera esse quæ allegat; quin imo fatebor, neque in adversarium iniqua suspitione ero minus æquus. Rationes quibus Leonem motum refert hæc sunt, Iustiniano nunquam in mandatis fuisse datum, ut istiusmodi conditionibus pacem ab Imperatore deprecaretur, quin si fas foret publici juris ea facere, quibus ipse instructus id temporis erat mandata, probari cuius posse de facili, non ea intentione pacis ab ipsis promotum fuisse negotium, ut omnino belli gerendi curam supponerent. Imo vero et si istiusmodi quippiam mandati tabulis fuisset contentum, nunquam tamen Iustiniano factam fuisse copiam Imperatorem alloquendi, sed Tridenti subsistere coactum: huius actionis sive orationis neque volam neque vestigium in aula Cæsarea reperiri, quin imo ex adverso literas quibus fidem sibi præstruere Legatis mos est (nos credentiales vocamus) authenticas ipsas etiam num existere apud Antonij Iustinian hæredes, quod tamen impossibile foret, si quidem habita istiusmodi fuisset oratio, utpote quæ in Archivis Cæsareis fuissent asservatæ. Eadem hæc, sed modestius aliquanto Parutam tueri, adversarius narrat, quibus ut occurrat Leonis Paratæque argumentis, ac Guicciardinum ut tueatur, eum à fide commendat, & à veritatis exacto cultu, quin, inquit, si falsæ forent quæ scripsit, non passuros fuisse Venetos, maculam illam ipsi inuri, totiensque prælo subjectæ evulgatæque cum sint illius historiæ, atque insuper quoque in ipsa Venetorum urbe, quis, ait, credat, Venetos, qui circa vibratum in ipsos excommunicationis fulmen, accurare potuerunt etiam minuta nonnulla; in re tam arduâ, usque adeo supinos fuisse, ac, non potius illud acturos, ut exemplum istius orationis premeretur? aut si dare lubeat, tam profundo veterno oppressos elanguisse, cui fides fiat, ipsius Iustiniani

niani posteros, viros domi forisque magnos, & in alta luce versantes, nisi vera essent quæ dicta sunt, silentio transmissuros, tam grandem contumeliam, quæ cognatos maneis, tot jam annis presserat, prematque etiamnum? Addit deinde, Guicciardinum nihil hic de suo adjunxisse, sed de verbo ad verbum è Latino in patrium sermonem transtulisse. Ea porro quæ Guicciardinus narrat, convenire ijs, quæ à Paulo Langio, Tuberone, Dalmata, Andreaque Mœcenico tradita sunt, notatque coronidis loco Leonem, ut Guicciardino minus æquus qui sit, eiusque traducendi studio, justo plus indulgeat. Quibus itidem ego ut respondeam ingenue dicam, durum mihi comprimis videri, & ab ingenuo homine alienum, temere suppositiones, quibus falsi quis insimulari possit, in animum dimittere, ijsve indulgere, sed & hoc me scire, quæ verosimilia non sunt ea falsitatis speciem, præ se ferre.

Salubriter magnus ingenio, major virtute Grotius, meminerimus, hortatur, *Non omnia probare quæ quamvis à preclaræ famæ auctoribus dicuntur, sæpe enim temporis, sæpe affectibus serviunt, & aptantur tunc prout exiguus est. Danda opera ut defecato utamur iudicio, nec quæ excusari magis quam laudari possunt, temere in exemplum rapiamus, in quo perniciosè errari solet. De lure Bell. lib. 1. cap. 3. nu. 5.* Me quod attinet, absit ut in memoriam viri illustris, historicique magni nominis, iudicando peccem, possunt rationum pondera citra calumniæ morsus librari; ac nec æquitas sinat famæ dispendio mulctatum velimus, quem constans Doctorum provexit favor, posterisque virtus commendat & eruditio. Cæterum ut nemini tam constans in affectus suos est regnum ut non alicubi amoris cedat aut odio, præsertim sicubi circa ea versatur, quæ domestica sunt aut propria, aut aliquo prorsus modo non aliena, ita & in Guicciardino, notatum Lipsio, succubuisse nonnunquam, atque huic animi affectui imparem, odio vela laxasse. Ita Lipsius.

Fran-

Franciscum Guicciardinum prudens peritusque scriptor, & qui tales lectores suos facit, liber est & verax, ab affectibus immunus, si tamen ab odio quod tamen retegere haud semel mihi videtur in ducem Urbinate, &c. Quod de Urbinate duce Lipsius, idem & de Venetis nobis optimo jure usurpari posse demonstrant, evincuntque illa Petri Justiniani superius transcripta, ac ut de Justiniano nihil dicam, ratio ipsa ostendit satis, evincitque hic integrum ejus haud reputari posse testimonium. Si quid in Urbinate Ducem eum extimularit inquirimus; Veneti cum belli ducem suum crearent, ei oppositus erat Guicciardinus utpote Ecclesiastici exercitus sub Leone ac Clemente (quorum uterque Vatiniano ducem odio prosequabatur, belloque petebat) primus à duce, carus, interim conjunctissimusque utrique pontificum, ita ut mirum non sit, calami aciem in eum strinxisse, in quem gladij mucronem indies stringeret. Eadem in Venetos odij causa; nempe patria Florentinus, & primi nominis inter nobiles ejus reipubl. ac sic quidem ipsa origine Venetis æmulus adversusque, ijs temporibus belli historiam scribere exorsus est, quibus ob acceptas bello Pisano à Venetis clades cane pejus & angue Venetum nomen oderant Florentini, & remis quod ajunt, velisque, eo annitebantur, ut quoscumque possent, ac quibuscumque modis in Venetos impellerent. Ita ut mirum non sit, quæ Florentinos, quæ potissimam Italiæ partem abriperant egerantque transverfos, concepta in Venetos odia, eadem quoque huic scriptori offecisse, quo minus aut verum perspexerit, aut perspectum, qua par erat fide, ad posteros transmiserit. At inquit hæc falsa si fuere, cur ea totiens evulgari passi sunt, cur non tolli curarunt aut suppressi? Dicam cum Philosophis, Magni animi est injurias desplicere, ultionis contumeliosissimum est genus, non esse visum dignum, ex quo peteretur ultio. Multi leves injurias altius sibi demisere, dum vindicant. Ille magnus

magnus & nobilis est, qui more magna seire latratus minorum canium securus exaudit. Recte ut judicemus, moderatio hæc eorum fuisse dicenda est ac sapientia. Quis tamen id Venetos scivisse probaverit? quis scire voluisse? notum illud ejusdem Philosophi, non expedit omnia videre, omnia audire (jungamus nos, omnia scire) multe nos injurie transeant ex quibus plerasque non accipit qui nescit.

Neque ulla sane tanta potentia est, in quam injuria non incurrat, titubante præsertim fortuna, mortalibusque ad illam ut plurimum converfis: neminem fugit, injurias sperverè exolescere, sin irascari agnitas videri. Ac mihi nec alium quicquam hac in re Veneti taciturnitatis suæ finem habuisse videntur, quam quod illud sibi cavendum ducerent, ne infau-
sto isto abortu obeveniret quod libris Cremutij Cordi, quos ut autor Tacitus *annal. 4.* per ædiles cremandos censuere patres, sed manserunt occultati & editi, & ut alter ille, leguntur, *florere in manus hominum, in pectora recepti, vetustatem nullam timent: at illorum carnisficum cito scelera, quibus solis memoriam meruere, silentio suppressa sunt.* Pulchre idem annalium scriptor, in *Vit. Agr.* *focordiam eorum irridere lubet, qui præsentis potentia credunt extingui posse sequentis ævi memoriam, nam contra, puniti ingenijs gliscit auctoritas, neque aliud externi reges, aut qui eadem sævilita usi sunt, nisi dedecus sibi, atque illi gloriam peperere.* Accedit, quod ea ipsa, quam per tot clades, tot damna, tot sudores asseruerant libertas, diuque pressa, ast nunquam oppressa, quin pulchrior ipsa indices enitescens latiorque, insigni admodum argumento erat, ac vel sola, longe alium rerum statum fuisse, majoresque animis eorum infedisse spiritus. Nempe & publicis testimonijs sancita virtus, humile detractationis venenum non est quod reformider, ac neque calumniæ latebram invenias aut per fugium, sicubi veritas eam in lucem protrahat, protractam gestarum rerum evidentia confundat. Qui re-

spondendi mihi principium Philosophus dedit, idem responsum terminet, *Quidquid quale sit voles scire, tempore trade, nihil diligenter in fluctu cernitur.* Ipsos Iustiniani adfines, cognatos, posterisque præposteri silentij quod incuset, qui si non fuissent sibi consilij esse quam verissima, quæ à Guicciardino narrantur, omni dubio procul confutassent tam insignem calumniam, certe æquis animis neminem laturum confido, qui quanta fiducia, quantis rationum momentis, quam exacto circumstantiarum examine, *ψυδολογίας* in illo vanitatem demonstrat Petrus Iustinianus, ex loco quem mox transcripsimus, recordatur. Ac miror ego cur Anonymus ex hoc silentio quid ad causam suam præsidij accedere posse speraverit, cum met ipse Iustinianum eodem libro qui citat pro se, non potuerit non videre hanc illius *παρεκβασις* extra Historicæ narrationis filum. Nimirum aut credidit nemini historiam Iustiniani venturam in manus, perpetuamque mendacijs suis caliginem obtendendam, aut ita corruptum præjudicijs illi iudicium, ut quæ facta novit, infecta velit, quo vel saltim eo pacto, animi morbo satisfaciat. Addam hoc, nec (ut arbitror) male, mirari me, ac mecum omnes quibus ea mens est, contemptu famæ virtutes contemni, cur cum virorum illustrium quosque doctrinæ laudes conspicuos reddidere, Guicciardinorum familiæ semper abunde fuerit, toto jam sæculo nemo repertus sit, qui Iustiniano calumniam suam (si quidem id nomen in iustissimas veri vindicias cadit) reposuerit, quamque Historiæ maximi cæteroquin viri labem asperserat, deletrice spongia absterferit; nisi & hoc verum sit, à Guicciardino orationem hanc operi suo insertam fuisse, non quidem pro ut habita fuerat, verum ut haberi potuisset. At, inquit porro adversarius, demus luxuriasse in verborum contextu stylum scribentis, (quanquam nec hoc pote, cum nullæ ea oratione in parteis

parteis fuerint Guicciardini', quam de verbo ad verbum transferentis, non fiet tamen verosimile cuiuspiam, quum ea quæ orationis substantialia sunt, cuius generis sunt quæ de persolvendo tributo, deque agnoscendo in verum ac legitimum domino Imperatore tractantur, alij similiter confirmant. Sed & hoc jam ante nos vallum superavimus; telumque adversario excussimus è manu, planeque usurpare fas mihi sit

Tenue mendacium est, pellucet si inspexeris.

Langium, quem pro se adducit, ostendimus fide Punica, planeque sublesta, ab ipso mutilum citari, ejusque auctoris verba, ut nos ea ex fide transcripsimus, pro ut inter sese ea cohærent, totumque evolvunt sensum, directe contrarium probare. Ludovicum Tuberonem Dalmatam, an ex vero, an pro more suo corrupte citet, non dixerò; neque enim ille mihi aut visus est unquam, aut, nisi apud unum Anonymum nomen illius audivisse me recorder: Interim recte locum si inspicimus, tantum abest ut in consonantiam cum Guicciardino duci possit, ut potius frontibus a lverfis ea quæ scribit repugnare narratis Guicciardini sit dicendum. Sic (Anonymo referente) Tubero. *Magis veteris Romani Imperij Majestatis, (Maximilianus) quam sue fortune memor, & ob hoc elatior, aditum Venetis negavit, permisi tamen mandata quæ protulerunt scriptis edere, quæ hujusmodi fuisse dicuntur, Venetos amicitiam & societatem cum Maximiliano jungere velle, eique omnibus Italia urbibus totoque continente cedere, polliceri insuper, quinquaginta millia nimirum aureorum in singulos annos perpetuo se pensuros, modo ille adversum Gallum arma sumat.*

Hæc inter se componere si cui lubet, quam adversarius ex allegato Guicciardini loco subjectionem eruit, apud Tuberonem, minimè reperiri fatebitur. Ac nec illud inter se

conciliari queat, quod de Legatis aditu ad Imperatorem exclusis Tubero, de admissis tradit Guicciardinus. Tum vero fœderum & societatis injecta mentio, ac quinquaginta milium quotannis dependendorum facta sub conditione promissio, nempe modo ille (Maximilianus Cæsar) in Gallos arma fumeret, aliam rerum faciem, motus animorum item alios fuisse, quam Guicciardinus præfert, evidenter ostendunt. Verum de his postea. Tuberoni Mœcenicum adjungit, scriptorem Venetum, quem ipsum quoque mihi videre non contingit, cæterum quid ferat audiamus. *Regi Romanorum tradita est urbs Verona, Vicentia, Patavinum, Ne Galli hostes ulterius progredirentur, & amplius quantum rex Maximilianus ipse volebat, tantum dabatur, assidue precando & obtestando, dum res Veneta adeo periclitantur, quibus semper usus esset valde familiariter, & semper uti posset, ac si res sua essent, ut rem suam probe prospiceret, an suarum rerum hostis an amicus accederet.* Quid vero hinc collegat noster, missosne legatos? Tacet Mœcenicus. admissos? nihil tale dicit: tributum obtulisse in subjectionis argumentum? nec hoc quoque apud ipsum reperias. Si recte sentire liberum est, non aliud Mœcenici evincat locus, quam res Venetorum fuisse id temporis in arctum redactas, neque est mortalium ullus id qui neget, cæterum ut sunt illa Pompei apud Lucanum post cladem Pharsalicam,

—*Non sic mea fata premuntur*

Ut nequeant relevare caput—

Idem de se Veneti non verbis, sed factis toti terrarum orbi testatum fecere. His pessime qui vellet, nihil ex eo desumat colligatve, quam voluisse eos, prout est omnis expectandæ salutis honesta ratio, quæ amissuri erant, ultro largiri. Cæterum dandum est hoc ac assignandum Patrum Venetorum prudentiæ. Sic olim de Hadriano Spartianus,

omnia

omnia trans Euphratem & Tigrim reliquit exemplo (ut dicebat) Catonũ, qui Macedonas liberos pronuntiavit, quia retineri non poterant. Ut apud Nonium Titinnius: Gubernator torquet navem sapientia non valentia, Si laxatis compagibus multam undique aquam trahit, occurrit primo, aliam excludit undam, aliam egerit, manifesta foramina præcludit, latentibus, & ex occulto sentinam ducentibus continuo labore resistit, nec ideo intermittit, quia quantum exhaustum est subnascitur, quæque nondum desinere videt, ne vincant cavet, ad extremum superantibus ac artem industriamque vincentibus malis prudenter cedit, ac vel jactura, naufragium si timet, quidquid servari potest redimit. Probabit hæc & his similia quæ sunt in Venetis laudabitque qui alternanteis humanarum rerum viceis, qui occasionum momenta ponderare norit. Cuique proinde Princeps, Respublica, Ductorque placebunt,

*Qui non præcipiti rapiat simul omnia casu,
Sed qui maturo vel lata vel aspera rerum
Consilio momenta regens, nec tristibus impar,
Nec pro successu tumidus, spaciumque morandi
Vincendique modum, mutatis noscet habentis.*

Pulchre Tacitus hist. 2. videndum esse quo hostis imprudentia ruat, alienamque stultitiam operiri prudentiæ loco esse, prudenter monet. Saluberrimo patres consilio eam ingressi sunt viam, quæ ad avertendam invidiam, ad conciliandum sibi favorem, ducere videbantur, quodque caput estrei, ancipiti repub. imo ut multi verebantur jam jam lapsura, & in præcipitium devexa, ad avellendum à foedere Maximilianum, nec non ad jacienda inter foederatos, velut Eridis in medium projecto pomo, discordiarum semina, ipsos-

que tandem inter se committendos, suisque met diffidiis in ultionem relinquendos. Ex adverso abdicare à se Libertatem suam tot sæculis non deperditam voluisse, ex eo loco nemo colligat. Ac sic quoque visum hætenus nihil agere adversarium, qui ab aliis itidem historicis Guicciardino consentanea tradi affirmat; Cætera quæ sequuntur isto §, Venetos non tangunt, sed in unum Leonem directa, ac quatenus per Leonis latus Venetos petere videri queat Anonymus, commodius mox tractabuntur, ac suo item loco, cum ad examen rationum, quas hinc Leo contra Guicciardinum, inde contra Leonem adversarius adducit, ventum erit.

Dixerat, ita referente Anonymo, Ioannes Baptista Leo, nunquam in mandatis datum fuisse Iustiniano, ut ea quæ supra è Guicciardino citata sunt, Imperatori reipub. nomine offerret. Atque his etsi negativæ suæ probandæ nulla cum necessitas adstringebat, addit tamen Leo, eodem ita referente, tabulis mandati nihil tale comprehensum fuisse, quas evulgare earumve contenta referre si licerèt, è vestigio illas planum facturæ, quam nunquam tali mandato Venetorum orator fuerit instructus. His eum adversarius in modum respondet, verosimile non esse, Iustinianum mandati limites (neque enim id impune legato in negotio tam confragoso) excessurum fuisse. Mandati tabulas evulgare quod detrectet, suspicione non carere; aut enim eas id ipsum de quo nobis discursus est aperte continere, aut si non contineant, secretioribus mandatis, iisque seorsum traditis, instructum fuisse. Dixerat item Leo, nunquam Iustiniano factam copiam Imperatorem salutandi. Respondet noster, nihil impedire, quo minus acta ea fuerint coram ijs, qui Cæsari erant à Consilijs. Cæterum distinguenda hic esse tempora, quandoquidem ex annalibus constat, iterato Iustinianum ad Imperatorem ablegatum fuisse.

Primæ

Primæ legationis meminisse Bembum, dum ait. *Latum etiam ut Antonius Iustinianus qui Cremonam legatus à senatu lectus proficisceretur ad Maximilianum recta contenderet & pacem quantumvis duris conditionibus faceret, Tergesteque oppidum & portum Naonis reliquaque municipia quæ respub. ex ejus ditione superiore anno ceperat Senatui ei paratum esse restituere, ac quæ oppida ex Romanorum Imperatorum ditione, in Carnis, & Gallia, & Venetia, Resp. possideret, ea se illi omnia tanquam accepta relaturam renuntiaret.* Hanc etiam illam esse legationem, de qua Guicciardini verba sunt intelligenda. Secundam legationem quoque eundem obiisse Iustinianum, cujus & mentionem faciat, solius quidem, cæterum Petrum Iustinianum ei pro comite adjungere Aloisium Mocenicum, cujus hæc sunt verba. *Missique Aloisius Mocenicus & Antonius Iustinianus, y pariter nec admissi nec auditi à Cæsare.*

Ac primam legationem quod attinet, Bembum quidem narrare Anonymus ait, à Tridentino Episcopo Iustinianum, (eo quod anathemate esset ictus) jussum fuisse subsistere, sed non id affirmare tamen ausum, quod Leo affirmet, eum non penetrasse postea ad aulam Cæsaream. Cæteroquin Bembo quoque contraria iis quæ à Guicciardino narrata sunt, adfirmanti, tantam haberi fidem neutiquam debere, ut non meminimus simul, errare eum potuisse, imo etiam (ut exemplo Albani Armerij, in quo Bembum Petrus Iustinianus erroris redarguit, constare ait) errasse. Ac sic denique, quod adfertur de exclusionem Legatorum, intelligendum de posteriori illa, de qua idem Iustinianus, alijsve quibuslibet, cum nullum id temporis orandi supplicandive finem Venetos fecisse, ex verbis illis Antonij Mocenici, nimirum *assidue precando & obsecrando*, quæ mox recitavimus appareat. Si quis tamen hæc ipsa pressius consideret, nullo negotio animadvertet principii petitione hic denuo Anonymum peccare. Probandum id ei foret in antecessum, factam fuisse Iustina-

niano

niano copiam Imperatorem adeundi, illud probare si potest, largiar haud gravatim, credere me, non fuisse mandati sineis transgressurum, sed hic ei aqua ut hæreat necesse est, neque enim ullus est mortalium, huc usque qui scripserit, Iustinianum in Imperatoris prodijisse conspectum; id ipsum quantisper non liquet, qui bono ut ad præsumptionum divergia confugere velimus? Est ergo, ut hoc in vestigio pedem figat necesse comprimis, eundem retro si fert, vel se iudice causa cadat. Quis enim credat principis consiliarios in tauti momenti res sese intromissuros, aut cum ijs quippiam acturos fuisse, quos olij publici piacularis quodammodo victimas, à summo Pontifice devotos diris, ac potentissimis orbis Christiani Principibus bello petitos, & viribus non leviter infractos, animadyerterent? Ecceui fides fiat, duplicis Legato mandati tabulas fuisse datas, non aliter ac si præfago dictamine antecapere patres quivissent, ea quæ Cæsar dignoscere recusaret, à Consiliarijs tractanda? Nemo opinor adeo rudis est, ut nesciat eorum quæ principi revelata communicataque sunt, exactiorem subinde penitentioremque discussionem, consiliarijs demandari, aut vero ea ut tractent, probent, firmentve consiliarij, Dominis invitis ac contra nitentibus, quæ propalam norunt irrita atque ingrata futura, itidem credat nemo. Ac tandem, ut quam paucissimis quod in manus suscepi absolvam, duo notari desiderem. Primo, nimirum, quæ asserit, adversarium non probare, probari vero contrarium; ac sic contra probationum evidentiam circa præsumptioneis frustra laborari. Secundo, malâ fide agere Anonymum, qui Bembum incuset, quod perplexe rem tradat. Quod ut à me recte candidèque dici constet, Ita Bembus lib. 8. *Antonij etiam Iustiniani littere ex Alpibus datæ Senatui certiores fecerunt, Tridenti Episcopum se audire noluisse, quod diceret aqua & igni interdictorum sermonem*

monem atque aditum esse defugiendum, itaque paucis post diebus, cum nihil impetrare potuisset. Senatus permissu domum redijt. Quibus verbis nihil clarius apertiusve dici posse omnino certum est. Sic Laconum Legatum Pericles, quod ab hoste armato veniret extra fincis agri Attici dimisit, *Thucyd. lib. 11.* sic Senatus olim Romanus Carthaginiensium Legatos admittere sese negavit posse, quod esset eorum exercitus in Italia. *Liv. lib. 41.* Corruit ergo per hæc ipsa quæ diximus anxia ac magno molimine stabilita adversarii distinctio. Quorum enim tempora legationum distinguamus, si jam ante certi sumus, neutra legatione Imp. eos ad se admisisse? Primam si spectamus, confundit Anonymum auctoritas Bembi, si secundam, Justiniani, si legationum aliquarum, præter binas illas, recordatur ullus scribentium, dubio caret, probare adversarium debere, ullo belli illius, quod ad Iliaci diuturnitatem quam proxime accessit, tempore, Casarem legatis ad se ut accederent permisisse; hoc non probato, ridiculum sit, ubi principum adeundi non fuit, eorum quæ facta sint progressum describere. Recte Poëta.

*In fabrica, si scæva est machina prima,
Cætera mendose fieri, atque obstipa necesse est.*

Venetis acrius etiamnum ut insultet, Guicciardini narrata defendat, ac penicillo velut adumbret miserandam reipub. conditionem, nonnulla citat ex oratione Ludovici Heliani, Gallorum legati, quam ille anno supra millesimum quingentesimumque decimo Augustæ in confessu Germaniæ procerum habuisse dicitur. Sunt autem talia. Ecce, &c. *quomodo veniunt, audentque lugubri veste, torto collo, flebilibus oculis, submissaque voce poscere, &c. nunc audent dicere, vultis o Principes Venetiam alierum Italia oculum effodere, penitusque delere, non est iam cle-*

T t

mentium

mentium Principum, &c. Clamant jam nunc &c. quid fecimus, quid commemurimus, &c. Addit porro non dicturum fuisse virum tantum, talique in confesso, inque re nemini ignota, vel tantillum, quod à veritate rerum gestarum dissonum foret, Quid tamen credi hic debeat aut non credi in medio relinquam. Novit ipse adversarius, noverunt omnes qui mediocriter in historijs versati sunt, tot tantisque mendacijs orationem istam scatere, ut eorum neque finem neque modum in illa sit reperire; adeo quidquid livor excogitare, quidquid invidia suggerere, quidquid splendida bilis subministrare, denique quidquid evomere calumnia potuit, injuriarum, maledictorumque, in illam orationem tanquam commune receptaculum confluxere. Angiæ citius stabulum quis purget quam diras, quam calumnias, ac præter veritatem dicta inde exterminet. Ipse Anonymus orationem verè Philippicam vocat, omnia, nec male, eo nomine comprehendisse sibi visus. Ipsum Helianum quoque verba protulisse non sua judicarunt ipsi Germani, inter ceteros cujus illa beneficio lucem videt oratio Melchior Goldastus Harminsfeldius, sub finem illius, sic ait, *Hic & multi alij memoratus orator Gallus in Venetianos fulmina sui detorquere sermoni, maximo quidem enitebatur studio, sicuti manifestè patet omnibus illos reddere odiosos & principum armis conterendos: Quod quidem non tam sua sponte quam Ludovici Gallorum Regis jussu fecisse putandus est. Sic enim in orationis sue principio dicit, ego qui multos defendere, neminem ledere consuevi, in has angustias deductus sum, ut aut ab officio Legationis sit recedendum, aut de improbitatibus, de dolis, de male meritis Venetorum necessario non sine magno dolore mihi sit dicendum.* Tantum vero abest ut consentanea hæc dici queant narratis Guicciardini, ut omnino contrarium ex illis inferre liceat. Nullam Helianus subjectionis, nullam tributi mentionem facit, nullam superioritatis Imperatoris confessionem, verique

rique ac legitimi dominij delationem, nullam denique observantiam Deo proximam, quam Venetos Guicciardinus ait Imperatori exhibere paratos, ille commemorat; imo id agit potius, cum jam illi (verba sunt ejusdem Heliani) cum quatuor Christianorum potentissimis Principibus de summa rerum ausi sint decertare ac ne victi quidem possint quiescere, ut denovo conjuratione facta conterantur excindanturque stirpis. Hoc ut obtineat, omnem lapidem movet, ima summis permiscet, coelum terræ. Adversarium hic testem vocare possum, quo tempore Heliani habita fuit oratio, Venetos jam tum magnis animis in id ut se sibi, suæque dignitati, splendorique pristino adfuerent, incumbentes, dignos virtute sua progressus fecisse, inimicisq; suis non exolos minus; quam formidabiles. Ac nec ipse negare possit, ut fere semper, fide non optima, hæc sibi dissimulari; nec petendum nobis aliunde, quam ex hac ipsa Heliani oratione, testimonium. Fidem Anonymi quod attinet, statim ille à primo loci quam transcripturus est verbo chasma facit. Ecce, &c. quomodo veniunt, tota vero inter se verba cohærent. *Ecce post tanta in rem vestram pub. perfidorum scelera commissâ, quomodo ventunt audenque lugubri veste, torto collo, flebilibus oculis, submissaque voce poscere, qui superioribus diebus comprehensi sunt cum scalis & exercitu magno ausu sub mœnibus Veronensibus, ut urbem noctu invaderent & praefidia vestra jugularent, & quæ sequuntur. Rerum Venetarum statum si considerare juvat, statim ab orationis initio, Magna eorum, inquit ille, potentia est, nam eos qui æstate precedente quatuor potentissimos Principes Christianorum in patentibus campis expectare sunt ausi, & collatis signis aperto Marte dimicare profecto potentissimos homines aestimare & judicare debemus, Sed jam sunt victi, sunt diminuit ideoque facilius poterunt extinguere quam si essent integri. Sed nisi vestre ô Principes peregrinentur aures, intelligere debetis quid jam recuperaverint, ut se jam refecerint: Quod si eos paululum respirare permisistis,*

ut hanc unam calamitatem evadant, vereor ne crabrones (ut ajunt) irritaveritis, nisi ergo hujus venenissima ac surgentis vipera, dum adhuc titubat, cerviceis perfregeritis, prædico vobis, si non tam cito, ac profecto quandoque tamen, & si non vos, vestros certe successores, suo veneno inficiet ac spiritus circumdabit. Ac ut ipsas quoque Venetorum legationes attingam, audiamus & de his disertantem Helianum. Deligunt ex callidissimis & versutissimis Senatoribus Oratores, quos cum retibus, hamis & visco peregre mittunt, non ad pisces aut aves irretiendas aut inescandas, sed ad fallendos & decipiendos Principum animos. Tot & tales sunt laquei Venetorum, quos Principibus miseris parant, ut enumerare eos nemo queat, quin etiam nisi cautus evadere. Iungat, nec invideo Guicciardino, Helianum Anonymus, est interim quod serio sibi gratuletur Venetorum libertas, illam temporis filiam, quæ maledictis calumniisque diuturnum haud esse patitur imperium, in hac ipsa causâ tantum fuisse. Ut ut in omnes formas se vertat adversarius, non faciet tamen, inter se illi ut conveniant, aut si quid illi inter se consentire dicantur, multum ipse suis illusionibus, quas ex Guicciardino formavit est detractus. Et sic quidem quæ maxime adversatura scriptorum testimonia videbantur, sibimet ipsi contraria reperta sunt atque adversa, quibus ipsis, siquid deferendum videbitur, erit id omne pro Venetis militaturum, quorum non exiguo bono, vel hostilibus testimoniis rerum gestarum fides posteritati, quæ suum cuique decus repensura est, commendatur.

Dixerat Leo, cum in Germania degeret, illud diligenti perquisitione sibi compertum, nullam istiusmodi mandatorum tabulam, aut orationem quoque, in archivis imperialis reperiri. Hoc ipsum, risu Anonymus dignum ait, nec responsum mereri, authoremque se esse Leoni ne Germanorum ingenia per se sat ignea promptaque laceffendo.

equum

equum, quod ajunt, in planiciem. Bona fide, mihi qui sic respondeat, ipse ridiculus esse videtur Anonymus, ac expediat velim, ecquis unquam legatus fuerit absque literis (ut vocantur) credentialibus? quis unquam nomine Principis Reipublicæ apud extraneum Principem Remvepub. aliquid negotii aggressus sit explicare, qui non primo fidem fecerit se sufficientibus instructum mandatis? est revera mandati fides agendi Principium, eodem mandato firmantur ea, quæ tractanda veniunt, neque alia utrimque eorum quæ tractata sunt rata fore securitas, quam mandati tenor; cujus limites si non e. cesserit mandatarius, mandantem obligatum habet, quæ sibi, quæ illi, ad quem missus est; peccet in communem sensum qui credat absque prævia mandati inspectione Cæsarem Cæsaresve Consiliarios quid acceptaturos fuisse, aut non fuisse asservaturos quoque, quidquid id fuisset literarum. Ridiculum sane, cum vel levioribus in rebus mandata requiri, attendi, servarique soleant, id lectori persuasum velle, Cæsarem ipsum, ejusve ministros tam supine oscitantes fuisse, in tanti momenti re, nempe ubi de fine belli agendum erat, eaque tradenda veniebant, quæ ut consequi posset, totum orbem Christianum Cæsar, in Venetos animare, armareque tentaverat. Certe Germanos laceſſere haud voluit Leo, veritatem asserere voluit, sibi duplici nomine cognitam; sciebat nempe & originarias literas siue authenticum ipsum mandati tabularium, asservari penes ipsius Iustiniani heredes, & simul nullum illius exemplum in Cæsareis archivis reperiri, probe erat edoctus; fidenter dicam, Germanos ipsos fateri vera esse quæ Leo affirmat, quod si cui inficiari lubet, onus in me probandi ultro recipio. Veritatem effari, suppressam in lucem reducere, si laceſſere Anonymo est, esto, laceſſit omneis omnino mortaleis Leo, nec hilum timet, ne quis ad revocandi metas hæc astruentem compellat.

Omissio Leone in Parutam denique incurrit, quem inquit ad hanc orationem pro objectione movisse verosimile sibi non videri, hæc ita ut Guicciardinus vult salvo Venetorum Imperio maritimo, re pecuniaria non admodum imminuta, coque urbis situ, aut sponte aut vi cogente unquam obvenisse. Parutæ Mocoenicum opponit, nec non & Bemburn, prior ait *Patres Libertati suæ timuisse, trepidasse magis quam consuliisse, fuisse consternatos, voluisse aliquando de pace etiam cum Gallis agere, si modo loquendi apud quempiam facultas esset. Sua interesse putasse, quoquo modo, confractis rebus, tantos Impetui comprimere atque omnibus modis pacem amplecti velle.* Posterior, veritos patres, ut omnis Italiæ continentis pars, quam tenerent ipsi, à Repub. deficeret, ad urbem tuendam & commotibus classibusque muniendam animum adjecisse. Item alibi, ab ea cogitatione hand longe abfuisse ut urbi suæ timendum putarent. Item, decem viros legisse qui adhibitis peritis hominibus vada inspicerent urbana, ut aditus si qui essent apertiores castellis mantrentur.

Iam ante etiam Anonymus dixerat Parutam indignatum fuisse quidem, quod quis dixisset actos fuisse ad desperationem patres, sed & ipsum quoque, non alio quam desperationis, ubi hac de re sermonem instituit usum vocabulo. Ut respondeam, primum illud noto, neque Mocoenicum, neque Bemburn nec Anonymum, nec ullum denique negare, vera esse quæ Paruta dicat, salvum fuisse imperium maritimum, ærarium fuisse non exhaustum omnino, multumque in situ ipsius urbis præsidij. Maritimum imperium quanti momenti Venetis habitum semper fuerit, testentur illa quæ graviter fuscque apud Bemburn lib. 8. historiarum Dux Landredanus dissevit, quæ quoniam latius ipse quoque Paruta prosequitur, quamquam videri possint multum ad rem facientia, non transcribam. Videat & cui ocium est de viribus ærarij Veneti Bemburn, non uno loco. Constat illud, etiam rebus multum duris, patibusque in ejus curam sollicitis,

licitis, etsi jam undecim millia librarum auri in bellicos sumptus essent impensa, mansisse inexhaustum ac ferendis oneribus suffecisse. De situ urbis non est quod dicam quippiam, norunt omnes, urbem vadis undique obsessam, neque à justis classibus, neque à terrestribus exercitibus adiri se permittere, nempe eo situ, eaque loci naturâ, ut sibi ipsi ni deesse vellent Veneti, nemo eos cogere posset. Quis vero eo rerum statu verosimile sibi videri dixerit Venetos qui per tot rerum discrimina, tot prospera, tot adversa inoffensam libertatem ultra millesimum sæculum conservarant, adeo servili abjectoque animo fuisse, ut eam non abdicare modo à se sustinuerint, sed vel invitis obtrudere. Certum ex adverso est, imo certissimum patres tot armis, tot motibus rerum circum circa frementibus, tot imminentibus undicumque periculis, nec allisisse virtutem suam, nec abscondidisse, nec eam evilesceere passos, cujus quo miseriùs, eo certius documentum, habebant circumferebantque. Quid vero nos moratur quo minus ad ipsa rerum testimonia recurramus? Eodem illo tempore, constat ipsos Patavium recuperasse, eâ, quæ fidem superet, celeritate, munisse. Cæsaris exercitum, ad urbis illius obsidionem solvendam compulisse, ita Cæsaris vireis fregisse, omniaque elusisse molimina, ut deberet sibi, deberet fœderatis ludibrium; quin ipsum denique Cæsarem eo redegissee ut primis induciarum (quas nec obtinuit) mentionem injecerit. Constat illos Saravallum expugnasse, sibi asseruisse mascula prorsus virtute Tarvisum, progressus longe maximos fecisse, in recuperandis urbibus, in Vicentino comitatu, ac Foro Juliano tractu sitis, ut iam cætera quæ adversum Ferrarienses fortiter gessere præteream, testantur id, illa ad Padum ac ubi non denuo? viriliter ab ipsis designata, quæ narrant annales, narrandoque futuræ posteritati ob oculos ponunt,

ponunt, victam quidem fuisse aut similem victæ Venetorum virtutem, cæteroquin tamen nunquam sub fortuna concidisse. Nempe ubi assidua virtuti cum incommodis suis rixa est, callum ea per injurias ducit, nec ulli malo cedit, sed etiamsi ceciderit de genu pugnat. Quid vero attinet trepidasse quod dicit Maurocænus? Quis fortunæ mutationes, quis dubios rerum humanarum casus, quis non diversa præsentibus, contrariaque expectatis, aut speret aut timeat? Est hoc regnis, est hoc rebus publicis frequens, quod mari; momento vertitur, eodem die navigia ubi luserunt sorbentur. Sed reppimo me & ad Venetos revertor: Recolligebant sese muniebantque adversum ingruentia, restrictiorem; deinceps se suaque protegendæ defensionis modum servaturi. Id ipsum si trepidare vocat adversarius, supplex rogo, Venetorum prudentiam à Barbarica temeritate separatam ut velit, *Barbaris* (auctore Tacito ann. 6.) *cunctatò servillis, statim exequi regnum videtur.* Sed si quid Floro credimus *Consenscit impetus ille qui Barbaris pro virtute est.* Bello Cimb. notatumque Senecæ oraculo *Barbarorum exitium esse iram.* (Sen. de ira) Dicam cum Thucidide *Δύο μὲν ἐν αὐτῷ πλεῖστον τῇ εὐβουλίᾳ, τῷ χόρῳ καὶ ὀργῇ, duo recte menti & consilio adversissima celeritas & ira;* Ex adverso, Animus, ut est apud Syrum, vereri qui scit, tuto scit aggredi. Anticipat quidem terroris tormentum prudentia, sed nemo eo usque, aut in tantum unquam terrores calamitatesque mortalium sub jugum misit, ut æque semper intrepidus fuerit. Ennium si audimus

Et Romanus homo, tamen si res bene gesta est

Corde suo trepidat.

Quid & hoc attinet quod sibi, quod libertati, quod urbi suæ, timuerint, dummodo semetipsos, libertatem, urbemque ab hostibus tutari potuerint. Prudentis est omnem fortunæ licentiam in oculis habere, tanquam quidquid potest factura

factura sit. Neminem illa eo provexit, ut non tantum minaretur quantum permiserat.

Cæterum scientibus unam sibi in armis salutem superesse cur desperarent causa hauderat, modo perpenderent (ut certe prudenter id usque quaquefecere) ea consilio temperanda, alias mole sua ruitura, totamque Rempub. eidem ruinæ involutura. Huc summa summarum redit quod victi non fuerint, nec iis unquam ut devictis leges victor dixerit. Eadem in aliis regnis rebusque pub. fata si consideramus, fateri cogemur, Venetos animi magnitudine constantiaque, nulli iis temporibus secundos dici posse. Sed enimvero pulchre hæc ipsa, nitideque Paruta, loco quem Anonymus citat, exsequitur, & instituta comparatione ita rem se habere pluribus demonstrat: ad eum lectorem ablegasse fas mihi sit. Pergo nunc, dicoque, nemine excepto, omnis omnino quotquot unquam hujus belli recordati sunt historiarum Scriptores, in eo consentire, victos quidem ac non uno prælio fuisse Venetos, cæterum, eisdem isto bello victores extitisse. Ergo nec Venetis Babylonis muros conferre liceat, quos Alexander intravit, non Carthaginis, non Numantiæ moenia, una manu capta, non Capitolium Romæve, quæ & ipsa hostile habuere vestigium; Ac revera quomodo quorundam lapidum inexpugnabilis ferro duritia est, nec secari adamas aut cædi vel deteri potest, sed incurrentia ultro retundit; quemadmodum quædam non possunt igne consumi, sed flamma circumfusa rigorem suum, habitumque conservant, quemadmodum projecti in altum scopuli, nec ipsi ulla sævitæ signa tot verberati sæculis ostendunt, ac denique ut apud Poëtam,

—*Gemit impositis incudibus Ætna:*

Ipsa vero incus, malleorum duritiem excipit immota, ac
V v non

non perfert modo, verum etiam durior ipsa repellit à se, eundem plane ad modum libera, inconcussa, immobilis, ac contra casus indurata, Venetorum libertas, stetit, perstititque, ac talem sese quaquaversum ostendit, ut vel ipse Britanniae Rex, toto semotis Oceano hinc acerbitate rei percussus, inde stupendam Venetorum miratus constantiam, ipse ad Pontificem, Cæsarem, Galliaeque Regem, literas dederit, quibus apud eos, ut bellum in Venetos ponant, intercedit, addito hoc memorabili in omne ævum epiphonemate, *ne cum Veneta urbe bellum exercerent, quæ si nusquam existet construi tamen omnibus ab hominibus ad publicam orbis terrarum utilitatem atque ornamentum profecto debuisset.* Dico porro, mirari me Anonymum, qui frustulatim perinde ac si laceros Hypolyti aut Abscyrtae artus collecturus esset, ex Mocænico Bemboque, ea colligit, quibus consternatio Venetorum, ac trepidatio colligi possit, quid impellat, cur sciens prætermittat, tot tantisque apud eundem Bembum (Mocænicum ut dixi non habeo) exemplis elucescere, in Venetis cordati animi non vestigia, sed monumenta, ut utramque ei paginam compleant.

Si post Abduanam cladem, virtutis Venetae, si fidei Brixiensium, Veronensium, Patavinorum, plurimorumque agrestium oblivisci potuit, utpote longius latiusque diffusa quæ sunt, quam ut intra privatam laudem consisterent; at sane cum consternationis meminisse voluit, debuerat retinuisse ipsius properantem manum, Pauli Barbi prudens magnanimitas, qui defectis extrema senecta viribus, jam capularis, quam præ senio dudum deseruerat, stationem de novo arripuit, allatoque Cladis Abduanae nuncio, vestem senatoriam poposcit, inque curiam sese membris trementibus ac succiduis traxit, eaque dixit, quæ in tem præsentem erant. Debuerat eam retrotraxisse Petrus Duodus, qui difficili-

ficillimis temporibus lectus ut Reipub. Legatus Brixiae prae-
 esset, propalam senatu audiente pronuntiavit se id vehe-
 menter cupiisse, ut suam reipublicae tam tristi tempore ope-
 ram navare posset, quando laetiora non dabantur, Legatio-
 nem libentissime obiturum. Debuerat inhibuisse pius in
 patriam affectus Christophori Mauri, qui similiter Legatus
 à Senatu lectus, ante subsellium ducis progressus, patribus
 dixit, post Deum immortalem suam se reipub. vitam vo-
 visse, laeto se illam animo patriae, à qua acceperat, redditu-
 rum. Haec ipsum movere aut inhibere si non poterant, ac
 praeracte timorem Venetis exprobare, pertinax ipsi stabat
 sententia, ipsa saltim veritas gestarum rerum apud ipsum
 pro Venetis intercedere poterat, & tot patrum pro bello
 summis viribus administrando decreta. Potuerat utique
 magni illius Aloisij Molini caelo recepta mens, de quo me-
 rito Vellejanum illud usurpes, Ecquando propinqui ami-
 cique similem mei civem habebit respub. ? Aloisij inquam
 Molini, quem libertatis suae statorem vindicemque, eorum
 quae ad segniora divergere videbantur, mox in publici pri-
 vatique perniciem eruptura, averruncum, durissimisque
 temporibus, tutelare velut numen experta est Respub.
 Ille, *trepidus consiliis plus civitati detrimenti inferri, quam ab illis qui
 bellum ei intulissent, intrepide pronuntiavit, impertumque, quod
 majores, suis laboribus, suo sanguine, in continenti pepererant, non a-
 mittendum animorum debilitate, cavendumque dixit, tali potius imbe-
 cillitate victi ad ea tempora fuisse dicerentur, quam impetu fortunae.
 Se quidem quod attineat, haud aliunde quam à publica re, quae sibi vita
 charior esset, impelli se;* protestatus est: ad quam, cum civium su-
 rum commoda atque utilitates adjungantur, ecquid esset quod aut ipsum
 aut civem bonum ac industrium à probanda suo suffragio lege (nimi-
 rum, an etiam offensam reponere Veneti bello illatam de-
 berent, ac Patavium recuperare) detertere debeat ? Idem ad,
 V v 2 illud

illud quoque, quod dictum fuit, urbi suæ patres timuisse, ubi devenit, nihil interesse dixit, an urbs ipsa in potestate sit hostium, an ejus incolæ ac cives, qui que illam regerent, omnia statuerent quæ hostes velint optentque. Id si fiat, ad servitutem desecti predicavit, hac ratione, hostium Libertatem fieri: ac Libertatem reipub. (verba illius sunt) quæ una cum hujus urbis parietibus semper crevit, quam majores nostri nobis integram atque intactam reliquere, prorsus atque omnino perijisse. Si majores (ita porro ille subjungit) iidem, nostri ab ea Cæli regione in qua beatissimi sempiternam vitam agunt, hic existant, atque ad vos conversi istiusmodi orationem habeant, nos urbem vobis dedimus cum liberam, tum eo situ ac natura loci, ut nisi ipsi vobis desitis, cogere vos nemo possit, cur quæ hostes vestri optant facere vos didicistis, homines, maxime omnium qui hodie sub cælo degunt, liberi? Cur imperium pulcherrimum quod vobis constituimus tam formidulose regitis? cur Patavium male ab hostibus custoditum, quod pene vestris sub oculis est, vosque appellat atque obtestatur non recipitis? Quid illis obsecro respondeatis. Primum scilicet uni vos servivisse tempori, quodque tempus postularat, id fecisse, jam vobis istud omnes concedimus, tempori enim hostium perpulchre in servitum est, de hac urbe autem timere vos, ne amittatur dicere non audebitis, neque opinor tam timide in Senatu loquuti esetis, nedum etiam apud illos majores nostros, optimos fortissimosque viros, qui sciunt urbem hanc capi non posse, cujusmodi quippiam præferre audeatis: repositæ enim statim vos, repenteque à vobis partam gravibus verbis, quodque tam pusillo animo fueritis, conquerentur, qui ne hoc Imperij domicilium, vestris ab hostibus tueri posset, peritimmeritis. Sed de eo plura me dicere minime necesse esse arbitror: Urbs enim pro se ipsa satis loquitur, quæ obsessa vadit undique, neque à justis classibus, neque à terrestribus adiri se permittit. Subjungit item aliquanto post, semel aut iterum homines ad regendum Imperium natos, maximis in rebus timide lapsos fuisse, humanum fortasse sit, ventiaque non indignum, usque quaque autem eosdem illos, sine causa, omnia vereri, neque dignum ventia est, nec excusatione:

ad in-

*ad interitum tendit, qui id agit. satis Respubl. obdormivimus. quæque sequuntur. Ac tandem Deum immortalem, Divumque Marcum, urbis Venetæ parentem, conservatoremque veneratus, tantum effecit, ut quæ major à Lauredani ducis partibus fuerat pars, & intra defensionis terminos consistendum censuerat, mutatis sententiis illi accesserint. Adeo nempe omnibus turpis visus est navigii rector; qui gubernacula fluctus eripuit, qui fluctuantia vela deseruit, permisit tempestati ratem. sed ille vel in naufragio laudandus, quem obruit mare clavum tenentem, & obnixum: estque ilico perlata lex, ut ad Patavium recipiendum Grittus Legatus è vestigio contenderet. Quæ quidem eo transcribenda nobis impensus fuere, ut ut proluxiora, quod efficaciter omnes Anonymi fugillationes retundant, quantumque ex vero trahant, lectori faciant planum: Illud addam, tam masculum, cordatum, fidumque consilium, tantam excepisse rerum mutationem, ut ex illo tempore læta prosperaque reipublicæ omnia obtigerint, foederatis adversa; insigni documento quid in virorum ad Libertatem natorum pectoribus possit ille majorum tradux ad tuendam libertatem spiritus; quid viri pietate ac meritis conspici polleat autoritas. Sic olim cadentem remp. quantum una retrahi poterat manu non semel fractis partibus infractas Cato retinuit, donec vel abreptus, vel abstractus, comitem sese diu sustentatæ ruinæ dedit, simulque extincta sunt quæ nefas erat dividi; ac nec post libertatem Cato vivit, nec libertas post Catonem. Hoc ipso vero Catone major *Aloisius Molinus*, qui contra fortunam brachia intendit, labantes consilio patres firmavit, sustinuitque ipsam rempub. publicas inter ruinas, vere patriæ suæ alter parens.*

*Salve invictæ parens non concessure Quirino
Laudibus, ac meritis non concessure Camillo.*

Aveat illustris anima virorum maximi fortissimique. Venetis Libertas sua quantisper constabit, quantisper suus apud servire nescios libertati perstabit honor, non in Venetorum duntaxat animis, sed omnium denique, qui animam suam Libertatemque juxta æstimare norunt, benedicta sacrosanctaque illius est futura recordatio, in omne ævum prorganda, in omnem duratura memoriam.

Ac sic quidem de veritate rei gestæ dictum satis, vocat nos ordo, ad ea, quæ in facto juris habent mixturam, quæque ex ipso facto jura enasci potuerint, deinceps ut examine-
mus, tempus est.

Atque hic quoque, ut circa præjudicium quæ nunc al-
laturi sumus ordiri detur, lectorem meum monitum roga-
tumque velim, ne perinde ea accipiat, ac si, quæ mendacii
aut vanitatis Iustinianus, calumniæ Leo, erroris non fe-
rendi Paruta redarguit, ego pro veris, aut quicquam ex vero
trahentibus habere velim; id unum in animo mihi est, ut
omissa quæstione facti, qua simpliciter talis, insuper quoque
illius veritate posita, ut ut non concessa, demonstrem, ope-
ram ludere Anonymum, qui ex illa oratione, subjectionis
aliquod argumentum fabricari posse, sibi præfiguret. Quod
ut ordine deinceps exsequamur, despiciendum I. Ecquid
ea verba proprie quadrènt iis, qui ita se alteri subjiciunt, ut
nihil in semet ipsos suæque, juri: reservent, omnia victori de-
ferant, ut qui vi majore cui repellendæ impares fuerint, ta-
lia facere patique coacti sint, an vero talibus, qui res suas in-
feriores esse cum videant, sequioraque reformident, poten-
tioribus se applicare potius habent, sæpe etiam condi-
tionibus

tionibus minus æquis, quam fortunam ulterius experiundo, in extremum se suæque discrimen adducere. II. Quæ mens hic Venetis fuisse existimanda sit; ac III. denique, quænam hic juris incidere aut moveri quæstio possit, præsertimque, ecquid ullatenus ea quæ Cæsari oblata dicantur accipienda sint, aut interpretanda, in detrimentum libertatis Venetæ. Primum quod attinet, certum est, ubi quis ita devictus est ut nec vireis reparare, aut bello certare porro valeat, cum victori cedere, cui si se dedit, jam nihil suum asservat, si dedititiæ conditionis sortem dedere se volenti victor negat, extrema omnia perpeti debere. Deditionis formulam (solebat enim ea fieri per verba legitima & ad id concepta) superius citavimus, hoc loco non repetendam, cæterum non absonant ei quæ sequuntur Plautina, in Amphit.

*Convenit victi utri sint eo prælio,
Urbem, agrum, aras, focos, seque uti dederent.*

& mox,

*Postridie in castra ex urbe ad nos veniunt
flentes Principes,
Velatis manibus orant, ignoscamus peccatum suum,
Deduntque se, divina, humanaque omnia,
In deditionem atque arbitrata cuncti Thebano
populo.*

Vnde & passim apud authores videas, dedentes arma abjecisse, victorum sese potestati permisisse, coque pacto expressam deditionem, ut armis projectis, mortem deprecari inciperent, quæque his similia sunt. At vero, preces, submissio-

missiones, oblationes etiam abjectæ dimissæque, non statim habendæ sunt pro deditioe. Quale quantumque inter ea discrimen sit, illustri exemplo, Campani, quorum similiter supra recordati sumus, nos docent. Illi prælio victi à Samnitibus, ut à fœderatis Veneti, accedunt ad Romanos, quorum focii fœderatique Samnites erant (ad Maximilianum Veneti unum ex fœderatis) ac nequo in Samnitum potestatem deveniant (Veneti Galli potentiam nimis excrecentem exosam habebant) Romanos, ut sibi adsint, rogant (Veneti in Gallos Cæsarem exstimulare conabantur) votorum ubi compotes sese reddi haud posse vident, propalam populum Campanum, urbemque Capuam, agros, delubra, divina humanaque omnia, in Pop. Rom. ditionem dedunt, quidquid deinde patiendum erit, didititij passuri; quantisper vero spes erat impetrari posse, quæ exoratum venerant, nulla deditiois occurrit mentio, ac humillimas inter preceis, inter adjurationes, implorationesque auxiliorum multum anxias, sui juris retinendi dimittendique domini manent, etiam reflante fortuna libertatis memores. At videamus, quibus illi verbis se suaque Pop. Rom. commendaverint, sic inter cætera loquutos author est Livius dec. 1. lib. 7. *Populus nos Campanus, Legatos ad vos Patres conscripti misit, amicitiam in perpetuum, auxilium à vobis in praesens petittum, quam si secundis nostris rebus petijsemus sicut cæpta celeris, ita infirmiore vinculo contracta esset, tum enim ut qui ex æquo in amicitiam nos venisse meminissimus, amici forsitan pariter, ac nunc subditi, atque obnoxij, (notentur verba) vobis minus essemus.* Paulo post, *Quod vos pro salute nostra priores feceritis, id nos pro imperio vestro & gloria semper faciemus.* Item, *Acerbum & miserum est, quod fateri nos fortuna nostra cogit; Eo ventum est Patres conscripti, ut aut amicorum, aut inimicorum, Campani simus, si defenditis, vestri, si deseritis, Samnitum erimus. Capuam ergo & Cam-*
paniam

paniam omnem, vestris, an Samnitium viribus accedere velitis, deliberate. Ac quammaxime disertim, Umbra vestri auxilij Romani regi possumus, quidquid deinde habuerimus, vestrum id omne existimabitur, vobis arabitur ager Campanus, vobis Capua frequentabitur, Conditorum, Parentum, Deorum immortalium loco nobis eritis, nulla Colonia vestra erit, quæ nos obsequio erga vos fideque superet. Annuite patres conscripti, nutum numenque invictum Campanis, & quæ sequuntur. Hæc, qui cum oratione quam Guicciardinus Justiniano adscribit, comparare vellet, multo etiam efficacius graviusque, ac majore etiam dimissione concepta pronunciataque haud gravate deprehendet, ac vel invitus fatebitur, qualiacumque ea fuerint istiusmodi tamen haud esse dicenda, ut in dedititiam sortem cadant; quinimo ut ut dicere velimus, revera habuisse Justinianum rei publicæ nomine istiusmodi orationem, (quod tamen non liquet) concedat necesse est, ex ea deduci non posse, fortunas Venetorum eo angustiarum id temporis redactas fuisse, ut vi atque armis oppressi, libertate quam retinere non poterant, privati fuerint, exciderintve. Veniamus ad secundum, ac quid sibi propositum Veneti habuerint, cum (si diis placet) orationem tam egregiam eorum legatus habuit, attendamus. Id ipsum acturis duo ponenda sunt: primum, quid voluerint, secundum quid omnino non voluerint. Quis post Abduanam cladem rerum fuerit status repeti necesse haud est. Iam inde ab infelici pugna, castrisque amissis, multum conciderant animi militum. Ita statuo, fuit Venetis ubi Leonina parum profecerat, assequenda Vulpina, injiciendumque frenum hosti victori, quem si successus suos urgere, si favori numinis instare contingeret, obvia quæque prostraturum, contra nitentia domituum, ipsaque ruina viam sibi facturum satis asquebantur. Notum illud Tragici.

X x

Arma

*Arma non servant modum,
Nec imperari facile nec reprimi potest
Stricti ensis ira. Bella deletat cruor.*

Erat ergo, Veneti ut se suo metirentur modulo, ac qua poterant, quæ sequior obtulerat fors, verterent in virtutem. Nempe si pacis commoda, si bellorum ancipites eventus, occentare foederatis, si benefactorum suorum memoriam refricare inimicis, si foederum cum illis inire numerum voluissent, ridiculi fuissent. Segnia consilia, ac remedia non profutura, temporum conditio averfabatur: Prudenter itaque in sua semet ipsos principia recollegerunt, judicaruntque, perinde ut ubi intra tegmen suum collecta est testudo, tuta est, adversus omnes ictus, ubi exserit partes aliquas, quodcumque nudavit obnoxium habet infirmumque, haud dissimiliter quoque, quæ maritimo imperio complecterentur, tuta sibi esse atque impervia, utque ea sæculorum aliquot decursu ad faciendos in continenti progressus viam straverant, in futurum deinceps quoque sternere posse; quæ autem tunc in terra continenti haberent, nuda esse, & ad omnes ictus exposita. Consultius itaque visum nihil, quam continentis possessione paulisper decedere, eamque ad tempus hosti cedere. Videbant siquidem, aliam si institissent viam, si civitates, castella, munitiones, præsidiaque, quæ in terra continenti habebant, non aliter quam per vim in hostium manus venire permisuri erant graviore se indies clade mulcendos, nec quid inde relatueros opere pretij, quam quod assiduis incrementis, terrorem suis, animum hostibus ipsimet essent addituri. Sic fuscum à se toties Numidam pertimescere sese Sylla negat, sic Romani Germanis Varum & eodem iterum fato victas legiones exprobrant. Quoties supersunt
qui

qui fugam animis, qui vulnera tergo circumferant incessuros statim ubi ferrum virtutemque vincentium agnoverint, ultione magis opus esse quam prælio, vel miles iudicat. Nec male, quis enim sit, qui fugâ meliores factos putet eos, qui secum in aciem, cladum suarum effusique sanguinis ducunt memoriam? recte Lyricus,

Nec amissos colores

Lana refert medicata fuco :

Nec vera virtus cum semel excidit

Curat reponi deterioribus.

Ex adverso, ut jam ante ex Seneca notatum mihi,

Regi frenis nequit

Et ira, & ardens hostis, & victoria,

Gladiusque sælix, cujus infecti semel

Vecors libido est :

Sic de Vejentibus Livius, *Veientes vincti à Romano milite absumpti, fusi fugatique sunt. Tarquinienfis, novus hostis, non stetit solum, sed etiam à sua parte Romanum pepulit, decad. 1. lib. 4. Item decad. 4. Lib. 4. de Sueffetanis, Quorum ubi signa Lacerani cognovere, memores quam sæpe in agris eorum impune perfulsaßent, quoties ipsis signis collatis fudissent fugassentque, paucis repente porta, universi in eos crumpunt, vix clamorem eorum nedum impetum Sueffietant tulere. Utque concludam, tantum id ponderis rerum militarium peritis habere semper est visum, ut facilius esse, ad virtutem novos instruere, quam revocare perturbatos, aperte profecti sint. Veget. de re milit. lib. 3. c. 10. Videbant porro Veneti, non alia ratione tutius hostium copias separari posse ac*

X x 2

distrahi

distrahi, idque duplici nomine, cum quod hac ratione fœderatos à se invicem avelli possescirent, tum quod & perspecta essent eorum studia in Rempub. quos in terra continenti subditos sibi fecerant: est enim ut ait ille firmissimum illud imperij genus, quo obedientes gaudent. Sane Venetos non fugiebat, sese Imperij moderatione, comitate, ac æquabilitate, maximum sui amorem animis omnium insinuasce. Perspiciebant, illis adnitentibus ac postliminio in Venetum nomen coalescentibus, absque negotio sese, licet rabido velut torrente, cujus magno cum terrore vis prima defluit, abrepti forent, hinc atque illinc in fœderatos coorturos deinceps, ac suis ipsismet viribus oppressuros. Ipsos porro fœderatos inter se quod divellere conati sint, res ipsa docet, nec non missi separatim legati; testatur etiam ipsa illa Guicciardini oratio: cujus enim contextu perspicue constat, quidquid id fuit precum obtestationumque, quod ommissis prudenter pro temporum conditione nociturae libertatis irritamentis, Legatus Venetorum effudisse dicitur, non alio spectasse, quam ut conciliari se Venetis Maximilianus pateretur, ac mox disrupto fœdere pariter cum ipsis in Gallos arma moveret, fieretque ex hoste eorundem protector & Advocatus. Evincit idem, locus ille quem pro se adduxit Anonymus ex Tuberone Dalmata, ac ut verbo cuncta comprehendam, nullus est nobis, mox ubi de facto disquisivimus locus allegatus, qui non id clarum manifestumque reddat. Addamus, præterquam quod verum sit idem in Rebuspub. quod in corporibus humanis, nempe habiliora esse corpora pusilla quæ in arma sua contrahi possunt, quam quæ super funduntur, quæque magnitudo sua undique vulneribus objicit, præterquam quod tanta iniquitas & casuum varietas, ita non poterat depelli, ut non plurimum insuper procellarum impenderet, magna armamenta pendentibus, idque

idque propter, ut in vanum tela reciderent, essent in arcum cogendæ res : addamus inquam, Venetos ea offerendo non tempus modo redemisse, spatiumque sparsa colligendi, collapsa crigendi, ac dejecta restaurandi nactus, sed & hostilis furoris aculeum retudisse non leviter.

Quid enim erat quo tenderent? Eam sane, quam suam cuique portionem facta Cameracensi foedere assignaverat divisio, Venetis terræ continentis possessione decedentibus, citra periculum consequi, ac habere sibi quisque poterat. Verbo dicam, cessere in remedium calamitates, & levioribus incommodis graviora sanata sunt. Si quis urbem ipsam deleturos fuisse dicat, sciat velim præter facti impossibilitatem, neque conjunctim id ipsum foederatos facturos fuisse, neque separatim ut fieret permisuros. Est, ut scimus, suspecta semper, quæ modum supergressa est potentia, ægreque vicinum princeps ferat, qui nocendi facultatem ex arbitrio suo metiatur. Notatum id ipsum Gallorum Oratori Heliano, quem supra vidimus, notatum simul annalium scriptoribus, atque ipse belli eventus insigni argumento edocuit; non alia Venetos intentione pro tempore à se continentis abdicasse partem, quam ut se suaque tuerentur validius. Illos ergo jure merito prudentes hoc quoque nomine dixerim; qui magnas opes magnis jacturis locum facere perpenderit. Scilicet ipsas quoque manus nostras, expeditius quid rapere posse, quam quæ rapuerint continere, scimus: utque navigia quæ modum excedant gubernaculo minus obsecundant, ita & Rebus pub. evenire assolet, ut prægraves si sint rectoribus suis periculosa reddantur, & intractabiles. Atque ut ad ea quoque pergamus, quæ secundo loco despicienda diximus, nempe quod sit illud, quod facere omnino Veneti noluerint; quivis deprehendat omnino eos è liberis obnoxios fieri noluisse. Ut ut enim (mox ab accepta ad Abduam clade).

ex sententia Mathæi Prioli judicaverint, ea quæ captui propiora atque oportuniora forent, quo sic hostium cursum impetumque sisterent tradenda potius, quam frustra vireis jam infractas opponentes, ea ipsa cum libertate imperij amitterent, non caruit tamen id ipsum magnis contradictoribus, nec defuere summi nominis viri, qui vel tunc infractum animorum robur fortunæ turbini objectantes, in amaras quærelas erumpere, propalamque queritari ausi sint, tot egregia oppida hostibus tam facile tradi haud debuisse, quæ majores tantis impensis, tot exercitiis, tantis suis laboribus & sanguine, per tot annos imperio adjectissent, sponte amittenda non fuisse; augeri hac re hostium audaciam dictitantes, quod debiliorem ad resistendum Rempubl. invenissent quam putarant, ac tanta confecti belli celeritate, ad majora invitarentur, quæque ejus generis plura apud Bembum non uno loco reperias.

Atque ut quid ipsis legationibus actum sit ne relinquamus intactum, idem Bembus simul atque literas à Senatu datas dixit, ad liberas Germaniæ civitates, ne Maximilianum favire contra Rempub. quæ erga illum tam liberalis fuisset, ulterius permitterent, immediate subjungit. *Neque propter hoc Intermittebant Patres in eam cogitationem incumbere, ut Patavium quod plane oppidum ante oculos esset civitatis, improvisa magis, & repentino incurſu, quam bello recuperarent.* Circa illius quoque urbis recuperationem, ea quæ mox in Aloisio Molino (cui tantum sese Veneti debere, quantum olim Camillo suo Roma, grata mente profitentur) deprædicabamus, magnanimitas, quam non voluerint Veneti externis sese imperijs submittere abunde testata est. Quo tamen ordinem hic aliquem temporum servemus, videamusque, idem semper fixum Patribus immotumque sedisse, ut belli quidem à se tempestatem quantum pote, declinarent, sic tamen ut ne libertatem suam

suam alienam in manum conferrent. Ex ante dictis notari queat Iustinianum (cujus, Anonymo fatente, prima Legatio fuit) cum per literas ceteriorum fecisset Senatum Tridenti Episcopo audire se noluisse, paucis post diebus Senatu permittente domum rediisse. Quid vero causæ subesse dicemus, cur eum infecta re domum redire permiserint, si quidem animus ipsis erat Imperatoris se suaque una cum libertate pedibus adolvere? mox quoque ac quidem confestim, à recepto Patavio, cum Monfice, Ateste aliaque agri Municipia certatim ad Rempub. pervenirent, ipseque Maximilianus veritus ne interciperetur è vestigio Tridentum abiisset; equidem tam procul absuit, ut taleis Venetis in mentem venisse cogitationes credibile sit, ut, vel pridie, antequam Patavium reciperetur datæ literæ à Maximiliano ad Senatum venerint, quibus ipse ut Aloisium Mocænicum ad se Marosticam patres mitterent petebat. Successum negotii si audimus, *Aloisius* (referente eodem Bembo lib. 9) *patrum jussu, postero die Tarvisium profectus, quod rumor attulerat Maximilianum se in fines suos recepisse, præmissis tabellario, qui ubi rex esset, quoque se venire vellet sciscitaretur, alteri literis regi certior factus est, nolle amplius Maximilianum cum eo colloqui.* Quid vero hic Patres, preceisne meditantur? submissionesque homini libero propudiosas, aut quod adversarius velit dedicationem? minime vero, *Legatus*, ut est apud Historicum, *Tarvisi paucos moratus dies, à Senatu revocatus, domum rediit.* Recte id ipsum; mutata res erant, cessabatque legationis ut materia, sic & causa. Ipse quoque Iulius Secundus, eodem illo tempore, cognitis magna cum molestia (si quid eidem Bembo credimus) Reipub. prosperis rebus, Dominico Grimano, Hyeronimo Donato ad se vocatis, animi ægritudinem dissimulans, ostendit cupere se ut Tarvisium Forumque lullæ Respub. ne amitteret, seque ejus rei autorem apud Maxi-

milia-

milianum fore pollicetur, atque ad sacra legatos reliquos qui domi detinebantur, admitti imperat. Utque mens agentium per ea quæ gesta sunt dilucide sese explicat, neque conjecturis locus est ullus, ubi ipsa rei veritas in aperto collocata est, quam non voluerint ulla ratione Veneti Libertatem suam seseque Maximiliani imperiis subdere, audiamus sodes, candide rotundeque loquentem Bembum. *Alotius* (ait ille) *Mocenricus*, *Ioannes Cornelius* legati ad pacem cum Maximiliano tractandam missi, uti superiore libro demonstratum est, atque in *Alpeis* profecti, regis internunciis qui ad eos venerant Reip. datis muneribus, (ea erant vini cretici pretiosioris, cere albæ ad tenebras expellendas, fructuum in *Egypto* conditorum ad regias epulas, omnis prope generis non parva copia) Sermonem cum iis complureis dies habuerunt, non unusque locis unâ fuerunt, neque tamen pax iniri potuit, cum illi omnia quæ in Maximiliani potestate proxime fuerant, à Senatu peterent, Senatus nihil eorum quæ ante bellum obtinebat vellet amittere, dependere quidem Maximiliano aliquam pecuniæ vim se obligasset, si de reliquis fœderis capitibus quæ proponebantur, convenire inter ipsos potuisset, sed obstinatione duritieque ambarum partium factum est, ut infectis rebus ab utrisque domum recederetur, ita ea multarum dierum tractatio & mora, quæ suspensos atque sollicitos Pavorum animos habuerat, postremo ad nihilum rediit.

Iudicet nunc æquus Lector, ex Historica rei gestæ veritate, ex personarum, temporum, locorum, occasionumque circumstantiis, quid in hac re statuendum sit. Ego soli meritiâ facem non prælucebo: verum hac quoque parte quam thematis mihi loco desumseram, satis ut videor defunctus, ad novissimam me conferam. Hæc ipsa quoque ut videmus bimembris est, primoque quid in quæstionem Iuris venire queat ut despiciamus monet, ac secundo, an ullatenus ea quæ in dicta oratione continentur, ita accipienda sint, aut interpretanda, ut in detrimentum libertatis Venetæ redundant

dundent. Primum quod attinet, indubium est ubicumque de facto quaeritur, inspiciendum esse quid actum sit, id est qua mente quove consilio hoc illudve ita gestum sit. animus enim est, qui normam formamque negotijs accommodat. Exemplo sit illud Iuliani l. 29. ff. de reb. cred. qui, quod non omnis enumeratio eum qui accepit obliget, dicit, sed quoties id ipsum agitur, ut confestim obligaretur, quod & in mortis causa donationibus, inque pecunia, ad id ut aliquid fieret, data, confirmat. Atque hinc quoque enata sunt duo juris axiomata. Actus ultra intentionem agentium non agere, item, nihil operari propositum in mente retentum. Quod ut applicemus, certum est peccare hic adversarium, qui verba quantumvis multum supplicia, sic distorquet, ac si qui ea proferunt abdicato jure libertatis, in contrariam libertati conditionem, se conjecerint, idque non minus contra verborum ipsorum tenorem, quam contra agentium intentionem. Ipsa verba quod attinet, dubium non est quin ea in nuda auxilij imploratione ac patrociniij præstandi rogatu consistant absolvanturque ad unum omnia. Sunt autem hæc potissimum *Tueare*. (nimirum sic loquentes Guicciardinus introducit) *quasi ab eorum insolentia quibuscum paulo antea sociata arma junximus, quos nunc sevilissimos hostes experimur, qui nihil aque cupiunt, quam Veneti nominis subversionem. Tua servati clementiâ te patronum, te patrem, & urbis nostrae fundatorem, appellabimus, annalibus inscribemus, & filijs denique nostris tua ingenta merita sedulo ingeremus, &c.* Quæ verba *tueare*, item, *ab eorum insolentia*, item, *te patronum, te patrem appellabimus*, luce meridiana clarius evincunt id actum Venetis, ut Maximiliano clientes fieri possent, perinde ut ante factam deditionem à Romanis Campanos petijssè, adversum Samnites ut in clientelam assumerentur, defendensenturque, supra ostendimus. Vtque quod asserimus ma-

nifestius constet eodem Campanorum exemplo, utpote quo non aliud similis temere occurrat, certum est, siquidem mens Romanis fuisset ad primas precibus eorum adversum Samnites patrociniū suscipere, opus non fuisse, ut, qui medias quoque inter precibus, societatem, amicitiam ac libertatem spirabant, divina ijs humanaque omnia dederent. Accedit, quod neque alio quam patrociniū intuitu, moturi fuissent in Samnites Romani, quod volebant tamen. Iisdem ut ut auxilio dignos judicarent Campanos, ita tamen cum illis amicitiam institui Romani par esse dixerunt, ne qua antiquior violaretur; cumque Samnites foedere sibi juncti forent, arma se eis duntaxat negare, Deos prius quam homines violatura. At vero deditioe insecuta, longe patrociniū ac clientium nomen, longe pretextus fuit, *Legatos (ita Livius) exemplo mitui ad Samnites placuit, data mandata, ut preces Campanorum, responsum Senatus, amicitia Samnitum memor, deditioem postea factam, Samnitibus exponerent, peterent pro societate amicitiaque ut dedititijs suis parcerent, neque in eum agrum qui populi Romani factus esset, hostilia arma inferrent, si leniter agendo parum proficerent, denuntiarent Samnitibus populi Romani Senatusque verbis, ut Capua urbe Campanoque agro decederent.* Similiter etiam Maximilianus, si precibus Venetorum, si ijs quæ illi offerebant flenti se passus fuisset, ut foederatus apud foederatos pro Venetis intercedere potuisset, at vero si se illi Veneti jam tum dedissent, non jam amplius ut pro amicis, apud pariter amicos acturus, sed (si quidem foederati refractarij mansissent) ut res suas defensus, propalam foedus rupturus fuisset, ipsosque foederatos pro hostibus habiturus utque in manifestos hostes arma moturus.

Atque existimo quidem neminem fore, qui non fassurus sit, longe differre protegendī posteritatem ab imperandi jure; conditionem clientelarem, a qualitate subditi. Nam et si
non

non defuerint qui protectionis imperi; que jura confundere sint aggressi, recta tamen ratio monet, esse illa sejungenda, ut certe sua natura disparata sunt atque sejuncta; quod ipsum, communi scriptionum calculo, ut receptius merito obtinnit. Quid? quod vel protectionis nomen monet; docetque eam duntaxat consistere, in clienteis contra vim majorem defendendi jure, in eumque finem aut conventionem constitui aut jure? Cæterum nec hoc quoque perplexæ disputationis existimo, posse liberum populum citra libertatis suæ præjudicium in alterius sese patrocinium adducere, idque ipsius intuitu Clientelæ. Nam, licet fatendum sit cum Thulso scriptore, firmitus illius esse ac validius imperium, à quo vicini pacem auro redimunt, aut protectionem impetrant, quam illius, cujus eo res sunt loco, ut alterius se protectioni committere opus habeat, vereque populus talis in libertate dicatur esse, qui suis stat viribus, nec alieno pendet arbitrio, tamen clientelam si attendimus ipsa nihil aliud esse dicenda est, quam fœderata patroni clientisque inter se consociatio, cujus respectu, qui in protectionem suscipitur, quantumvis æquè liber, quam ante fuerat, etiamnum esse perseveret, ad honorarium tamen subinde obligatur, ac fere semper protectoris sui majestatem (loquor de summis inter se potestatibus) comiter conservare tenetur. Quid vero sit comiter majestatem alterius conservare, dictum sæpiusculè, ostensumque, nullum prorsus libertati alterius adferre præjudicium, quod ipsum hoc loco denuo à nobis ut repetatur, non est necesse. Illud in transcurso dicam, terribissima quam pro Cornelio Balbo habuit eloquentiæ parens oratione, ea contineri, quæ penitissimam ad istiusmodi observantiæ cognitionem habendam necessaria sunt: inde ea cum lubitum fuerit, petere licet. **Verum** nec est quisquam, qui clientelis majestatis jura dicat

extingui, modo consideret illam majestatem de qua nobis
 ermo, in externo honore non consistere, verum in liberri-
 ma, quam qui ejus jura habent, in sibi subditos exercent
 potestate, illam vero nisi speciatim contrarium convenerit,
 sese in clientelam alicujus dando, nemo à se abdicat; ac in-
 super quoque, cum nihil præter nudam defensionem pro-
 tectio comprehendat, ut jam diximus, neque qui se in alte-
 rius clientelam dat, alia id faciat conditione quam ut ei à
 potentiorum vi, tuto securoque esse liceat, quidquid præter
 illam conditionem est, quin sibi ex assè reservet, dubium
 non est, ut est textus in l. si qui certa. ff. de Iure Imm. Fir-
 mat enim regulam in casibus non exceptis exceptio, atque
 adeo quoque ipsamet esse perhibetur regulæ pars, aut sal-
 tim, ut DD. ajunt, de regulâ, ac tantum abest, ut sola ac in
 se clientela majestatem tollat, ut ex adverso melior potior-
 que scribentium pars à Bodino dissentiat, perinde ac si du-
 ram de humanitate sententiam ferat, statuendo inferius ma-
 jestate principis facere aut Respub. si se alienæ protectioni
 committat. Vtique,

*Si figit adamantinos
 Summis verticibus dira necessitas
 Clavos,*

Si cum Prænestinis justa bella dicimus quæ sunt necessaria,
 quæ ratio, cur non idem de Clientelis dicamus, aut cur in-
 gruente periculo, quod totius quoque ditionis subversionem
 secum tracturum metuitur, vitio dandum Principi reive
 quis putet publicæ, si in alieno subsidio salutem quærit? Ve-
 rum non sunt hæc instituti nostri. Pressius ut agamus, suc-
 cinctiusve, ipsa Orationis verba quatenus accommodari
 clientelæ protectionique possint, agendum videamus, quod
 quidem

quidem si præstare datur, nulli deinde ut spero erit dubium, quin ex amissim omnia quæ in ea continentur oratione sic sint accipienda interpretandaque, ut nec minimum quidem, Venetorum Libertati contraria sint, aut adversa.

Redeant nobis annuentibus, ad te verum legitimumque Dominum, quacumque majores nostri S. Romano Imperio ducatuque Austria abstulerunt. Hic quod Imperatorem verum legitimumque Dominum vocent, adversarius urgeat, sunt enim inter se relata Dominus & servus. Lepide Martialis

*Tum servum scis te genitum blandeque fateris,
Cum dicis Dominum Sosibiane patrem.*

Sed vel me tacente quilibet animadvertit Imperatorem eo loco non vocari Dominum Venetorum, aut eorum duntaxat quæ Imperio à majoribus suis erepta, Austriæ ducatu, postliminio, Venetis eorum dominio decedentibus, ad ipsum revertebantur. Istis ergo vox illa manifesto sit applicanda. Causa non sit cur eos in Imperatoriam Jurisdictionem consensisse dicamus, quamquam alias quoque si non concurrant, aliæ, quæ magis urgeant subjectionis demonstrationes, ex eo solo quod quis aliquem dominum vocet ac quidè dominum suum, (quod tamen hic non fit) haud inferatur à parte sic vocantis ulla subjectio. Est enim recepta, Dominum vocandi cum qui dignitate aliqua præditus sit, consuetudo. Introduxit istiusmodi voces secta temporum, cui siquid deferimus, eas officiosas magis, quam devinciendi potestate præditas æstimabimus. Monuimus jam ante, secundum subiectam materiam accipienda verba. Ipsum ergo dominium, modo directum cum sit, modo utile, sitque in ipsa quoque protectione sua dominij species, merito nos quoque domini nomen ita accipiemus, prout hinc agentium intentio, inde mate-

ria subiecta recipiendum dictabat. Sic Vafallos quoque feudi Dominum videas appellare Dominum suum, aut non alia quam feudi ratione, eisdem similiter Dominus fidelcis dilectosque appellabit, non subditos tamen. Si Archiva Principum aut Grammatophylacia excutere daretur, nã multoties haud alijs clientibus à protectoribus suis titulos, ac vice versa Patronis à Clientibus adsignari videremus, quam quos subditis suis Domini adsignant, Dominis subditi. His haud multum diversa observavit ante me suo de fœderibus tractatu Erenbergius, clientisq; protectorem suum dominum appellando, nullam illi prorsus jurisdictionem conferre pronuntiavit; ac protectorem vicissim, clienteis fidelcis sibi dilectosque indigetando, nihil eorum libertati adferre præjudicij. constanter asseruit.

Vt decentius veniamus, omnia quæ in continenti possidemus adjiciamus, quorum juri ulcumque quasitum sit, renuntiamus. Nihil est quod ex illis verbis inferatur adversum libertati Venetæ. Esto cesserint continenti, sic voluere; Iuri favorique pro se introducto liberum cuique renuntiare. Est rerum suarum moderator unusquisque & arbiter. Nec tam naturale quicquam, quam voluntatem domini rem suam alienare volentis ratam haberi. Si quis urgeat in necessitatibus liberalem præsumi neminem, hæc vero à necessitate extorta, dicam prius illud equidem ultro me concedere, posterius ut largiar causam non esse. Si cui apud Bembum ea quæ in consilio patrum agitata tum temporis fuere, quæ nobis quoque ex parte hoc ipso capite citata sunt, legendi est otium, si quis & illius, quem nunquam satis laudandum jam laudavimus, Aloisij Molini verba, tanto Senatore dignissima attendere, ac ex illis rerum momenta temporumq; circumstantias ponderare, non gravabitur, inveniet facile, prudenter ea magis ac dliberate facta quam ferentis necessitate, tali saltem ne-
cessi-

cessitate, cui reluctari tantundem fuisset, quam si quis brachia contra torrentem intenderit.

Præterea quottanni tuæ Majestati legitimisque in imperio successoribus, quinquaginta millia aureorum perpetuo ex arario deponemus.

Effet hic facilis à quæstione Juris ad quæstionem facti deflexus, eoque facilior, quo magis in vicino necessitas est id ipsum faciendi, cæterum eo non delabar: verane hæc an falsa sint, aut quatenus ex vero quippiam trahentia dici possint, ex iis quæ jam ante adducta sunt, constare potest: id potius agam, ut citra præjudicium veritatis, quam salvam quaquaversum velim, demonstrem, nihil hic adferri quod non inter patrones clientisque tralatitium sit. Ac certum quidem, nullam hic omnino tributimentionem fieri, nedum talis, quod pro jure suo, subditis domini imponere consuevere. Pro patrociniis dependi solere sive honoraria, sive in tributiones annuas, sive alia ex pacto quæ debeantur, novum non esse ex parte jam ante vidimus. Id ipsum protectionis naturæ esse non inconueniens, ex eo colligere licet, quod rarissima sint, quæ gratuito præstantur patrocinia, quin imo patrocinium istiusmodi, protectioque, cum ut jam dictum jurisdictionem non conferat, officij censetur loco. Clientis ergo annum illud præstationis beneficium serit, ut protectionis fructum metat: non est utique (ac vetus ea quærela) tam ferax virtutum sæculum hoc nostrum, ut cui virtus, indotata si sit, allubescat; eam ipsam præmia si sustuleris, quorum quisque amplectitur? debentur ergo magna præmia magnis conatus, & cum ad protectorem labor periculumque spectent, honorem ei aliqualem ac emolumentum adempta velle, sacrilegum sit. Recte Livius, *Nusquam nec opera sine emolumento, nec emolumentum ferme sine impensa est opera.* Sed & hic quoque prudentiam patrum elucere videas, qui rebus minus lætis, & ad aliena subsidia non obscure spectanti-

stantibus, vel tum quoque considerare potuerunt, populorum plerosque quos Pop. Rom. implorasse auxilium patrociniumve annales tradunt, ab iisdem Romanis in suam ditionem redactos, non alia magis de causa, quam quod gratisea fuerunt præstita. præclare Poëta,

— *Felix quicumque dolore
Alterius didicit posse carere suo.*

Ac sane, si quando pro præstando patrocinio dependitur, quippiam, ultro citroque obligatio enascitur, nec minus clienti patronus, quam patrono cliens, vinculo juris adtinetur. Estque & hoc notandum, quæ sic à clientibus dependantur, aliter atque à iter considerari debere tam respectu ipsius Patroni, quam respectu clientis; atque inde quoque notabilem inter ea quæ subditi contribuant, quæque clientes elargiuntur, existere differentiam. Nempe, protector aut patronus, quæ dependuntur accipit eum in finem, ut operas suas locet, cliens, ut patronum pro opera locata remuneret, simulque ad ulterius locandas comiter invitet. Subditus quæ dependit, ea dependit ex debito, juxta illud Apostoli, *honorem cui honorem, tributum cui tributum, non propter legem, sed propter conscientiam*: Cliens ex adverso vi legis contractui dictæ. Atque hic iterum Bodino adversatur ratio, qui majestate inferius putat, tutelæ quid nomine polliceri: si quid e. hic indigni, accipientem id omne spectabit. Nota I. C. vox, honeste nonnulla concedi quæ minus honeste petantur. Ac nec illud quoque indignum notatu, ea, quæ sic à clientibus tribuuntur, nec tributis accenseri, nec tributorum nomine venire, sed speciali nomine *Boëthiam* vocari. Sic Aventinus Annal. Boior. lib. 7. *Boëthiam*, inquit, *Græco atque Teutonico vocabulo à patrocinando nominamus, quod quasi*

*quasi præmium curatori patronove ut procuret, defendat, asserat, vindicet præbeamus. Quæ cum ita se habeant, indubium est eâ præstari posse citra Libertatis præjudicium, utpote quæ à patrocinio exorta, patrocinioque annexa cum sint, non magis Libertati obesse valent, quam ipsum patrocinium quod jam dicere capimus, latiusque dicturi sumus, jurisdictionem nullam tribuit. Sed & nos jam ante id ipsam quoque tractavimus rationibus, argumentisque firmavimus, cum ad Cassiodori epistolam, quam pro se Anonymus adduxerat, respondimus, ubi quæstio erat de solvendo canone, Attigimus etiam aliquantisper & illustravimus nostris ad §§. 58. & 59. notis. Exempla ibi allata non repetam, nec pluribus conquirendis (quanquam ea in promptu sint) me fatigabo. Docuit nos omnis ætas, etiam maximos ἀντοκράτορες belli redimendi, publicæ quietis, alijsque gravibus de causis, istiusmodi tributa persolvisse. De Turcis quorum in genere ibi meminimus, ita specialiter Bodinus meth. Hist. c. 5. *Cogitur hic ex veteri pacto tributum, ducentorum millium nummum Æthyopum regis sive Presbitero Iohanni dependere, quod cum Zelimus II. per biennium non solvisset bellum inter Zelimum & Æthyopum regem exarsit, anno 1572. Quin & Turcarum princeps iis populis qui montes Arabiæ tenent sexaginta millia aureorum tribuit, ut agro Palæstino ac Damasceno libere fruatur. Nempe ita multotiens salutis publicæ ratio fieri vult, cuius intuitu causaque, quum nihil sit tam firmum quod non subvertere, nihil tam arcanum quod non eruere, nihil tam sanctum quod non profanare, licitum sibi mortaleis existiment. Dicendum est, humanarum rerum necessitatem hic in partem venisse, voluisseque tributis illud ademptum, quo Libertati derogare & ad obnoxiam conditionem deducere posse videbantur; perinde ac si esset id è Republica hominum, ut salvo immunitatis jure, gentium quies, regnorumque salus suprema, vel isto**

vel isto pacto expediri, servarique possit.

Alia tua jussa, decreta, sanctiones & præcepta, libenter amplectemur.

Hæc tam universalia, atque indefinite posita, fortasse quispiam cum adversario, duplici nomine contra Venetos contorqueat, primo quod fieri non possit, quin de jure qui protector sit (posito versari nos hic circa protegendum postulata) jurisdictionem habeat, quis enim jubeat, decernat, sanciat præcipiatque nisi jurisdictione armatus, cum alias, elusorium Præfidis imperium non sit ferendum? Secundo, ut ut de jure per protectionem nulla protectori quæatur jurisdictione, dicendum tamen eam de facto quæsitam Cæsari, cujus jussa, decreta, sanctiones, & præcepta libenter se amplexuros, offerant sponte sua, non rogati.

Equidem si Venetorum verus legitimusque Dominus Imperator esset, ac si pro ordinario magistratu Venetorum reputandus, faterer sane ejusmodi protectioni annexam quidem esse jurisdictionem, sed tamen haud conferri de novo. Fieri posse, ut cum jurisdictione protectio concurrat, extra dubium est: quin imo, ut non negaverim sæpe ea concurrere, ita nec adversarius dixerit, concurrere semper, nedum necessario. Sed non est in præsens super ista re nobis quæstio, unum nos ex adverso dicimus, fieri non posse, ut protectione quæatur jurisdictione, aut libertati creetur præjudicium. Firmatum id superius nobis, ipso clientelæ nomine, quod confederationem in se complectitur. Fœdus clientelare vero, jura summi imperij haud conferre, non minus certum, quam fœderibus cognatam esse protectionem, ipsumque porro fœdus, cum pactione definiri monuerimus, pactis suum insit *Συνάλλαγμα*, procul ut absit omnis jurisdictione necesse est. Ea nimirum publici cum sit juris, cumque de jure æstimationem non recipiat, in contractum non cadit.

dit. Atque hoc est quod ait *Bart. in l. 1. C. de excusat. munerum*, civitatem liberam quæ se protectioni & regimini alterius committat, non ideo merum & mixtum imperium transferre, & *Socin. conf. 7. nu. 1.* civitatem quæ se protectioni & gubernationi alterius submittat ideo libertatem aut jurisdictionem non amittere. Nec sane, qui se protectioni alterius committunt, aliud agunt, quam quod se suaque protectori velint esse commendata: Commendare autem in jure idem est quod deponere, eamque sequelam habet, ut eodem statu servari restituique debeat. Ac quemadmodum in deposito, neque dominium rei depositæ, neque possessio ad depositarium transfertur, sed nuda duntaxat ei custodia committitur, ita cum protectio ipsa re vera nihil aliud sit, quam custodia (unde & specialiter in c. generali de election. m. 6º. Pontifex procurationis jus, custodiam vocat) eadem merito qua depositarius lege, protector tenebitur, juxta vulgatum illud, ubi eadem ratio, ibi eadem quoque juris dispositio. Nec attendendum leviter in hoc argumento, quæ mens clientibus fuerit, quodve propositum. Id vero nihil minus fuisse dicendum est quam libertatis à se abdicationem; neque enim clientis ut minuant, sed ut conservent libertatem suam potentioris auxilia requisivisse, tenendum est, quin potius ab altera parte, talis protectio signum est; ac evidens quidem, non jurisdictionis. Est enim è vestigio (rectius ut loquar) exclusa omnis jurisdictio, simul atque de protegendijure certi sumus. Haud alio sensu Guilielmus Kyriander in Commentario suo de civitatis Trevirensis origine ac statu dixit, tutelas quæ inter civitatem Trevirensensem & ejusdem loci Archiepiscopos intercesserunt, potestatis aut dominationis Pontificum in eam civitatem indicia non esse, sed ejusmodi principatum manifeste destruere. Quod allatum modo est de facto, Iura Majestatis Cæsari quæ sita, illud ve-

rum non est, ac si urgeat adversarius imo maxime sic se rem habere, probationes adferat, sed & nos quoque jam ante ostendimus, imperia protectoribus esse in clientes, esse animadvertendi jus, *Fiunt apud nos inquit ICtus, rei ex civitatibus fœderatis, & in eos damnatos animadvertimus*, loco à nobis citato, non repetam semel dicta. Constat dictos clientes à colendo, patronosque quod quasi patres sint, hinc est ut ratione præstiti patrocini, quatenus loci, personæque dignitas ita postulant, protectorem suum agnoscere debeant, ut fœdere superiorem, quod ipsum pars est, neque ea minima, comis illius observantiæ, quam patronis suis debent clientes deferuntque. Eaque observantia cum sit liberis hominibus nec indigna, nec indecora, cumque constet, ut mox dicemus, vel invitos à protectoribus clientes protegi posse, ac sic ut in invitos judicia redduntur, invitos defendi, eo saltem usque, quantisper protectioni renunciatum non est, certe non est, ut cliens in protectionem se daturus, aliter se componere possit quam ut Patroni jussa, decreta, sanctiones, & præcepta libenter amplectatur, eoque lubentius, quod sciat, limitatam causam cum habeant istiusmodi jussa, non alios effectus quoque productura, quam similiter limitatos. Sed cum nos jam ante largiter ostenderimus, non alia mente hæc verba (modo prolata sint) proferri potuisse, quam protectionis exorandæ gratiâ, idque ex ipso textu apparere; respondendum ad objectionem motam, accipienda ea quæcumque sint, secundum subjectam materiam, quæ cum jurisdictionis, imperij, dominijve capax non sit, frustra velimus admittere verba jurisdictionem imperij dominijve jus sui momento illatura; idque ad insigendum libertati præjudicium.

Tueare quæso ab eorum insolentia quibuscum paulo ante sociæ armajunximus, quos nunc savissimos hostes experimur, qui nihil aque cupiunt.

plunt & desiderant quam *eneti* nomini subversionem: Tu à servati clementiâ patroni, parentem, & urbem nostram fundatorem appellabimus, annalibus inscribemus, & filium denique nostrum tua ingentia merita sedulo ingeremus.

Hic aperit ut videmus, nihil votis aliud expectasse dicuntur, quam ut in tutelam recipiantur adversus hostilem vim, quod ipsum directe protectionis infert quasi ius, non vero dominii, atque ut videmus, causa, cur quæ præcessere Cæsari dicantur oblata, fuit, ut eos ab insolentia eorum tueretur, quibuscum paulo ante socia arma junxerant, quosque tunc temporis sævissimos hosteis experiebantur. Auxilii autem ferendi causam à dominii jure si non secernimus, eadem ratione milites nostros mercenarios, quos ad auxilium, opem, protectionemque stipendio evocamus, Reipub. Dominos esse dicemus, quod absurdum. Nec inconveniens fuerit observasse, præter ea quæ jam à principio notavimus, ad verba *patris, patronique ac fundatoris*, non modo posito domino, poni & subditum, ac patrono nominato nominari & clientem, verum similitudinis hic quoque rationem occurrere, quæ supra dicta potenter adstruat. Ut enim patronis, patronatus jus, exstructio vel fundatio Ecclesiarum, nullum dominium tribuit, neque aliquam jurisdictionem confert, sed, ut est in *c. pæmentis. in 6º q. 7.* servitii duntaxat imponit sollicitudinem, ita quoque protectio protectorem quidem facit, at Dominum non item. Tædet vero hanc seram reciprocare diutius. Alienis utar verbis totam hanc materiam strictim complectentibus, ita *Albius dicælogia lib. 1. c. 31. nu. 21. 22. 23.* Clientes sunt qui administrationem rerum suarum habentes sique juris existentes, ex justa & probabili causa in potentioris alicujus patrocinium, tutelam, protectionem, fidem & fœdus sunt suscepti modo legitimo. Vocantur alias homines *Ligij* ab eligendo patrono vel quod se ligabant amicitia patroni. Cæsar devotos vocat, alibi suscepti, affecti, vel familiares, dicuntur.

Commodum hujus clientela est, debitum à clientibus patronis suis honor, reverentia, & obsequium, quibus addo annuum salarium, quod clientes promiserunt patronis, fidem & auxilia in periculis, sumptus ad defensionem & protectionem necessarios. Quamvis (notari id velim) operas suas protectores non debeant neque subjectionem, & jurisdictionis exercitium admittere teneantur.

Onus clientela, est defensio à protectore suscipienda, in periculis adfressentia, quam etiam non rogatus prestare tenetur, & invitis quoque, ita ut protectione domini ab aliorum injuriis tuti esse possint in capite & fortunâ. Hactenus ille, quæ pluribus ibi DD. autoritatibus late firmat. At spero quidem per hæc ipsa firmiter satis esse roborata, quæcumque ad stabiliendam sententiam nostram adducenda fuisse nobis sunt visa.

Nec parva tuarum laudum fiet accessio, quod primus es cujus pedibus supplicat respub. Veneta se prosternit, cui submittit cervicem, quem ut caeleste numen colit, veneratur, observat.

Gmina sunt hæc ijs, quæ Campanos à Samnitibus victos, & longiori bello petitos Romanis occentasse ex Livio retulimus, fateorque credere me, cum & alias habeam mihi quam persuasissimum, eam quæ à Guicciardino hic est inserta historiæ suæ, perinde ac si re vera totidem verbis habita fuisset, orationem, nihil esse præter ingenij lusum, quo se Iustinianus aut alius quilibet oblectatus sit, ut quam graphicè exprimere posset in ætæ amicis ostenderet, credere inquam me, eandem orationem ad imitationem illius Campanorum orationis fuisse compositam, adeo sibi quaquaversum similes sunt. Sed enimvero, sufficit integra libertate, his ipsis demissiora à Campanis dicta fuisse, nec alio à Romanis reputata sensu, quam si forent non dicta, saltim non talia, quibus ullum in Campanos jus istiusmodi sibi admitti possent, ut illius intuitu arma exinde sumturi forent, non homines prius quam Deos violatura; neque caussam inve-

invenio, cur altum sonantibus hyperbolis, tragicisve miserationibus, à dicentis facundia non à rei veritate proficiscentibus, magnopere commoveamur. Interim est quod serio gratias agat Anonymo Venetorum libertas, quod ipsemet, omnibus argumentis suis, quibus ad extirpandam ex animis hominum Venetorum libertatem hætenus est usus, quod ipsemet omnibus commentis suis, emendicatisque suffragiis, quibus eam neque in primæva radice consistere posse, Gothis ludibrium debuisse, ab Exarchis illulam, ab Imperatoribus nunquam agnitam, summo nisu persuadere conatus est, non deroget modo sed aratrum velut inducat, dum tanquam veras, indubias ac contradictionis haud capaces in scenam adducit Legatorum Venetorum voces, quibus illi primum esse Maximilianum, cui sese pedibus libertas Veneta (si Diis placet) prosternat, fateantur supplicis.

Et sic quidem defungi poteramus, cæterum, debetur hoc etiam nos profiteamur arti æqui & boni, ut vel per indicem commonstremus quam enormiter in illam adversarius impingat. Ac quidem, in dubio contra Libertatem, cujus est immensus in jure favor, decidendo, causam non dixerit, quin vel se iudice malignus sit lividusque. Quod non distinguit inter eos actus qui à Libertate devii quidem sunt, libere tamen possunt, & à liberis fieri, ineptus est, ac nimis oscitanter supinus. Quod modum habendæ rei, non sejungat a re ipsa, ac sic quoque, qualitatem hominis liberi, ab exercitio Libertatis, peccat. Quod dissentanea pro consentaneis obtrudat, minus est ingenuus. Finemque ut faciam, quod solo detrahendi occæcatus studio, quæ vera sunt dicere non audeat, audeat vero quæ scire & potuit & debuit, ignorare autem omnino non potuit, à vero esse aliena, nullius est precii. Est nimirum sanctissimum humani pectoris bonum, humanarum rerum supremum vinculum, fides. hanc nec odia
trans-

transversam agant, nec ad fallendum præmiorum vel amplissima spes impellat, tantum vero abest ei impune quispiam ut illuserit, se sibi illa vindicat, ac, ut ait Mimius, *Fidem qui perdit non potest ultra perdere, fides ut anima unde abiit nunquam redit.* Ita in Palamedis apologia quem Latio sermone citamus, Leon- tinus Gorgias, *Vita vitalis ei esse haud potest, qui fide & honestate spoliatus est.* Qui enim pecunias amiserit, qui regno ceciderit, qui pa- tria fuerit ejectus, ad meliorem vite conditionem revocari potest, atque fidem amisit eam recuperare non potest. Ut verbo absolvam; perijt cui perijt fides.

C A P V T. XVII.

De Libertatis habende modo instituta dissertatio. Du- cum Venetorum potentia qualis & quanta. Falsus est Anonymus, dum eam summam putat, dum que Ianottus dixit, Triphoni Gabrielio adscribit. Laus Tri- phonis Gabrieli, ejusque defensio. Janotti fides in re- bus Venetis elevatur. Thomæ Aquinatis sententia de restricto Ducum Venetorum Imperio. Nomen Im- perii speciesque à vi Imperij quantum dissent. Argu- menta Anonymi à provocatione ad Duces, à collegiis ab ipsis ducibus sibi adscitis, desumpta, improbantur. Ridicula Anonymi verba de invidia plebis in Duces de- rivata. A vero abijt Anonymus, dum illustres Veneto- rum familias, priorum Ducum potentia oppressas, à du- catu demum Sebastiani Ciani caput extulisse tradit.

A Sserta huc usque Venetorum Libertate, quatenus eā in singulorum personas cadit; eo devenimus, ut de
 . Liber

Libertatis habendæ modo, quem ab ipsa Libertate separari debere ac distingui jam nunc à principio monuimus, nobis sit differendum; Sed & hic detrahenda Anonymo larva, ac sicubi usquam in planum deducenda veritas. Examinanda nimirum hoc loco est priscorum, quos Veneta Respublica tulit ducum, potentia qualis ea fuerit ac quanta. Ille *Helveticis* ponit absolute summam fuisse, nos auctoritate magis suadendi quam Imperandi potestate præditam. Dicendum quod res est, vidit quam disertim adversarius, difficulter comprimis, eo se evasurum ut thesæos suæ veritatem lectori probet; quin & insuper cum nosset, contrarium annales atque omnia omnino historiarum testari monumenta, ac proinde non posse se quod asserit iustis authoribus communire, leonina deficiente vulpinam sibi assumendam judicavit, ergo ad emendicanda suffragia non impigre accingitur, sed & horum ipsi multa penuria, quid faciat? quone prorsus ab auctoritate idem sentientium videatur destitutus, totus est in allegandis aliquot locis haud aliunde potissimum petitis, quam ex Donati Iannotti de rep. Veneta commentarijs. Nam Bodinum quidem sub Flabio Albergate vapulare fatetur ipsemet, ac nec inficiari ausit, quæ è Bote-ro Iustinianoque obiter modo, ac velut in transcurso citat, circa verborum aucupia magis versari, quam circa justarum auctoritatum pondera. Quandoquidem ergo totum sententiæ suæ robur in Iannotto ponit, operæ pretium fuerit despicere quid quantumve in oppugnanda convellendaque Venetorum libertate Iannotti valitura sit autoritas, quini-mo, nec injucundum fuerit hæc lecturis ob oculos ponere, quam non dextrè, quo plus splendoris auctori suo conciliet, ludat in re seria, assumpto fere quaquaversum nomine Triphonis Gabrielij patricij Veneti dum in vivis esset, quique non proletariæ eruditionis laude clarum ad posteros

nomen transfinit: perspexerat jam ante adversarius, ea quæ ex Iannotto adducturus erat fragilia multum fore, ac vel ad levissimos impulsus in ruinam prona, si nihil aliunde suppetere, quibus ea fulcirentur, ergo postquam semel iterumque Iannotti mentionem fecit, quæcumque deinceps exsequitur cum ad modum citat, tanquam si prolata forent à dicto jam nobis Gabriele, quo nimirum facilius legentium animos in assensum trahat, incautosque ac minus in id attentos, tanti nominis percellat fulgur. Id Anonymum agere ex ipso Scrutinij ejus contextu vel quivis deprehendat, *verba*, inquit, *illius* (Gabrielis nempe) *commemorabimus prout ea Donatus Iannottus commemorat, scriptor malum prudens, veraxque Scrutin. cap. 4. ac 5. Verum quidem, est* inquit, *eam Iannotto sententiam placere, &c.* sed & ipse quoque perinde ac si inconcussam auctoritatem ad firmandam Iannotti sententiam esset allaturus, *ponamus* (subjungit paulo post) *ipsa Gabrielis verba. Quæ* si quis inter se conterat, agnoscit opinor Anonymum ita se componere, ac si hinc Iannottus, inde Tripho Gabriel, sive Gabrielius, bini forent, ac sic quoque distincta eorum esset auctoritas, neque ullatenus assumtum sibi esset Gabrielis nomen, ut Iannotto plus auctoritatis circumdet. Quin notandum ex adverso, ipsummet Iannottum quo scriptis suis fidem conciliaret, dedita operâ Gabrielem loquentem introduxisse, ut quandoquidem Florentinus ipse, suis de Rep. Veneta dissertationibus fidem de facili haud esset inventurus, apud exteros, cessaret id omne adducto in scenam Gabriele, patricio Veneto ac patriarum rerum non ignaro. Notius est quam ut dici debeat, ijs qui dialogisticum in modum, materiam aliquam tractant haud alij fini loquentes viros illustres introduci, quam quod major eorum quos introducere, quam ipsius qui scribit, futura credatur auctoritas. Cæterum quæ pro Gabrielis sententiâ nobis obtrudere satagit, esse ea re-

vera

vera ipsius Gabrielis, nemo temere credat, modo attendat omni similitudine veri carere, illum in tam illustri materia versantem, de patria Repub. scribentem, unde non poterat non ipsi quam amplissima laudum evasce seges, sibi met ipsi injurium esse voluisse, ac suppresso nomine suo, suis quæsitam meritis gloriam, in extraneum derivare, quem ne de facie quidem norat. Fatetur quoque Iannottus quo tempore de Venetorum Repub. sermo erat, non sibi visum Gabrielem: Scripserat jam ante summo bonorum omnium cum applausu de Repub. eadem Cardinalis Contarenus, vix toto quinquennio ante Gabrielis excessum è vivis, præmortuus; circumferebantur illius libri, omniumque terebantur manibus: ab hoc diversus abire cum vellet Iannottus, judicasse eum, non satis in semet ipso præsidij sese habere, ac proinde de firmioribus munimentis opinioni suæ prospectum voluisse, notatu difficile non est. Cæterum ad Gabrielem ut revertamur, eccui fides fiat, hominem Venetum, nedum Triphonem, illum Gabrielem, virum nimirum talem tantumque quantum eum (hoc uno veridicus) Anonymus deprædicat, de rebus patrijs tam ablona atque aliena à vero, ut mox luce meridiana clarius demonstrabo, scripturum fuisse? quis item credat, eum, siquidem conscius erat quam curta sibi domi supellex foret, ac quam non penitissime res patrias haberet perspectas cognitatasque, humeros oneri tanto bajulando neutiquam pares fuisse subjecturum. Vt ait ille,

Turpe est quod nequeas capiti committere pondus,

Et pressum flexo mox dare terga genu.

Fateor, non accessit ad Remp. Gabriel: Ille quidem secreto lare, quiete ad invidiam felice beatus, beatam transmissit vi-

Aaa a

tam

tam, cæterum tamen si in animo habuisset res Venetas posteritati tradere, ut ut ad archiva publica adytus homini privato esset interclusus, multa tamen passim tota urbe apud civeis suos privatim asservata, reperire potuisset, ac speciatim qui publici quodammodo sunt ac penes advocatos Communis (ita eos Veneti vocant) manuscriptos duos multum vetustos, nec non & alterum volumen, cui nomen *Cerberus*, alterumque item cui titulus *Capitulare Advocatorum Communis*. quæ sane volumina haberi de facili possunt, ut nec difficile est ea in usus suos, id agentibus nancisci. Utique dubium nulli, quin vir ille, tanta prudentiæ laude conspicuus, ea ipsa in antecessum consulturus fuerit, quam multis erroribus rerum veritatem involvendo, resque à veri fide multum alienas tradendo, non minus in famam suam quam in patriam urbem peccaturus. Iannottus, interim, patria ut dixi. Thuscus earum quas scribit rerum, nec hoc quidem nomine satis gnarus quod sui essent sæculi (totis enim ducentis ac viginti quinque annis Iannottus posterior est) equidem quam fidem habere possit in iis quæ adstruit, non video, maxime si quidem quam plurima patrum decreta (magni concilii parteis familiari vocabulo Veneti indigentant) iis oppositum imus, frontibus adversis, pugnancia cum illis, quæ ab ipso adducta sunt, qualia mox dicebam aut ex privatorum Bibliothecis, aut ex monumentis quæ jam dixi, archivisque consequi datur, idque continuata vel in hunc diem serie, ab anno scilicet millesimo ducentesimo sexagesimo primo, quando priora quæ fuere, ferale Venetorum urbi incendium hausit. Atque hæc quidem de Iannotto, deque præposteris subdolisque adversarii technis dicta sufficiant. Cæterum nunc ea quæ frustulatim ex Iannotto transcribit adversarius sumamus in manus. Iannottus ergo verbis plane cothurnatis, idque non uno loco *absolutissima potestate usos ducei dicti*. Ejus rei argu-

argumenta esse comprimis insignia, quod à Tribunis fuerit appellatum ad Duces, quod pro arbitrio suo duceis collegas sibi assumserint, quod si quæ hoc vel illo duce rei Venetæ tristiora obvenissent, omnia in unum incubuerint ducem, quod non nisi ab excessu Sebastiani Ziani, familiæ apud Venetos illustres caput attollere cœperunt, fatiscente nimirum sub illo ducum potentiâ, ac denique, quod non alias quam sicubi collibitum esset, Duceis soliti fuerint convocare concilium. Primum quod adfertur *de potestate absolute summa, autoritate nulli frenis coercita; ad summum erecta propria ducibus, administrata, gesta, moderataque ducum arbitratu, Repub. aliisque*, caussa non est cur nos altum sonantia Iannotti verba deterreant, nullo teste firmata neque, nisi uni Iannottô, eisque quos in errorem protulit defensa. His nos ipsam suo mox loco rerum evidentiam quæ tota est, ab adversis partibus opposituri, in præsentiarum, cum naturæ communis oraculo regerimus, nonnulla subinde de subjectis prædicari, quæ tamen non insin, inesse nonnulla quæ non prædicentur. Confundat Anonymum *D. Thomas*, qui quamvis Venetorum ducem à cæteris distinguat, ac principatum habere posse fateatur, dicit tamen, *Esse illius temperatum regimen*, Ita ipse. *In partibus autem Liguria, Amylia, & Flaminia, quæ hodie Lombardia vocatur nullus principatum habere potest perpetuum, nisi per viam Tyrannidû, Duce Venetiarum excepto, qui tamen temperatum habet regimen. lib. 4. de regim. princ. c. 8. circa finem.* Quæ cum jam nunc annis ab hinc plus minus quadringentis prolata sint, atque asserta, à notissimæ sanctitatis ac candoris viro, qui quæ etiamnum angelici doctoris prælustri titulo clarus est; talia procul dubio sunt, ut quivis ea judicet esse quam integerrima, suspecta utique aut pro suspectis habenda censeat nemo. Videt ergo benignus lector (cujus & capite primæ nostræ velitationis facta mentio) hoc loco dominationi sine fine.

contra positam Libertatem cum modo. Annorum insuper inter D. Thomam Iannotumque intercapedinem, recte ponderare si cui lubet; aut totus hallucinor, aut pluribus opus haud erit. Nempe nec causa sit, cur doctorum sæculi sui phœnicem dicamus scientem fallere voluisse, aut cur deferendam ex adverso Iannotto Donato, censeamus fidem, suis modo unius commentis innixo, sui que Gabrielis emendicanti suffragia, eaque, quod rei caput, ne Gabrieli quidem ipsi probata, ac nec ulli cordato viro, rerumque Venerarum vel ex parte gnaro unquam probanda.

Sed nec omittendum, de nihilo haud esse, quod hoc ipso capite nolle se politicas ullas observationes attingere adversarius edicat. Omnino nullas libare si mens ipsi fuit, miror equidem cur argumenta, cur rationes Iannotti de penitissima depromptas politicè, tanta cura excerptat; si in propositum lemna cadere nonnullas posse putavit, miror etiamnum magis, cur nomen Imperii speciesque, ab Imperii vi quantum distent, ignorare velit. Erit nobis de utroque sermo. In præsens notasse liceat, humanarum actionum gnaros, ea solerter distinguere. Ita alibi Tacitus, *Imaginem retinendi domandique Armeniam penes Romanos fuisse, non penes Parthos lib. 15. Ann. doctus Scalibi, Vim ac potestatem Imperii ab illius honore discernere, lib. 2. hystor.* Dixerat jam pridem prædictus author, *Non esse penes Asacidem Imperium, sed inane nomen, apud imbellem externa mollitie; vim in Abdagefis domo esse. Annal. 6.* nec alio spectant quæ apud eundem Sallustius inculcat, *Ne arcana domus, ne consilia amicorum, ministeria militum vulgarentur, neve Tiberius vim principatus resolveret cuncta ad Senatum vocando, eam conditionem esse Imperandi, ut non aliter ratio conslet quam si uni reddatur.* Adversarius, si vim principatus in Duce Venerorum ponat, (quod certe facit) eam, ab illo cujus D. Thomas meminit temperamento, secernat, unicè velim; si

tem-

temperamentum aliquod admittit, ultra dubium non est quin peccet, immoderatam potestatem attribuendo jam dicto Duci. Ast inquit à Tribunis ad Ducem provocandi facultas erat. Vbi fuisse liquebit, erit in promptu, quod non rationibus minus quam exemplis, ad objecta respondeam: facti est quod adfert, probationes exigimus. Ipsum quæ dicit probare haud posse, magno argumento sit vel id unum, quod nihil tale quid probet, imo ne quidem probare contendat. Sed nec interim talia provocationum sunt jura, ut non reputentur inter jura majestatis communicabilia, quamvis nec temere communicanda. Iam dudum est cum sub Carolo nono Galliarum Rege, qui Barrensi in ducatu prerogativam istiuscemodi in Lotharingum Cardinalem contulerat, quaestio ista multorum mentibus iuxta ac manus exercuit. Subsisso in terminis inculpatae tutelæ, quos ut excedam nec nostro proposito nec recte rationi sit consentaneum: Subjungit porro, Collegas sibi qui in curarum decorisque partem venirent, idque arbitrio suo, ascivisse priscos Duces. Verum si dicit, multum dicit, habebit quinimo adversarius me sibi adstipulantem, si quod asserit, iusta probatione confirmare potis est. Ita est, binos subinde Duces Veneti habuere, non sequitur tamen, secundum legendi, sibi que sociandi, priori Duci jus fuisse, idque patribus inconsultis, nedum contra nitentibus ac pro Ducis arbitrio. Liberam moderandæ Reipub. ac nullis circumscriptam limitibus, usque ad Sebastiani Ziani tempora, penes Ducem resedisse facultatem, Iannotus asserit. Ziani ducatus in annum centesimum septuagesimumque tertium supramillenium incidit. At vero jam tunc, anno supra millenium quarto, id est toto sesqui sæculo, & quod excurrit, Duci Veneto, Ducem legendi sibi ve assumendi ablata facultas erat, idque decreto publico. Quod si scivit Anonymus, manifestè prævaricatur, si nescivit, condonem.

donem lubens; monstrari à me aut probari si desiderat, equidem ut ut fuerint ea jam nunc ab annis quinquaginta publicijuris, docebo lubens, quæque in hanc rem privato à me conquesta sunt studio, volenti impartiar. Quæ tristitia obvenere reipub. inquit ille, eorum invidia in unum Duce[m] incubuit, alias in omneis reipub. clavo admotos, ex æquo defævitura, me quidem, fateor, argumenti pudet, deducti à plebe,

cui nos humili lassisse veneno

*Summa, nec impositos unquam cervice volenti
ferre duceis*

Ceterum nec ita perfunctorie bonos autores salutavi, ut non ex illis edoctus sim, non alias magis rerump. rectores probos, quam temporum quibus ipsi Magistratum gesserint lætitia celebrari solitos, ac ex adverso, enatæ sub ipsis calamitatis, nomine traduci fugillarique, ergo ut Anonymi argumento suum constet robur, demonstretur oportet in duceis principesve solos hujusmodi invidiam detorqueri solitam. Ego ad privatos quoque quidquid id est laudis aut invidiæ, privatim spectasse in utramlibet partem nullo negotio commonstravero. De Scipione *Lucilius*, ita *Nonto Marcello Gellioque* (lib. 4. noct. att. c. 17.) dictantibus,

*Scipiade magno Improbus obijciebat asellus,
Lustrum illo censore malum infœlixque fuisse.*

De se Cicero in orat. post reditum ad Quirites. *Mecum questiones, mecum jura Magistratum, mecum senatus auctoritas, mecum libertas, mecum etiam frugum uberitas, mecum Deorum & hominum sanctitates omnes & religiones absuere, ac in Eutropium Claudianus lib. 1.*

Nam

*Nam quæ jam bella geramus
Mollibus auspiciis, aut quæ connubia prolem
Aut frugem laturus ager? quid fertile terris,
Quid plenum sterili posset sub Consule nasci?*

Ex aduerso, autor Panegyrici ad Constantinum Imperatorem sic inquit. *Præclara fertur Catonis oratio de lustrî sui felicitate, jam tum enim veterè illa Repub. ad Censuram laudem pertinebat, si lustrum sælix condidissent, si horrea messis impleisset, si vltèmia redundasset, si oliveta largæ fluxissent, &c.* inque eadem parteis quem in Eutropium citavi, pro Stilicone Claudianus,

*En cui distulimus melioris sæcla metalli
Consul adest, ite optati mortalibus anni,
Ducite virtuteis hominum, florescite rursum
Ingeniis, hilares Bacchi, frugumque feraceis.*

& quæ sequuntur.

Quod porro vult familias illustreis demum à ducatu Sebastiani Ciani enitescere pulchrius ac evehi sublimius cœpisse, quo nimirum tempore circumscriptior esse cœpit potestas Ducum, plane momenti nullius, fuerit, ut ut ita se rem habere fateri velimus, cæteroquin quandoquidem hac in parte veritatem sibi adversantem Anonymus habet, eumque non modo annalium fides, sed & vivi spirantesque etiamnum complurimi illustres viri, quorum familiæ dudum ante Ciani tempora pro nobilissimis habitæ, erroris redarguant, verbain re clara & cuius nota prodigere mihi non est animus. Ac nec longus ero in confutando novissimo quod Iannottus movet argumento, quid est hic confutationibus

Bbb

opus

opus, siquidem ipse Iannottus conjecturam fatetur, eamque ut à vero non abhorrentem in argumentum trahit? ait ille sibi ita videri, at nos nihil est quod cogat, ut Pythagoricum αὐτὸς ἡμεῖς tot jam sæculis inusitatum, in Anonymi Iannottive gratiam revocemus in lucem, opinionem suam aut argumentis iastruere, aut scriptorum classicorum suffragiis probare siquidem potest diversa res erit; in chimeras opinionum calamum stringere, supervacuum sit, & inutile. Erit tamen mox super novissimis istis argumentis quæ ex Iannotto adversarius adducit commodior occasio differendi.

CAPUT XVIII.

Error Iannotti taxatur de bisseis electoribus. Electores anni, Electores medij anni. Eligendi modus. Id variis S. C. formulis probatum. Error insignis Anonymi in adsignando tempore, quod majoribus comitijs eligendis præstituit. Reipub. Veneta ratio circa hæc accurate observata. Error Iannotti de numero eorum qui ad majora comitia eligebant. Ex archivis publicis singula probata. Quæ majorum comitiorum partes. Fallitur Anonymus, dum ex toto civitatis corpore majora comitia eligi statuit. Viri illustres, qui in lacunis Hadriatici maris sedes fixere. Tribuni à Venetis creati, illustrium familiarum viri. Mox Duces suffecti clarissimarum familiarum. Ducum nonnullorum series. Mutatum in pejus Joannis Mauritiij filij ingenium. Ioannes Gradenfis Patriarcha ob dicendi libertatem Ducibus

cibus invisus, & de turri præcipitatus. Carocius per vim Ducis titulum usurpavit. Quomodo Zebastianus Zianus in Ducem electus. Nobiles semper à populo, nedum plebe, apud Venetos distincti.

EO devenimus, ut despiciendum porro sit, qua veritate nitatur Anonymi lemna, quo Venetos absolute atque omnino liberos ait fuisse, isto nimirum tempore quo ad majus consilium, sive majora comitia omnibus ex æquo (ita namque statuit) patebat accessus. Quæ superiore capite fusius commonstravi, quantus in eo sit adversarius, ut sub Triphonis Gabrielis nomine lectoribus imponat, non repetam: hoc ipso capite, manifeste prævaricatur Iannotti nomine suppresso, tum tamen textus quem allegat sit ipsius Iannotti. Ita inquit, *Gabrielis ergo ponamus verba.* Sed, ponat agendum, præeuntem nos *& mda* sequamur. Dicam in antecessum, quæ citat Gabrielis verba, non eo ordine aut contextu apud Iannottum reperiri, sed aliunde transumpta, ita legentibus obtrudi, ac si cohærentia inter se ac concatenata, unam, eamque continuam, periodum absolverent. Quod sane verum non est, ac fide minus bona factum apparet. Sic Iannottus. *Et eorum quidem comitiorum totam rationem fuisse illam puto, quæ postea diu permansit usque ad illud tempus, quo coeptum est intercludi. Singulis annis extremo mense Septembri ad festum diem Dedicationis Michaelis Archangeli his seni cives deligebantur, bini è singulis tribubus (nam civitas tota senis tribubus continetur) his autem quod nostra monumenta perhibent, fas atque integrum erat ex universa civitate sibi cooptare CCL usque ad CCLXX cives, & ea conditione, ut singuli possent è familia sua quatuor viros summum assicere. Ex iis autem omnibus in unum coactis conflata quidem majora comitia, sed in annum erant, quæ Magistratus omnes creabant, ut nunc moris est.* Ha-

ctenus ille. Ego contra falsum esse dico, quod de his senis illis civibus deprædicat, ac non uno publico decreto (partes vocari commonui) contrarium posse evinci contendo: Forum, quæ mox adducturus sum, publicorum decretorum beneficio dilucide apparet, annum millesimum ducentissimum ac septuagesimum nonum, quos Iannottus bisseños fingit electores, non nisi tres numero fuisse, eosque ipsos cum aliquot ante annis quaterni fuissent, haud multo post ad ternarium numerum redactos denuo. Nulla istis temporibus Lex, nullum decretum, nulla reipublicæ invenitur sanctio, quæ intra statum præfinitumque numerum electores coerceat, annuatim res ea majoribus comitijs ventilari solebat, idque servari, quod præ ratione temporum maxime esse è Repub. Patres judicabant. Iam tum à principio terni illi regulariter, ac fere semper ab ultimo Septembre ad finem Martij isto fungebantur munere. Ipsis Kalendis Aprilis, mox in proximum semestree alij itidem tres sufficiebantur. Illos ego, priores nempe, ELECTORES ANNI vocari fuisse solitos comperio, eo quod ab ijs electis in annum vertentem, maximam utique anni partem, majoribus consilijs admoveri moris esset: posteriores ELECTORES MEDI ANNI dicebantur. Diversitatis haud altera ratio, quam quod ab ijs electis, longius quam in semestree ad jam dicta nobis comitia, haud adhiberentur. Quæ jam attigimus, tum etiamnum quoque sicubi numero quaternos esse electores contingeret, obvenisse subinde constat: obvenit insuper, ut & alteri speciatim ad illum actum, nempe ad Electionem festo D. Michaëlis absolvendam eligerentur, qui ea absolutâ confestim injunctum sibi munus abdicabant, ac neque fas erat eisdem anno illo ad eandem functionem obeundam iterato designare. Verum tamen ita ferentibus (de quo mox verba facturi sumus) rebus, cum alij ex civibus in eorum locum suffi-

sufficiendi essent, quos ad explendum majorum comitiorum numerum desiderari contingebat, eligi & ipsi poterant, idque conditione, lege, ac modo talibus, ut jam ante dictum est. Hos ipsos majorum comitiorum electores, eligendi non unus semper idemque fuit modus. Nempe eos aliquando aut electores illi, quorum erat cæteros qui munus aliquod publicum obirent, eligere (quorum utique numero ipsimet continebantur) eligeant, aliquando item eligebantur quatuor viri nobiles qui citra, ac totidem numero, qui ultra canalem habitarent. Super his postquam jam dictis Comitij itum esset in sortes, bini adusque supererant, hi, ut dictum, citra, illi ultra canalem habitantes, recepto more ut cæteris qui anteverteret, plus media suffragiorum parte superior esset. His eos qui majoribus comitijs adhiberentur, eligere jus erat ac potestas. Ea quæ dicimus solida veritate quæ constet niti, primum, quem notavi eligendi modum disertim probat, quod in diem Novembris decimum ac tertium. Anni milleni ducentissimi septuagesimi tertij incidit Senatus consultum, cujus hæc verba. *Quod omnes electiones, quæ de cætero fient in Majori Consilio debeant fieri in hoc modo, videlicet, quod ponantur tot balotte de vamine albe in uno capello, quot homines erunt in Consilio, in quibus poni debeant XL deaurate, & propinqui eorum, qui habuerint balottas deauratas, debeant exire de Consilio, sicut nunc exeunt, & illi XL qui habebunt balottas deauratas debeant remanere, & alij recedant. Et ponantur XL balotta in capello IX quarum sint deaurate, & illi qui habebunt balottas deauratas faciant electionem, vel electiones, quæ dabuntur fieri per sex eorum ad minus. Quibus consonant quæ circa hanc rem Anno millesimo ducentesimo ac nonagesime die Julij 6^{ta} statuta sunt. Quod omnes Officiales Venetiarum, qui eligentur à modo ad Festum S. Michaëlis venturi, & ex tunc usque ad annum unum debeant eligi hoc modo, videlicet, quod inter omnes balottas quæ ponentur pro*

electionibus faciendū ponantur L. balotta deaurata, & facta electione de L. ponantur postea in capello quinquaginta balotta inter quas sint XII. deaurata, & illi, qui habuerint ipsas XII balottas facient electiones officialium, qui tunc eligi debuerint, ita quod ille, qui erit electus per novem ipsorum sit primus sine aliqua approbatione & in hos non intelligantur Procuratores S. Marci, nec Patroni Arsenatus. Posteriorem eligendi modum concernunt quæ anno exinde octuagesimo tertio supra millesimum ac ducentesium die Septembris vicesima ac sexta Senatus decrevit verba item sunt talia. Quod eligantur IV Electores dupli, scilicet duo de citra Canale, & duo, de ultra, & possent accipi de omni loco, & approbentur secundum consuetudinem, & illi, qui erunt electi, debeant esse, sub pœna librarum L. & statim quando erunt approbati ducantur ad Palatium, qui debeant antequam descendant de Palatio eligere centum de Majori Consilio, & illos de consilio Rogatorum, qui debeant esse à S. Michaële, usque ad sanctum Michaëlem. Quin imo jam ante anno scilicet millesimo ducentesimo septuagesimo nono, die decimo quarto Martij sic statutum fuerat. Capta fuit pars quod de cætero sint quatuor electores duo de ultra Canale, & duo de citra, secundum quod erant tres, & faciant electiones, quæ sunt per tres eorum. Item anno octuagesimo secundo supra millesimum ac ducentesium, die vero Septembris vigesima & sexta. Capta fuit pars, quod fiant IV electores dupli, per rodulos in Majori Consilio scilicet duo de ultra Canale, & duo de citra & illi qui erunt electi debeant esse sub pœna ordinata, qui debeant facere centum de majori Consilio & illos de Consilio Rogatorum antequam descendant de Palatio, & postea facta predicta electione non sint amplius electores pro ista vice. Anno vero C I O C C L X X X I I, die Novembris XXVI. Cum posita esset pars utrum videretur, quod deberent fieri IV electores anni qui deberent esse usque ad kal. Aprilis, & eligere illos, qui darentur eis de majori Consilio; & alia pars fuit quod deberent fieri IV electores, qui deberent eligere illos de majori Consilio qui darentur

buntur eis una vice, & statim facta electione sint fori de electoria. Capta fuit pars, &c. Quæ quidem hic applicanda duximus eo quod superius allegata luce meridiana reddant clariora. His addé quod statutum fuit, anno octuagesimo 4º. supra millesimum ac ducentesium, die decima Octobris. Capta fuit pars, quod fiant IV Electores anni, duo de citra Canale & duo de ultra, qui sint usque ad Kal. Aprilis. sicut est solitum. Item anno clo cc lxxxv. die Septembris xxix. Capta fuit pars, quod fiant IV electores anni, cum illa conditione, qua fuerunt anno &c. Item anno clo cclxxxv i sexta Octobris die. Quod debeant fieri Electores medii anni &c. Anno vero clo ccvvi die duodecima Februarii. Quod revertamur ad primum statum S. quod eligantur tres Electores anni ad medium annum, qui eligant illos de majori consilio. Ea ipsa latius etiamnum contenta videmus S. Cº. Anni millesimi ducentessimi octuagesimi tertii xii Septembris, cujus huiusmodi est textus. Quod eligantur per majus Consilium octo Nobiles, scilicet quatuor de ultra canale & quatuor de citra canale, & vadant vicum ad unum ad unum, & ille qui habebit plures balottas habendo majorem partem dicti Consilii sit primus, & similiter sit primus quicumque electus fuerit per duas manus, & si non approbarentur taliter, quod remanerent duo de citra canale, & duo de ultra in continenti in dicto consilio, fiat alia electio, ita quod remaneant, duo de citra canale, & duo de ultra canale. Qui teneantur eligere omnes officiales de Palatio, qui debent intrare ad proximum Festum S. Michaëlis per majorem partem ipsorum quatuor. Et statim cum ipsi quatuor approbati fuerint debeant remanere in sala Majoris Consilii & non possint de ipsa sala discedere donec electiones dictorum officialium factæ fuerint, in pœna soldorum grossorum xx pro quolibet; & si ipsi non essent in Palatio in continenti vadant pro eis de Consiliariis, vel de capitibus de xl, & inveniant eos, & ducant ad Palatium, & non possint loqui ipsi quatuor cum aliquo; & si accideret quod aliquis dictorum quatuor electorum esset infirmus, vel non esset in terra, vel aliquo casu esse non posset cum aliis electoribus, eligatur alius loco

loco ejus qui deficeret in dicto majori Consilio, & remaneat cum aliis in dicta sala majoris Consilii, & non possit de ipsa discedere, donec electiones dictorum officialium facta fuerint, in poena solidorum xx grossorum pro quolibet, ut praedictum est, & non possint eligere de se ipsis in aliquo dictorum officiorum nisi duos; & teneantur ad Sacramentum non loqui simul quod unus consentiat alteri aliquam personam in aliquo dictorum officiorum & illi qui erunt electi in dictis officii debeant esse in ea, sub poena illa, qua tenentur illi, qui eliguntur per majus Consilium. Utque quam cumulatissime satisfaciam eccum denique alterum insuper decretum x x v i i Septembris anni nonagesimi, secundi, supra millenum ducentesiumque. Verba illius adscribere etiamnum haud pigeat. Sunt autem talia. Quod debeant fieri modo 1 v. Electores de citra Canale, & 1 v de ultra, qui remaneant in duo de citra, & duo de ultra, qui debeant eligere antequam descendant de Palatio centum de majori Consilio, & 1 x. de Consilio. Rogatorum, & illi qui erunt Electores debeant esse sub poena contentis de libris L. pro quolibet, & sint de annis in consilio contentis, etiam conditionibus solitis, & possint eligi de Consiliariis D. Ducis. Haec tenus SCⁱ. textus. Duo è praecedentibus colligere atque observare datur; Pius nempe, ut ut in more habuerint Venetinos semper electores creare ex aequo citra atque ultra canalem habitantes, eos ipsos tamen nullo discrimine ad majora comitia vocasse, quos visum fuit non attento eo, citra ne an vero ultra canalem habitarent. Posterius, circa praedictos electores constituendos non unum semper eundemque modum placuisse, sed pro beneplacito (ut disertim ex jam adductis vidimus) multotiens hac in re variatum fuisse.

Est praeterea multum insignis Anonymi error in tempore, quod majoribus comitiis eligendis praestituit, namque festo dedicationis D. Michaëlis Archangeli omnes & singulos quotquot majoribus comitiis essent admovendi electos fuisse,

fuisse, verum non est. Eligebantur nimirum isto divi festo, circiter centum, illis ex Rogatorum consilio sexaginta numero, ex quadragintavirali consilio quadraginta adjuncti; qui deinceps cum cæteris urbis Veneræ Magistratibus nec non illis, qui extra urbem muneribus postliminio in illam redierant, ipsiusque Ducis (si quos habebat) filiis, corpus illud magnorum comitiorum constituebant. Lubet hic denuo pedem figere, publicisque decretis, quæ dixi, firmare. Anno octuagesimo secundo supra millesimum ac ducentessimum prima Octobris die statutum fuit.

Quod illi qui sunt electi hoc anno de Consilio Rogatorum, sint hoc anno de Majori Consilio, cum inventiatur cancellatum consilium, per quod rogati erant de Majori Consilio. Anno c1o cc lxxxviii, die Junii sexta. Quod si aliquis de illis xl. qui nunc & usque ad S. Petrum approbabitur non essent de Majori Consilio, debeant esse de Majori Consilio, sicut nunc intrarent in Quarantia. Anno autem c1o cc lxxvi ultimo Octobris. Quod omnes Baili, Duces, Comites, Castellani, Potestates, Consiliarii & Rectores omnes, qui vadunt pro D. Duce, exceptis Castellanis S. Alberti, Capitaneis Adrus & Tadi, & exceptis omnibus Consulibus, propter Consulem Apulia, qui debet esse in conto illorum Rectorum, & exceptis Vicedominis quod quando redierint de suis Regiminibus sint de Majori Consilio, siue quod eligantur, quousque durat ipsum majus Consilium, & hoc intelligatur tam de istis, qui sunt ad presens, quam de illis qui eligentur. Item anno c1o cc lxxxi die Martij vicesima. Quod Capitaneus qui venit de Capitania Padi, & alij qui ibi erunt Capitanei per tempora, redeuntibus ipsis de ipsa Capitania sint de majori Consilio pro illo anno usque ad S. Michaelem tunc proxime venturum. Anno c1o cc lxxx. die Februarij xxvii^a. Quod Consiliarii xl. judices omnes de Palatio, & illi de nocte, qui nunc sunt & erunt per tempora completis eorum officiis sint de Majori Consilio siue quod eligantur usque ad S. Michaelem. Eodem anno die nona Octo-

Ccc

bris.

bris. *Quod Filij D. Ducis, qui nunc sunt, fuerunt & erunt sine de Majori Consilio sine quod eligantur, postquam compleverunt annos quatuordecim. Item anno MDCCXXXII die Septembris vicesima septima. Quod addatur in Capitulari omnium Officialium de Rivo- alio qui sunt de majori Consilio, quod non possint nec debeant venire ad majus Consilium, nisi diebus Festivis Solemnibus, & ad Consilia electionum à S. M. l. a. l. e in antea. Sed tempus est ut his satis ad- structis, pergamus. Sciat ergo benignus lector, quod cum multoties obvenisset ut intra annum vertentem quidam Comitij excederent, nempe ut administrandæ justitiæ præessent, aliaque publica obirent munia: hinc factum, ut ijs possibile haud fuerit, dum in demandata sibi intenti agant, comitiis quaquaversum interesse; præcipue cum multotiens quin imo quam creberrime ea cogi haberique contingeret: Nempe majora quæ diximus comitia, non ea duntaxat de causa instituta fuisse, ut magistratus crearent honoresque (qui alter Iannotti est error) distribuerent, sed quod esset ip- sorum accurare ne quid aliter quam è publico bono fieret, quod discuterentur ventilarenturque coram ipsis reorum causæ, quod ferrent leges, quod largirentur privilegia, quod delictorum ab ipsis impetranda esset venia, quæque his simi- lia sunt. Colligat hinc quivis fieri non potuisse, quam ut ipsis talia tamque ardua negotia frequentius coeundi ne- cessitatem imponerent. Adde, quod nec rectores civita- tum ditioni Venetæ subjacentium, item legationem obituri, item quos aut mors interciperet, morbus distineret, privata necessitudines alligarent, Comitij majoribus adesse potuerunt. Sicubi ergo nimium infrequentia ea Duci ejus- que assessoribus sive consiliariis videbantur, vel si publica utilitas, aut negotij quod præ manibus esset conditio, plurimum requireret præsentiam; eorum muneris erat accura- re, alij ut sufficerentur, quin imo superadjungerentur etiam.*

etiamnum alij, eo semper numero, ac toties quoque ac ipsis è Repub. videretur. Fidem fecerit, quod ea obvenisse tempora pro comperto sit, quibus anni intra spatium, ternis supra vicenas vicibus allecti sint, qui majoribus comitiis interessent. Sed nec hic anxie laborandum nobis, ipsa agedum decreta pretrahamus in lucem. Anno nonagesimo quinto supra millenum ducentiesimumque die Iunij sexta decretum fuit. *Quod quando videbitur D. Duci, & Consiliarijs de eligere alios de majori Consilio, debeat definiri quod videbuntur eis fieri, & definito numero eligantur, Electores cum conditione, cum qua eliguntur in Sancto Michaelis, scilicet quod quando elegerint illos quater definiti debere eligi, sint extra electoriam, & debeant eligere, & non possint esse Electores amplius ad eligendum de majori Consilio usque ad S. Michaelem tunc prius venturum.* Huic adde decretum decimi tertij Augusti anni 1706. *Quod addatur in Capitulari Electorum, quod non debeant petere à D. Duce, & ejus Consilio homines de Consilio ultra quantitatem, quam eis dedit D. Dux, & Consiliarij & facere debeant electiones eis datas.* Quin imo si quid insoliti magnive, aut quod Reip. statum impense concerneret obvenisset, omnes & singuli, quotquot comitijs exierant, ij insuper ipsi, quos in illum annum leges à comitijs arcebant, solemnisi juri-jurandi vinculo sese obstringebant, repetituros se confestim intermissa sibi comitia, quo frequentiores instructioresque quæ in rem præsentem essent despicerent, curarentque ne quid publica res caperet detrimenti. Exemplum siquis hic à me requirit, si quis decretum publicum, nec hic destitutum me legitimis autoritatibus faxo experiatur. Eccum decretum 6. Novembris, Anni septuagesimi secundi, supra millesimum ducentiesimumque, cujus hæc sunt verba, *Quod quilibet de majori Consilio, & de Officialibus qui sunt de majori Consilio per suum officium teneantur sacramento venire ad majora Consilia, quæ fient super factis, quæ tractantur*

& tractabuntur cum Ambaxatoribus, &c. insuper si non venerint perdant unum grossum. Item, decretum xxvi Novembris ejusdem anni, cujus iidem verba sunt talia. Quod omnes illi, qui sunt electi de majori Consilio & Offitijs, & quatuor Procuratores S. Marci, & illi de Arsana debeant venire ad consilia majora, quæ sunt de Ambaxarijs, &c. & quilibet teneatur in hoc esse sub pena libræ centum, & excusatio non valeat. Quo vero manifestius etiamnum errores redarguamus id quod pro lemmate sumit adversarius, fuisse nempe omnes & singulos habiles ut magnorum comitiorum pars fierent, aditumque ad ea liberum patuisse culibet; sciat benignus lector esse id quam falsissimum. Ipsi illi electores certis attinebantur legibus, quas ipsis egrèdi neutiquam licebat. Nempe erat ipsis attendenda eorum quos comitijs admoturi erant ætas, erat & nascendi fors. Aetatem quantum attinet, probat quæ dico decretum Anni cIdcccLxxiv. vii. Julij. verba sunt. Quod addatur in capitulari majoris Consilij quod à S. Michaële in antea aliquis puer, qui sit minor viginti annorum non possit, nec debeat capere partem in aliquo consilio de Venetijs, exceptis filiis D. Ducis, qui est, & qui erunt per tempora, & si videretur D. Duci & Consiliarijs pro aliquo facto secreto licentiare eos de Consilijs, quod possint facere, & ipsi teneantur exire, sed non teneantur per Sacramentum nec per aliquam pœnam venire ad Consilium. Quod ipsum ex inde anno cIdccc. renovatum ampliaturque constat. ac novissime anno cIdccc xix. Novemb. xxv. quod quidem decretum cum ea quæ defendimus hætenus, faciat planissima, publici juris ut faciam, operæpretium est. Est ergo tale. Quia modus, qui est de eligendis Electoribus qui eligunt de majori Consilio non videtur bene conveniens, nec honestus propter subjectiones multas, & ineptas, quas homines faciunt, ut sint electi, nec sæpe fiat factum ita communiter ut debe-

deberet, capta fuit pars, quod, ut hac forma melius, & honestius fiat, ponantur in uno capello tot ballottæ, quod erunt illi, qui scripti fuerint ad Quarantiam, qui possunt eligi de majori Consilio; inter quas ballottas sint tot ballottæ deauratæ, quot erunt illi qui dabuntur eligi de majori Consilio, & vocetur unus puer XII. annorum, vel inde infra, qui accipiat ballottas de capello ad unam pro omnibus, qui scripti erunt in libro Quarantia, incipiendo à primo & sic sequendo per ordinem; legendo nomen cujuslibet, quando accipietur pro ipso ballota, & quicumque habuerit ballotam deauratam habeatur pro electo, & illi qui sic electi erunt approbentur inter XL. secundum usum illorum qui eliguntur per Electores. Et ista electio debeat fieri, ita quod sit facta infra quartum diem intrante mense Decembri, & hic ordo servari debeat de cætero singulis annis, & tantum plus quod omni anno ab isto in antea projiciantur texere inter scriptos pro quo debeat accipi primo ballota, & pro quo secundo, & sic de alijs, quia de istis, qui modo scripti sunt non potest esse fraus. Et quia aliqui possunt etiam nimis induciare per hanc viam esse de majori Consilio, qui non possent habere ballotam deaureatam, volumus quod nihilominus à duobus annis in antea capta ista parte, quoties aliquis habuerit XXV. annos completos, probando hoc sufficienter coram D. Duce, Consiliarijs & Capitibus de XL. ita quod eis, vel majori parti eorum videatur bene, & sufficienter probatum, habeatur pro electo & sit de majori Consilio, facta prius probatione de eo inter XL. sicut solitum est fieri de alijs, qui eliguntur. Verum in hoc quantum de favore XXV. annorum non intelligatur de illis quibus concessum esset de gratia, vel concederetur, quod possent eligi de majori consilio & non possit hæc pars revocari nisi per Consiliarios XXV. de XL. & duas partes Majoris Consilij, & si Consilium, vel capitulare est contra sit revocatum quantum in hoc. Et revocatum est consilium dicens, quod fiant Electores. Nas-

cendi sortem duo comitabantur impedimenta, nempe quod aut spurij essent, quos decreto publico Anni cło cc lxxv. v. Octobris exclusos certum est. Decretum est tale. *Quod aliquis Bastardus de cetero non possit eligi de Majori Consilio, vel in offitio, quod sit de Majori Consilio.* Aut quod non essent progeniti parentibus nobilibus, eoque nomine magnorum comitiorum capacibus, ut manifesto colligere est ex decreto anni cło cc xci. xxiv. Februarij; verba sunt. *Quod illi, qui mittuntur Capitanei X Galearum, & ab inde supra debeant in suo reditu esse de majori Consilio sine aliqua electione, sed Capitanei, qui sunt vel erunt à X. Galeis infra non sint in suo reditu propter Capitaniam de Majori Consilio, sed ille qui non posset esse secundum formam Consilij de Majori Consilio, non intelligatur quod propter Capitaniam Galearum debeat esse de Majori Consilio.*

Quid? quod inter eos ipsos, quibus ad majora comitia patebat accessus, ordo in eligendo servandus fuit electoribus. Primo namque loco ailectos constat, qui jam nunc ante illa tempora pars fuerant majorum Comitiorum, sub finem demum anni, juniores aut filij eorum in dictum ordinem allegebantur. Hi si forte (ut sæpe evenire solebat) eorum nomina ignorarentur, paterno ut designarentur erat receptum. Sic videas Anno cło cc lxxvii r. *Filius major Petri Steni*, & anno sequenti *Filius Jacobi Delfini. Filius Thoma Barbadiet*, & sic de cæteris. Receptum insuper erat, quod etiamnum hodieque in usu est, ut majoribus comitijs indictis recitarentur ex indice nomina magistratuum, quorum in illum diem faciendi veniebat electio, vocabaturque recitatio talis vulgari nomine *la Proposta*, utpote quæ rerum isto consensu agendarum, esset quidam velut schematicismus. Insuper quoque anno mill. ducent. septuagesimo & sexto, vii r. Octobris factam electoribus potestatem constat eligendi *De illis de extra* (verba sunt Decreti) id est, factam fuisse potestatem, eos

eos in dicta sæpius nobis: majora comitia eligendi, qui præteritis temporibus ad illa non fuerant intromissi, & sic pro extraneis habiti, ut & actis publicis commonstrari queat anno c^{lo} cc xcvii electores illius anni extraneos tres cooptasse, inque fidem rei nominatim designatos qui sic allegabantur cum Epigraphe, *Isti sunt de extra*. Tam falsum insuper est, quam quod falsissimum quod de numero eorum, qui ad majora comitia eligebantur, nugatur Ianottus. Actorum publicorum indices, qui in Ducatus Grammatophylacio aservantur, & ad quæ de facili volentibus accessus est, hominem erroris convincant. Etenim si cum ipso errare in animum inducamus, eorum qui electi fuere, annuatim si faciendus est computus, perinde ac si omnes eodem momento in comitia majora forent allekti, numerus eorum sane, prout ipse calculum init, sibi quam minime constabit, numerus inquam, qua personarum, qua annorum. Vertat sese in omnes formas, non effecerit, quo minus utrimque differentia, eaque multum notanda, legentibus se sit oggestura, qualem non est uti nobis figuremus, si quidem statuimus uno eodemque contextu festo D. dedicationis Divi Michaëlis Archangeli electionem illam fuisse absolutam, ipsos indices inspicienti patet ilico scripturæ diversitas, dum superiores, id est primitus electi, ab inferioribus, id est electis sub anni finem, liquido secernuntur, quodque rem totam multum evidentem reddit, sunt priores illi numero semper plus minus centum, qui quidem eorum status est numerus, qui festo D. Michaëlis eligebantur. Ita ut omnino habendum sit, illa nomina ut diversæ electiones testantur, diversis quoque temporibus fuisse scripta. Eoque magis, quod ab anno c^{lo} cc lxxvi eadem illa nomina revera inter sese discriminata inveniantur, expresso quaquaversum tempore, in quod electionum quæque inciderat. Alios ergo Septembri mense, alios

alios Ianuario, alios Febuario electos, ac in indicemrelatos deprehendas. Amplius dicam, si verum est quadringentos illos quinquaginta viros, usque circiter ad quadringentum septuaginta virorum numerum dicto divi Michaelis festo fuisse electos, illis si superadjungere velimus, hinc ex Rogatorum consilio alteros insuper sexaginta, reliquos inde è quadraginta virorum collegio; item si super addimus super Reipub. ministros, muneribus suis defunctos inque urbem reversos, si denique ceteros qui in urbe publicis ministeriis vacant (quibus omnibus esse diximus jus majorum comitiorum) jam necesse erit, ut sexcenti aut septingenti corpus illud magnorum comitiorum constituent; constat, tamen ex adverso, probaturque infinitis fortitionibus, quarum etiam in hunc diem, memoria perdurat, intra quadringentorum numerum, stetisse comitia. Iungamus jam dictis, visum modo fuisse, probatumque, publicorum decretorum monumentis, primam illam electionem, & tempori, festo nempe dicti sapientis Divi, & numero suo, fuisse adstrictam. Si de secunda electione instituendus est sermo, nempe de eorum electione qui aut in illorum qui decrant locum, sufficiebantur, aut alias ad comitia vocabantur, vidimus ipsa meridiana luce clarius, pependisse id omne ab arbitrio Ducis, nec non eorum, quos sibi Dux habet à consiliis, qui pro frequentia comitiorum aut infrequentia, pro natura eorum quæ occurrebant tractanda, substitutiones istas, & auctuaria comitiorum, admoderari consueverant. Atque hinc enata est illa in electionibus varietas, quas modo denas duodenasque, quin imo viginti & tres aliquando fuisse diximus. Atque ut ut esset in sex tribus distincta civitas, ex unaquaque tribu tamen æquali numero neutiquam eligebantur, sed pro ut numerosior quæque erat aut infrequentior. Sic videmus ex tribu Divi Marci, quæ ceteros frequentia anteibat,

reibat, itidem plures longe quam ex cæteris fuisse electos, ac nominatim ex illa tribu plures, quam è tribu cui Dorſi duri nomen, idque haud alia ratione quam quod ea urbis regio parcius eſſet habitata. Feſto Divi Michaelis ac ſic quoque prima vice, promiſcue ex omnibus tribubus electio fiebat, cæteris quæ illam excipiebant non item, cujus ea fortasſe ratio, quod non æque in promptu ſemper foret eos reperire, qui ſecundum decreta publica eligi poſſent.

Conditio porrò, aut ut rectius loquamur, illa quam Iannottus adjungit qualitas, nempe liberum cuique fuiſſe quatuor è ſua familia viros ad comitia vocare, ſi quæ alias unquam, eſt diſertim falſa. Nimirum ſi quadrigentis illis & quinquaginta (tot eo ipſo authore comitia majora abſolvunt) licuit quatuor è ſua familia adducere, indubie jam ea in octingentenos ſupra millenarium numeròs excreſcant, quod ipſi Anonymo ludibrium debeat, qui met ipſe fatetur ex quo ordinata fuere majora comitia, nempe ab anno cło cc xvi nunquam ſexcentos ea exceſſiſſe, ipſumque ubi Comitia haberi ſolent atrium, plurium quam ſexcentorum authore Sanſovino capax haud eſſe. At verum ut fateamur ſi prior ille Iannotti numerus, tam inſigni acceſſione fuerit adauctus, quid ſupplementis opus erat, quibus infrequentia comitorum ſuccurſum fuiſſe demonſtravimus. Nec video ſane quo pacto conciliari hæc duo inter ſe poſſint ac componi; hinc nimirum, licitum fuiſſe, tot numero, ſecum in comitia adducere, inde, qui fieri pote, ut cum in ſuffragiatum fuit plura quadrigentis nunquam reperta ſint. Ac Iannotti more ut loquamur, ſi liberum ſingulis fuit, ut ſecum quatuor inſuper alteris aſſumtis quini ad comitia procederent, quæ de cauſa factum ſit, ut vel priore electione publica ſuos archiva edoceant, ex una eademque familia, quinos, quinimo ſenos fuiſſe lectos. Anno cło cc x c i v die octava Julii, cum

nulla institueretur electio, sed modo supplemento pro more comitiorum subveniebatur infrequentiar, sex ex Contarenorum familia electos videas. Anno insequenti, illa quam in festum Michaelis incidisse diximus electione; ex eadem Contarenorum familia quinque ut & quinque è Molinorum gento fuere lecti, suntque eodem anno vertente, iis quæ post inciderunt electionibus, alii plures ex jam dictis familiis gentilibus suis fuere superadditi. Quin inno anno dñi cc lxxv i duo fratres electi fuere, Nicolaus nimirum Iacobusque è Canaliū familia, idemque Nicolaus eodem anno, sed jam in finem devexo, secundum electus fuisseprehenditur, unde sic argumentari liceat, si rem gratam Electores faciebant electis, si electus non unum modo fratrem secum assumere poterat, sed vel quaternos simul, quid causæ, cur in unam familiam disperdere voluerint electores istiusmodi beneficia, quæ in plures si dispersissent, plures itidem ac tres ad minimum familias demereri poterant. Si ex adverso grave molestumque fuit iis qui eligebantur, quod publicis innexis negotiis, privata curandi facultas minus suppetere, nemini credibile videbitur aut simile vero, voluisse electores unam eandemque familiam præter jus & æquum gravare & duobus fratribus jam pridem electis, alterum quem aut casus aut legum tenor comitiis exemerat intra ejusdem anni curriculum denuo eligere. Sunt interim eorum quæ de fratribus binis jam dixi exempla infinita, sunt & passim obvia, quæ de pluribus ex eadem familia electis asserui. Quoniam vero plenissime absoluta ordinataque fuisse majora comitia anno millesimo ducentesimo nonagesimo sexto, Anonymus fatetur; videamus agedum, tanquam in catopetro, ecquis eorum qui suis quisque temporibus electi fuere numerus extiterit, sumto vel ab anno sexagesimo primo supra millesimum ac ducentessimum exordio. Ita se res habet, Eorum qui electi erant munus

munus annuum erat, cui principium dabat primus Octobris dies, novissimus exinde mensis Septembris finem. Anno cId cc lxi electi fuere quadringenti triginta, & quantum è diversitate characterum, aut scripturæ de qua modo docebam, non male quis colligat, factum id tribus vicibus, prima electio ad numeros quinque supra centenum excurrereprehenditur, ac notare licet singulis annis id plerumque fuisse factum.

Inter duos annos sequentes chasma est, nec quicquam reperitur.

Anno cId cc lxiV electi fuere ccc xvi

— LXV	— 450	Bini hoc anno secundum electi.
— LXVI	— 481	
— LXVII	— 502	
— LXVIII	— 445	
— LXIX	— 501	
— LXX	— 480	

Ita vero semper electi fuere, ut quantumvis ex singulis eligerentur tribubus, proportionis tamen pro numero habitantium ratio haberetur. In sex ut diximus tribus urbs Venetum dispescitur, quarum hæc nomina S. Marci, Castelli, Canaregij, S. Pauli, Sanctæ Crucis & Dorsi duri. Hic ergo si proportionem quæ servata fuit indagamus, electi fuere è tribubus

<i>Sⁿ. Marci</i>	143	— idque vicibus —	13	
<i>Castelli</i>	87	—	13	
<i>Canaregij</i>	96	—	14	
		Ddd 2		<i>S. Pauli</i>

5^a. Pauli 85 ————— 13

Dorſi duri 35 ————— 12

Ex omnibus generatim tribubus, indistinſteque prioris electionis qui fuere, unus ſupra centum fuere, ea quæ in proportionem anni ad quem perveneramus, nempe ſeptuageſimi à milleno ac ducentefimo reperitur diverſitas, eandem in omnibus porro ſubſecutis obſervare eſt.

Hic iterum chaſma eſt, deſuntque anni quatuor.

Anno cIo cc lxxv electi fuere — 577

Eſtque notatu dignum, in cauſa quadam Andreæ Danduli plura haud fuiſſe vota quam ducenta ac ſeptuaginta quinque.

cIo cc lxxvi ——— 444

—— lxxvii ——— 465

—— lxxviii ——— 435. quo nimirum anno

Iuſtinopolis in ditionem Reip. Venetæ recepta eſt, numerataque fuere in Comitijs maioribus vota ducenta triginta ſex.

—— lxxix ——— 446

—— lxxx ——— 446

—— lxxxi ——— 388

—— lxxxii ——— 303

Cujus quidem anni decretum extat *ut novis maioribus comitiis electores præſe centum eligere debeant*, eſtque idem decretum annuatim uſque in annum cIo cc xcvi renovatum. Eſt & inſuper notandum, eo anno quam hic allegaturi ſumus in electione ſervatam fuiſſe diſtinctionem, Feſto Michaelis lecti 100. Novembri proximo 30. triceſimo Decemb. 30.

Exinde

Exinde mense Febr. insequentis anni 20. Martio 20. ut ut continuata fuerint usque ad dicti Michaelis Archangeli festum comitia vicesimo octavo Aprilis die 20 Maij die decima sedecim, decima Iunij 80. ac biduo post octoginta.

— LXXXIII — 336.

Extat item decretum hujus anni mensis Februarij die undecima trecentis duntaxat ac sedecim votis firmatum, inter quod ac alterum item decretum in quo ducenta modo ac quadraginta numerantur suffragia biduum modo intercessit.

Tertium hic chasma decennii intermedii.

— CIO CC XCIII — 313

— XCIV — 350

— XCV — 260

Anni — XCVI aliquæ tribus desiderantur. Decretum interim quod in illius anni supremum Septembris diem incidit, evincit mutatam eligendi formulam, cumque annis præteritis centum eligendi essent, placuisse, ut exinde eligerentur centum quinquaginta, inde mense Novembri alteri sexaginta, ac demum novissimo Februarij absoluta ordinataque fuere comitia. Et sic quidem eo demonstrato quum hæserit in manifesto errore Iannottus, quoad corpus ipsum majorum comitiorum, quatenus numerum eorum qui illud absolvant perperam expressisse, ac omnino ignorasse dicendum est, probare item operæpretium fuerit id quod diximus plurcis, etiam quam quatuor duntaxat ex una eademque familia in majora comitia adscitos fuisse adoptatosque. Quo ne tamen denuo per singulos annos nostra deducendo fastidium lectori creemus, unum

Ddd 3 modo

modo annum videamus, cumque ex antiquioribus, nempe millesimum ducentesium sexagesimumque primum, Eo anno fuere ad dicta comitia appellati ex ijs quæ sequuntur familijs;

<i>Badoariorum.</i>	8.
<i>Canalium.</i>	9.
<i>Barozziorum.</i>	6.
<i>Contarinorum.</i>	20.
<i>Bassegiorum.</i>	6.
<i>Barbadicorum.</i>	8.
<i>Corneliorum.</i>	8.
<i>Belegnorum.</i>	6.
<i>Auratorum.</i>	5.
<i>Dandulorum.</i>	19.
<i>Delfinorum.</i>	8.
<i>Foscarinorum.</i>	7.
<i>Falieriorum.</i>	11.
<i>Ghisorum.</i>	6.
<i>Gradenicorum.</i>	7.
<i>Morosinorum.</i>	15.
<i>Michæliorum.</i>	12.
<i>Matiglioniorum.</i>	5.
<i>Mæcænicorum.</i>	7.

Melli-

<i>Molinorum.</i>	9.
<i>Polanorum.</i>	5.
<i>Quirinorum.</i>	19.
<i>Veneticorum.</i>	9.
<i>Sonjorum.</i>	8.
<i>Iustinianorum.</i>	5.
<i>Zenorum.</i>	6.
<i>Zanuttanorum.</i>	8.

Ac sic de anno in annum, non interrupta serie, videre est multo maiorem eorum numerum fuisse, qui ex illustribus familijs ad dicta nobis comitia allegebantur quam Iznottus aut ipse credidit, aut posterius ut crederent voluit.

Atque his quidem ita positis, reliquum est ut ostendamus, quam manifesto in errore versetur Anonymus, qui auctoritate Iannottij non alias majoribus Comitij assignat partes, quam quod penes illa fuerit, Magistratus quos libet creare; quod sane eorum quæ ad dicta Comitia spectarent minimum fuisse, aut saltem è minimis, argumento sit, quod magistratuum creandorum facultatem, ut plurimum Electoribus demandatam fuisse compertimus, qui id ipsum nomine aut vice majorum Comitiorum, instructique ad id, à dictis jam Comitij, ea, quæ par erat, auctoritate longo sic satis tempore sunt exsequuti. Exadverso, comitij illis cura præcipua erat condendi leges, de criminibus cognoscendi, judicia disponendi, gratias largiendi, non modo quæ communem Remp. sed & ea quæ summam Reipub. spectarent ordinandi, onera tributaque imponendi, quæque

quæque his similia sunt, aut etiam majora. Singula singulis aegedum exemplis adstruamus, ut ut infinita adduci possunt, quæ & in hodiernum diem jugiter servata, nullam dubitandi relinquunt materiam. Anno c l o c c x x x v i i i Augusti die v i i . *Capta fuit pars (ita textus) in majori consilio per D. Ducem, Consilium Majus & Minus, & Xl. & publice stridatum Rivoalti & datum per ordinem omnibus hominibus Venetiarum, quod nullus Venetus audeat emere res de ruberta, facta iam super Christianos, quam paganos. Atque hoc est quo potestas legislativa Comitij asseritur. Videamus, spectaritne ad illa de criminibus cognoscendi facultas. Ita est. Anno c l o c c l i x . x i i i Julij, quo pacto in materia criminali, ac contra reos alicujus criminis peractos procedendum sit comitia decrevere, ac (uriterum textus) *capta fuit pars quod omnes partes que ponentur in majori Consilio, vel inter quadraginta occasione condemnandi Venetum vel Venetam, in persona, vel habere, tre debeant saliter in ipso Concilio circa, &c. Gratiarum erogationes* quod attinet, exemplum ejus suppedient ex Frangipannorum gentē Schinellæ Comes, & qui cum sunt insequuti. quorum in gratiam, Anno c l o c c l x , i x Aprilis, *Capta fuit pars in majori Consilio, quod Comitatus Vegla dari debeat & concedi nobilibus viris, Comiti Schinella, & suis heredibus, & filijs Comitū Guidonis, &c. Eodem anno circa ordinem judiciorum factum decretum die Junij mensis xv. Capta fuit pars in majori Consilio, & ordinatum, quod quandocunq; aliqua questio sive petitio fuerit inter Venetum & Venetam, sive inter Venetum & Forastierum, & questio illa sive petitio ducta fuerit ad Majus Consilium, vel inter Xl, sive in Consilio Rogatorum, passimque poneretur super ipsis factis, &c. quæ transcribere non attinet, satis enim superque constat ex jam dictis etiam civilium judiciorum eam fuisse conditionem, ut nonnulla eorum ad majora comitia fuerint referenda. Anno insequenti (ut & ostendamus, jus ijs ac potestatem fuisse, ordinandi quæ ad commu-**

communem Remp. spectare videbantur) factum ut Parentinæ civitatis incolæ se Reip. Venetæ subditos vellent, quæ de re quid statutum sit ita decreti tenor nobis explicat. Cum diceretur per *Ambasciatores*, quod potestas & homines Parentij, volebant præsentare, & dare civitatem Parentij in manibus & Fortia D. Ducis, & commune Venetiarum, secundum quod habent Gradum, Muranum & alias suas terras, & contratas, ponendo per se in dicta terra, volunt gentem volunt consulem, sicut & cum illo salario quod D. Duci & suo Consilio placuerit ordinare, secundum quod videbit, quod possint portare, habendo eam in sua potestate, sicut habeat alias suas terras, salvo rationibus D. Patriarchæ & per D. Ducem & Consiliarios poneretur pars, vultis eam accipere cum ea conditione, & cum illis melioramentis, quæ fieri poterunt vel non? & cum essent homines, 358 in consilio capta fuit pars per ducentos homines, minus, tribus, quod accipi debeat. Tandemque ut ostendamus ea quæ vel ad summam Reip. faciebant à Comitibus majoribus, ordinata fuisse, videmus eadem illa pactas cum Orientis Imperatore Palæologo, inducias, confirmasse, de quo similiter decreti tenor. Quod tregua firmata ac jurata per nobilem virum Marcum Bartholomæum, nomine D. Ducis & communis Venetiarum, Imperatori Palæologo debeat sacramento firmari per D. Ducem nomine communis Venetiarum: sicut jurata est per eundem nobilem sine conditione. Erant in consilio 292 de quibus non sinceri 35 in partem 68 volebant habere consilium 40. voluerunt istam partem 149. Ac novissime quo nec intactas relinquamus onerum tributorumque impositiones, certum est, annis cId cc lxxxiii item lxxxviii facta decreta super commodatis publicis (Veneti imprestita seu imprestitas vocant) quarum ea natura, ut necessitatibus publicis ita ferentibus quisque patriæ suæ mutua dare devinctus sit singula, bina, terna aut etiam plura quantum videbitur, instituta, ad centena quæ in bonis habet proportionem, sic tamén ut quæ quisque credidit, eidem ac-

Ecc

cepta

ceptareferantur, subinde cum interufurio, atque ita ſemper ut ſortem ipſam à Rep. conſequantur. Decreta lector ſi deſideret, èccum prius. *Quod fiat impræſtidum de ſolidis decem pro centenario, occaſione Guerræ Hiſtriæ, ita quod non poſſit expendi in alio, per aliquem modum, vel ingenium niſi libras mille pro facto lit- toris.* Eccum & poſterius. *Quod debeat fieri impræſtitum pro ex- ercitu ituro in Hiſtria, de duabus pro centenario, tali conditione quod non poſſint expendi in alia aliqua re, niſi pro exercitu, & occaſione exerci- tus aliqua conditione, modo, vel ingenio, & una dictarum duarum debeat eſſe excuſſa per totum menſem Januarij, & alia uſque ad totum menſem Februarij.* Vt jam dixi, ſi vel centies millena iſtiusmo- di exemplorum adducenda forent, nullo labore conquiri adducique poſſent. Allegata ſuffecerint.

Eſt & in illo multum manifeſtus error Iannotti, quod majora Comitia è toto civitatis corpore ſtatuit eligi ſolita, id enim ſi credit, quod ex ſcriptis illius diſertim elicit autor Scrutinij, nempe aditum ad ea fuiſſe cujuſcumque demum ſortis hominibus, idque promiſcue atque indiftincte, pro- ſecto errat. Sed enimvero quoniam hoc illud ipſum eſt, quod ſe demonſtraturum promiſit atque adeo in ſe recipit adver- ſarius, rectà in illum ire placet quo veſtigia illius premen- do, eſſe quæ dicit in omnibus & per omnia multum falſa exhibeamus vel ad oculum, eodemque reſponſo, utriuſque argumenta diluamus. Sic ergo author Scrutinij *Reliquum eſt ut probemus antequam ea abſoluta fuere,* (de Majoribus Comi- tijs agit) *civium omnibus & ſingulis, dum modo rite recteque eſſent allekti, aditum ad ea patuiſſe neque exitiſſe ullam omnino legem que id vetaret.* Merito addubitare liceat, abſolvaturne uno con- ſectũ, quam ex adverſario allegavimus periodus, an vero in duo membra diſpeſcatur: ut nempe ſi bimembris dicen- da ſit, hoc velit, antequam colophon Comitij iſtis eſſet impoſitus, omnibus quos elegi contigerat civibus, eo per- venire

venire fuisse liberum, ac porro confirmationis loco subjungantur illa, *nullam intercessisse legem, per quam minus idipsum licuerit*, sin ex adverso est ea *ὑπομνηστικὴ*, atque absoluta, simplici quoque probatione satisfaciat. Posterius si dicendum est ac habenda periodus illa pro unimembri, manifesto particula illius posterior, *nempe leges nullas obstat, quo minus id ita ratum sit firmumque*, ut probetur necesse est. Autor sane Scrutinij toto suo tractatu neminem pro se adducit cujus ea mens sit. Idipsum tamen factum oportuerat. Negativum scilicet illud lemma, institutis legibusque Reip. adstrictum, inque fundamentum argumenti sui ab ipso adhibitum, necessario ipsi est adstruendum Fateantur omnes, id ipsum, si à consuetudine longa, ac sic à jure moribus utentium introducto comprobatoque deducitur, esse omnino facti; nec aliud dicendum, quam de illius veritate plurimorum testimonijs atque authoritatibus constare debere. Vtique in omnem eventum, aliter istiusmodi negativas propositiones probari nec posse nec debere, nemo sit qui neget. Verum si amamus, nu'la unquam tanti momenti sit ratio, quæ sanæ mentis cuipiam persuadeat, uni homini cuncta esse perspecta ac non potius quod est in veriverbio, plus oculos quam oculum perspicere. Vt quod sentio dicam, causam non video cur negativam istiusmodi pro se adversarius adduxerit, nisi fortean illud egit, ut probabili aliqua ratione in medium adducta, probandi à se onus cismovere atque amoliri posset. Assertivè hic, ac *ἑλπίσας* dicere debuerat, legem aliquam dari quæ nullo discrimine cives ad unum omnes tales agnoscat, ut eos majoribus Comitij, admovere liceat: debuerat hic imitari Iannottum suum, qui cum sciat, omnia, etiam minutissima quæque ad exactissimam amussim legum, in Venetorum Rep. examinari solere, ne nihil dicat, etiamnum flæsitabundus cespitanque, tale quippiam tueri est au-

sus: Caterum, si quidem quæ ex Anonymo mox adduximus, partim ut affirmant prolata sint, partim ut probent; id quod asseritur probationem quidem aliquantillam habere videbitur, cæterum adeo (ne ridiculam aut sequius quid dicam) evanidam, ut nemo sanæ mentis ei fidendum ullatenus putet. Nemo tam est hebes, ut nesciat cuncta rationibus veris probari debere, aut autoritate scribentium defendi. Rationum pondera, quandoquidem ea contra adversarium quaquaversum militant, non est hoc loco ut expectemus. Autoritatem mutuari eum à semet ipso videmus, perinde ac si lividus ut ut sit malignusque, ipsi attamen tanquam jurato testi credendum sit, idque in re quæ tot jam seculis priusquam ille ea scriberet gesta fuit; perinde item ac si statuendum mordicus foret quoniam *αὐτῷ ἐφ' ἑαυτοῦ*, nullas intercessisse leges, quominus omnes & singuli magnis Comitibus adhiberi potuerint, quoadusque ea consummare intraque numeros suos constringere visum fuit. Tu vero mi homo, cum nec ratione tua tueri possis, aut autoritatibus communire,

Dic aliquem fodes, dic Quintiliane colorem.

Ergone ne chartula quidem, vel ad patrocilianas sellas damnata, superest ex qua id te hausisse dicere ausis? Sane qui semel impudens est, eum insignite impudentem esse debere norunt si, qui iram atque animos à crimine mutuari solent. Tam falso effato cum temet implicare sustinueris, cur non etiamnum dicis decreto id publico sancitum fuisse, sed interim cum ea quæ annum cccccxxxi præcesserint hauserit incendium, commune malum obstaré, quo minus tibi compertissima, lectori comprobes? *ἰδὲ πόδ' οὐ ἰδὲ πῖδ' οὐα.* si quid credi tibi postulabas, hoc loco credere quisquam tibi ut posset efficiendum fuit, hæc ipsa si nullo autore commen-

tus

uses, ut es sane, merito facessas. Si quis tibi è Venetis scriptoribus tale quippiam suggessit nã & ille non explorata suggerendo, patriam suam male feriato proprus zelo, tibi illius impotentissimo detractori, calumniandam deludendamque propinavit. Agamus remissius, ita esto, ne fuerit lex ulla talis, non tamen sequatur ex illo aditum ex æquo omnibus ad majora Comitia patuisse. Rogati olim Atheniensium legislator Solon, Laconum, Lycurgus, hic cur in parricidas, alter cur in adulteros legem nullam tulissent, respondisse dicuntur, neminem se credere eo prolapsurum, ut aut parricidio aut adulterio se contaminatum vellet. Idem tibi Anonyme regeram; Qui primi in æstuarium maris Hadriatici se recepere, non plebs aliqua, non fœx, non colluvies hominum,

Non pastor fuit, aut illud quod dicere nolo.

Homines fuere nobiles, illustres, potentes, qui sua ut servarent eriperentque hostili furori, ab illo quam longissime ut abessent operam dedere, sedes suas deseruere, inque æstuariis multoties nobis dictis larem fixere, ac fortunarum suarum sedem. Hos ipsos tales tantosque viros, pares æqualesque sibi, alter dum in alterum imperium non affectavit Populum Venetum vocare licuit, populare tribunorum nomen, popularia munia dixisse. Suffecerit ergo si dicamus, cum jam tum ab ipsis incunabulis, nobiles isthic semper fuerint viri atque ut ut postmodum minorum gentium mortales, iis sese adjunxerint, sive eorum jam ante clientes, sive manuum opificio vitam sustentantes, iidem tamen ipsi quos nominavi nobiles, usque dum à plebe separatissimos sese gesserint, Rēpublicæ clivum rexerint, cum & insuper, qui de plebe erant nequidem per somnium ad obeunda publica munera adspiraverint, utique opus non erat ulla lege, ad exclu-

dendos illos, qui nunquam ad id dignitatis subvecti fuerant neque ut aliquando subveherentur, metuendum videbatur. Ac quantumvis ea quæ elicere aut deducere Anonymus studet, ex qualibuscumque alterationibus, quas decursu temporum obvenisse subinde causatur, per jam dicta satis superque refutata sint, luce tamen meridiana clarius, quæ asserimus commonstrare, ut pronum nobis ita forsitan nec inconueniens erit, tanto solidissimarum rationum, incussarumque autoritatum numero sese oggerente, idque jam tum vel à principio. Nos ea agedum saltim, ad annum c l o c c x c v i, quo tempore absoluta fuere majora comitia lectori videnda atque dijudicanda præbeamus. Certum ergo est, ut sub hujus nostræ velitationis initium fusius prosequuti sumus, crebris Barbarorum in Italiam inundationibus, longe plurimos in lacunas atque æstuaria Hadriatici maris, conuatis quæcunque pretiosissima habebant, quæque hostico furori subducere poterant, sese recepisse, tanquam in gremium veræ Libertatis, ac invictæ securitatis asylum. Eos ipsos nobilissimos fuisse ac eminentissimos inter suos arguat impressus ille eorum animis tanquam character indelebilis, amor Libertatis, qui eos patriam cum vastis paludum uliginumque incommodis mutare iussit, impulitque. Quod utique eorum factum, aliter ut statuamus non finit, quam eos pejus letho servitii jugum exosos (ut fere semper est in generosis pectoribus, majorum quidam tradux spiritus qui totis viribus, ad Libertatem ferri, anhelare atque erumpere solet) quo ne quid à Barbaris indignum se, indignum virtute majorum suorum aut facere cogerentur ait pati, habuisse potius, in ultimas maris oras, in margines littorum, in paludum extrema concedere, liberum saltim mediis in fluctibus sepulcrum habituros, quam vel ullatenus infamibus servitii scopulis virtutem suam alidere. Accedit quod ipse ille è patria sua

sua domibusque ut ut fugæ non dissimilis egressus, non alius fuisse potuit, quam eorum, qui arietantem in se fortuna n sustinere, crimina sua ei donare, insolentiam ridere, secundis adversisque rebus experiundo didicerunt. Portentosas quoque illas medio in mari subtractiones, illasque tam multijugas, tam varias, tanta à se intercaedine determinatas hominum fuisse, manuum opera tenuem victum qui conquirent nemo credat. Imo potius (ut revera sese res habet) asseveret, viros fuisse, quos animi magnitudo, magnarum simul rerum capaces fecerat. Quos item necessariorum quas secum adduxerant rerum copia, egestatem aut inopiam reformidare non sineret: atque hinc securos sui, nec pro illis qui sese ipsis in clientelam ac patrocinium erant addicturi, utpote quibus etiamnum à victu amictuque de facili prospicere possent impense sollicitos. Accedit quod arcta locorum quæ insidendo sua jam fecerant spatia, numerosæ multitudinis capacia non erant. Illud autem ipsum non verosimile modo ut judicemus, sed pro verissimo ut habeamus, facit, maximam partem nobiles eo confluisse, qui, cum plurimum in se humanarum rerum ludibriis, eo quod plura quæ amitterent possidebant, licere agnoscerent, sui, suarumque rerum conservationi invigilare, inque illam intenti agere cœperunt. His accedit quod non unius duntaxat civitatis homines, non communi consilio, non auspiciis aut ductu cordati alicujus quem sequerentur viri, in ea loca concesserint, sed ex adverso sibi quisque dux comesque fuerit, suam privatim quisque in consilio fortunam habuerit, unde exinde factum ut ali similiterejusdem conditionis homines, iisdem calamitatibus obsepti, sensim sese illis adjungere occæptarint, ac sic denique temporum progressu stupendæ illius Reip. jacta sint fundamenta. Quæ cuncta sane Anonymus, ipsi Cassiodoro scriptori utique, qui proxime ab illis temporibus claruit, probari, cumque

eumque vel *quondam*, id est, jam tum à principio, quo habitari capere, Venetias nobilibus plenas, pronuntiâsse, negare auit; ut ut eum malignis interpretationibus quaquaversum distorquere, quam enixissime conetur. Bernardi insuper Iustiniani testimonium, quod toties in Venetos contorquere, cujus effatis tam frequenter causam Venetorum jugulare aggressus est adversarius, hac utique in re cur minus agnoscat causam non dixerit. Ait ille de profugis illis, de quibus sermo nobis in præsens est, *Ceterum in huerant qui pecunia pollerent quibusque erat usus ejus tractanda.* Et paullo post. *Factum inde Mercaturæ commerciorumque beneficio (quo quidem non conservari modo ne dilaberetur multitudo, sed & augeri non leviter contigit) ut quotidie nobiliores accederent ditioresque viri, ita quibus æquè à facultatibus prospectum haud esset futuri obsidio.* Hos ipsos idem Iustinianus ut quales quantique fuerint demonstrèt sic alibi locutos commemorat. *Quid majores nostros ad incolendas paludes coegit, quam ut nos liberi alia pace frui queamus, & neque regibus serviamus neque Imperatoribus.*

Tandem cum numero incolarum repleti indices augerique loca ista coepissent, jamque & legibus opus esset, virisque qui jus insularis redderent (absque eo enim, ut recte Tullius, non domus, non civitas stare aut punctum temporis se tueri possit) insularum istarum singulæ suum sibi quæque tribunalum legere coepere. (Iustinianus binos, ut dicemus, ait fuisse) sed nihil id rei veritatem mutat, aut ad institutum nostrum facit. Si quæ publicam omnium insularum utilitatem concernere videbantur, si quæ in commune profutura judicabantur, conveniebant inter se ex singulis insulis, singuli tribuni. De horum tribunorum creatione ita Dandulus. *Interea Venetia maritima regio, propter bellicas clades populi aucta, in qualibet insula Tribunos annales constituit, qui incolæ justitiam exhiberent, facta vero in communi tangentiâ, ab omnibus com-*
provin-

provincialibus determinari conventum erat. Bernardus quoque Iustinianus, *Creabat una queque insula, sive littori quod adjaceret oppidum, duos tribunos; ad rem vero publicam, ac si de re quapiam graviori conferenda essent consilia, omnium insularum litorumque conventus indicebatur, ac quo pari omnes gradu dignitateque essent & haberentur, omnibusque ex æquo concordia constaret ratio singulis annis, alius atque alius ad conveniendum eligebatur locus.* Hic iterum eccui fides fiat, primos hosce tribunos, cum multi frequentesque ibi essent viri nobiles, plebeios potius fuisse, quam è numero nobilium? nemini certè, utique non audeat id adversarius, cui hoc ipso opere, familiæ nonnullæ haud alio nomine pro plebeis reputantur, quam quod ex illis tribunos electos haud constet, sic ut omnino ipsemet dicendus sit fateri, è patritijs, non autem de plebe Tribunos legi solitos. Demonstrat id ipsum quam disertissime Bernardus Iustinianus, qui postquam insulanos nonnullos de relinquendis novis sedibus ac repetenda postliminio patria consilia agitasse narravit, postquam ea Barbaris eam relinquentibus à calamitatibus suis respirare videbatur, subjungit tandem, *Virum ferunt ætate grandem & Nobilitate, meritis, ac sanctitate vitæ conspicuum ita ad eos locutum.* Ille ubi multo rationum pondere permanendum evicit, *valuisse ait ejus sententiam, iisque comprimis placuisse quorum in bonis essent littora, cumque ijs saline, ac piscationum commoda.* Quæ vero satis efficax sit ratio, ut in assensum sui quempiam rapiat ac cuiquam non verum modo, sed vel simile vero esse efficiat, illis qui ut magnorum Principum ac Dynastarum effugerent imperium, penito libertatis in sinu ac meditullio, infimæ abjectæque subesse voluisse plebeculæ, quam ipsimet usibus suis detinebant, eoque nomine, ipsi quoque alebant? Nulla sane, præsertim si Iornandi circa hæc quippiam deferimus, qui Atilam nobis depingit *Sontibus exorabilem, ac propitium semel in fide receptis.* Illo autore non tam ad

Fff

Italiam

Italiam devastandā, quam imperio subjiaciendam aspiraverit Attila; id ipsum quoque aperte eundem Attilam præ se tulisse evincant illa dicti nobis sæpicule Iustiniāni, *Sontio transmissō aduceptorem seu fecialem, ad circumjacentes urbes dimisit* (Attila nempe) *non eam adventus sui causam, ut ipsos bello petat, aut damnum per injuriam det. Urbem cui in omnia regimen, Imperij larem, Romam se pergere, imperium solum sibi haberi pro hoste, paratum sese ad obsequium paratis pacem largiri, armis contra decertare parantes, armis itidem cogendis sibi desumpsisse.* Quin imo cum hæ conditiones placuissent non paucis, scribit idem author. *Mandat posteritati Cælius, è primoribus nobilioribusque civitatibus binas Tarvisium nempe & Veronam fecisse deditiōem hanc Præfule Heloidio, ac principe civitatis Tempesta, illam Diacherico tradentibus.* Ab altera parte si ipsiusmet Iannotti verba superius aliquanto citata, ponderare, atque exactius paulo attendere lubet, ubi, inquit, locum in quem quotannis convenire solebant, de anno in annum, ab insula in insulam transferri solitum, ut omnium populorum dignitas servaretur cum pace & concordia. Vel inviti fateamur necesse est, ipsos minime fugisse in quo honoris apex consistat, simulque inferendum liquido, si minuta ista, inter quæ procul dubio annua ista loci mutatio censenda est, valida jam tum erant ad bene compositam inter ipsos pacem turbandam laxandamve, multo majoribus turbis occasionem daturum fuisse, si plebs in nobiles imperium sibi vindicare fuisset, aggressa. Omnis id evincat ratio, eos qui id unum ut scilicet inter æquales facta tecta conservaretur æqualitas, tanta caverunt cura, majore etiamnum diligentia oceram daturus fuisse, ut inter tam dispares, sua quoque disparitatis ratio constaret.

Mox iterum progressu temporum cum animadverterent quidam ex prudentioribus segnius injurias publicas vindicari ipsosque insulanos, intestinis inter se discordijs, non infrequenter

quenter collidi, Ducem eligi placuit qui Reip. quasi caput esset, ac princeps, remanente de cæteris, imperii vi ac jure apud eos, penes quos ab initio resederat. Ita conspirantibus omnium votis studisque electus in Ducem anno DCCXCVII. Paulucius Anafestus Heracleanus, de quo ita Dandulus in Chronicis. *Hic salubriter ordinatū, hunc civem Heracleanum sapientia præditum, & nobilitate conspicuum, ducem constituerunt.* Equibus verbis conitat non solum *Nobilem* illum, verum etiam fuisse *Nobilitate conspicuum*. Confirmat id ipsum Bernardus Iustinianus. *Ergo è nobilitate Veneta Dux creatur Paulus Heraclea oriundus, inter suos virtute ac generis claritate facile princeps.* Petrus quoque Iustinianus de eodem, *Paulutius Anafestus nobilitate virtuteque insignis, Dux primus in Heraclea creatus fuit.* Paulucio Marcellus successit, quem aut nascendi sorte aut animi dotibus inferiorem prædecessore suo fuisse, nemini hætenus notatum; Marcellum Ursus Vrscolus excepit, de quo Dandulus: *Ursus Dux confirmatus est anno DCCXXVII.* *Hic nobilis Heracleanus, &c.* Bernard. Iustinianus. *Denno indicto ad Heracleam consilio, successus est Ursus, genere nobili, &c.* Petrus Iustinianus. *Hic Ursus vir acer, & genere clarus successus est.* His adjungi possit Breve illud Pontificis, Venetos ad Ravennam recuperandam cohortantis, in quo reperiuntur hæc verba, *Debeat nobilitas tua, &c.* nisi jam ante id à nobis allegatum fuisset. Cæterum, ut ad Ursū revertamur, fuit ille tandem ab Heracleanis & Equilicenis, quorum discordias homo præferocis ingenij alere ac fovere credebatur, interfectus. Atque ex eo ipso pro nobis quoque argumentum non leve delumere liceat, nempe cum gens ipsa bellicosa satis esset, ac manu prompta, ac vel, in tantum ut ne ab ipsis quidem Ducibus abstinuerit, credibile non esse si præteritis temporibus honorum dignitatumque fuisset capax, æquo animo fuisse laturam, nulla sui ratione habita, Duces è Nobilibus continuo legi. Longe utique vero si-

milius sit, etiam ingratij, ac contra nitentibus patricijs, eam id ab ipsis fuisse extorturum, vel per vim secessionefque simili exemplo, quo quondam Populus Romanus ut alter consulum è plebe legeretur crearenturque tribuni plebis patribus extorserat. Nec tamen hætenus Scriptor ullus repertus est, ut ut ex professo Venetis infestus, qui id unquam litteris mandare sit ausus. Ducibus equitum Magistri succedere. Quales vero ipsi quoque extiterint, satis nos historiæ docent. Illud dixisse sufficiat, inter illos fuisse Deodatum Vrsi Ducis filium, alterum Iulianum Hypatum, de quo Dandulus. Hic ex munificentia imperiali Hypatus, id est, imperialis Consul, iam factus, vir nobilis, & virtute conspicuus, hunc honorem obtinere promeruit. E quo loco notandum, Iulianum tantum honorem visum mereri non eo minus nomine, quod nobilis esset, quam quod virtute conspicuus. De eodem ita Bernardus Iustinianus. *Addidit ille (Iulianus nempe) Consulatus decus quod ab Imperatore consecutus erat, ad eximias virtutes, nobilitatemque generis.* Ac quantumvis id ipsum non invenitur de omnibus ac singulis expressum semper, non alia id factum de causa dubio procul, quam quod in re omnibus notissima, ijs iteratis opus non fuit, nisi forte sicubi alia decora aut ornamenta, novam ea repetendi materiam præberent.

Annis post hæc non ita multis, nempe anno DCCXLI. Duces postliminio quasi creati coepti. Primus eorum Deodatus fuit Vrsi Ducis filius, nec non equitum, ut jam diximus, non ita pridem magister. Andreas Dandulus causam assignaturus, cur ille præ cæteris eximius habitus fuerit, dignusque visus in quem dignitas ista esset conferenda, hanc assignat, *Quia nobilis erat, imperialisque Hypati, id est consuli honore fungebatur.* De Mauritio similiter quarto Venetorum Duce, (quarto nimirum à Theodoro) Anno DCCXLIV, ita Bernardus

nardus Iustinianus, *Eligitur apud Metamaucum dux Mauritiur, oriundus Heracleâ, stemmate nobili, divitiis insignis.* Mauritio successor, sociusque fuit filius illius Ioannes, Ioanni Mauritius, similiter illius filius, ac prioris Mauritiî nepos, quem, patre è vivis sublato, confestim quoque mutatum in pejus, annales narrant. Ille enim virtutum suarum prælustri fama, ac pietate Equiliensium atque Heracliensium diffidia sopiverat, alter vero data velut opera, sopita multo flagrantius ut excandescerent, allaborarat. Pervicit interim Mauritiî avi nomen, ob recens ab eo accepta beneficia longe gratissimum, ut ipsi filium dignitatis habere consortem, lociumque fuerit concessum; eo forte, quod spes Venetos teneret hoc illo pacto animum sese protollentes patris spiritus, ac plus quam pro ratione temporum, ipsorumque conditione, feroces, coerceri & in orbitam rationis posse redigi. Cœterum frustra fuere: fefellit eos quam conceperant spes, illo non Ducem, sed Tyrannum agente. Fas sit in transcurso notare Iustiniani Historici verba. Sic ille: *Fœminis nobilioribus injuriam facere, ut vel eo solo agnoscamus, fuisse distinctos ordines.* Sed interim redeamus in viam è diverticulo. Ioannes Gradenis Patriarcha, senectute venerandus, vitæ sanctimonia clarus, ac meritissima famâ vir, dum subinde Ducibus minus recte ab ipsis gesta (ut obsequium amicos; veritas odium parit) ob oculos ponit, exosissimum se iis reddiderat. Illum Mauritiur, patre ita iubente, edita de turri præcipitatum necat. Ioanni Fortunatus illius nepos sufficitur; qui injuriarum avunculi nimirum memor, dum cum Metamaucensibus aliquot nobilibus adversus Venetos Duces conspirat; detecta conspiratione, patriam exilio mutare, inque Galliam sese recipere coactus est; Taurisum conjurationis conscis se conferentibus. Hi, cum partium in se prona studia, cum favore adesse animadverterent, Obelerium Metamaucenum, Du-

cem creant, Anno DCCC IV. Dandulum fodes audiamus. Hic Patriarcha (ait ille) graviter dolens de occisione prædecessoris, patrefacta conjuratione, qua adversus Duces egerat, de Venetiâ abiit: quem quidem Venetorum nobiles quibus patratum scelus displicuerat, secuti sunt, videlicet Obelerius Metamaucensis, Felix tribunus, Demetrius Martiomanus, Foscarus Georgius, & alij quamplurimi. Patriarcha igitur in Franciam ivit, Reliqui autem Tarvisum petiere, qui suasionem illorum, qui in Venetiis morabantur, Obelerium tribunum Ducem elegerunt, quo Duces cognito, ducatum, patriamque reliquerunt. Nobis hinc tria colligenda videntur, eaque multum notanda: Prius, fuisse absque omni dubio ipsum Ducem nobili stemmate progenitum. Alterum, Tribunos haud alios fuisse, quam item nobiles; ut quoque rem supra commonstrabamus. Tertium Obelerium fuisse creatum Venetorum Ducem, idque à nobilibus conjuratis, qui detecta conjuratione, id temporis Tarvisum sese receperunt. Quid hic æque clarum, quam nullas in eligendo Duce, populi fuisse partes? aliquæ si fuissent, utiq; eas nobilibus criminis manifestò reis aperta conjuratione profugis, extorribusque, tantum jus haudquaquam cessissent. Obelerius principem simulatque locum à se occupari vidit, eò sedulo conversus est, nequid adversum se, Duces expulsi moliri, aut attentare possent: ac quo ne Heracleensibus (ad quos originem suam illos reducere sciebat) propitiis sibi quandoque uterentur; Equilanos ilico in Heracleenses concitat; qui dum vicina sibi loca allegant ab Heracleensibus prærepta ad arma deveniunt, est enatumque inde triste eordium quamplurimarum factionum, earumque non uno sanguinis profluvio infinium. Stabant ab Insulanis sive Equilejensibus Georgius Ioannides, ab Heracleensibus quinque numero fratres Gaulli, Galbæ Gaulli &c. è quibus quatuor ista seditio hausit. Horum mors Duci occasionem dedit ut insulanos omnes

nes

nes Equilium convocarit; ubi post multa in rem præsentem, inque utramque partem quæ forent ventilata, tantum obtinuit, ut non Heraclea minus quam Equelio solo æquatis, alias in oras insularum illarum incolæ deducerentur; quod quidem Ducis consilium etsi multos habebat attonitos, subiungit Iustinianus amicos Obelerij, Metamaucenosque cæteros, quibus metus unus erat, ne civitas nobilium familijs refertissima, caput attolleret, ac ad reposcendam ducatus sedem denuo aspiraret, nullo negotio Equilanos in suam pertraxisse sententiam. Ait ille, *Æquilani igitur ex quo id ipsum quoque velle cœperunt, ea haud gravatim vixit sententia, quæ urbium utrique excidium tulit, quo ne unquam externis hostibus aut receptaculum forent, aut præsidio. Paucorum ea res dierum fuit. crescebat indies à Pipino metus, eoque, intrum qua celeritate, ex illustribus familijs complures, quæ Metamaucum, quæ Rivoaltum fuerint translatæ.* Id ipsum cum jam fœlici satis successu terminatum esset, reliquum erat, ut in communem hostem armarentur animarenturque impensius. Crebro igitur agitantur rumore, qualia sint, quantaque quæ adversum Dalmatas Pipinus designet, esse id unice in votis Duci, ut arctissimo nexu inter sese adversus hostem communem, omnes insulanos devinctos videat. Quod majus erat, inter cedebat pro duce ipse Gradenſium Patriarcha Fortunatus. Erat interim deliberatio multum anceps ac perplexa, quæque hinc fidem Imperatori Orientis datam violatura citius, quam luxatura videretur, inde summam rerum in discrimen adductura, irritato, atque hostilem in modum exacerbato Pipino. Omnes ergo insulani adesse jubentur. Ut convenere deliberatio instituitur. Ab una parte Metamaucensis tribunus Honorius, nobilitate generis ac authoritate apud suos prævalidus, Francis æquior fuisse visus; ab altera Angelo Participatio, qui postmodum Dux fuit *vir divitijs & nobilitate* (verba sunt Bernardi Iustinia-

Iustiniani) *potens*, initum cum Græcis fœdus servandum monente. Hanc deliberationem excepit celebre illud prælium adversus Pipinum, supercujus eventu jam ante disputatum nobis; utque constet & eo ipso tempore nobilitati Venetæ suus honos, notat idem Iustinianus contra Pipinum *Classi Venetæ præfectum fuisse Victorem nomine, nobilem Heracleum eundemque maximi nominis*. Obelerio mortalitati exempto, ac Metamauco diruto facta Venetorum Ducum sedes Rivus altus, creatusque Dux Angelus Participatius Anno DCCCIX. Illi filius Iustinianus Participatius successor fuit Anno DCCCXXV. hunc ejusdem cognominis, Ioannes numerum anno DCCCXXIX, excepit. Referente Dandulo, eodem tempore (nempe quod jam diximus) Procures Veneti quidam autore Caroso seu Carocio tribuno scelesti inita factiore, Ducem à Patria expulerunt. Carocio, qui per vim Ducis titulum usurpasset, deprehensio à conspiratis oculi effossi. Revertitur Ioannes ac denuo ad Reipub. clavum admoveatur, ad extremum tamen Mastelicorum nonnulli, qui ad Carociorum familiam originem referebant, Ducem è fano Divi Petri ad Castellum progredientem arripiunt, eumque capillis abradis, Gradum in Monasterium detrudunt. Ioannem Petrus Tradonicus excepit anno DCCCXXXV: qui similiter anno ducatus sui octavo supra vicesimum infœlicem sortitus est exitum, consperantibus adversus illum non nullis, de qua conspiratione ita Manuscriptus quidam codex multum vetustus. *Factum ut Dux ille odium omnium in se concitaverit, dum nobiles plebemque nimirum duriter habet, ac nedum populum, verum ne ipsos quoque nobiles alloquio dignatur, nec alios sibi Comites habet quam servos suos, hinc factum ut ades ejus obseperint, &c.* Anno exinde DCCCXLIV, ejus in locum successit est Vrsus Participatius qui filium Ioannem sibi habuit dignitatis consortem. Solus exinde Ioannes ab anno LXXX, usque ad annum

num lxxxvi i i Dux fuit, mox cum ille dignitatem istam à se abdicasset, Petrus Candianus Dux creatur; sed hoc intra annum vertentem vitâ functo, assumtus denuo in Ducem Ioannes fuit, qui & ipse anno insequenti vivere desijt. Hunc Candiani nepos Petrus Tradonicus insequutus est. Illum; Vrsus ejus nominis secundus, è Participatorum gente, prioris filius. Vrsus anno d cccc xxx i i. item nominis illius secundus Petrus Candianus. xxx i x. Illum, Petrus Badoarus (monuimus jam ante idem hoc esse nomen cum Participatijs) Vrsi filius: Hunc Petrus Candianus, secundi illius filius ac primi nepos, qui filium quoque sibi socium habuit imperi, ille vero patrem de solio per vim deturbare cum anniteretur, in exilium depulsus fuit; ast tandem denuo compositis rebus, anno d cccc l i x, in patris locum suffectus est. Postmodum anno lxxviii i. Vitalis Candianus dux creatur, annoque sequenti Tribunus Memus. cxi, Petrus Vrseolus. c l o i x, Otho Vrseoli filius, qui jam ante ejusdem cum parente dignitatis fuerat consors, de quo multum antiquus manuscriptus quidam codex ita habet, *Petrus Flabanicus duci inimicissimus ad convitum nobilium Venetorum precipuos vocat, ibi conclusum de expellendo Duce, &c.* Illum ergo captivum primo, mox abrafa barba in Græciam relegarunt, suffecto Petro Barbolano sive Centranico anno x x v i supra millesimum, post cujus è vivis excessum, servata fuit exuli Othoni Ducalis dignitas, medio tempore, Gradenfi Patriarcha Iohanne, qui frater Othonis erat, res adgubernante: quoadusque perlato Venetias nuncio excessisse è vivis Othonem, Dominicus Vrseolus, anno supra millesimum tricesimo secundo, per vim rerum potitus est, sed eodem ipso die sede sua depulso illo, electus fuit Dominicus Flabasticus, quo Duce factum decretum ne cui Duci socium, aut dignitatis consortem fas esset adungere. Anno x l i i i, Do-

Ggg

minicus

minicus Contarenus Dux creatur. Anno LXXI Dominicus Silvius. LXXXIV Vitalis Faledrius. LXC Vitalis Michael. MCII Ordelaphus Faledrius. MCXVI Dominicus Michael. MCXX Petrus Bolanus. MCXLVII Dominicus Morosinus. LV Vitalis Michael, secundus ejus nominis. LXXI Sebastianus Zianus, in cujus electione cum quædam observata fuerint, diversa ab eo quo cæteri Duces creati fuerant eligendi modo; subsistendum hic nobis paulisper, ad dicenda non nulla, non leviter ea quæ assertum inus firmatura. Non abs re tamen fuerit in antecessum ut præmittamus, Petro Vrseolo Duce, anno nimirum DCCCXI quantum ex mandatorum tabulis colligere est, Reipublicæ Venetæ nomine Dalmatiæ urbibus cum imperio præfuisse Vrsu Orseolum Ducis filium Hirminij, sive Ragusæ, Dominicum Bolanum Spalati, Ioannem Cornelium (hodie Cornari) Tragurij, Marinum Memum Albaniam, quos omnes primariæ apud Venetos nobilitatis fuisse, nemo ignorat, ipseque etiamnum unde hæc petita sunt manuscriptus codex tali eos epiphonemate insignit, *Erant illi ex primoribus Venetiis*. Est & alterum quoque Instrumentum manuscriptum anni insequentis, quo eodem Petro Vrseolo Duce, exorto forte fortuna tumultu in Ducali Palatio, Nobiles Veneti indistincte omnes promittunt, se in posterum acturos quietè & ab omni tumultu abstinenturos, pœnamque secus facienti quinquaginta auri librarum aut mortis subeundam. Verba publici illius instrumenti sunt, *Decrevimus omnes Iudices à maximo usque ad minimum, &c.* Anno MCXI Vitalis Faledrus cum Loreanum castrum nonnullis è nobilitate concederet, hæc in instrumento concessionis verba leguntur. *Quocirca nos Vitalis Faledrus una cum Petro Badoario venerabili nostro Patriarcha Gradeni & cunctis nostris Episcopis & Iudicibus, nec non nobilibus principalibus nostris*. In archivis item Castel,

Castellani Patriarchatus extat etiamnum decretum] Petri Bolani, anno M C X L I I circa quædam solemnia processionum festo purificationis Beatæ Virginis, cujus hæc verba. *Deinde Pontifex (Patriarcham designat) una cum cæteris predictis Ecclesiasticis, ac sacris induti vestibus, debeant ascendere palatium, & inde cum Domino Duce & Capellanis, cum cætera virorum nobilium turba descendere cum processione debeat.*

Ex ijs quæ huc usque à nobis dicta sunt liquido constat, jam tum à primis urbis incunabulis usque in annum M C L X X I I nobiles à plebe fuisse distinctos. Tribunos primo, atque exinde Duces, nobilibus oriundos familijs. Nobilibus publica munera fuisse perpetuo demandata, sic ut ne ad ea quidem aspirare plebs unquam populusve præsumerit. Atque idcirco etiamsi omnino verum foret quod asserit adversarius, legem nullam dari, quæ quempiam à maioribus Comitibus ac sic à regimine Reip. abarceat, non sequatur tamen, plebem unquam publicorum munerum fuisse capacem: quin imo ex adverso, valide vel ex eo ipso concludendum, cum nec opus fuerit, plebem tali lege lata, apte excludere, aut refrenare, eam unicam fuisse causam cur nulla talis lex unquam lata fuisse reperiatur.

C A P. XIX.

Appendix ad superiora, quæ ex ijs, quæ exinde gesta sunt, porro asseruntur. Quæ in electione Sebastiani Ziani obvenierint. Emanuelis Comeni bellum cum Siculis. Quis tunc temporis Venetorum status. Pestis Classem Venetam infecit. Syllabus eorum, quibus facta potestas Ducem eligendi. Ab illis Zianus Dux creatus.

G g g 2

tus.

*tus. Nulla hic plebis suffragia. Zianum Mastro-
petrus quomodo exceperit. Nomina eorum, qui eum
elegere. Victricia Marci Danduli arma in Græcia.
Nobilium Venetorum potentia, & virtus. Regnum
Cretæ Venetæ Reipub. adjectum. Invidia Genuen-
sium. Colonia à Venetis in Græciam deducta. Soli no-
biles, quibus ad majora comitia tunc accedere licebat.
Inter Venetos, & Genuenses ortum bellum. Victoria
Venetorum. Tenui ærario maritimis rebus tributum
impositum. Laurentius Theopolus Dux factus. Nulla
hic populi partes. Petrus Gradonicus quo pacto Dux
creatus. Penes solam nobilitatem in omnia regimen.
Qui eligebant nobiles fuere. Varijs id Decretis pu-
blicis firmatum.*

Multo etiamnum manifestiora quæ assertum ivimus
evadent, si cui attendere atque examinare illa lubeat
quæ proximis exinde temporibus gesta sunt. Nos quo le-
ctori nostro cumulatim satisfaciamus, agendum capressius
aliquanto percenseamus, quæque in eorum momentis pon-
deranda videbuntur, desingnemus. Quoniam vero quæ in
electione Sebastiani Siani obvenere, & numero, & autori-
tate reliquis potiora censi queant, aliquanto altius ut exor-
diamur erit necesse, ac quæ Vitalem Michaellem ejus nomi-
nis secundum, Ducem Venetum interimendi causâ fuerit,
ac quis porro circa ea tempora Venetarum rerum status ex-
titerit ut expediamus, nec inutile fuerit, nec injucundum. An-
no supra undecies centenum septuagesimo, Emanuel Come-
nus Orientis Imperator bello adversus Gulielmum I I. Si-
culorum

culorum regem implicitus, à Venetis ut adversus eundem auxilia mitterent, enixe petierat. Veneti Fœderum cum Siciliae regibus initorum memores, atque insuper revolventes apud se, quot inde in ditionis suæ incolas promanassent bona, quam luculenta immunitatum beneficia, quanta exemptionum commoda fœderum istorum beneficio essent consecuti, quibus & illo ipso tempore fruerentur pro libitu, hinc quidem auxilia imperatori denegant, ac Siculi partes manifesto fovent, inde vero, quanta possunt celeritate, mercatores suos ad unum omnes, ac quotquot denique negotiorum causa istis in pris commorabantur, domum revocant, sive quod sua sponte infesto in Venetos animo Comenium scirent, sive quod præfaga mali mens, præscio velut dictamine, eas quæ mox ab illo in Rempub. incubere calamitates, antecaperet. Ægre admodum denegata sibi auxilia ferens Imperator, factâ cum Siculo pace, civitatum nonnullas, quas in Dalmatia Veneti possidebant, ad defectionem sollicitat. Nec longo post tempore Spalatum, Tragurium, ac Ragusium occupat: Mox graviora Venetis parans, vi, quam jam nunc in illos distrinxerat, fraudem jungit, edicit velle se ut pristina inter eos denûo interpolaretur atque coalesceret amicitia, ei rei civitatum sese, quas jam diximus, restitutionem offerre, Venetos mercatores acceptissimos posthac sibi fore, ac quam benigne excipiendos testatur. Qui de tota re cognoscant, ac ad Senatum referant, missi Sebastianus Zianus, & Aurius Mastropetrus, uterque postmodum à Venetis, Duces creati. Ut vero verbis Imperatoris fides habita, ut facta volentibus copia pro beneplacito in Græciam navigandi, plus quam vicena hominum millia eo sese cum navibus suis, immensaque pecuniæ ac mercium vi contulisse fama est; cæterum cum ægre diem unum Bisantij substitissent, facta confestim in ipsos eorumque naves ac

merces manuum injectio, paucissimis admodum exceptis, quos navium pernix celeritas classi Imperatoriæ subduxit, Venetiis quæ in Græcia obvenerant, nuntiaturus. Veneti audito nuntio, centum longas naves, intra totidem dies ad bellum instruunt, super addita viginti navium classe. Illi Dux ipse præesse iussus. Ille ergo Dalmatiam haud segnis petit, ac castigatis quæ defecerant civitatibus, Euboea potitur. Quo animadverso Imperatorii præfecti, cum nec suffecturos se repellendis Venetorum copiis judicarent, injecta mentione pacis, eorumque quæ publice in custodia, attinebant restitutionis. Legati ut Constantinopolim mittantur, à Duce Veneto impetrant. Missique ei fini, unâ cum Equiliensium Episcopo Paschali, Manasses Badoarus; colloquio profectum nihil, ac justo pioque duello per injuriam erepra quæ sint repetenda docent. Dux itaque aliquot navibus, quæ nonnullas Ægæi maris insulas infestarent à se abdicatis, ipse cum tota Classe Chion insulam petit, eamque imperio suo subjicit, atque hic iterum injecta componendarum rerum mentione, factaque spe pacis, eosdem illos Legatos, addito eis comite, cui gentilitium cognomen Græco fuit, ad Imperatorem mittit. Nihil eos ubi agere compertum, domum reversi sunt, revocante Duce, nec non adducto secum Imperatoris Legato, qui super eodem illo negotio Ducem compellare iussus ferebatur; ceterum sub ipsum exordium, patuit hominem sufficientibus ad fidem mandati tabulis haud esse instructum. Atque hinc tertio legatos mitti visum. Ergo qui cum ipso Commeno super toto negotio conferrent, Vitalis Dandulus, & quem dixi, Philippus Græcus missi. Dum commeant ultro citroque legati, pestis longe foedissima in Venetam classem incubuit, haud aliunde, ut creditur enata, quam quod fontes fluminaque, unde aquam Veneti quotidie petebant, Imperator veneno curasset infestanda. Hinc Duci, re-

dicta

lietâ Chio domum se ut reciperet, injecta necessitas. Ergo longarum navium numerus cum jam supra vicissimum quintumque haud excurreret, cœteris incendio, quo ne earum hostes potirentur, absumtis, classẽ tantã sui parte minorem, tantaque fœdatam strage, Venetias Dux, ac cum classẽ morbum pariter reducit. Ob id ipsum cum primo graves undecumque querimoniæ essent exortæ, eæque indies incrementum sumerent, in nervum procul dubio erupturâ, jamque ad seditionem res spectaret, haud multo post interfectus est Dux ipse, dum vitæ suæ consulturus, relicto Ducario, in locum securiorem se recipere conatur. Nimirum ille prope Divi Zachariæ fanum cuidam cui Carolo Verlo nomen, forte obviis, lethale ab ipso vulnus tulit. Factum id vicissima octava mensis Maij, anno septuagesimo primo supra undecies centesimum. Ut quidam volunt, Dux quo jam diximus die, dum sacris operaturus, tumultu sedato prodit in publicum, præter omnem expectationem inopino, dum nihil tale quid timendum sibi putat, à dicto nobis Marco fuerit trucidatus. Ut ut est, illo elato, finitisque solemnibus, certum est convenisse civitatis principes, cumque viderent nondum satis composita tranquillaque esse omnia, suppositosque vel etiamnum ab excessu Ducis cineres igni dolo, ne quid in presens Respub. detrimenti caperet neve in futurum pacata quandoque turbari tragicis istiusmodi motibus contingeret, solliciti, præertim, si quando in electione Ducum receptus in ea tempora procedendi modus esset observandus, *Per Scrutinium* (verba sunt antiqui MS. C.) decernunt ut triginta & duo ex primoribus civitatis eligerentur, eisque etiamnum sorti denuo expositis, bisseñi superarent, hisque sub jure jurandi religione ac vinculo in antecessum adstrictis; procul omni amore aut odio, quem optimum judicarent, Ducem eligendi publico nomine potestas esset, Duxque renuncietur quem octo pro se habere suffragia

fragia contingeret, Nomina quoque illorum quibus id publico è decretonegotij datum, subjiciam:

Dominicus Memus.

Marcus Bassegius.

Franciscus Vionus.

[Esse desijt Viona gens anno
M CCC XC IX. novissimus fuit Petrus Vionus Aulæ
Germanicæ [Fonticum Veneti vocant] Prodominus.]

* *Vitalis Dandulus*, Iudicis dignitate prælustis annis
M C LXII & IV.

* *Annia Mastropetrus*, ut jam vidimus ad Emanuelem
Imp. Legatus.

[Gens Mastropetra amplius non est.]

Dominicus Sylvius. [Gens hæc extincta est in Marco
Sylvio, Advenarum Advocato. Anno M IV C I.]

* *Philippus Græcus* cum Mastropetro legatus, ut notavimus.
[Gens nostro etiamnum sæculo clara, nec ita dudum
extincta.]

* *Leonardus Michael*, Produx, filius Vitalis Michaelis I I.

Bernardus Centranicus. [De cujus gente notandum, du-
rasse eam quantum ex notis monumentisque publicis
animadvertere liceat, usque in annum M CC XL IX.
Sunt qui statuunt, Centranicam gentem eandem
esse cum gente Salomonica: ajuntque Petri Centra-
nici posteros Salomoniorum nomen, utpote quo de-
lectarentur impensius, Centranicorum agnomine va-
lere jussu, sibi assumisise, quod Petrus ille Centra-
nicus Venetorum Dux, cum singulari in gerendis
rebus prudentia, omnes in stuporem daret, inque
admirationem sui raperet, vivus etiamnum vident-
que sapientissimo Regum Salomoni æquari merue-
rit; unde factum ut non Ducis magis, aut gentilitio,
quam Salomonis nomine noscendus fuerit: Venetis,
co illi

eo illi imposito, summas in summo virorum dotes certatim devenerantibus.]

- * *Erricus Naogeorgus*, ex consilio Sapientum Annis M C IX II & IV.

[Extincta demum gens M CCCXX in D. Francisco Naorgeorgo.]

- * *Reinerus Zanus*. Ex eodem Sapientum collegio, Anno M C LXVI.

Leonardus Fradellus, D. Marci procurator.

Erricus Doro, sive *Aureus*, è Sapientum collegio, anno M C LXII.

[Extincta gens ut in Francisco Doro, M CCCXXIX.]

Nicolaus Delphinus.

Ianus Contarinius.

- * *Erricus Polanus*.

Daniel Bragadinus.

Fantinus Zorjus.

- * *Candianus Sanutus*.

Rogerus Permacinus.

Petrus Barozzius.

Petrus Cornelius, sive *Cornarus*.

Otho Quirinus.

Manasses Badoarius, de cujus ad Emanuele Commenum legatione supra meminimus.

Nicolaus Iustinianus. Hic, cum omnes Iustinianæ gentis viri, lue illa, de qua item supra, essent absumti, sacris jam tum initiatus ad D. Nicolai in littore, è Monacho factus gener Vitalis Michaelis, restaurator fuit perillustis Iustinianeorum gentis.

Marinus Gradonicus, Admiralius sive propræfectus l. rostratarum navium.

Dominicus Bembus.

Nicolaus Fermus. Legatus Reip. ad Tarvisinos. Gens eorum extincta est ut in D. Marco.

Biazus Casolus. Perijt similiter eorum gens in Marino Casolo, armamentarij præfecto. Anno MCCCXLI.

Vitalis Istoricus, cujus item gens desijt Anno MCCCCLXXX. in D. Nicolao. Obijt is, in insula Creta, in quam ut Coloniam. S. P. Q. V. secesserat.

* *Dominicus Morosinus* L. Rostratarum præfectus, Dominici filius.

* *Vitalis Faledrius*, legatione functus ad Emanuele Comnenum.

Facta bis senorum, quos asterismo notavimus, sortitione, iidem mox in æde D. Marci, publice omnibus inspectantibus Anno MCXXXII Sebastianum Cianum Ducem renunciarunt. Quæ cum ita sint ecquis triginta ac duorum nominum syllabo duntaxat lecto, negare ausit, thesin nostram solida veritate subniti? præsertim ubi viderit, eosdem illos summis in Rep. Veneta muneribus functos, ac totidem fere Iudices, Procuratores Divi Marci, è Sapientum collegio, Admiratos, Rostratarum Præfectos, Legatos, ac secundos à Duce, similesque, qui ut non æque prælustribus admoti sint Reipub. munijs nobilibus tamen, ac quæ hodieque etiamnum temp. moderantur familiis erant oriundi. Ex adverso, si quandoque spectasset ad populum plebemve Reipub. regimen; utique non tulisset ille, illave, sese ab electione supremi in Repub. Magistratus arceri: tali præsertim tempore, quo novo Ducem eligendi modo adinvento, non aliam inire rationem poterant, quam sese jam tunc exclusos, in posterum exclusissimos fore Patrum Venetorum prudentiam si respicimus, intempestiva illa, ac nihil minus quam iudicio percoctum fuisset futurum, qualecumque

cumque id demum erat, quod occoeptabant, si quidem ipsi, quibus unum studium erat, ut turbas in electionibus Ducum suorum oboriri solitas, novo decreto radicitus extirparent, pristino more ritumque valere iussis, novam ingressi essent viam. At qualem vero! qua nempe plebes Reipublicae pars ut numero major, ita & viribus ferocior, & rectoribus suis fere semper adversa, facultate talem tantumque Magistratum eligendi orbaretur in perpetuum. Illa nimirum plebs, quae in eadem urbe, eodem ipso loco, nullo fere intercurrente temporis spatio in ipsum Ducem, quem fati magis calamitas, quam culpa aliqua, quae penes ipsum resideret, reum fecerat, armata manu insurrexerat, cujus jam tum furori Dux ipse tanquam piacularis victima ceciderat, quaeque, rebus multum etiamnum ad huc tumentibus, quiete actura, credi haud poterat. Vtique non ea temporum conditio erat, non is rerum status, ut nullos ordo popularis habuerit viros prudentia, auctoritate, ac meritis conspicuos, quos nobilibus eorumve affleclis potuisset opponere, viros inquam, quos latere non poterat, praedicti (quod ipsis inflictum fuisse Anonymus velit) immensa magnitudo: quique & perspicere poterant, nullo prorsus negotio, citraque vim omnem ei occurrere se posse, praesertim cum esset ipsis non jam dicam in expedito, sed quam plenissime in manu ac potestate, quo conatus istos in herba, quod ajunt, opprimere potuissent remedium. Potuisset populus, (si quae hic ipsius fuissent partes) instituto Scrutinio, ex suo ordine tot nominare quot placeret, ac ubi ad suffragia deventum esset, multitudine suffragiorum nunquam non efficere, ut aliquot è bisseis illis, essent de plebe, quin imo ut ad unum omnibus è populo creatis electoribus, tota penes populum, Ducis esset electio. Quod ipsum ita in se consideratum, etiamsi aliquid ex vero traherent nugamenta adversarii, eorumque qui

H h h 2

dam

dum five animi morbo five errori nimium indulgent, nomini Venetominus ob id æqui sunt, videri posset nec iniustum nec male consentaneum: agebatur enim de electione Ducis, quæ (ita quidem illi delirant) non pro parte aliquantilla, sed tota, sex ex asse, spectabat ad populum. Sianum Aurius Mastropetrus excepit, Anno M C LXXXVIII Dux creatus. Operæ pretium laturus mihi videor, lectori si demonstravero ipsum quoque Mastropetrum perinde atque alter ille fuerat, ab iisdem nobilibus familiis, fuisse creatum, utut plures numero ad illius electionem convenisse edoceamur. Nempe afflicta Ducis valetudine, omnique salutis spe pene conclamata *Veneti* (ita in Chronicis suis Dandulus) *de convalescentia Ducis profus desperati, electionis processum, utilem sibi cognitum, subtilius eliminantes, sanxerunt, ut quatuor viri providi eligendi* (fuerunt autem Marinus Polanus, Henricus Dandulus, Stephanus Vioni, Antonius Naogeorgius omnes nobiles, sed quarum gentium binæ duntaxat hoc tempore supersunt) *quadraginta alios nominarent, per quorum maiorem partem electus Dux, ab omnibus haberetur.* E quibus postremis Danduli verbis, facile intelligere est, electione perfecta, ad obtinendam Ducis dignitatem aliis præterea solemnitatibus opus haud esse. x. Virorum quos IV Viri jam dicti iis temporibus nominarant, sequuntur nomina.

Petrus Cornelius.

Tetrus Foscarius.

Henricus Dandulus, postmodum Dux Venetus.

Marinus Storladiæ, Extinctum nomen Anno M IV C

LXXXVIII.

Regnerus Polanus.

Dominicus Silvius. Supra nomen gentis extinctum monuimus.

Ioannes Marosinus.

Iacomus:

Iacomus Badoarinus.

Antonius Viatus.

Nicolaus Firmus. Item & hanc gentem intercidisse,
dictum ante.

Daniel Bragadinus.

Marinus Maurus.

Ioannes Gradenfis.

Paulus Celsus.

Almaurus Iustus.

Nicolaus Gaussonus, hoc tempore *Gussonus.*

Ordelaus Faledrinus.

Antonius Stordus. Gens ea intercidit.

Leonardus Malipetrus.

Ioannes Michaelius.

Otto Quirinus.

Leonardus Fradellus, procurator *D. Marci.*

Dominicus Memus.

Ioannes Mocœnicus.

Marcus Baségius.

Henricus Doro, sive *Aureus.* Esse desit.

Rogertus Permachinus.

Petrus Barozsius.

Paulus Marcellus.

Stephanus Stanus. Extincta hæc gens Anno M CCC LXXV.

Franciscus Soyus.

Nicolaus Iustintanus.

Nicolaus Dolsinus.

Franciscus Vionius. Periisse diximus.

Paulus Barbus.

Iacobus Viglatus. Et hæc familia intercidit.

Bernardus Centranicus.

Iacobus Molinus.

Conradus Betanus. Non sunt amplius ejus nominis.
Nicolaus Mastropetrus. Vt nec hujus.

Finita expeditione Byſantina cui, Duce Henrico Dandulo colophon impoſitus, eorum quæ belli jure ſua ſœderati fecerant, quartam partem, Baiduinus è Flandriæ Comite factus Imperator, ſibi habuit, quæ ſuperfuere, inter Francos Venetoſque diviſa ſunt: in medio relictæ quæ in Ægeo mari ſunt inſulæ, cæque ut occupanti cederent pactum conventum. Erant autem illæ ut plurimum piratarum latronumque receptacula, neque ullatenus aut Balduino, aut Theodoro Lascari, homini Græco, Imperatoriam ſibi majeſtatem arrogare adgreſſo, obnoxias ſe ferebant. Ita res ſeſe cum haberet, Veneti, Petro Siano Duce, (quod quidem in annum m c c v. incidit) aſſentiente etiamnum Imperatore, omnibus & ſingulis ditionis ſuæ hominibus, copiam fecere, dictas nobis inſulas occupandi, idque Marte proprio, eaſque pro arbitrio in futurum adminiſtrandi. Id ubi ita publice indiſtum, Marcus Sanutus (fuit hic Henrici Danduli Ducis, ex ſore nepos) victricia illis in oris arma circumferens Ionii Ægeique Ducem ſe tulit, & exemplo ſuo nonnullos è nobilibus urbis Venetæ, nec non & extraneos nonnullos excitavit, eadem in cæteras inſulas ut deſignarent. Ita de hoc illuſ factio in Chronicis ſuis Andreas Dandulus. *Plerique nobiles Græci oppida audacter invadere ſtatuerunt, & ſegregatim navigantes, Marcus Sanutus cum ſuis ſequacibus, inſulas Jſchiæ, Parit, Milei, & Sancti Hermi, adeptus eſt, Marinus Dandulo, Andron, Ravanus quoque de Carceribus, & ejus nepotes Euripum ſive Negropontem accipiunt, ſimiliter Andreas & Jeremias Giſſo, Thinaſ, Mironaſ, Schiron, Scopulum, & Stramathos. Philocalus Navigatorio Stalimenen obtinens, imperiali privilegio, imperij eſſe iur Mega Duca. Præter hos, ajunt quidam, Marcum Dandulum,*

dulum, & Iacobum Viarum, Andriaca, sive Gatapoli positos. Ut concludam, eccui ad fidem facile videatur, nobilitate præsignes viros, qui proprijs facultatibus armare naves ad bellum poterant, qui sua modo virtute subnixi, suis auspicijs, suo ductu, foris arma circumferre, urbeis occupare, ditiones suo privatim imperio norant subicere, qui denique extra patriam, nihil præter imperium, ac in omnia regimen, juxta & spirabant & exercebant, in ipsa patria sua adeo demisse acturos fuisse, ut rerum sibi summam, cum populo, nedum cum infima plebe, ex æquo communem esse passuri fuerint, seve aliquatenus ei obnoxios profiteri? Ex adverso, si cum adversario sentimus, eccui verosimile fiat, Populum Venetum, omnium tanta talique in Repub. dignitatum, functionum, munerumque participem, & mercaturæ beneficio, opulentum ac locupletem, cuique vel ad invidiam omnia, quibus bonorum nomen mortalitas dedit, adessent, adeo alienum fuisse ab omni se suaque promovendi protollendique desiderio, ut non & ipse in partes venturus fuerit, sibi que ea in Ægæo Ionioque pro rata saltim vindicaturus, quæ solos nobiles occupando sua fecisse jam recensuimus? Nemini certè, qui modo consideret omnino id faciendum fuisse populo, idque, si non alteri bono, utique, quo ne in nimias vires ordo Nobilium succresceret, unde quid aliud expectandum, quam ut viribus, autoritate, atque opibus potiores, Rempub. premerent, oppressoque populo, plebem sibi haberent vestigalem, cuncta denique pro libitu, agerent, ferrentque. Progredior. Ipsa illa Byzantina expeditio, quæ tam luculenta in foederatos commoda concessit, inter cœtera, ut Reip. Venetæ regnum Cretæ sit adjectum, effecit: ac quandoquidem Imperator Græcus Cretam Bonifacio Montisferrati Marchioni habendam dederat, quo dotem uxori dictam, ex eâ, ita opus si foret, consequi

consequi nanciscique possit, Resp. Veneta persolutis viginti millibus argenti marchis, (ea nempe dotis erat summa) possessionem illius apprehendit. Cæterum Genuenses, qui tantos vicinorum suorum successus minus æquis oculis aspiciebant, eorum in Græcia progressus indies augeri cum viderent; etsi jam nunc irritò conatu novas istas accessiones à Rep. divellere studuissent, haud cessandum sibi rati, sub prætextu ferendi suppetias Henrico Piscatori Melitensium Comiti, in arma adversum Rempublicam sumere, factumque, ut Henricus ille, cui cum plurimis Cræte incolis privatim notitia intercedebat, ijs adnitentibus, magnam insulæ illius partem invaserit. Veneti eorum quæ facta dicebantur, facti certiores, triginta confestim longas sive rostratas naves, & onerarias octo, ducibus Regnero Dandulo ac Regnero Quirino, ad amissa recuperanda dimittunt. Hi eas in oras, sub initium anni M C C V I I I delati, per vim, ablata sibi recipiunt, cæterisque, quæ occupata aut intercepta haud fuerant, constanter in obsequio permanentibus, ad sua retro gradiuntur, arce sed interim Lysimachiâ, in ditionem Reipub. edacta: unde factum ut Ligures omni spe regni Cretici potiundi exciderint. Utque provincias retinere, minoris haud est curæ, quam facere, Veneti tutando conservandoque isti regno dum agunt intenti, visum Patribus è Repub. fore, coloniam in eas oras deduci, publicæ quietis stabilimentum; idque ea lege, ut quicquid se conferrent, rebellium Græcorum bona, sileo addicta, hinc sibi vindicarent, illinc militarem aliquam manum in expedito haberent, cumque ijs militibus, (quorum numerum patres præfinirent) gentes in officio continerent. Placuit, ut essent centeni ac triginta duo equites, pedites quadraginta octo. De hac Colonia deductione ita Sabell. lib. 8. Decadis primæ. *Ex patrio ordine equites, ex plebeo pedites missi dicuntur.* Et Andreas Dandulus in Chro-

Chronicus, Anno duci septimo decretum est transmittere ad Insulam Creta nobiles equites, & plebeos pedites pro feudis eorum.

Ab anno MCCXI, usque ad annum MCCIII, diversis temporibus, tres etiamnum alteræ coloniae deductæ sunt, eæque ab iisdem; occasione, causisque, similiter iisdem. Hinc ita inferendum, eos qui Cretam ut in coloniam missi sunt partim nobiles fuisse, partim de plebe. Ast vero annales nos docent & monumenta archivaque, in quæ nomina eorum relata sunt, testatum faciunt, ad unum omnes, ejusdem in coloniis illis fuisse conditionis, nec hunc illumve si privilegia, si immunitatum jura, si functionum debita, attendimus, præ altero habitum fuisse præcipuum. Nihilo tamen fecius etiamnum hoc ipso tempore, si forte quis ex nobilibus illis in patriam retrovertatur, si ut ibi larem figat, si negotii duntaxat causa, ac legitimis docere testimoniis possit avitam se conservasse nobilitatem, neque etiam matrimonijs nisi nobilium feminarum seuve majoreve suos fuisse in-nexos, neque fecisse quippiam leve suove genere munus indignum, utique ille, perinde atque alii, qui extra Venetam urbem ne pedem quidem extulere, majorum comitiorum capax est, ad eaque postliminio, & quidem, jure suo, revertitur. Contra vero si quis populari ex ordine relicta colonia in urbem commigrat, neque ipsi, neque filiis ejus, nepotibusve, unquam ad majora comitia accessus patuit, ut neque in hunc diem etiamnum, patet: neque sane posterius Andreae Sacci, Joannis Viviani, Simonis Cintiliani, Angeli Bonicoli, aliorumque, ad majora comitia ut admitterentur unquam aspirarunt. E quibus omnibus manifestissimum evadit, solos fuisse nobiles, qui istis temporibus, (nec hoc ipso quoque tempore alia eorum conditio) comitiis majoribus, id est publico regimini, aut clavo quodajunt Reipub. admoventur. Anno MCCXLIX, cum Iaderani quintum rebellassent, es-

setque post aliquot velitationes praeliaque, bimestrem post oblidionem eorum urbs à Reinero Ieno Provisore (ut vocant) exercitus, Venetæ ditioni restituta, dedit ea res occasionem deducendi coloniam, adeoque ex ipsa urbe Veneta. Ita hæc de re Dandulus, *Non absque notabili eade die v Iulij Iaderam obtinent, quod cum Duci relatum foret gaudio repleto, Michaelem Mauroceno Comitem fecit, & multis nobilibus popularibusque Venetiis, divisit inter illos civium bonis, Iaderam custodiendam tradidit.* Probet nunc Anonymus velim, quod si thesi suæ robur constare desiderat, ante omnia faciendum est ipsi, probet fodes, ullos ex popularibus istis, si quando in patriam eos redire contigerit, ad majora comitia admosos fuisse. Vtique multum suspicienda ac de veneranda venit hac in parte Venetorum patrum qua Prudentia longe maxima, qua lustritia singularis. Imperium eorum ut a nobilibus erectum fuerat, ita & penes nobiles assiduo mansit, ceterum urbes ditionesque, & plura victoribus conferre victoria solet, utpote sudore popularium non minus quam nobilium parta ac sanguine, ut ut esset aliqua inter ordines differentia, utrique habuere ex æquo: reducibus interim è coloniis in urbem, quem ante discessum tēuerant, nullo discrimine, locum denuo tenentibus, tuentibusque. Anno M C C L I I inter Venetos ac Genuenses ortum bellum, utraque gente monasterium S. Sabæ prope urbem Acyrin, quod erat utriusque ditioni conterminum, sibi vendicante. Hinc Injuriae primum, odiaque & æmulationes, ac injuriarum occasione manifestò à Genuensium Duce Salviano Grimoaldo ruptum fœdus. Ac Venetorum qua rebus, qua navibus datum damnum. Veneti Duce Laurentio Theupolo Ioannis Veneti Ducis filio, subito classē adornant, injurias illatas strenue ulciscuntur, Genuensium classē prope Ptolemaidem disiecta, disrupta, ac magnam partem mari depressa monasterio Sancti

Sancti Sabæ recepto, dirutisque mercatorum Genuensium horreis, ac Venetias transmissis in victoriæ signum lapidibus majoribus dirutarum ædium monumentum, quorum nonnulli etiamnum visuntur, qua ex aula ducarii dextram versus patet exitus, uni portarum Ecclesiæ divi Marci ex opposito respondens. Missa itidem magnæ columnæ prophiritidis parte, quæ similiter in Area divi Marci erecta, eadem ipsa est, quam præco, (Veneti Cominandadorem vocant) inscendit, edicta Reip. publicaturus. Hac tam prælustri victoria, ut hinc quidem longe lateque diditus erat Veneti nominis honor, ita & illinc quoque, illorum ærarium, belli sumtibus multum tenue erat, ac tantum non exhaustum. Ergo publicis necessitatibus occurrere dum student, ad extrema (ut talibus in rebus faciundum nonnunquam) consilia deveniunt, imposito maritimis rebus tributo, *Populû* (ita MS. Codex) *tributorum ante eum diem immuni, ob insolita fremens ac fiendens impetu globatim, in ades nobilium, qui istiusmodi decreti fuerant auctores, facto, eos inde exturbat. Paulo post tumultu utcumque sedato, Nicolam Bocum, Joannes Cretenfis, unusque item & alterè maxime promptis capti primum, moxque eis, more majorum, gula laqueo fractæ. Super hac ipsa re, ita Dandulus. Fama in populo divulgata est, quod de solutione marinarum ageretur tunc populari vociferatione, plebes ad palatium venit, & erga Ducem, eos ad quietem suadentem, lapides projiciunt, & postea domos aliquot nobilium invadentes, depredati sunt; cessante vero tumultu, Dux aurores sceleris in platea suspendi fecit. Anthonius item Sabellicus decad. 1. lib. 10. Diuturni belli onera, ararium ita exhaustum ad eum diem rediderant, ut cogerentur patres, &c & mox, Seditionis capita, novâ via ad grassandum ingressa, aliquot nobilium domos, facto impetu, diripere. Vtique si vera esset Anonymi thesis, nullum prorsus nobilibus Venetis ab istiusmodi tumultibus pertimescendum fuisset periculum. Namque di-*

ctum jam nunc decretum, aut displicebat populo, aut placebat, si prius dixeris, (stante illius thesi) antiquari poterat, si posterius non erat quod in nobiles ferretur agitareturve plebes, cui proprio assensui potius, quam nobilium iussui quicquid id esse incommodi adscribendum imputandumque veniebat. Ipsa quoque plebes, si quidem nullum impediendi intercedendive jus penes ipsam resedisset, in tumultus auctores, ac proinde criminis ex æquo socios, (facinus. e. ut ait ille, quos inquinat æquat) animadverti passa haud fuisset. Quis non videt inulto prius, quicquid peccatum fuerat, quicquid commissum bono prorepublica zelo, actuive ad tuendam populi auctoritatem exercito, longe prius quam seditioni, tumultuive deputandum fuisse? Anno exinde duodecies centeno sexagesimo octavo è Senatoribus *Nicolaus Michael, Thilippus Belegnus, Ioannes Ferrus, Tangatius Barbus, Ioannes Dandulus, ac Petrus Totulus* (cujus gens anno millenotercentesimo octogesimo tertio intercidit) simulque è x. viris primores, *Antonius Zoranzius, Petrus Barbadius, & Marinus Iustinianus* multa circa futu Ducis electionem variaque proposuere, quæ communi postmodo eorum qui consiliis intererant calculo probata cum forent, id ipsum quoque, quod in electione præmortui Ducis Zeni placuerat, iterato in deliberationem venit, nempe quod *Benedictus Gastaldio* (taliam enim sunt, quæ illis in archivis publicis, in quibus quæ Ducum creationem concernunt asservantur, verbotenus dicuntur) iurare debeat super animabus omnium, habendi in Ducem, Dominum, & rectorem Venetiarum, illam personam, quam electores *Quadraginta & unus* denuntiaverint, se Ducem Venetiarum elegisse. Et paulo post. Ipse *Benedictus Gastaldio* habita à populo licentia sic jurandi in animabus eorum tactis sacris ad sancta Evangelia Dei juravit, &c. unde post hac nobilis *Vir Iacobus Baregio*, qui fuit unus ex electoribus, de voluntate sociorum suorum pro se, & aliis sociis suis, ibidem existentibus denun-

tiavit

navit populo, elegisse in Ducem D. Laurentium Theupolo. Eat nunc cui lubet, dicatque Populum in Rep. Veneta regiminis publici fuisse participem. Ut videmus Consiliarii ac primores quadraginta viralis collegii proponunt, ad unum omnes ex ordine nobilium, Collegia deinde sive consilia, quæ perinde quoque ex illo ordine tota constant, proposita assensu firmant, ac rata esse jubent, mandantque ut populi Gastaldus obedientiam eligendo etiamnum, ac sic futuro Duci, juret, petit veniam jurandi à populo Gastaldus, illiusque obsequium jure jurando firmat. Sed nec lector meus existimet velim Gastaldum illum eximia dignitate præditum fuisse talemve magistratum, quales erant olim apud Romanos Tribuni plebis, sive præfigeret Gastaldi ut dignitatem ita & nomen quoque decursu temporis intercedisse, nihil minus gestat ille etiamnum, qua jam tum à priscis temporibus indutus fuit, vestem coloris varii, iisdem quibus semper ab initio gavisus est, prærogativis gaudet. Creari solet ex eorum numero Gastaldus qui regionem D. Nicolai inhabitant. Prærogativæ quas intemeratas illum retinere diximus, in eo potissimum consistunt, quod ipse publicis nonnullis actibus functionibusque Duci inserviat, quodque à sui ordinis hominibus, qui ut plurimum piscatores sunt, per exigua quædam emolumenta exigere ei licitum sit, vulgus regalia appellat. Si vero in electione novi Ducis vel aliquantillæ saltem populi fuissent partes, plane isto juramento opus non erat, utpote superfluo. Nempe metus haud erat, ei dicto haud obedientem fore populum, quem met ipse confirmasset, cujusque & ratam & gratam habuisset electionem, quem ex adverso si nollent ipsis invitis ac dissentientibus facta electio, erat in nihilum recasura ac sic quoque nullo opus erat jure jurando.

His addamus, futurum fuisse id institutum (propositam

vocari diximus) periculosa plenum opus alex: utpote quod non alioversum collineabat, quam ut Imperii summa, populo-plebique in perpetuum & esset & remaneret adempta: neque cum abs se quispiam, ut credat impetret, eo se demissurum fuisse ordinem illum, ut passurus fuerit motuum evitandorum obtextu sumto, ac quo ne tumultus aliquis in publicatione novi Ducis exoriretur, nobiles ad se cuncta ut pro arbitrio traherent raperentque, idque sibi ademptum irent, quod (modo ejus in antecessum compotes aliquando fuissent, ut sine nunquam fuerant) ipsorum ordini non ornamentum duntaxat praelustre collaturum, sed ut auctoritatem longe maximam circumdaturum esset. Hæc ipsa si cui libet iis adjungere, quæ modo circa Auriz Mastropetri Ducis creationem, memoravimus, animadvertet, ut reor, multum inde thesi nostræ roboris accedere.

Accedit, quod & insuper quo tempore Venetorum Dux creatus fuit Petrus Gradenicus, anno nempe c l o c c l x x x i x casus obvenit multum notabilis, comprimisque ad ea quæ assertum imus firmanda, valiturus. Peractis ad Divorum Ioannis ac Pauli ex equis Ioannis Dandali Venetorum Ducis, quibus infinita quoque populi multitudo interfuerat, factum, ut sub ipso egressu templi confestim, sublato clamore, populus Ducem creari postularit Ioannem Teupolum, virum praelustrem, ac multis nominibus plebi gratissimum: quumque non leviter intenderetur, ac de momento in momentum accresceret impensissimum illud populi desiderium, eoque jam nunc res spectare videretur ut aut populi habenda esset ratio, aut cavendum ne quid insuper habitis illius ordinis postulatis, sequius Reipub. obveniret; nihilo secius tamen, x l & unus viri, quorum erat novum Ducem eligere, conventu pro more ad id instituto, ut ut populi studia quam perspectissima haberent, ut ut nec

iplos

iplos fugerent eximiae virtutes meritaque Iacobi Theupoli, (qui met ipse, ne praesentia sua populum acrius animaret, rus concesserat) Petrum Gradenicum Ducem creaverunt idque, (quod miremur) votis suffragiisque conspirantibus, quodque magis miremur absentem etiamnum Reip. causa, ac Iustinopoli cum imperio praefectum, Roget me quis cur id ita factum electores voluerint? respondebit pro me annalium scriptor, ut ne in posterum aliquando simili exemplo nominare populus in animum induceret. Ita super hoc ipso negotio *Raphael Carestinus* dum viveret, apud Venetos magni Cancellarii dignitate functus, in suo ad *Andream Danduli Chronicon* supplemento. *Post ejus obitum magnus tumultus in populo factus est, volebant enim Dn. Iacobum Theupola praeter electionis modum ad ducalem praerminentiam sublimare, sed ipse nolens ad id praebere consensum, de Venetiis recessit, & ivit ad castrum Marochij, ubi mansit, donec de creatione Ducis certificatus est, &c.* *Marcus* item *Antonius Sabellius* *Decad. 1. lib. 10.* *Vbi post exequiarum pompam magnus tumultus ortus dicitur, ac cum trepidatione undique eo concursus, voces amarissimas & invidiae plenas in Patritios iactatas, nominatim Iacobum Theupolum Ducem populus postulabat, &c.* Et paullo post. *Tamdiu latuit, donec sedato tumultu, Petrus Gradenicus ex Patritij ordinis sententia Dux esset declaratus.* Durat etiamnum hodieque mos ille, ut quem maxime Ducem habere desideret populo designare liberum sit. Non eo tamen minus ij, quos diximus, 1x & i Viri cum eligunt quem judicant esse quam maxime e communi bono ut Dux creetur. Vnde colligo, non amplius olim in creando Duce, autoritatis habuisse populum, quam nunc habet.

Epimetri loco, jam dictis quae sequuntur adungere lubet. Non solum multis ab hinc annis saeculisque, ac sic ab omni antiquitate, verum semper, haud interrupta serie, observatum fuisse, institutumque, ut esset penes solam Nobilitatem

tem

tem in omnia regimen, ac sic quoque Patricios, ita ferentibus rebus, semper ac disertim citatos fuisse, ad formanda firmandaque Decreta Publica. Vestigium videas Anno cIo cc lxxviii, quo nempe circa officium aut munus eorum qui *judices petitionum* indigetantur nonnulla despicienda statuendaque veniebant. Verba decreti sunt, *Quod illi tres Nobiles, qui de cetero erunt judices petitionum, &c.* Anno insequenti circa munus aut officium aquaticum, ita conceptum decretum legimus, *Quod Nobiles viri qui presunt in officio supra Canale.* In præfatione statuti, circa illius editionem vocatum videas *Tantaleonem Baulum nobilem Venetum*, aliosque ejus ordinis complures. Anno cIo cc lxi. Vbi de exercitu nautico instruendo, sic decretum: *Hæc sunt statuta & ordinamenta super navibus & aliis lignis, quæ de mandato D. Rhainerij Zeno Dei Gratia incliti Ducis Venetiarum, & sui consilij reformatæ, compositæ, & acta fuisse per viros nobiles Nicolaum Quirinum, &c.* Anno cIo cc lxxvii. *Quod nobilis vir Leonardus Quirino, procurator S. M. Marci, sit absolutus de primo capitulari, &c.* Anno cIo cc lxxvii. *Quod debeant eligi tres nobiles super factis Ancona.* Consuetæ quoque his ipsis temporibus formula, secundum quam firmari ratæque haberi electiones solent, ita concipitur, *faciendum decretum, ut eligatur, eliganturve, unus aut plures ex honoratissimis nobilibus cum titulo, &c.* Quin imo anno cIo cc lxxxii factum decretum, Aprilis secundo die; *Quod electores anni debeant scribere quando eligunt aliquem ad suam vocem, ita quod sciatur, quis acceperit eum, &c.* Unde factum ut cum ad majora Comitæ nonnulli venirent eligendi non solum electi nomen, verum etiam nomen electoris quoque publicari cœperit. Formulam si quis requirit, sic archiva.

Anno cIo cc lxxxii. ultimo Septembrii.

Isti sunt de Majori Consilio à Sancto Michaeli in amea.

Ad vo-

Ad vocem Nobilis viri Vitalis Zoranzo,

Angelus Zanudo, Leonardus Minio, &c.

Ad vocem Nobilis viri Leonardi Bembo,

Petrus Mauroceno, Saladinus Permancino, &c.

Ad vocem Nobilis viri Marini Gradoneco,

Rhainerius Venerio, Nicolaus de Canale, &c.

Quæ cuncta si cum jam dictis copulentur, largam, ni fallor, fecerint fidem, rerum summæ quaquaversum qui præfuerint, nobiles fuisse, quod ipsum quoque & hac insuper ratione sese nobis probaverit, quod constet, illos quorum eligendi partes erant, ipsosmet fuisse nobiles, ut evincunt verba superius citata, *Ad vocem nobilis viri, &c.* Quæ quidem nemo sanæ mentis unquam in dubium revocet, asseratve ijs haud probari quam plenissime, illos penes quos ad majora Comitia alios item allegendi jus erat, fuisse revera pro Nobilibus habitos. Est autem comprimis consentaneum vero, non alios ab illis electos quam similes sibi æqualesque; eoque magis quod magnus ubique nobilium se numerus offerret, eademque familiæ, è quibus ad majora Comitia eligi solebant, eodem semper manserint statu, in quo etiamnum & ipso hoc tempore perstant, sicut nihil hic mutatum novatumque dicere possit quispiam, dummodo in earum quæ esse desierunt locum, illas sufficiat, quæ vetro ab anno cD cc xcvj ut jam ante commonuimus, prædictis Comitij majoribus adhibitæ, ac velut insitæ fucere. Idem quod hoc, de quo verba fecimus, anno obvenit, & altero qui cum excepit ita obtinuisse notatum, nec non & sequentibus. Infimul quoque, anno cD cc lxxxj placuit Patribus *Quod eligantur (verba sunt decreti) tres nobiles Viri, qui debeant cercare & inquirere de contrabandis, &c.* Anno cD cc lxxxv

Kkk

Octo-

Octobris die decimo octavo quod factum fuit decretum, inter cætera, & hæc verba continet, *cum nobilis vir Andreas Horlato Elector medij anni comprobet, &c.* Anni similiter cId cc lxxxix decretum ita infit *Quod fiat transmutatio de Bajulatu Jaticæ, ad quem est electus nobilis vir Ioannes de Canale, in nobilem Virum Marcum Signolum electum Potestatem Parentij, & è converso.* eodem anno. *Quod eligantur per majus Consilium octo nobiles, qui teneantur eligere cines officiales de palatio, &c.* Item ejusdem anni quarto Novembris die. *Quod eligantur quinque Nobiles Venetiarum qui sint ad providendum super capitulare D. Ducis venturi.* Anno cId cc xc cum nonnullæ Dalmatiæ urbes à Venetis descivissent, inque Aquilegiensis Patriarchæ clientelam concessissent, qui sociæ cum Garnici Julij comite, Tergestinisque arma circumferens, id unice agebat, ut quaquaversum Venetos infestaret, die Decembris tertia & decima, decretum, *Quod sicut factum guerra commissum est triginta quinque, ita à Kalendâ Januarij in antea committatur decem nobilibus, de decem parentiis, qui teneantur per sacramentum inventre, & trahere malum & detrimentum Patriarchæ, Comitû Goritiæ, & illorum de Tergeste, &c.* ac paulo post, *Electi autem prædictorum fuit per majus Consilium.* Anno insequenti cum circa initium Octobris pacis inter eosdem esset injecta mentio decretum fuit. *Quod debeant eligi in majori Consilio viginti nobiles de viginti parentiis, & approbati ad unum ad unum, qui debeant esse cum D. Duce & Consiliarijs, & decem ad faciendum & expediendum negotia concordia de guerra præsentii.* Ex adverso, si ad expedienda quæ sese obtulerant negotia, aliqui eligendi forent, qui non essent è nobilium numero, alijs longe verbis usos constat, aliaque eligendi formâ. Sic cum anno cId cc xc iiii armamentario de canabi prospiciendum esset, factum fuit decretum. *Quod eligantur tres boni homines qui non sint ex arte canapi, sed bene instructi ad hoc, &c.* Quæ quidem id temporis electio tardiuscule cum procederet, additum decreto

decreto, *Quod eligi debeant per illum modum, per quem eliguntur Massarij moneta, inter quadraginta.* Estque hoc loco notandum, tales à Majoribus Comitij minime fuisse legi solitos, cum ad modum, ut cæteri de quibus huc usque locuti sumus Magistratus, qui ex asse ad Nobilium ordinem spectabant. Ratio forsitan diversitatis illa fuerit quod istiusmodi functiones, cum ministerium magis quam dignitatem aliquam saperent, essent tamen privatim eas obeuntibus utiles. Hujus generis infinitæ etiamnum alteræ supersunt; exempli gratia amanuensium puta ac notariorum, quas decemvirale consilium fere semper tenuioris sortis ac conditionis hominibus clargiri solet, eo nomine quod ijs lucelli quippiam ex illis sperare liceat. Retrogrediamur unde digressi sumus, ea porro demonstraturi, quæ candidis ingenuisque mortalibus jam nunc plus satis probata, penitus ostendi docerique possint. Anno c I o c c x c i v Reipub. nomine ad præfectum Summurarum literæ in hæc verba datæ reperiuntur, *Cum per nos & per nostrum Consilium minus, & x x x virale sit ordinatum, quod debeat fieri partitio hominum Venetiarum, per duodenas, & nos fecerimus eligi capita contratarum de Nobilioribus & melioribus de contratâ, &c.* Decretum anni c I o c c x c v Aprilis die vicesima & prima factum ita habet, *Cum vir Nobilis Ioannes Superantio fuerit factus Ambassator Fadera, &c.* item alterum mense Decembri ejusdem anni, *Quod Nobilis vir Marinus de Carzole sit de Majori Consilio semper quando venit Venetias, &c.* Sed quid multis, cum vel millena, vel infinita istiusmodi exempla in medium queamus adducere? Ego sane pluribus conquerendis memorandisque lectorem meum, meve ipsum ut fatigem, operæ haud dūco, quandoquidem vel ipsemet adversarius, hoc ipso Scrutinij sui capite 5º quod nos refutamus in præsens, & cognoscit, & confitetur distinctos in urbe Veneta Patriciorum Plebeiisque ordines extitisse

tisse; ut postmodum eorundem functiones confundere annitatur. Anno tandem cło cc xvi Februarij supremo die norma illa formaque electionibus majorum Comitiorum præstituta præscriptaque fuit, quam rerum Venetarum minus gnari qui sunt, aut cum vulgo loquuturi, Comitiorum majorum inter suum numerum coercionem indigentant. Atque hoc demum illud tempus fuit, quo primum adversarius velit, populū plebemque ad honores dignitatesque in repub. consequendas admittum haud ultra fuisse; sed nos ea de re uberiores in modum, suo mox loco dicturi, quod præ manibus est, absolvamus. Videat ex illis, quæ hæcenus à nobis allata fuere non iniquus Lector, verane sint nec ne quæ de summa imperij, ex æquo hinc ad Patres, inde ad Populū spectantis dixit adversarius, videat ex adverso, continuata solidissimarum (nisi omnia me fallunt) rationum argumentorumque serie, thesin adversarij confosam à nobis esse jugulatamque, videat item à nobis quam manifestissimo probatam thesicos illius, quam adversarius astruendam sibi desumfit, antithesin, nempe nullas unquam in administranda Republica Veneta plebis fuisse partes; ac ne plebem quidem eo adspirasse ut ea in re aliqua ordinis sui ratio haberetur: ex adverse, functiones omnes, honores, dignitates, Magistratus, Reip. munia item omnia, ac ut verbo absolvam, summam rerum, fuisse semper, idque ex æquo, penes solos nobiles, atque hanc esse rationem cur nullā lege lata opus fuerit ad excludendos cæteros, quin imo eisi dicendum foret nunquam istiusmodi aliquam legem apud Venetos fuisse latam, ut minus verò Lectori adversarius persuadere conatur, non tamen ex illo confieri posse, plebem Majorum Comitiorum, id est tractandæ Reipublicæ fuisse capacem. Scire desiderem quid repositurus nobis sit Anonymus, si legem quam omnino necessariam haud fuisset hug

se huc usque commonstravimus, insuper quoque monstremus futuram fuisse superfluum, innato nimirum omnibus qui Remp. regunt, præsentem statum (quod boni civis esse edocti sumus) tuendi desiderio, innato inquam congenitoque, dum qualem quis Reipub. formam à majoribus accepit, talem quoque post se venturis relinquere ac velut resignare, & de manu in manum tradere pro se quisque totis animi viribus, ut plurimum, adnititur. Nihil certius, quam mortalium prudentissimos habuisse quam perfectissimum, qualia quantaque beneficio mercaturæ temporum successu compendia urbis illius incolas manerent, ac vix aliter fieri posse, quam ut locupletes facti, ad reip. regimen essent aspiraturi seque nobilibus, quos claritate generis æquare non possent, divitijs impotentes facti etiamnum, qua daretur, antelaturi. Certum est, eosdem multum caute, ac quam prudenter considerasse, aliter fieri non posse, quam si tales etiamnum majoribus comitijs admoverentur, homines scilicet novi, ac de plebe, magnum inde animorum morumque divortium Reip. metuendum ut esset, dumque in contraria discissi studia, reip: qua premunt, qua distrahunt, cuncta dissidijs, cuncta factionibus implent, suis eam ipsam viribus (quod Deus avertat) ruituram. Certum denique patres, qui majora illa comitia scirent esse libertatis suæ Palladium, unicum reipub. suæ fundamentum, columen, præsidiumque, sanctissimo, eodemq; in omne tempus saluberrimo consilio, voluisse non alios iisdem comitijs admos, quam viros prælustri generis nobilitate conspicuos. Dicendum quoque (si veritati locum facimus) institutum illud esse non antiquissimum modo, sed ipsi quoque Reip. congenitum. Si quidem enim dicenda est plebes, jam tum ab incunabilis Reip. summæ rerum admota fuisse, ut sane verum non est, quis eam credat, adulta Rep. & in justum robur subiecta, passuram fuisse,

aditu se ad illam prohiberi. Præsertim cum suffragiorum numero patricios longè anteverteret, ac sic quoque, nullo negotio impedire posset, nequid tale Patricij unquam aut designarent, aut molirentur. Obstat hic nobis quidem, quo minus ipsum Decretum adducamus, ejusque antiquitatem probemus, luctuosum; cujus jam ante meminimus, incendiū, quod plurima etiam archiva male perdidit: annitar tamen, ut ex ijs quæ jam jam dicturus sum sequenti capite, plenissima fides fiat, quam religiosissime semper, ac quam exactissime id observatum, atque executioni mandatum fuisse, quo nimirum & IC^{ti} modo, ex actuum frequentia, consuetudinem, ex observantia legem ac juxta legis quoque vigorem & dimetiuntur & probant:

CAP. XX.

Soli Patricij apud Venetos cateris præfuerunt. Plebcios eligere non licebat. Id decreto publico institutum. Filiis nobilium illegitimis ad majora comitia aditus præclusus. Militia navalis magni à Venetis facta. Qui ea inclaruissent quomodo ad majora comitia admoti. Decretum, quod majoribus comitiis absolvendis supremam manum imposuit, productum. Summam rerum ad plebem nunquam spectasse concluditur, & simul insignis circa hoc Anonymi error exploditur.

QUod in diverbio est, ubi flamma, ibi fumus, & hic usurpare liceat. Vidimus huc usque, Patricios omnibus usquequaque functionibus admotos, muneribus ornatos, ac dignitatibus illustres fuisse. Nisi in communem sensum peccare.

peccare lubet, non est aliter quispiam ut statuat, quam solos fuisse Patricios, qui cæteris præessent. Notum est, oriri jus ex facto, notum, posito uno, tolli alterum, sicubi præsertim de illis quæstio est, in quibus medium non datur. Non erat, ut Patricii tale quippiam, nullo jure, nullo facto majorum, nullo titulo præviis sibi arrogarent. Facti quæstionem si moveremus, exclusam hoc ipso, & quidem tacito, plebem fatcamur necesse est. Si juris; est ipsa pro titulo patientia. Absit interim, ubi rationi locus patet, facti quæ sunt, transversos nos agant. Illud dico, si plebis exclusio Patribus accepta ferenda est, (ut Anonymus vult); ea exclusio, si tum demum originem habuit, cum fuit modus majoribus in Comitiiis præstitutus electionibus, si populus iisdem Comitiiis admotus fuit verosimile non videri populum sicubi cognosset (ignorare autem, Anonymum si sequamur, non poterat) talia à nobilibus agitari, assensum fuisse præbiturum ullis omnino deliberationibus, nedum decretis, cum præjudicio totius ordinis conjunctis. Constat porro, quarto & vicessimo mensis Maji, qui fuit anni *MDCCLXVII*, decretum fuisse. *Quod in facto electionum, quæ de cætero fient, hic ordo debeat observari. Quod postquam janua clausa erit pro electione facienda, nihil possit dici contra dictam electionem vel electiones, sed sine firma sicut facta erunt per electores, & si error fuerit de una vel duabus ballottis non possint propterea impediri, salvo, si eligerent talem vel tales qui certis occasionibus quas haberent in suas personas, esse non possent, aut per consilia ordinata &c. Quæ novissima decreti verba si recte attendimus, videmus, non solum homines plebei ordinis eligi non potuisse, atque etiamnum, si forte electi fuissent, intercedi, atque istiusmodi electiones impediri potuisse, (huc enim spectant illa decreti verba, Salvo si eligerent talem vel tales, qui certis occasionibus, quas haberent in suas personas esse non possent,) verum etiam, per legem non licuisse plebeios eligere.*

gere, ut manifesto colligere est ex verbis, *per consilia ordinata*. Iam ante diximus, decreto quod in quintum Octobris anni cIdccLxxvii incidit, fuisse statutum, *ne ad majora comitia Bastardos admoveere liberum sit*. Quod si verum, ut certe verissimum est, ipsa enim suo loco decreti verba citavimus, si filius etiam nobilium, qui non erant ex justis nuptiis, thoroque legitimo procreati, ad majora Comititia preclusus fuit adytus, eo quis sanæ mentis adseverare audeat, indistincte prorsus atque promiscue cuivis de plebe aditum ad illa patuisse! ut reor nemo, modo attendat plebeiorum natales ut plurimum ignobiles obscurosque, vix esse ut justis probationibus, quibus eos esse legitimos, ac sic quoque gradus illius capaces evincatur, locum admittant. Amplius dicam. Anno cIdccLxxxix cum mortalitatem posuisset Ioannes Dandulus Venetorum Dux, ac sic de novo Duce creando despiciendum esset, multa variaque, quæ circa novi Ducis electionem consideranda videbantur, majoribus in Comititiis ventilata atque agitata fuere; inter cætera vellentne ac juberent disquisitum, *Quod omnia consilia que fient de factis pertinentibus ad electionem Ducis venturi, & ad correctionem capitulari ejus, seu ad illa facta, debeant & teneantur venisse omnes officiales, qui sunt de majori Consilio, & vicedomini Fontici & Salinarii maris, & illi qui sunt super frumento, justitiarum novi & veteres, & illi qui sunt super Datio vini, & illi qui sunt super pannis ad aurum & illi qui sunt super Rivo alto, & illi de moneta, & astimatores auri*. Verum pars hæc (ita Venetis decreta Comitiorum vocari monuimus) nullatenus admissa, nedum assensu firmata fuit, aut stabilita. Nam cum verba illa generalia, *Omnes officiales, qui sunt de majori consilio*, omnes includerent, quos aut nascendi sors, aut lex majorum Comitiorum capaces reddiderat, offendiculo erat particularis illa cæterorum illorum magistratum minorum enumeratio, eo quod ipsorum functiones essent non ita magni momenti

menti, magisque in eo occuparentur, ut salubriter constituta observari atque exsecutioni mandari curarent, quam ut de iis, quæ observanda aut exsecutioni tradenda viderentur, ipsi deliberarent, qui quidem minores magistratus cum & insuper privatim ea cognoscere ac perquirere deberent, quæ infra dignitatem Patriciorum longe futura judicabantur, atque hinc multoties eos qui obirent, homines essent è populo, perspiciebant hoc pacto futurum ut in majora comitia introducerentur tales, quos introduci per legem, quique legis est loco, receptum morem, fas non erat. Antiquata ergo pars illa fuit, nec unquam perlata. Verum cum postmodum immediate adjecta fuissent verba limitantia, quæ jam ponam, nempe *Præter illos de dicti officii* (Notentur illa verba) *qui non possent eligi per electores anni de majori consilio* placuit, estque communibus votis suffragiisque firmata. Quis hic non videt legem aliquam fuisse, quæ electoribus, indistincte quoslibet, etiam ex iis, quos subinde (ut mox exemplo decretoque firmaturus sum) ad functiones aliquas quæ majoris essent Consilii promoveri contingeret, ad majora Comitia adlegere haud permiserit? At vero unde id impedimentum? anne ex eo, quod jam tum magistratum gererent? minime. vidimus enim non semel, magistratum qui gererent vocari solitos. An quod in reatu essent, aut alicui sive mulctæ sive supplicio privatim obnoxii? nec hoc quidem. reatus enim eos & à gerendo magistratu, & à frequentandis exclusisset comitiis, idque per se, ita ut lege lata opus futurum haud fuerit. An quod in ære essent. Reipub.? multo minus. Publicos si quidem debitores allegere fas non erat, quin adeo jam nunc electi, eo nomine, ac quidem ipso jure, privabantur honore in ipsos collato; neque dicta nobis Comitia adire ultra, aut frequentare poterant. Dicendum quod res est, non alia impediementi causa, quam quod

nobili stirpe editi haud forent; tales enim, ut videmus, quominus majoribus Comitibus admoverentur, lex intercedebat. Potiora etiamnum atque his majora, quæque efficacius legentibus sese probatura sint adducturi pergamus. Multa semper magnoque in æstimo apud Venetos fuit militia navalis sive maritima; hac qui clarus evadebat, qui ceteros anteibat, deque patria bene merebatur, luculentissima præmia honoresque longe maximos referre consueverat: quin & honores illi vel eouq. subinde exporrigebantur, ut privatae sortis conditionem superegressi ad summa dignitatum fastigia, pro magnitudine benemeritorum haud rarerent spectarent. Interim tamen, cum fuisset anno c l o c x c i lata lex, ut qui decem aut pluribus navibus rostratis cum imperio præfuisset, talis in urbem ubi esset reversus, magnorum Comitiorum pars foret, quo ne tamen incommodi quippiam enasci inde posset, eo, quod & præter nobiles, alios etiamnum functionibus istiusmodi adinoveri contingere posset, alubri temperamento adjunctum fuit, *Quod ille qui non posset esse secundum formam consilii* (quæ vero ea forma, si lex nulla, nullum decretum, nulla regula, nullus in antecessum ordo fuit?) *de majori Consilio; non intelligatur quod propter Capitaniæ galearum debeatur esse de majori Consilio.* Si quod res est fatemur, his manifestiora qui petat, aut ex professo malignus sit oportet, aut ad mediam lucem cæcus. Sermo modo nobis fuit de tribus illis ad quos Canabis cura spectaret; diximus vocatos fuisse tres viros bonos, qui non sint de &c. at quo ne quispiam bonos illos viros cum nobilibus confundat, aut è Patritiorum ordine arcessitos putet, subjungitur disertis verbis, *Non sint de majori Consilio.* Sed nec quis mihi hic dicat, id ea de causa fuisse decretum, quod jam ante publico muneri admoti, plura uno eodemque tempore minus essent accuraturi, nam ut jam ante vidimus, omnes omnino Magistratus, modo Comitio-

mitiorum Majorum capaces forent, ut ut publico aliquo munere fungerentur, dictorum nihilo secius Comitiorum fuere participes. Quod majus est, cum placuisset anno c^lo cccxvi ut è Patricijs quoque subinde aliqui, quodcumque id muneris fuit in se susciperent, anno c^lo ccxcix, decretum, *Quod illi de Canapi qui sunt & erunt, sint de Majori Consilio diebus festivi & solemnibus, si erunt tales quod possint eligi de majore Consilio.*

Viden Anonyme ut hæc belle inter se convenient! ut quæ de rostratarum præfectis dicta sunt & hic habeant locum? Sed nec hoc omittendum. Cum præviderent Patres, evenire posse, ut temporum decursu, modo hoc, modo illud, è majoribus, aut dignitate cæteras quæ anteerent functionibus, forte fortuna ad aliquos è plebe devolveretur, anno c^lo cccviii solenni decreto ei occurrendum censuere. Decreti verba sunt, *Quod si aliquis electus sit ad aliquod officium quod esset de Majori Consilio, non sit per hoc de majori Consilio, nisi esset talis, quod eligi posset de majori Consilio.* Dicendum ergo statuendumque, quod cum deliberationes illæ ac decreta, quibus plebs ab imperij summâ cismovetur, ita bene compolita sint atque conspirantia, ut non minus ante, quam post præstitutam majoribus Comitijis formam, quæ & in hunc diem statâ perserverat, eadem quaquaversum fuisse deprehendantur, ipsam quoque plebem, & hoc & illo tempore, ab administratione Reipub. egisse quam remotissimam. Denique quæ huc usque demonstravimus incunctabili auctoramento firmantur decreto multum notabili, quod in anni c^lo ccxcvi novissimum Februarij diem incidit, quod, ut diximus non semel, supremam manum majoribus Comitijis absolvendis imposuisse fatendum est. Ecce ipsa decreti verba.

Capta fuit pars quod electio Majoris Consilij, qua fiet à modo usque ad S. Michaelem, & inde ad annum unum, fiet hoc modo. Quod omnes illi qui fuerunt de Majori Consilio, à quatuor annis infra, po-

nantur in Quarantia ad unum ad unum, & quicumque habuerit duodecim balotas & ab inde supra, sit de majori Consilio, usque ad festum S. Michaelis, & à festo S. Michaelis ad unum annum, approbando eos ad unum ad unum, in dicto festo S. Michaelis per modum dictum. Et si aliquis perderet Consilium, pro exire extra terram, quando redibit, possit requirere capita de Quarantia, utrum videatur quod debeat esse de Majori Consilio vel non, & capita de Quarantia teneantur ponere ipsam partem, & si habebit duodecim balotas & inde supra, sit de Majori Consilio. Et insuper eligant tres Electores qui possint eligere de alijs, qui non fuissent de Majori Consilio, sicut per D. Ducem, & ejus consilium erit eis impositum, ita quod illi quos ipsi elegerint ponantur inter Quarantiam ad unum ad unum, & quicumque habuerit duodecim balotas & ab inde supra, sit de Majori Consilio. Et predicti tres Electores, sint de Majori Consilio usque ad festum Sancti Michaelis, & alij tres qui eligentur in festo Sancti Michaelis, debeant esse per annum unum, & sint de majori Consilio & hoc non possit revocari, nisi per quinque Consiliarios, & viginti quinque de Quarantia, & duas partes Majoris Consilij. Et in capite anni per quindecim dies ante ponatur ad Majus Consilium, utrum videatur, quod hæc pars debeat amplius durare vel non, & sicut captum erit in Majori Consilio sic debeat esse firmum. Et injungatur in Capitulari Consiliarios, quod ipsam partem debeant ponere ad Majus Consilium, ut predictum est, sub pœna librarum decem pro quolibet, & Advocati Communis teneantur excutere dictam pœnam. Et non intelligatur per hoc, quod debeant esse de Majori Consilio illi qui sunt prohibiti per Consilia ordinata. Et injungatur capitibus de Quarantia, quod debeant probari aliquot de Majori Consilio, debeant id notificare ante Quarantiam per tres dies ante & quod non faciant approbationem aliquam de Majori Consilio, nisi fuerint congregati viginti de Quarantia, vel inde supra, & hoc addatur in Capitulari, & si consilium vel Capitulare est contra, sit revocatum per de Quarantiam.

Anno item cIo cc xcviii novissimo Septembris decretum;

cretum, *Quod dictum Consilium super electione Majoris Consilij, debeat adhuc durare sicut ipsum continet. Item, quod omnes illi qui sunt electi tam de Consilio Rogatorum, quam de Majori Consilio, debeant ire in unum in Consilio de Quarantia, ad unum ad unum, & illi qui habebunt majorem partem dicti Consilij sint firmi, & alij qui non habebunt majorem partem dicti Consilij debeant esse cassi.* Huc usque Decreta. Videat hinc observetque benignus Lector, omnes illos qui jam tum quatuor annorum spatio majoribus Comitij interfuerant, quo tempore Decretum illud conceptum firmatumque fuit, iisdem Comitij fuisse in futurum destinatos, ex quo Quadraginta Virali suffragio approbati meruerant. Videt, ut ijs qui sive Reip. causa, sive privatis impediti negotijs ab urbe ac sic à Comitij absuerant, ad eadem postliminio regressus patuerit. Videt quoque ut tres Electores fuerint creati, quibus in annum sequentem eos adlegendi ad Majora Comitia facultas data sit, qui ad ea præteritis temporibus nondum fuerant allekti. Quoniam vero nimis late patere ipsorum autoritas prudentioribus visa, utpote, quæ etiam talibus quos lex nataliumve obscuritas Comitij distinebat exclusos, viam ad illa sternere posse videbatur, videt denique, ut statim subjungantur citata jam nobis decreti verba, *Et non intelligatur per hoc quod habeant esse de Majori Consilio illi, qui prohibiti sunt per Consilia Ordinata, agnoscatque, ut spero, vel quivis, non modo extitisse aliquam legem talem, qualem adversarius in rerum natura fuisse negat, sed vel plures quoque, ut verba illa per ordinata consilia plurali numero concepta, disertim testantur, easque multum vetustas. Ac licet eas ipsas, incendium, ut geminato jam diximus, hauserit, constat tamen ex antecedentibus, ipsas multotiens deliberationibus posteriorum temporum medias intervenisse, habitasque pro normâ. Concludo. Quandoquidem constat, penes nobiles semper fuisse summam rerum, nec ul-*

latenus eam ullo unquam tempore ad populum, nedum ad plebem spectasse, mirum haud esse, si lex nulla talis fuerit, utpote, quæ non potuerit non esse supervacua; ac nec sic quoque subsistere posse adversarij thesin, quæ nec stringit quicquam, neque etiam necessario concludit, cum enim cuncta ad patres spectarent, errat qui plebem imperij hoc nomine capacem velit, quod nulla in contrarium lex inventa sit, quæ eam à Reipub. regimine abarceat. Contra vero, cum, ut majorem ad cautelam demonstravimus, omnino prorsus lex talis extiterit, eaque etiam num comprimis antiqua, necesse est, ut habeatur quam falsissimum, penitusque corruat erroneum adversarij effatum, cui, modo legitima præcessisset electio, nulla lex interce sisse adsertum mordicus, quo minus apud Venetos, indistincte ac promiscue, vel quilibet, majoribus Comitij adhiberi potuerit.

C A P. XXI.

Theopolitana conjurationis historia propius examinata. Suspecta & dubia Anonymi in adducendis auctorum locis fides. Bajamontis Theupoli atas. Decretum de Bajamonte è medio tollendo. De reformandis comitijs consultum. Error Badini. Non totæ familie, sed quidam à comitijs aliquando exclusi, aliquando admissi. Varia de Comitij instituta. Nobilitatis consequenda modus. Nanorum familia comitiarum capax. Anno cld cc xcvi Festo divi Michaelis in suffragia itum non fuit. Rejectio à majoribus comitijs castigationis loco. Varia Venetorum de comitijs decreta.

Proba

Proba, ut vocant, aurea usus quando ceperit. Conspiratio Bajamontana in quem annum inciderit. Qui consilij conspirationis. Conjuratōis progressus & eventus. Injurius in Nobilitatem Veneta Anonymus. Primi Veneta urbis auctores nobilissimi viri suere.

ET sic quidem jugulata adversarii thesi, quam sibi lemmatis loco probandam assumerat, & ante præstitutam Comitibus majoribus eligendi formam omnes ex æquo cives Venetos, eorundem Comitiorum capaces pronuntiaverat, demonstratoque esse oppido quam falsissima, quæ ex Ianotto desumenda sibi duxit; tempus est, ut accingamur ad Theupolitanae conjurationis historiam, eamque penitus aliquando introspectiendam atque excutiendam lectori præbeamus, liberumque pariter ei relinquamus judicium. Adfert adversarius, ut quidem ipse inquit, *Bajamontis Theupoli quæ circa illa tempora vixit, historiam, multa cura ac fide manu scriptam.* Despiciendum igitur, eane contrarium & ab ijs quæ attulimus diversum quippiam prober, an vero potius illa nostra talia sint, ut etiamnum illis quæ in adminiculum ad theseos suæ firmamentum ab adversario allata sunt, refutandis sufficiant; suffectura, (nisi quid hic mihi tribuo aut fallor) facile crediderim, eo quod plurima illorum temporum cum videre contigerit, idque sedulo sum annixus, ut nihil esset quod aut sedulitatem nostram effugeret aut curam, neutiquam reperire quæ ille allegat potuerim. Fateor ægre id mihi comprimis obvenisse, qui cum sciam pro more adversarium hoc habere, ut mutila, trunca, laceraque authorum loca citet, hic demum neque vola relinquatur neque vestigium ipsam rerum gestarum veritatem eruendi, inque lucem protrahendi. Ferendum est, quod ut mutari ne possit, adver-

adversarius egisse videtur. Dico interim, ut ut hic multa magnaque elargiri Anonymo velim, laborare tamen non leviter, eorum quæ ab ipso adducuntur, fidem. Vixit Bajamonis usque ad annum cD ccc xxvi i i, omnemq; quò ad vixit lapidem movit, ut quovis modo in patriam redire posset. Anno cD ccc xix sub initium mensis Januarij, ventilata illius causa fuit, electique bini fuere *pro factis* (verba sunt decreti) *Bajamonti & Petri Quirino & comitatu ejus, quod procurent sollicite & attente mortem & desolationem Bajamonti & Petri Quirino,* data insuper ad id electis potestas, quo propositi compotes fieri possint, pecunias aliquas erogandi, nomina electorum scire si quis cupit, fuere ij *Andreas Michael & Martinus Falerius,* quod quidem tanto post tempore à Patribus decretum neutiquam fuisset, nisi nova aliqua, aut ex insperato emergens causa, ei occasionem præbuisset. Anno item cD ccc xxvi i i, Decemvirale consilium censuit, dandam Francisco Dandulo, id temporis Venetorum Duci, potestatem quam plenissimam, ut tractaret, promitteret, pecunias erogaret, ac nihil intactum relinqueret, quo Bajamontem de medio tollendum curaret. Factum id ea de causa, quod Nicolaus Barozius, cui Macri impositum agnomen, una cum fratribus quos binos habebat, de mutando Reipub. statu Icelesta inijsset consilia, cœterum detecta conspiratione, bini ultimo supplicio affecti sunt, tertius, cui Cataldo nomen, aut corrupta voce Coltano, perpetuis carceribus mancipatus. Author utique ille, ex quo sua compilavit adversarius, dum de verbo ad verbum quæ inter conjuratos dicta facta sunt referre conatur, haud leviter suspectus est, quod earumdem cum conjuratis partium fuerit, eaque memoriæ tradiderit quæ instituto suo magis quam veritati gestarum rerum forent consentanea. Habet interim sese illud quam optime, quod vel invito ipso, adeoq;

ex ip-

ex ipsismet illius verbis, quid de tota re statuendum sit, li-
quido desumere, atque colligere liceat. Ita textus. *Fuisse*
Petro Gradenico sub initium ducatus sui in animo reformare Majora
Comitia, eaque non paritendo numero familiarum aliquot, quæ pro no-
bilibus habebantur, alijsque æquales haud obscure erant, ampliare quò
ne paucæ dumtaxat familie civitatis principes existerent, ac cæteris hono-
ratores, sublato interim modo per quem Cives ac de populo homines ad
majora comitia evadere ac pervenire possent. Notatum id (ut &
hoc in transcurso lectorem moneam) ante me, ab ijs, qui-
bus major exactiorque peritia idiomatis istis temporibus
usitati, Anno c15 ccc x aliter istorum temporum he-
mines loqui solitos, minus nimirum tersè, quam hic author,
cujus nos verba ab Anonymi citata Latinitate donavimus:
utque è scriptis, qua privatis qua publicis videre est, sca-
tebant ea Græcis ut plurimum vocabulis, ijsque non mi-
nus corruptis, quam corrupte scriptis, juxta prolatisque.
Vnde nec immerito addubitare liceat vixeritne author jam
dictus iisdem, quibus quæ commemora, gesta fuere tempo-
ribus, pariterque sitne hac in re fides adversario, qui id ita
se habere nobis persuasum velit, deferenda. In rem præsen-
tem quo veniamus, notandum primo, quod tibi quid in
animo Duci fuerit, author ille edisserit, non de interclu-
dendis, verum de reformatis comitijs, sermonem insti-
tuat. quæ duo quantum inter sese discrepent, vel me tacen-
te, quivis animadvertat. Ita se res habet. Decreto illo, quod
in novissimum Februarij diem anni c15 ccc xcvi inci-
disse diximus, mutatus aliquantum est modus in electioni-
bus, aut, rectius ut loquar, in adlectionibus ad Majora Co-
mitia, ante ea tempora observari solitus; de intercludendis
comitijs, aut excludendis nonnullis, nè verbum quidem
factum est; nisi fortassis eos excipiendos quis dicat, qui
pauciora duodenis à Quadragintavirali collegio suffragia

M m m

retu-

retulerant; quod ipsum quidem, non minus subinde per eos qui eligerentur, multis variisque de causis, quam per eos quorum erat electio, dum secundum legum præscripta minus exacte se componunt, stare poterat. Fidem ejus rei ipsemet ille author nobis facit dum ait, *Voluisse Ducem non pœnitendo nobilium familiarum aliquot numero, quæ pro nobilibus habebantur, aliisque æquales haud obscure erant, ampliare Majora Comititia.* Vbimet ipse de admittendis ait, non autem de excludendis. Asserere adversarius tentavit ante annum 1500 cxcvi omnibus ex æquo accessum patuisse ad Majora Comititia, idque etiamnum hoc authoris sui loco adstruere annititur, qui sane cōtrarium potius evincit, aitque, ampliare voluisse Ducem jam dicta Comititia: quod nulla ratione cum adversarii assertionibus conciliari potest. Omnibus ex æquo illa si patuere, frustra fuit Dux, qui plures ad ea intromitti voluit, pluribus tum demum intromittendis locus si fuit, nequaquam ea omnibus ex æquo patuisse dixerimus. Certum est, jurisque minime dubii, quæ pro se quisque in judicio instrumenta profert, ea si adversus proferentem militare deprehendantur, longe validissima adversus ipsum proferentem, & esse, & reputari. Gradonicus ergo complures familias nobilibus accenseri dum cupit, dum penes pauciores urbis regimen, rerumque summam stare omnino non vult, non de intercludendis sed de referendis patefaciendisque majoribus Comititiis egisse dicendus est; ac si quid actum sit investigamus, dicendum est contrarium ab eo quod Bodinus nugatur, dum *ab omnibus ad paucos transivisse Rempub.* est author; illa nimirum, à paucis potius ad plures, imo à pluribus ad omnes transeunte; haud alio tamen intellectu, quam quo ubi de administranda Rempub. passim hoc opere sermo nobis fuit, modo populi, modo omnium nomine, solos nobiles, (utpote qui soli rerum summæ præfuerunt semper) designavimus. Et quoque hic nobis

bis detegendus error multum insignis, qui non modo hunc authorem, verum scriptorum etiamnum quamplurimos tenuit, tenetque, qui sicubi de exclusione hujus aut illius familiæ loquuntur, aut etiam de earum ad Majora Comitiâ admissione, ita sese componunt ac si de totis familiis in concreto locum id habuerit, cum tamen ex adverso, ad singulos id demum homines, singulaque spectarit individua; ac proinde non nisi in abstracto considerari debeat. Quam sint veta quæ dico ex iis quæ huc usque adduxi constare potest, ac disertim ex iis, quæ de numero eorum qui electi fuere, differui. Indices quoque, quos in Ducario asservari & de facili volentibus exhiberi commonui, faciant id ipsum quam testatissimum. Est nec multis hic opus, verissima esse quæ dixi fatetur adversarius, ac quidem, quod palmarium nobis, etiamnum ore ipsius Iannotti, cum primum quadringentos quinquaginta, mox quadringentos septuaginta, electos commemorat. Id enim si de familiis verum fuisset, ac non de hominibus singulis, ut hoc omittam, factum quam difficilimum id fuisse futurum, debuerat non de singulis loqui sed de familiis. Idem, si familias inter certum præfinitumque numerum coercere studet, ac (ut est annexus) quatuor aut quinque homines ex hac illave familia, totius familiæ nomine venire asseverat, errat certe, estque superius suo loco monstratum nobis, tam falsum id esse, quam quod falsissimum. Ad damus, quod &, quisquis ille tandem fuit, author Bajamontanæ historiæ nunquam de familiis sermonem instituat, verum de singulis duntaxat hominibus, ut patet ex verbis, *omnes illi qui ante quatuor annos majoribus Comitibus inter fuerant*, &c. & nos è vestigio clarum faciemus, manifestumque. Novissimum quod ex illo adversarius urgere videatur posse, est quod ait agitalle hæc Ducem, *Sublato interim modo, per quem cives ac de populo homines, ad majora comitia evadere ac pervenire possent*. Dixit

adversarius, distinctionem hanc inter cives, & homines de populo, sive, ut ille vocat, populares, demum repertam post interclusa Comitiamajora, ita, ut ipso autore, cives sint, qui nobiles cum non sint, dignitatis autoritative aut splendoris quippiam habent, quod eos à plebe seceruat, quod & Iannotti verbis probari posse contendit. Sed enimvero ita si seceres habet, si primitus à conclusis, aut interclusis comitiis Majoribus civium aut petendum nomen, aut arcessenda qualitas, quomodo id accidit, ut interclusa quo tempore fuere Comitiam, ipsi quoque sint exclusi? Amplius dicam. Secundum decretum anni c l o c c x c v i, Quadragintavirali in collegio eundem erat in suffragia, ut qui bis sena retulissent suffragia, ad majora exinde admitterentur Comitiam. Vtique si cives, si plebei ordinis homines id temporis extitissent, eorumque habenda fuisset ratio, ut excluderentur causa non erat futura, sed ita ferente illius decreti tenore, erat omnino necessarium, ut & ipsi admitterentur. Cur autem exclusi fuerint, non alia ratio assignari queat, aut causa, quam quod non extiterint. Neque est quod aut decretum, aut legem, aut aliquod factum, quà comitiorum, quà Ducis, intervenisse dicamus; sola hic, atque unica ratio suffecerit, admitteri non potuisse quos nosset nemo, quosve in rerum natura existere, sciret item nemo. Falsum ergo & hoc quod dicitur, de sublato aut adempto civibus, aut de populo hominibus, modo, quo illi ad majora Comitiam sese penetrare, inque ea evadere potuissent. Rem ipsam penitus inspectanti, nullo negotio, contrarium sese probabit. Nempe mortalium prudentissimi omnes totis animæ viribus ad res præclaras gerendas, deque patria quam optimè merendum ut contenderent, unicè cum vellent, insimul de patria bene merentibus aditum ad nobilitatem patere voluerunt:

luerunt: adque id ipsum, primo quidem gratiæ suæ beneficioque acceptum ferri, mox vero, cum & hic nonnulla sese offerrent incommoda, suffragiis id omne permittendum censuere. Huc spectat decretum ejusdem anni, *Quod D. Dux & Consiliarii non dent hominem novum ad Consilium, nisi captum esset in Quarantia.* Anno itidem cIdcccxxx. Martii die secundo supra vicesimum, *Quod injungatur in capitulari Consiliariis, quod de cetero non debeant dare aliquem hominem novum, ad faciendum ipsum eligi de majori Consilio, nisi primum captum fuerit per majorem partem de Quarantia, existentibus quadraginta congregatis à viginti sursum.* Annis deinde sequentibus, eo redacta res, ut penes quinque Consiliarios, penes tria Quadragintaviralis consilii capita, duas tertias ejusdem consilii partes, easque ad tricenum numerum reductas, ac duas item tertias majorum Comitiorum, steterit. Atque hic quidem nobilitatem consequendi modus etiam anno cIdcccviii tricesimo Augusti die observatus legitur, quo nimirum tempore, multi eo cum aspirarent, Ioannes Nanus nobilitate fuit donatus, atque exinde etiamnum alter quidam. Quod ipsum quæ statim dicebamus de admissis ad majora Comititia hominibus singulis, non autem familiis integris, insignite firmat. Nanorum siquidem familia illis temporibus majorum Comitiorum capax erat. In indicibus mentionem factam invenio Dni. Thomæ Nani ad D. Iustinam, idque anno cIdccclxxx qui quinque post annis, quæstor publicus fuit, cuique etiamnum, ipsi qui in regione Canarégii habitant, Nani, originē debent. Anno cIdccxcviii mentionem fieri Dominorum Marci & Nicolai Nanorum, qui prope D. Ioannis (quem novum Veneti indigebant) fanum id temporis habitabant, quos omnino ante prestitutum ad dicta multoties Comititia eligendi modum, ad illa aditum habuisse necesse est. Atque hi sunt illi Nani, ad quos originem suam referunt Illustris-

simi Eminentissimique Dⁿⁱ. Ioannes ac Baptista Nani, multa virtutum meritorumque laude etiamnum inter Patricios ac Senatores Venetos conspicui. Anno ergo, ut dictum, c^lo ccc vi, Ioannes Nanus nobilitatis suæ novum decus, in eximiorum erga patriam meritorum redhostimentum, tulit, ejusque tandem stirps desijt in Aloisio Nano, b: m: Constantij f. qui anno c^lo 151xvii è vivis excessit. Tres hic Lector Nanorum stirpes videt, binas illas priores, majoribus Comitij nascendi sorte admotas, de posteriore Ioanne n, ac principem quidem, ob bene merita ad idem fastigium dignitatis subvectum. Suffecerint, ut spero, quæ hætenus à nobis dicta sunt, ad ea quæ adserimus probanda, ea vero ut porro quoque ad altera duo loca, quæ ex oratione à conspiratoribus habita citat adversarius, benignus Lector applicare ut ne gravetur, etiam atque etiam rogo. Quin & illud peto, ut hoc quoque loco, paucis respondere liceat ad ejusdem authoris locum, similiter ab adversario ut ut insequenti capite, citatum. Ille ubi de componendis sive ordinandis majoribus comitijs verba facit, licet minus plene ait, *Festo D. Michaeli anni c^lo cc xcviij ordinem supradictum in suffragiis fuisse servatum, non tamen citra contentionem aut confusionem.* Primo enim, festo d. Divi anno c^lo cc xcviij in suffragia itum haud fuit, verum mense demum Martio insequenti, quod disertim evincit decretum anni c^lo cc xcvi mense Februario, cujus hæc verba. *Quod electio Majoris consilij quæ fiet modo usque ad S. Michaelem, & inde ad annum unum.* Si ad annum unum, manifeste falsum est quod allegatur, namque cum Veneti à Kalendis Martijs annum auspicentur, non in mensem Septemb. verum in mensem Martium necessario id ipsum inciderit. Fateor equidem, ignorare me, à quo, aut unde ipse hauserit quæ de contentionibus, deque confusione commemorat, cum, quos hætenus mihi videre con-

contigit, authorum nullus sive manuscriptus ille sive impressus, ne verbum quidem unicum faciat, unde tale quippiam colligere liceat. Cumque ex adverso tam certum sit, quant quod certissimum, ejus quod ipse lubens nobis obtruserit, contrarium obtinuisse. Nempe ultimo mensis Septembris clō cc xcviii minime, verum secundo die illius mensis & anni decretum, non quod in futurum *Majora Comititia* continuarentur utque eadem forma perseverarent, quali tunc erant, id est, ut omnes familiae quæ id temporis ad *Majora Comititia* erant admittæ, etiam absque eo quod ad D. Michaelē recepto more circa hoc in suffragia iretur perseverarent, quæ authoris illius sunt verba, verum, quæ decreti sunt verba, *Quod ipsum consilium super electione Majoris consilii debeat adhuc durare sicut ipsum continet.* Utque clarius apertiusque de intentione constaret ac mente, additum etiamnum. *Item quod omnes illi qui sunt electi, tam de Consilio Rogatorum, quam de Maiori Consilio debeant ire in Consilio de Quarantia, ad unum ad unum, & illi qui habebunt maiorem partem dicti Consilii sint firmi, & illi qui non habebunt maiorem partem dicti Consilij debeant esse cassi.* Estque notandum, illam ipsam quæ à maioribus comitijs usurpari solita erat rejectionem (ita loqui fas sit) pœnæ aut castigationis loco fuisse, adversus eos, à quibus forte nonnulla fuerant privatim gesta, quæ publice minus placerent, id enim si natalium vitio, aut nobilitatis defectui imputandum quis existimet, omnino fallitur, si quis enim minus nobilis ingerere sese, atque introtrudere dictis comitijs fuisset annisus, utrique statutam legibus pœnam, evadere nullus potuisset, recepto jam tum more ut ex albo quadragintavirali nomen illius eraderetur: ut factum anno clō ccc xxxviii in Gabriele Delfino, ad D. Cantianum, supra cuius nomen inducta linea, cum subscriptione. *Non fuit de legitimo Matrimonio.* Quam sint ergo aliena à vero, super quibus adversarius anno clō cc xviii vult delibera-

deliberatum fuisse, jam dicta decreta satis superque com-
monstrant; ac vel illis tacentibus ipsa id naturalis evincit ra-
tio, cum videamus ea haud aliter loqui quam de singulis
hominibus in individuo, non vero de ipsorum posteris, aut
nepotibus; Dicendum ergo haud fuisse id temporis Reipub.
prospectum de perpetuo aut non intermorituro regimine,
sed præstitutam duntaxat comitijs formam, vel ad pauculos
annos, si mortalitatis rationem habemus, duraturam; eo-
que impensius, quod per decretum illud anni c I o c c
x c v i antiquatum fuit, quod prius observatum fuerat in-
stitutum ut absentium ab urbe, defunctorumque loco alij sus-
ficerentur. Faciunt insuper pro nobis indices sive regesta
publica, in quibus de anno in annum, usque ad annum c I o
c c c l i (ulteriora enim haud extant) ita scriptum, *In no-*
mine Dei aterni Amen. Anno ab incarnatione Dn. nostri Iesu Chri-
sti M CCC XXIV. IV Mensis Septembris, indictione VIII ap-
probati de Majore Consilio inter XL. Extat quoque ea ipsa tempo-
re prior, anno nempe proxime præcedenti, quædam anno-
tatio, cujus hæc verba, Isti infra scripti sunt qui ceciderunt ad pro-
bam de Majori Consilio c I o c c c x x i i i Mensis Septembris die
vicecima & vicecima prima, indictione septima, quæ proba facta fuit
secundum formam (onsilij), & secundum modum & consuetudinem
patriæ, fueruntque ij, quorum ibi mentio fit, numero septem
& viginti. Neque dixerit quispiam hanc illam fuisse, quam
globuli deaurati probam Veneti vocant, cujus & his tem-
poribus suus est usus, introducta primitus anno c I o c c c
x i x, quoniam videmus hæc facta mense Septembri, illa
vero proba (recepto, ut ut minus Latino vocabulo, uti li-
ceat) haud alias unquam instituta, quam mense Decembri
ut non uno Decreto, nullo negotio probari posset. Ita & ali-
bi in Decreto, ubi dictum fuit quod qui globulum auratum
uerit fortitus, pro electo sit habendus, adjunctum videas,
Sed

Sed illi qui sic electi erunt approbabitur inter Quarantiam secundum usum illorum, qui eliguntur per Electores, atque alii qui vicissimum & quintum ætatis annum compleverint, ad Majora Comitra admittantur, Facta prius probatione de eo inter Quarantiam, sicut solitum est fieri de aliis qui eliguntur. Quæ cuncta valide firmant, quæ hactenus adduximus.

Superfunt interim nonnulla etiamnum de Bajamontana conspiratione, super qua jam nunc vidimus, dicenda, quo ne quispiam existimet adversarium per illam probare posse, id quod asserit; perinde ac si conspirationi causam id aliquatenus dedisse statuendum sit; quod Majora comitia forent interclusa. Temporis computum si inimus, fuit illa conspiratio totis duodecim annis tempore posterior; utpote quæ in annum c l o c c c x incidit, intra quod sane spatium suppressa indignatio jam dudum eruptura fuisse non immerito credi queat, si qua fuisset modo, maxime si ad plebem Venetam, ac illius sæculi mores, oculos convertimus; nec non si attendimus eam, quam Marinus Bocconus, (de quo mox, ubi eo nos ordo perduxerit, verba facturi sumus) occasionem suggererat. Quod olim ad milites suos tumultuantes Cæsar,

Detegit imbelles animos nil fortiter ausa

Seditio,

& hic usu veniat. quod non emerit in seditionem, quam nobis adversarius præfigurat indignatio, argumento est aut nullam fuisse, aut leviculam, si leviculam dicere lubet, utique suffecerit decennij cursus ad eam ex animis hominum vel stirpitus radicitusque evellendam. Causa conjurandi fuit, non amor in patriam, cui (si diis placet) ob interclusa comitia, grave vulnus inflictum, neque enim tanti temporis inter-

N n n

stitio

stirio erat opus ad occurrendum tanto malo, verum simultates, indignationes, odiaque privatim cōcepta à nonnullis è Quirinorum, Theupolorum, ac Badoariorum familiis, eorumque sequacibus; ac tamen nec hoc ipso quidem casu, omnes istarum familiarum qui essent, huic sese conjurationi, immiscueret, ut ex eo colligere est, quod anno qui conjurationem jam dictam excepit, Badoarium Baccam agnomine ad S. Salvatoris, majoribus Comitibus adscriptum videamus, atque alterum item cui prænomen Marci, ex eadem familia, prope D. Virginis: item prope S. Salvatoris D. Stephanum Quirini ad S. Bassi, D. Nicolaum Badoarium ad S. Paterniani, D. Ianinum Badoarium ad S.^{ci} Marini; Nicoletum Quirinum ad S. Mariæ formosæ, Franciscum Quirinum ad S. Herma-goræ, Nicolaum Theupolum ad S. Apostoli, Ioannem Theupolum ad S. Pauli, Iacobum Theupolum; ac Paulum item Quirinum, ad D. Thomæ, qui omnes si conjurationis illius consortes extitissent, acti fuissent omni dubio procul cum ceteris in exillium, nedum ut in urbe versari, liberum ipsis futurum fuerit, aut, quod longe majus, ad majora comit'a fuerint admittendi. Iacobus quoque Quirinus Marci frater, vulgo dictus de Gente aut familia majore, cujus etiamnum filij conjurationis participes erant, ut ut quid præ manibus esset. haberet ille quam compertissimum, omni tamen ope ac studio conjuratos ab instituto deterruisse fertur, tantum abest ut ejus particeps aut socius esse voluerit. Auctor hujus historiæ, qui eam de verbo ad verbum (ut ut ab alijs calonge aliter tradatur) perscribere velle profitetur, ita tandem subjungit. *Filii, fratres, ceterique necessarii, quotquot isthuc loci convenerant, una cum Iacobo Quirino qua minis, qua blanditijs, qua rationibus, ac quocumque potuerunt modo, conjuratos ab incepto retrahere conabantur. Quin imò Iacobum Quirinum legationi ad Imperatorem Græcum destinatum sese cum videret isthoc tempore, legationem*
recusa-

recusavit, metuens ne forte filij sui in conjuratorum partes se absente pertracti statum Reipub. turbarent; postmodum tamen, cum illi promississent nihil sese molituros adversum patriam, turbaturosve, fide data ad id receptaque, legationis munus sibi impositum ultra haud abnuic, estque profectus Constantinopolin. Post discessum Iacobi Quirini, &c. Evinctum etiam id quod dicimus, quod illis quos diximus Quirinibus Theupolisque injunctum fuit, ut gentilitia insignia commutarent; si quidem enim ipsi conspirationis illius fuissent confortes, si quidem hoc nomine ipsis patria erat interdictum, cui bono futura fuisse cuiquam videbitur, ista gentilitiorum insignium Reip. nomine imperata permutatio, quæ alias in urbe Veneta conspici erat nefas? Eadem quoque de causa omnino superfluum futurum erat, quod a Quirinorum nonnullis, dum hoc modo immunes sese ac conjurationis minime participes antestatum cupiunt, factum constat, nempe quod insignibus suis literam B. interseruerint; ac si dicerent, ut ut scelestam ex eorum gente nonnulli contra patriam iniissent conjurationem, se tamen patriæ amantes, legum patriarum observantes remansisse, ac, quod prima verbi nota designare voluerunt, *BONOS CIVES*. Veram conjurandi causam haud aliam temere quis dixerit, quam quod omnes ex æquo Petrum Gradonicum Venetorum Ducem odio haberent, utpote factorem protectoremque Dandulorum, quibuscum ipsi privatim similitates exercebant, tum quod quoque illo in Ducem electo, insignem Iacobo Theupolo, quem populus acclamationibus suis Ducem creari magno studio ac zelo voluerat, injuriam factam existimarent, (erat autem Bajamontis frater, Iacobus Theupolus) ac denique quod crederent, Ducem authorem fuisse suasoremque belli Ferrariensis, quod ipsi comprimis detestabantur, ac minime è Republica esse prædicabant. Marco quoque, quem de gente seu familia majore vocatum diximus, ablata erat navis

rostrata longa, cui cum imperio prae fuerat, ipsomet etiam-
 num Venetias ad reddendas rationes ablegato. Nimirum il-
 le comitari iussus tutarique mercatorum classem, (Caravana
 vulgo) quæ Græciam Asiamque erat petitura, conspectis
 decem rostratis Genuensium, eam prope Methonem dese-
 ruerat, Genuenses qui prope Tanariam mare infestabant
 pulsus; Cæterum dum Genuenses Oenussas insulas præ-
 tervecti, extrema legunt, ipse veronimium ad interiora de-
 flectit, factum, ut & ex oculis inimicum, & simul classem
 curæ suæ demandatam, quaque etiamnum petiti Ge-
 nuenses erant, amiserit. Gravis præterea eundem Quiri-
 num premebat infamia, utpote qui eo nomine audiret quam
 pessime, quod bello Ferrariensi, sive per socordiam ac metum,
 sive quod ipsi cum Hugone Ducis Ferrariensis filio, secreto
 conveniret, causam acceptæ ad Padum cladis diceretur
 dedisse, quodque castrum Thealdi, quo mox potitus sit Le-
 gatus Pontificis, esset amissum. Obvenerat & hoc, quod
 cum Venetijs Consiliarius esset creandus, eo nomine minus
 contenti fuerint, quod id honoris obvenerat Doimo è Ca-
 naliū Familia, Vegliæ Comite, cui ipsi, quique eorum
 sequebantur partes, omni ope ac modo resistebant, quod id
 ita interpretarentur, ista electione Marco Quirino, velut in
 os exprobratam culpam, subvecto ad id fastigium Doimo,
 qui Ferrariensi bello fortiter & præclare fecerat, assumpto
 tamen resistendi prætextu, quod dicerent non posse digni-
 tatem illam in Doimum cadere, eo quod lex ipsa intercede-
 ret, quoniam ex Histriæ comitibus Doimus erat. Ex adver-
 so stabat pro comite, Iustinianorum ac Michaeliorum gens;
 nec erat ut intra verba res consisteret, prope ad verbera de-
 ventura, unde summa irarum indignandique enata occasio.
 Accedebat quoque quod Petrus Quirinus cui cognomen
 Pissagallo, & Petrus Quirinus, dictus de majori familia,
 scilicet

sefe condemnatos quiritarentur, hic nempe in multam quinquaginta librarum, (moneta Veneta quingentos Ducatos dixeris) eo quod, dum ad Euboeam sive Chalcidem Baili (magistratus id nomen) dignitate fungitur, filius illius Iudæum quendam offendisset, aut, ut quidam volunt, intermisisset. Alter quadragintaviralis collegij sententia damnatus fuerat, quod per vim Marco Morosino præfecto nocturno, seu præfecto Vigilum restitisset; qui pro demandato sibi munere, explorare voluerat ane armatus incederet. Ipse quoque Baiamons Theupolus reus peractus, quod plus quam per leges licebat, pro præfecto arcis Methonensis exegisset, Sportularum nomine, ac publico decreto ad indebite exacta ac percepta restituenda, fuerat condemnatus, quorum summa si adhodiernam monetam comparatio instituat (erant enim duo millia ducenta viginti duorum ysparvieriorum, tale ei monetæ nomen) ad nostri temporis Ducatos trecentos supra millenos assurgebat. Quæ cuncta si jungantur profundæ ac impotenti ambitioni Quirini, ad ea quoque præferox, ac vasta & immoderata appetens Theupoli ingenium, superaddere sicui lubet, næ longe ei quærenda haud erit conspirationis illius causa: qui quidem ipsi, quo studia ad se favoremque aliorum adtraherent, si speciosum circumdare publici boni titulum (ut fere Libertatem everfuri Libertatem præ se ferunt) voluere, nemini præter fidem veri, aut etiam mirum videbitur, quod forte multis demonstrare sint aggressi, ac miserari etiamnum patriæ vicem, perinde ac si ea, sic disposita comitorum electione, multum mali passura, ac multum detrimenti captura foret, atque ob seclusam à maioribus comitijs plebem cæterosque cives, damna ac calamitates longe maximæ reipub. impenderent. Scivisse tamen illos non modo veritatem ab alteris partibus stare, nec quid magis esse è publico

Peraganos sibi villicos adscivisse similiter, qui ad primum occursum, fusi fugatique, locum quo se reciperent haud invenere. ut ut jam ante gravia Reip. inflixissent vulnera, præsertim circa Præfectos annonæ, ac Questores Communis, cuncta rapinis ac vi foedantes, laceratis insuper libris, quos pacis publicæ indigetant, in quibus continebantur infinitæ delationes, inscriptiones, ac querelæ contra maleficos, utpote qui hinc prædæ dulcedine, inde proposita impunitatis spe omnes ad se pellicere essent conati, qui salva Repub. salvi privatim esse haud poterant, idque propter rerum novarum avidi, publica ruina quam sua obterere malebant. Atque hæc quidem de Bajamontana conjuratione dicta sufficiant.

Liceat porro, ut ut in transcursu quoque verbo uno aut altero notasse, quæ adversum nobilitatem Veneram allegationibus suis, non citra livoris ac malignitatis notam, adversarius intermiscet. Quod ipse ignorare sese, male, ac contra veri fidem dissimulat, nos jam ante ostendimus, nempe primos urbis Venetæ auctores, qui sese in æstuaria ac lacunas Hadriatici maris recepere, nobilitatem, eamque multum claram, utpote congenitum sibi ac gentilitium decus, una secum tulisse, relictis sedibus patrijs, in quibus jam ante principes ipsi fuissent, ac rerum domini, ac sic quoque eos haud eo demum nomine nobiles fuisse dictos, aut pro nobilibus habitos, quod penes illos essent dignitates magistratum, ac præcipuæ in repub. functiones, verum eo quod ipsi nobiles essent, ea penes ipsos resedisse; ac si non omnes ex æquo ad dignitates aut gerendos promoti fuerint, id ipsum haud ea de causa factum, quod hi minus nobiles essent, aut illi nobilitate superiores, sed quod rebus gerendis magis essent idonei, & autoritate non minus, quam rerum usu priores. cæteris interim extruendis ædibus, procurandisque quæ publice privatimque ad parandam rerum necessaria-

rum.

rum sufficientiam facerent, intentis. Atque hic quidem non inhumanus modo, sed & barbarus est adversarius, qui hanc priscorum Venetorum æquabilitatem, moderationem ac continentiam proscindere sustinet, non modo ut ignobilem, humilemve, verum sordidam quoq; , ac vilem, abjectamque; quod ut probet manuscriptum illud modo hominis ignoti profert, quod jam nos ostendimus non suspectum modo, sed & manifestè falsum, utque tale nullam prorsus fidem mereri. Hujus autoritate, si Dis placet, fabros, piscatores, nautas ac mercenarios sibi figurat eos fuisse, qui dubio procul mercenarijs operariisq; sunt usi ad extruendas naves qua piscationibus aptas, qua maris patientes ad commercia, nec non & alia cuncta, quæ ipsis in rem tum temporis præsentem videbantur necessaria, & fallendo quoque temporis tædio, inter quæ avium pisciumque capturam pono, idonea. Hanc quoque capturam si sordidam Anonymus putat, fateor me non videre, quam ut eadem ratione, Reges, Principes, dynastasque quoslibet, ut sordidos proscindamus, qui in sua ditione venatui indulgent, cujus loco Venetis, cum medio maris sinu habitarent & continentem haud haberent, avium ea pisciumque captura successit. Neque sane est, ut abjectorum hominum id quispiam putet, cum videamus, hoc ipso tempore, nobilissimos atque illustrissimo genere oriundos eo non modo impense delectari, sed & magnis sumptibus, extructis ad id navigijs, locata ad id non minus opera, qui ea accurent, asservent dirigantque, quæ pro re, proque percipienda ex istiusmodi exercitio necessaria sunt, aut requisita; idque Attalicum in modum, quod utique si unquam hominum fuisset de plebe ac sordidorum, suas ut sibi lordes haberent permisissent dubio procul, neque sese unquam ijs collutulare (ut infra ipsos quæ essent, ac ipsis indignâ) sustinuissent. Fateor non visum hæcenus mihi manuscri-

nuscriptum aliquod exemplar, quod Veneræ urbis primos auctores sordidos fuisse, aut viles dicat: unum interim visum mihi, idque qua singulari antiquitate, qua simplici dictionis ac styli genere, præ cæteris eximium, in quo & earum familiarum, quæ jam tum ab urbis exordio nobiles ac illustres fuere nomina percerentur, ubi hæc inveni. *Antequam de Ducibus, & rebus quas gessere, verba factamus, ac quibus temporibus & quam diu vixerint, recensebimus omnes nobiles, qui in has lacunas habitatum concessere, unde ipsi venerint, & quid ipsi illis temporibus fieri jusserint.* Et paulo post. *Insertus notabuntur omnes familie quæ fuere à principio urbi Venetæ usque ad annum c l o I o c c c c x l.* tam quæ in hunc diem perstant, quam quæ præteritis fuere temporibus, quæque esse deserunt. Notentur modo verba. *Quid illis temporibus ipsi fieri jusserint,* ac patebit uti spero, ut sub quavis petra scorpis, ita & ex detorto verborum depravatoque sensu adversarium ea arcessere, quibus Venetos convulnerare annitur. Quæ de familijs priscis quæque de novis adfert anonymus ea commentitia puto simpliciter, & in suo nobilitatis fundamento primo consistentia si proferre mens ipsi fuit. Neque alia sane esse possunt si quæ largiter huc usque adduximus recte riteque ponderamus, si sanctissima Reipub. Venetæ intuemur instituta, si fundamentum illorum libertatis nobis ob oculos ponimus, ac denique eorum qui de rebus Venetis scripsere monumenta, cum attentione & curâ revolvimus. Feci quod in me fuit, ac quæ perquisitissimo studio, ac sedulitate pervestigare datum fuit, rimatus sum, nihil tamen istiusmodi hætenus liquet, imo contrarium semper affirmatum mihi ab ijs, quos non patriarum modo rerum multum gnaros, sed & extra illas doctissimos veratissimosque, ac quorumlibet Regnorum ac Rerump. statum quam perspectissimum habere expertus sum; eosque ipsos ad eum dignitatis gradum qua virtute sua, qua nascendi

O o o

forte

forte provectus, ut mihi de fide eorum vel tantillum addubitare sacrilegium videatur nefastumque. Quod ergo Anonymus argumenta emendicat à secretis instructionibus, quæ huic aut illi Legato sint datæ, frivolum est omnino: nam cum secretas dicit, ostendit, ut opinor, satis, nec visas ulli, nec temere videndas. Hic largus ipsi fingendi campus, nec est ut timeat repertum iri quempiam, qui cum inani loqui, aut *ψαδολογίας* redarguat. Quid vero iniquius, quam veram prisce Venetorum nobilitatis ac (ita ut loquar) essentialem probationem, externi alicujus principis instructioni aut mandati tabulis, quæ clam habere jubentur legati, velle delatam? Ea ipsa si exhiberi possent, dubio procul etiam manifestum facerent, cui fini, cuive bono data forent istius generis mandata, eo, si quid recte judicamus, collimantia ut disrupto æqualitatis vinculo suspicionum divisionumq; semina in animos nobilium conjiciantur. Est & hoc nomine minus bonæ fidei, ac, ut quod res est dicam, ex professo dolosus adversarius, qui ita sese componit ac omnino unquam aut hoc etiam tempore fuissent existantve familiæ nobiles, è quibus Dacem legere licitum non sit. Testatur usus, testantur annales, testatur omnis ævi experientia, ex æquo Duces ex omnibus familijs nobilibus, ita ferentibus rebus, eorumque virtute, ac meritis electos fuisse nullumque hic præ cæteris eximium fuisse, præterquam quem spectata in Remp. fides, in patriam merita, privatim virtus, in publicum gloria, & ex rebus præclare gestis quæsitum decus præ cæteris illustrem fecissent eximiumque.

CAP. XXI.

*Majora comitia non mutata penitus, sed aliquando
reforma*

reformatâ. Errat lancettus, dum bina tantum Quadragesimaviralis collegii capita ponit. Tria fuere. Index eorum, qui anno 1600 cxcvi in Quadragesimavirali Consilio fuere. Qui fiat, quod hæc aut illa familia majora comitia aliquando non frequentarit. De Dentatorum stirpe propius actum. Varia, quæ majorum comitiorum formam spectant, discussa. Nonnulli digni judicati, qui majoribus comitiis adhiberentur. Anni 1600 ccc lxxix decreto triginta viri in majora comitia adlecti, & quare. Fallit Anonymus, dum sordidæ eos conditionis existimat.

QUæ novissimo Scrutinii sui capite pertractat adversarius, prope est, ut esse dicamus eadem cum illis, quæ quinto capite tractavit, aut saltem ab illis haud multum diversa, & nos quoque, per ea, quæ huc usque à nobis allata sunt, abunde ea confutasse, ni fallor, videri possimus; Dubium non est, quin si lectori fidem facere potuimus jam nunc, penes solos nobiles in omnia regimen fuisse, ipsa per se adversarii thesis corruat, quam prædicto capite tractandam desumit stabiliendamque, Nempe *Libertatem Venetam eorum in manu devenisse, qui publicæ rei habenas moderantur, ceteris ab omni imperio quam longissime semotis, eumque esse hodiernum illius Respub. statum* Quotamen ne vel umbræ somnium apud aliquem resideat, ullatenusve Venetam Libertatem non modo læsura, sed vel libatura leviter, animo cujuspiam suspicio inhæreat, etiam minutissima excutere animus est, & in illis ipsis etiamnum ostendere, quam non candide Anonymus agat. Ac primo quidem, quod adfert de conclusis five in-

reclusis majoribus Comitibus, qua de re tamen quam parcissime annales quippiam memoriae proditum reliquere, nec rotundo, quod dicimus, ore quippiam effari sunt ausi, res ipsa loquitur, non fuisse eam insignem aliquam ordinis jam dudum quam firmitissimi, immutationem, nedum inversionem, sed reformationem verius aliquantillam, utique nullatenus tantam, ut per eam quippiam ex iis quæ τὴν ἀρχαίαν ἐξουσίαν concernerent, aut novari potuerit, aut immutari. Vtique si quid tale tunc introductum fuit; tam alto omnium silentio, aut cæcos fuisse oportet annalium scriptores, aut supine negligentes, quique ad aureum veritatis jubar oculorum aciem applicare non sint ausi, aut denique quibus per leges liberum non fuerit, nudam rerum gestarum veritatem ad posterum transmittere. Cur pro negligentibus, pro cæcis, aut ad veritatis Solem caligantibus eos habere velimus, causam non video; decreta hic patrum aut ulla omnino leges intervenisse, ne Anonymus quidem dixerit. At quoniam decretum sibi aliquod præfiguravit ille, judicent omnes, quam futurum fuerit (posito fuisse, non tamen concessa) decretum istiusmodi periculi plenissimum, utpote quod non potuisset non quam disertissime populo ob oculos ponere, quo loco excidissent, ac proinde dissidiis intestinis fenestram aperire multum largam, cujus & insuper omnino inutilis erat in posterum, ac rebus minus integris futura retractatio, tot consensu præsertim, qui dubio procul id ipsum posteritati tradere haud omisissent. Quæ dicimus, multum comprobat ingenua ipsius Donati Ianotti confessio; nempe, ut ait ille, quæ illius generis plura sunt, non tam apud annalium scriptores reperire est, quam in commentariis privatorum; ac sic quoque, non obscure subindicasse dicendus est, minutula ista, ac ad historicam gravitatem neutiquam assurgentia, ab annalium scriptoribus prætermitti solere.

lere, ac talia potius esse, ut diaria magis ac privatas hominum privatorum observationes, quam ad Annasum monumenta referri mereantur. Sed & nos adseverare fide quam optima queamus, publicis illis quæ dicimus archivis, ea contineri, atque intacta quoque & illæsa, nec ulla sui parte mutila, quibus, ut jam dicere aggredior, quæ libro suo infarcire adversario collibitum est, quam planissime redarguantur, confundanturque. Ita Ianottus, & ex illo auctor Scrutinii, *Quantum ego ex commentariis rerum nostrarum observare potui, erant illis temporibus capita quadraginta viralis consilii Leonardus Bembus, & Marcus Badoarus. Illi, &c.* Idem porro quod in novissimum Februarii diem, anno c l o c c x c v i decretum factum fuit, enarrat, idque bifariam, pro ut jam ante id à Ianotto fuerat narratum, nec non, prout illius author ille, qui Bajamontanam conjurationem scripto complexus est, memoriæ proditum reliquerat. Veritas, ut novimus, non est nisi una sola, quæ si varie tradatur narreturque, idque præsertim iis in rebus quæ per se totam gestarum rerum faciem intervertere queant, dubium non est, quin talia qui narrant, quam longissime alter ab altero recedant, idque necessarium. Si cui hic lubet, citra præjudicium, quæ gesta sunt istis temporibus, inter se componere, ipsaque decreta Patrum, rebus aptare, aut res decretis, videbit, non illud minus quod à Ianotto allatum est, quam & alterum illud, quod ex dicta multoties historia citat, falsi vitio laborare, idque illis in articulis, qui ad quam penitissime perspiciendam ac dijudicandam ipsarum rerum veritatem, faciunt quam maximè. Error est in eo, quod duo solummodo capita fuisse vult quadraginta viralis Consilii, cum tamen semper tria fuerint. Id ita verum esse superius jam vidimus, cum decretum anni c l o c c l x v i i i adduximus, cujus autoritate, jam nunc probatum nobis, in ea usque tempora eorundem haud alium fuisse numerum;

ut & esse illos eodem numero hoc ipso, dum huc scribimus, momento quam exploratissimum est, neque ullam omnino circa hæc, (qui alter etiamnum Ianotti est error) mutationem obtigisse quispiam commonstret. Notandum denique quod neque Marcus Badoarius, neque Leonardus Bembus, novissimo Februarii, anni cIo cc xcvii, quadragintavirali collegio interfuerint; verum Ioannes Bembus ac Badoarus Badoarius, ut ex indice decretorum prædicti quadraginta viralis collegii observare atque desumere est. Sed nos qui toties ex archivis publicis nostra roboravimus, & hic lectori satisfaciamus. Ita Index Anno cIo cc xcvii Indictione X. (notetur secundum Venetorum morem indictionem decimam incidisse anno prædicto in mensem Septembrem, postquam tamen ille jam plus dimidio effluxerat) *Isti sunt de consilio de Quarantia à Ianuario in antea,*

De Tribu Sancti MARCI.

Iacobus Bragadeno.

* *Joannes Bembo.*

Joannes Superantio.

Andreas Dauris.

Paulus Michael.

Rainerus Venerio.

* *Gabriel Marcello.*

Marcus Antolinus.

* *Joannes Acotanto.*

* *Orius Pasqualico.*

Petrus Cuvio.

Hentichus

Henricus Minio.

Andreas Susenulo.

Nicolaus Viadro.

* *Iacobus Polini.*

Gabriel Vero.

Philippus Corasius.

* *Marinus Ruffini.*

Petrus Faletro.

Iacobus Vitalis.

* *Andreas Maripetro.*

Marinus Gradenico.

Marinus Businago.

Nicolaus Secrero.

* *Ioannes Orio.*

* *Ioannes de Canali.*

Thomas Trano.

* *Severinus Babylonio.*

Petrus Gansoni.

Iacobus Zorzi.

Ioannes Marignoni.

De tribu CANAREGII.

* *Vitalis Cornario.*

Zancolus de Multo.

Ioannes Delphino.

Ioannes

Ioannes Ghili.
Iacobus Bafeglo.
Marcus Laurezano.
Petrus Baldus.
Andreas Zeno.
Nicolaus de Canali.
Bocassius de Priolis.
Nicolaus Pissamanus.

De tribu D. PAVLI.

Andreas Sanudo.
Gabriel Dandolo.
Marcus Quirino.
Joannes Foscareno.

De tribu DORSI DVRI.

* *Petrus Manuleffo.*
 * *Andreas Mauroceno.*

De tribu Sanctæ CRVCIS.

Franciscus Contareno.
Badoarus Badoario.
Andreas de Molino.
Flabianus Nicola.

Iacobus

*Jacobus Mègliani. Angelus de Pescaro.**Marcus de Scala. Nicolaus Menotto.*

Quos alterismo notavimus, ij id temporis è Quadraginta-
 virali consilio dimissi fuere, inque aliorum magistratum lo-
 cum suffecti, qui id temporis aut ab urbe aberant, aut vitam
 cum morte commutabant: atque eum ad modum, in ho-
 dierum usque diem in omnibus omnino quadraginta viralis
 consilij indicibus nomina eorum perscripta conspiciere est.
 Cæteri quorum nomina signata non sunt, numero sunt tri-
 ginta & novem, factumque forte, ut quia vergebat ad finem
 præstitutum isti consilio tempus, ut in eorum qui deessent lo-
 cum alii tum temporis haud fuerint electi. Sintque interim,
 qui quadragenarium numerum excedunt substituti in absen-
 tum locum. Quod ipsum evidenti argumento evincat illud,
 quod videamus Ioanni de Canali, cujus nomen inter illa est
 quod signavimus, substitutum fuisse Nicolaum de Canali;
 cum tamen ex eadem familia binos ad quadraginta virale
 collegium eodem tempore admittere non liceret per leges.
 Nec obstat quippiam, quod cum quadragesimo numero
 adscriptum videamus illi collegio; fieri enim de facili po-
 tuit, ut prior ille antequam cæteri comprobati forent, col-
 legio egressus fuerit, recepto ut jam ante notavimus, ac de-
 creto anni c^lo cc lxxxviii firmavimus, more, ut ap-
 probatio ista diversis vicibus ac temporibus fieret. Adversa-
 rium nos interim sequamur. *Narrationem*, inquit illo, *eccum*
multum imperfectam quaque quamplurimis dubitandi rationibus mi-
nime sit satisfactura, &c. Certe si quas habere sese simulat du-
 bitandi rationes adducere voluisset, ut Venetos sciens omit-
 tam, me sane hominem Batavum invenisset, ad eas ipsius
 animo eximendas quam paratissimum: suppressisse interim
 eas credo, quod per se videre potuerit, nullas eas aut leves
 nimium futuras. Quod tamen aculeum aliquem legenti im-

cogitationibus hoc nomine infigere cōatur, ut aliud nihil dicam, est, ut ait illē, nigræ succus lolliginis, & ærugomera. Atque hæc quidem adversario refutando suffectura videatur. Cœterum, nec inutile sit nec inconveniens, uti nonnulla insuper tractemus, ac lectori ob oculos ponamus, è quibus & quam planissime constare possit, quam subdole, quam perverle maligneque, ille agat, ac quam ne eorum quidem, quæ pro Sybillæ folijs nobis obtrudere satagit, satis fuerit gnarus.

Vtique mirum haud foret, si post legem anno cIo cc xcv i latam, hæc aut illa reperta fuisset familia, e qua nemo majora Comititia frequentaverit, puta eo quod ad paucos esset redacta, quod, si qui ex illa essent, publico privato nomine urbe abessent, infantes item essent, aut ob senium depontani; ac postmodum tamen, si quando eps qui abfuerant reverti contingeret, infantes quoque ubi ad legitimam ætatem pervenissent, ilico dictis Comitijs, ad quæ nascendi fors, atque inde quæsitum jus, manu velut ducebat, fuerint admoti. Ita factum observamus in familia Dentatorum (Di Dente Venetis) quæ una ex ijs est, quas adversarius nominatim citat, eorum nomen in indice Majorum Comitiorum perscriptum, jam ante prædictum annum cIo cc xcv i reperitur, ab illo vero anno, usque in annum cIo ccc xi, nullus est index, qui alicujus ex ista domo habeat nomen; atque illo demum ipso videas Thomam ac Nicolaum Dentatos nominari, ac anno postmodum cIo ccc xvi præter jam dictos Petrum, Albertinum, eorumque filios Naufrum ac Marcum Dentatos. Neque est, ut quispiam sibi imagineatur, eorum ante illa tempora, quadragintavirali in consilio, in suffragia itum cum foret, habitam haud fuisse rationem, ac sic neque approbari meruisse, quoniam id verum si foret, relatum procul dubio foret in acta publica, ut obvenisse videmus.

mus anno cło ccc xxxi Paulo Griglioni cuidam, de quo sic in actis *Cecidit ad probam*, & anno cło ccc xxxvi similiter cuidam Natali Mauro, ac multis alijs, verum annis similiter diversis, quale quid in hac Dentatorum gente, locum habuisse, aut reperiri, nemo est qui dicturus sit. *Simon Verardus* anno cło ccc xii ad majora comitia admotus legitur, eo nomine, quod Bajamontana, cujus præcedenti capite meminimus, conjuratione, quam optime de Repub. meritis esset: verum id singulari deputatum beneficio; quale quidem in ipsum conferri Quadragintavirali collegio placuit mense Decembri illius anni, die, ni fallor, tertia supra vicesimam; ac simul quoque Majoribus Comitibus mensis Februarij die sexta. Atque id ipsum est in quo aut fallitur, aut fallere nos vult adversarius, dum cum postlimino Comitibus redditum putat, qui tum primo ad ea fuit admissus. Defecit in illo Verardorum gens, ac sic quoque decretum cessavit, cujus beneficio, prædictorum Comitiorum jus obtinuerat. *Ballochinorum Bendelottorum Betengliorum Trunfanorumq;* (istas enim gentes adversarius enumerat) nomina, in dictis libris scripta non inveniuntur, nec aliud dicendum quam quoad ipsorum aut à Comitibus exclusionem, aut restitutionem, quidquid adversarius commemorat, fictitium esse, nec aliunde probari posse, quam solâ ipsius assertione, nullo authore qui idem tradat, firmatâ. Nobis quoque ex ipsis adversarij narratis haud immerito, aut male, ita argumentari liceat. Si nobiles quarundam familiarum viri, quorum anno cło cc xcvi ratio habita haud fuerat, quive, ut ipse vult, exclusi fuerant, postmodum ad ea sequentibus annis admissi fuere, omnino dicendum, factum id ideo fuisse quod essent revera nobiles, atque eo nomine Majorum Comitiorum capaces: si ex adverso locum id nullum habuit in universa plebe, aut privatim in aliquo plebei ordinis, nisi speciali

ciali indulto gratia ac concessione prævijs, ut jam ante vidimus, dicendum omnino quod res est, plebem nempe imperij participē haud fuisse, ac proinde quoque falsissimū esse quod ab illo demum tempore Reip. moderamen, ab omnibus indistincte, ad solos nobiles translatum sit, utpote qui sine ulla intercalatione jam tum à principio rerū summæ præfuisent.

Ipsa porro divisio, quæ ex eadem stirpe nobiles recenset & ignobiles, unde ortum ducat, notatu difficile haud est, cum multoties obvenire videamus ut è duobus fratribus, hic legitimam prolem post se relinquat, alter non nisi liberos naturales; neque dubium, quin ex priore illo progeniti dignitatem capaces nobilesque sint futuri, cæteris exclusis, utpote quos nascendi fors isto jure privaverit.

Equidem quid referat, cuive bono, adversarius scire velit quo numero Majora Comitia absoluta fuerint, causam non video: coeterum tamen quoniam & hac in parte ejus desiderio satisfiat, sciat ipse anno c I o c c c x i, id est, anno proximo à Bajamontana conspiratione, eos qui majoribus Comitijs interfuerint, mille ac septendecim numero fuisse.

Post Bajamontanam illam conspirationem, speciali indulto ac gratia, quinque viri, non vero quinque familiæ, judicati sunt digni, qui prædictis Comitijs adhiberentur, utpote qui suis in Reipublicam meritis, id essent consequuti, ut dignitatis illius capaces Patres agnoverint. Anno c I o c c c x i, novissimo Aprilis quadragintavirale Consilium ac capita quadragintaviralis Consilij (qui duo Magistratus conjunctim ubi quid delit erant, Comitia Minora vocari solent) decrevere, *Quod Nicoletus Papacisa possit eligi de Majori Consilio*; Paucis post diebus idem in *Quarantia* (noto hic ac recepto vocabulo uti liceat) firmatum, inque Majoribus Comitijs, die tertia & decima mensis Iunij. Eodem anno, similiter mense Junio, minus Consilium idem de Marco Donato.

Donato decrevit, firmavit Minoris Consilij decretum quadragintavirale collegium, cujus Majoribus Comitijis die nono ac vicesimo mensis Iulij, probatum placitum. Idem in Ianino Papacisa observatum, quem primo consilium minus, mensis Septembris die primo, vicesimo sexto Decembris quadragintavirale Collegium, ac mox Ianuario insequenti, Majora Comitia, eadem dignitatis prerogativa ornatum voluere. Idem per eosdem tramites & gradus eodem anno Mathæo Stornello honoris collatum. De Simone Verardo jam ante diximus. Atque hi illi quinque fuere, quos singularim (neque enim id ad eorum familias extendi aut posse aut debere jam ante luculenter ostendi) majoribus Comitijis admotos, archiva testantur. Quod adversarius ait quindecim una eademque vice ad majora comitia admissas fuisse familias, ego falsissimum esse affirmo, ac ut dicti sui iustas probationes adferat, quæve fuerint, ac quando introductæ, quæve de causâ, ut demonstret, peto. Ab anno cId ccc xii usque ad annum cId ccc xxxvii, majoribus Comitijis admissos ullos haud invenio, præter paucos Nobiles Venetos; qui Acirensium oppido in Reip. dirionem redacto, postliminio in patriam erant reversi. Pauci etiamnum bene de Repub. meriti, bello quod inter Ghuenses Venetosque ac nonnullos Italiæ ac Dalmatiæ regulos, (tales eos non male dixerimus) exarserat, eo sese subvectos videre, sed non jure suo sibi ve quæsito, ut nobiles, verum singulari beneficio atque indulto, ut cæteros illos, de quibus verba jam feci, co-penetrasse notatum. Anno deinde cId ccc lxxxix cum belli quod ad Edronem sive Fossam Claudiam vario successu Respub. id temporis gerebat, magnitudo, ærarium non leviter attenuasset quo promptiores paratioresque ad succurrendum illius necessitatibus cives redderentur, lata lex in Consilio Sapientum Belli (ita eos Veneti vocant)

primo Decembris die, *cujus hæc verba. Vadit parv ad hono-*
rem Dei, & glorioſæ virginis Maria, & Protectoris noſtri Sancti
Marci, & totius curiæ cœleſtis, ut ſua pietate dent nobis contra in-
imicos noſtros victoriam & honorem, quod ex nunc ſit captum, quod ve-
niente tempore paci, & factâ pace cum inimicis noſtris, Conſilarii noſtri
Venetiarum, & capita de Quaranta qui ſe reperiem, ſub pœna Duca-
torum mille pro quolibet, teneantur infra quindecim dies facere vocare
ſub pœna ſolidorum centum, & facere congregari Conſilium Rogatorum,
cum additione, & Conſilium ſapientum Guerra, quod tunc erit, & ipſiſ
congregati ſiat Scrutinium, ſecundum unum in dicto conſilio, ita quod
quilibet de dicto Conſilio poſſit accipere unum qui ſibi placuerit de noſtro
Majori Conſilio, & ſaſto Scrutinio, probentur omnes electi, ad unum
ad unum in dicto Conſilio & illi triginta qui habebunt plures Ballottas
alijs, ſint firmi de noſtro Majori Conſilio cum ſuis heredibus, licet non tranſ-
ſiderent medietatem conſilij, per illum modum, & cum illis conditionibus,
ut ſunt alij noſtri nobiles. Eodem inſuper die, idem Conſilium
cenſuit, ut inter illos qui de Rep. illa occaſione eſſent be-
ne meriti, tria ducatorum millia annua quoad viverent di-
ſpartirentur, adjectâ legi clauſulâ, Quid nullus nobilis Venetia-
rum poſſit ullo modo habere aliquid de pecunia ſupra dictâ. Porro ut
& exteris rerum bene geſtarum non ratio minus, quam gra-
tia conſtaret, placuit ut exteros, qui ea occaſione, fortiter
pro Repub. feciſſent, in civium numerum adſciſcere liceret,
ipſique quibus cives immunitatibus ac privilegijs fruere-
tur. Ejus quod jam recensuiſmus decreti vi, xum in ſuffragia,
ac e multis tandem triginta (de hominibus non de familijs,
ut non ſemel dictum, ſermo hic nobis) ad Majora Comitia
admiſſi fuere. Nomina eorum, ut ut ea recitare poſſem, ſu-
perfluum ſit moleſtumque hic referre, quod eorum qui ad-
miſſi fuere, aliorum, ſuper quibus ſimiliter deliberatum, ſed
qui ſuffragiorum numero deſtituti, eam dignitatem obtine-
re haud potuerunt, nominibus permixta ſint: cum alias quot
unus-

unusquisque pro se suffragia habuerit etiamnum memorare possim. Suffecerit, ex omnium numero remansisse triginta, inque Majora Comitia alleetos fuisse. Remansisse cum dico, quivis ut opinor capiat, me non de familijs verum de singulis individuis verba facere, alias enim publicatione nominum eorum qui remansissent, eaque separata, atque ad singulos repetita, opus minime fuisset. Ut videmus inter illos triginta, quos remansisse diximus, fratres fuere Polus & Iacomellus Trevisanus, Ioannes & Nicolaus Garsonus, item fratres, Petrus & Marcus Zaccharia, Antonius & Ioannes Arduce, si enim tota eorum allecta fuisset familia, dubium non est, quin uno remanente, aut vocato, ceteri quoque remansissent, aut forent vocati. Accedit, quod & illa quoque eorum qui remansissent publicatio, non potuisset non esse coeteris, qui se exclusus viderent, in opprobrium. Quod in illorum electione, *ratio nobilitatis aut antiquitatis stripsis*, ut adversarius vult, habita non fuerit, fieri fortasse potuit, siquidem enim illi genere nobiles fuissent, super ijs in suffragia ut iretur, omnino opus haud erat: fuissent enim, ut vidimus, in se considerati, jam tum Majorum Comitiorum capaces: quod tamen abieetos omnino aut sordidos fuisse adversarius vult, id vero falsissimum est. Fidem fecerit, quod inter ipsos illos qui suffragiorum numero destituti, pro reiectis (ita Veneti vocant) habiti fuere, Biasius Moecoenicus reperiatur, cuius nomini additum in Archivis, vitæ quod elegerat genus, ac pannis coemendis vendendisque vacasse demonstrat. Quod sane vitæ genus cum nihil minus sit quam abjectum & sordidum, unusque Moecoenicus sit, cuius nomini adjunctum sit, eum pannorum exercuisse mercaturam, neque male ex eo ipso colligere liceat, haud alio quam ibi expresso nomine minus placuisse, aut ad Majora Comitia admotum haud fuisse. Quid de sordidis atque abiectionis
vita

vitæ ac professionis hominibus facturos fuisse statuendum sit, vel metacente quivis colligat. Quinimo, si, ut adversarius vult, post interclusa Majora Comititia, ij qui nobiles haud erant distincti fuere in cives, id est, lautioris conditionis ac fortunæ homines, & artifices, id est, prioribus illis inferiores minoresque, quæ hic veri similitudo, quod nempe priores illi, quorum maxime intererat patriam esse salvam, qui sua bona cum Rep. communia quodammodo habebant, qui non alibi tranquillius suaviusque aut magis etiam in luce hominum vivere possent, quam in urbe Veneta, non Italiæ sed Europæ, sed orbis oculo, adeo male animati in patriam fuerint, adeo sui officij immemores, adeo consequendæ quam amplissimæ dignitatis parum cupidi, ut hic sese à plebeis superari passi sint? Quis hic item credat, homines de plebe, viles sordidos, abjectos, qui ægre vitam sustentarint manuum suarum ope, quidquid corradere, quidquid in victum & amictum conquirere potuerint, profundere voluisse, ac tanta quanta nec unquam possedissent, nec possessuros unquam se vel spe præsumere ut auderent, ulla erat ratio, Reip. impendere voluisse, ut eo modo ad nobilitatis apicem aliquando subvehi possent? Vtique nemo. Cum ergo huc usque visum nobis sit, triginta illos, non simpliciter, sed per suffragia ac proposito æque grandi numero electos cæterisq; antelatos fuisse: cumque & ex ipsa electionis illius tabula constet inter cæteros electum fuisse Carefinum quendam, qui magni Cancellarii dignitate id temporis fungebatur; ecquis adeo impudens sit, ac perfrictæ frontis ut aliter vel suspicari audeat, quam fuisse illos melioris conditionis ac notæ mortales, qui tum ad majora comitia electi fuere. Vtique electores ipsos circumspicite hic & cum delectu egisse, evidenti argumento sit, quod cum meritum in Remp. rationem unice sibi habendam scirent nec in honorem

norem eorum, in quorum consortium illos erant allecturi, peccare voluerint, nec in virtutes eorum, quos de patriâ bene meritos agnoscerent. Omne ergo punctum tulisse sunt dicendi dum hinc eos ad majora comitia eligunt, qui dignatione, autoritate, atque opibus, ad nobiles quam proximè accederent, illinc, novenis Ducatorum millibus, ad vitam in ceteros annuatim erogatis, patriâ in fortes bonosque cives affectum prolixum, luculentamque testantur humanitatem.

C A P U T. XXIII.

Valeriorum gens ad majora comitia admissa: Circa hæc hallucinatio Anonymi. Jannotti, & Justiniani fides elevatur in historia conspirationis Marini Bocconis. Locus Justiniani sub examen vocatus. Vera ac genuina causa Bocconianæ conjurationis. Author historie conspirationis, & Justinianus hic sibi adversantur. Carefini auctoritate omnia firmata. Populus Bocconianæ conjurationi se non immiscuit. Mens & ratio legis anno c l o c c x c v i latæ. Anonymus gladio suo jugulatur.

Vidimus huc usque errare adversarium ac falli, quod ob interclusa Comitia, si quid ipsi credendum, quam plurima eaq; gravissima incommoda Reip. statum affligerint. Atque hoc quidem à nobis præstitum si fuit (ut abundè præstitum putamus) res ipsa loquatur vel me tacente, cum quidem nulli mortalium, cui quidem ad illa jam tum antea aditus patuerat, interclusus fuerit accessus, causam subesse

haud

haud potuisse, ut exclusum sese quisquam doleret, ac minus etiamnum uti sollicitos ipsum patres haberet, quo pacto eorum animi placari possent, qui sese Comitibus prohibitos agere ferrent. Quoniam tamen ipsi etiamnum ad privata descendere visum, ac Chronici, nescio cuius, autoritate sese tueri; operæ sit, ut & illa silentio ne premam, quæ de Valeriâ gente, Majorum Comitiorum Regesta, sive indices, ad posteros transmittunt. Faxo ut hic ex ungue leonem omnes agnoscant, ac, quod est apud Poëtam, crimine ab uno discant universa. Verba sunt adversarii. *Disertim de Valeriorum gente Chronicon ait, illam ad majora Comitibus non fuisse admissam, quod tamen sublatum postea metu seditionis, eo quod gens illa multum esset unita.* Constat vel hinc, esse comprimis magnum robur Veritatis: ea ut ne quid ab eo, quod Anonymus statuit, diversum statuamus aut statuendum putemus vel nolentes cogat. Non unita modo illis temporibus, anno nempe MCCXCVI erat gens Valeriorum, verum (fas ira sit loqui) unitissima: quin imo nisi unum ex illa mortalem superfuisse confitemur, necesse est dicamus totam è medio fuisse sublatam. Unus ille primus supremusque Valeriæ gentis Nicolaus fuit Valerius, quem dicti mox indices ajunt fuisse è tribu sive regione Dorfi duri, Hic novissimo Septembris die anno MCCXCVI electus fuisse deprehenditur Anno insequenti, die septimo supra vicesimum mensis Octobris, nec non Anno MCCXCV nulla ipsius sit mentio. Idem tamen exinde, ac quidem tribus annis continuis, pars fuisse Majorum Comitiorum deprehenditur, neque alius quispian, qui ei cognominis fuerit, inventus huc usque; aut ejusdem quoque tribus. Constat nempe sibi consueta designatione, quæ fuisse eum *De tribu Dorfi duri*, legentibus exhibeat: ac nec designatio duntaxat, verum rubrica quoque, cujus ipsissima verba; *Isti sunt de Majori Consilio, qui approbati* fuere

fuere inter x l. Vel adversarius agnoscat, directè hæc contraria atque adversa esse iis, quæ ab ipso traduntur. Subjungit porro idem noster adversarius, id ipsum, tot tantique placandis neutiquam par fuisse. Dicendum hic denuo, mirum haud esse in errores innumeros si quidem incurrat, qui erroneo in principio fundamentum ac basin ejus, de quo verba facturus est, locare contendit. Omnino etenim impossibile est, ut cum quæ de Valeriorum gente præcessere, falsitatis quam manifestò redarguantur, cætera porro, quæ ex istiusmodi præmissis inferuntur, solidâ veritate se aut probare aut tueri possent, quisquam credat; ut ut ea talia sint, quibus aliquam veri fidem circumdare ac conciliare possent videatur Marini Bocconis contra Reipubl. statum conspiratio, ipsis Petro Iustiniano ac (qui adversario pro oraculo est) Donato Iannotto narrata. Ostensum jam ante nobis, quibus authoribus sua tueatur è duobus illis postremus, ac proinde quoque quantum ipsius scriptis deferendum sit fidei, pensculatim despeximus. Ipsum quoque Iustinianum errare si potuisse dicamus nemo sit qui nos redarguat; Nam quod ille hanc conspirandi fuisse causam innuere ac præ se ferre videtur, quod non omnibus ex æquo accessus ad Majora Comitata patuerit, utique toto sæculo illius natales præcessit. Hic quid mirum si aut perperam tradita, aut perperam credita, & in omnem eventum nihil minus quam vera, posteris commendavit pro veris aut certis? Nunquam aut hujus, aut quæ præcessere sæculorum, foelicitas tanta fuit, ut non subinde multis aut rumoribus aut male acceptorum, ac pejus etiamnum transmissorum sub involueris laborarit fides veri, quam tamen æternum præmi, ut ut mortalium industria defecerit nec tempus sinat. Si debitam tantis rebus vigilantiam ac curam adhibuisset auctor ille, si quâ par erat, sollicitudine pervestigasset quæ posteros nescire

Q q q 2.

voluit

voluit, aliter utique scripsisset, neque tam à vero aliena chartis suis illevisset, quidquid est, neutiquam commisisset ut illâ temeritate suâ, si quæ unquam fuit, inconsultâ, imprudentiaque, malum sibi, malum ingens suo foetui ipsemet arcefferet, Censoriam scilicet istiusmodi notam, quæ etiamnum in archivis inter Patrum decreta adservatur, quamque, dum hæc scribo, teneo manu. Inferendam operi putarem nisi accommodandam erroribus aliorum veniam scirem, idq; ei comprimis, qui errare ac labi, inter humana putat. Non peccabo in defuncti memoriam aut manes: quæ dixi, necessitas extorsit. Sed & unicè cavendum duco, ne per alicujus Jatus petatur, convellaturve rerum gestarum non temeranda veritas. Ut tamen interim Iustiniano fidem constare posse clarum fiat, ac falsa nihilominus esse ac commentitia, quæ ex illo nobis Adversarius obtrudit, ita Iustinianus, *Ad id prorupisse nefas ferebatur, ut injuriam vir nequam ulcisceretur, quâ affectus est, ut ipse existimavit, ab eâ die, quâ Comitibus oclusis Gradonico Principe auctore, Patritia dignitatis, repulso Plebeio ordine, ratio habita est.* In quo loco nonnulla merentur observari. Ac primo sane verbum illud *ferebatur* satis evincit, ne Iustinianum quidem, pro irrefragabiliter veris, ea quæ scribat, haberi velle. quorsum enim verbum illud, dubiis aliorum narratis ac nihil ex certo trahentibus relationibus accommodum, utique veritati quæ semet ipsa contenta, rumorum ambigua deridiculo habet, nequaquam conveniens? Ponderanda quoq; hic verba quæ parenthesi inclusa historicus voluit, hæc nimirum [*ut ipse existimavit*] quæ quisquis è propinquo intueri volet, quidquid id injuriæ dicendum est, non id ipsum in eo constituisse, quod revera comitiorum interclusio in ullius injuriam, damnum, contumeliamve vergeret, sed quod id ita interpretaretur ille mortalis. Agnoscenda itidè hic nobis candida ac simplex veritatis in illo scriptore simplicitas, quæ dum vulgato recepto-

ceptoque loquendi modo de interclusis comitiis (nequis & nobis vitio verat vulgato hac in materiâ sermone usos, aut à nobis dicta in diversam à mente nostrâ ac veritate sententiâ distorqueat) loquitur non ait *expulso plebeio ordine*, verum *repulso*. Ut Iustiniano conveniat cum adversario, *expulsum* fuisse ordinem plebeium, dicere debuerat, *non repulsum*. Eorum quæ extra nos posita desideramus compotes fieri aut evadere si non potuimus, repulsam tulisse dicimur, at vero, cum iis deturbamur quæ nostra sunt, cum è possessione depellimur, orbamur jure, si quando nobis usus privilegiorum nostrorum, ac eorum potissimum quibus aut legum vis est aut contractuum, interdicitur, nemo sit qui repulsos hic potius, quam expulsos, deturbatos ac spoliatos dicat. At quid in verbis hæremus? autor ipsemet ita cum dicit, *Dignitatis Patritia ratio habita est, repulso Plebeio ordine*, satis ostendit, non id actum fuisse ut plebs è Comitiiis expelleretur, sed ut prohibitâ à jam dictis Comitiiis atque abarcitâ plebe, incontaminata atque sincera patriciis sua dignitas constaret. Est & in transcurso notandum, manifesto hic dissidere à Iustiniano Iannottum, à quo tanquam à teste jurato veritatem Anonymus deducere videri vult. Iannottus anno M C C X C V I latam de intercludendis Comitiiis legem dicit, Iustinianus id factum tradit *Gradonico principe auctore*. Sed nec primus hic est aut unicus error, cui se involvit. Illud probare annititur, idque autoritate Iustiniani, ac sic porro ex ipsâmet historiâ, quæ conjurationem illam Bocconis descripsit, causam dedisse isti conjurationi, quod interclusa forent Majora Comitii; victus interim veritatis vi diffiteri minime ausit eodem ipso contextu conjurationis illius exordia ad privatas injurias referri. Ita conjurationis illius Historia, cuius nos verba in eorum gratiam, qui Italicam linguam non callent, in Latinum Sermonem convertimus.

dam *Martinus Bocconius*, extitit, qui cum aliquot sociis suis cum jam oclusa forent comitia tanto impetu fores pulsavit, ut Dux metuens ne sequens quippiam obveniret, dissimulato metu eos intro ad se accedere jufferit. Cæterum ei quique eum sequuti fuerant laqueo cervices fracta inter duas columnas, non obstant eo, quod Bocconus ille jam tum ante conquestus esset intolerabile sibi videri à xli Viris, quorum nemo esset de populo, prout deliberatum fuerat Duces legi. Altera querelarum ei causa, quod Dux creatus esset *Petrus Gradonicus*; ac disertim antestabatur alios ipso Sapientiores ac mentis potiores viros nobiles ista electione fuisse præteritos, qualis erat procul dubio *Iacobus Theopolus*, quem omnis populus Ducem acclamasset. Atque hinc conspirationem exorsus est, quo Duce de medio sublato Reip. de altero Duce prospiceretur, qui magis è publico bono foret. Cæterum detecto illius molimine, &c. *Iustinianus* ex adverso super hoc ipso facto, sic disertim, Publica igitur libertati *Bocconius* insidiatus, principem Senatunque obtruncare statuerat, adjuvabaturque ab hominibus sua factionis, quos ad id præmissis ingentibus pellectos, sceleris sui socios habebat, Sed in tanto rerum discrimine, divina favente Clementia, conjuratio patefacta est, Et paullo post; Ad conjuratos opprimendos viri fortissimi mittuntur, qui parvo negotio *Bocconium* & socios sceleris, Improviso in propriis adibus interceptos, in suam ad unum redigunt potestatem. Flagiti convicti omnes, ad geminas columnas laqueo publice necati sunt. Hactenus ille. Nos si inter se utrimque narrata quæ sunt componere velimus, nullo negotio deprehendemus ea ipsa, quodque palmarium, in summa rei sibi invicem esse contraria. Historia illa ne verbo quidem ullo, quod adversarius lectori persuasum velit, innuit, causam conjurandi inde enatam, quod interclusa forent Comititia Majora. *Iustinianus* non meminit impetus illius qui in ostium aut valvas, quo loci Comititia habebantur, factus fuisse narratur Idem *Iustin.* propriis in ædibus interceptos ait conjuratos, one detectâ, quod haud leviter facit ut illa quæ de illo im-

impetu allata sunt minus credibilia videantur. Historia nobis multoties jam dicta non meminit aliquatenus, conjuratos in aeditus propriis aut interceptos aut adservatos fuisse. Iustinianus conjurandi causam fuisse ait, quod injuria sese affectum Bocchonium existimaret, ob interclusa Comitum. Historia dicit, id ea de causa factum, quod intra x l. & unum viros nulli essent ex ordine populari: item, quod posthabito Iacobo Theupolo Petrus Gradonicus electus esset Venetorum Dux. Quid hic dicemus, nisi auctoritates illas inter se contrarias ultro citroque alteram alteri fidem derogare? ac ut ex ipsis manifesto liquet minus sibi comperta, ac opinionum diversarum tenebris implicita quidem illos scripsisse, ita nec minus evidens, comprimis malignè hic agere Anonymum. In eo conveniunt conjurationis scopum fuisse ac finem, Veneti Ducis necem, cæterum Historiæ illius auctor, alterum quoque assignat, nempe ut sublato è vivis Duce Reipub. de altero prospici posset, qui magis è publico bono foret. Ast vero quod notandum, altum utriusque silentium de abrogandâ, quæ populum à Comitibus arceret, lege, aut de plebe velut postliminio Majoribus Comitibus reddendâ; qui sane proprius & verus conjurationis finis erat futurus, si quidem vera propriaque conjurandi fuisset causa, quod consilio sive decreto Patrum plebs à majoribus Comitibus exclusam se doleret. Quod porro, casu prorsus ac per accidens habet historiæ illius contextus deliberatum fuisse ut inter x l. & unum viros, ad quos Ducis spectabat electio populares sive homines de populo forent, ex iis quæ jam ante adduximus monumentis falsissimum esse evincitur. Quo tamen, quam maxime fieri potest, in apertum gestarum rerum veritas deducatur ac posteri disertim sciant qualiter tota res gesta fuerit, audiamus agedum Rafarinum sive Rafaëlem Carefinum, quem cum magnum Venetiis Cancell-

cellarium fuisse diximus, vel eo solo commemorato, eorum quæ alias secretiora sunt, nec in propatulo habentur omnibus obvia, participem fuisse, quilibet credat, ita ille. *Quidam Marinus Bocconius cum certis suis consortibus ordinaverat & tractaverat versus Dominum Ducem proditiionem, & principaliter in destructione sue personæ. Propter quod sciens Magnificus Dux hoc, Marimum patefactum cum aliquibus aliis fecit capi & detineri, nec non inter duas columnas marmoreas, quæ sunt propter januam Palatii magnam, eos, ut decebat, fecit turpissime suspendi.* Notet hic benevolus lector, illa Caresini verba *Principaliter in destructione sue personæ.* Nec, ut reor, ultra verbis opus erit, in re clarâ minimeque dubiâ. Premamus interim Adversarii vestigia, sunt hæc illius verba. *Populum comprimis urebat istiusmodi exclusio, quod videres eo pacto spes omnes ut Reipublicæ quandoque & ipse admoveri posset, sibi præcisas. Nobilibus haud minus ægre erat, eo modo factas Majorum Comitiorum capaces tot numero familias; quas, ut ut dignitate longe inferiores essent, ista Comitiorum nova forma, pari secum gradu habendas reddiderat ac vel antiquissimæ æquandas.* Davus sum non Ædipus. quid sibi noster mortalis velit, non assequor. Pugnantia hic inter se video, nec non & falsa. Nihil quod stringat invenio, atque adeo videor mihi totum hunc locum, ut nostræ thesi nec hilum obfuturum, intactum relinquere ac præterire posse. quo tamen nihil à me quispiam merito jure desideret, dicam paucis, ad illa verba. *Populum comprimis urebat istiusmodi exclusio,* in contrarium, ex iis quæ jam ante dicta sunt, argumentum tale formari posse. Si populus ante latam legem anni MCCXCVI eo erat loco, ut ad ipsum quoque in omnia regimen spectaret, utique lex illa eundem populum neutiquam loco movit; si vero cura Reipub. id temporis minime ad populum spectabat, ut certe non spectabat, causâ subfuisse haud potuit, cur se exclusum quereretur. Evincat quod asserimus ipsa hæc Marini Bocconis,

conis, de qua sermo nobis est, conjuratio, quæ nec populum in partes suas pertraxit, aut plebem haud aliis innixa viribus quam malefactorum quorundam, quos *premiis ingentibus pellectos*, quem pro se adduci adversarius, ipsemet Iustinianus affirmat. Anonymum hic rogare lubet, si publicam omnium causam Bocchonium egit, si nullæ privæ rationes eum impulerint, quid premiis opus erat nec publicè profuturis, nec privatim, nisi hoc nomine profutura dicere lubet, quodopes illius ac loculos affluctura essent, ac detritura, si non funditus exhaustura. Quidquid est, causam non dicat adversarius quo minus authorem, quem pro se adducit, ac cujus autoritate causam nostram jugulare se posse confidit, à nostris partibus stare demonstramus, contraq; ipsum validè, niquid me fallo, retorqueamus. Est id ipsum porro longe falsissimum quod vult, non aliâ magis de causâ in querelas acerbis indignabundam plebem erupisse, *quod videret eo pacto spes omnes, ut Reipub. quandoque & ipsa ad moveri posset*, sibi præcisas. Nimirum eadem illa habendorum in futurum comitiorum nova forma, ex adverso multis adytum ad Majora Comitia præstruxit, quos aut privatim virtus, aut publica in patriam bene merita, dignos reddiderant, qui præ cæteris æqualibus suis, haberentur eximii. Quin & illud quoque, quod ait, *Nobilibus haud minus agreebat, &c.* quomodo probaturus sit noster, haud video. Eodem quo mōx, etiamnum utar argumento. Si jam ante annum *MCCXCVI* summa rerum ad populum aut plebem spectavit, ecquid illud fuit, quod nobiles jure merito minus æquis animis accipere aut ferre potuerint? nullam ipsis ad id occasionem dicti nobis anni lege sufficiente. Tantum aberat ut totæ familiæ, utque etiam numero complures Reipublicæ clavo ad moverentur; ne quidem mortalium ullus aut admotus fuisse, aut ad moveri potuisse, eo quem nobis jam figuramus casu, dicendus est. Si

R r r

non

non spectavit ad populum rerum summa, si neque lex ea populum rerum summæ admovisse deprehenditur, quò tristes illæ nobilium querimonix? Pressius agamus. Populum lex illa aut sub se comprehendit ac proinde imperii capacem fecit, aut exclusit. Exclusisse si dicenda est, jam non erat quod causari posset ordo nobilium. Si demum illius beneficio, populus imperii capax evasit, quis non videt, nihil fuisse quod urere aut malè habere populum potuerit? Cœterum nec inclusiva nec exclusiva (ita loqui liceat) lex ista fuisse dicenda est. Nihil illa innovavit, sed cunctis, quo fuerant loco, etiamnum permanentibus, novam duntaxat formam electioni futuri Ducis assignavit. Voluit illa, ut in posterum x. l. & unius Virorum suffragiis Dux crearetur, quem ante illa tempora terni modo Electores eligere atque creare consueverant. Eadem illa inclusiva fuisse dici possit, quatenus bene de patria meritis ad honores viam stravit, non minus quam ulli ex ordine nobilium: eatenus quoque exclusiva, quod eos quibus per leges accedere ad Comitatus hanc liceret, nec ipsa ad admoveri iis passa sit. Ex quibus omnibus irrefragabili auctoramento manifestum evadit subsistere non posse, quæ adversarius adduxit, ut pote sibi ipsi non modo contraria, sed & falsa quoque.

Quæ porro hoc loco de privatis injuriarum offensionumve causis innuit Adversarius, eque Bajamontanæ conjurationis Historiâ, (modo Historiæ mereatur nomen, non ineptis minus, quam mendaciis sufferta narratio) recenset, talia non sunt, ut movere quemquam debeant. Quin imò si privatæ causæ domesticæque injuriæ conjuratos excitularint, ut fatetur atque adeo probat insuper & firmat Anonymus, non est ut ad interclusa Comitatus, aut ad præstitutam novi Ducis electioni, assignatamve formam, nos convertamus; estque hic ille nobis, ut errori suo, ita & propriæ confessioni.

fessione relinquendus; certe nec se iudice absolvi poterit: malignus interim, & ex professo lividus, qui dolere ac queri etiamnum præsumat, quod nihil super hoc ipso ad posteros transmiserint qui conjurationis illius historiam scripsere, non secus ac si necessum fuisset prædictos scriptores calumniæ ipsius velificari sese debere hariolari, ac spiritu prophetico id ipsum ante capere eaque porro, quæ falsa esse scirent ipsimet chartis mandare & facta pro infectis, infecta pro factis, posteritati obtrudere.

C A P U T. XXIV.

In Conjuratorum historia Anonymi inscitia fuisse taxata. Vanum Anonymi in conjuratorum tribunitiis concionibus præsidium. Fæda conjurationis iusta detestatio. Bajamontana conjurationis occasio. Supplicium de Fontabono sumptum. Conjuratorum Avenionem ad Pontificem refugium. Legatio Pontificis ad Venetos instituta. Legationis causa. Cordasum Venetorum responsum. Confutata Anonymi conjectura. Barocii facinus detectum, & punitum. Contarini, & Boteri auctoritas in Anonymum retorta. Falsa Anonymi comparatio inter Venetos & aliorum oppidorum, Venetis subditorum, cives instituta. Qui apud Venetos cives, dicti Cittadini. Prærogativa eorum circa commercia, & dignitates. Cancellarii Veneti dignitas & magnitudo.

ORdiri cum Tullio lubet, O magna vis veritatis, quæ sese contra hominum ingenia, solertiam, calliditatem, con-

traque fides omnium insidias facile per se defendat. *Verum est*, ait adversarius, *cujus hæc verba, cum desperarent* (sermo ei, de conjuratis) *Petro Gardonico Duce Rempub. ad pristinam formam reductum in ejus de medio tollendi inivisse consilia, ac alterum in illius locum sufficiendi, qui receptum ordinem non inverteret, quæque his similia sunt.* Unde quæso illi in rebus tam remotis tam exacta tamque quæsitæ cognitio veritatis, ad quam nec ii pervenire, aut penetrare potuere, quibus sua debet? Extranei scriptores hic altum silent; erat enim alioquin ipsos proculdubio allegaturus pro se. Ipsi si quid credimus Veneti scriptores, *muti sunt*, aut, ut alibi *mussant*, ac novissimo libri sui capite, *haud plura verba proferunt, quam si os lupato confiectum ipsis foret.* Plane hic nobis edisserat oportet, eo quod illud tempus fuerit, quo vaticinatrice potentiâ ipsum genii benignitas præditum voluerit, ut & nos huic illius (si Diis placet) veritati fidem quam meretur deferamus. Sic ego, Pars illa sive decretum super intercludendis (loquar hic cum adversario) Comitibus, atque excludenda plebe sive Ducem authorem habuerit, sive Capita Quadragintaviralis collegii, utique alibi quam in Quadragintavirali collegio nec non & Consilio Majore discuti ac ventilari haud potuit. Assumo. Dubium nulli quin conjuratis illis ad majora Comitibus liber fuerit accessus, anno nempe M C C X C V I, Cur ergo id in exanien deduci sunt passi, si alia ipsis mens ac diversa stabat sententia? Utique sum: moperè res illa populum, de cujus potissimum statu habebantur comitia, tangebatur: populus quoque à partibus ipsorum futurus erat. Si modo contrarium sibi placere vel eminus ac è longinquo offentare ipsis libuisset, certam atque in dubiam, suisque in manibus sitam habebant victoriam. Si nihilominus præfractè tacere maluerint, ut ut quæ agitabantur essent ipsis exosissima, omnino malè fecisse ac contra officium viri ac civis boni, sunt.

sunt dicendi. Neque enim ulla aut causâ aut ratio deterre-
re, aut ab officio dimovere debuerat. Quis hic pertinax
silentium in ijs agnoscat, qui jam ante, non aliâ de causâ
quam quod sua privatim interessè putaverant iisdem in Co-
mitijs, ipsimet Vegliæ Comiti sese opposuerant, illiusque
allectioni ad Comitias intercesserant? Si quod in Comitijs
agebatur placebat, utique si ne verbo quidem uno minus
sibi placere testandum sibi putarunt, quæ ratio, cur ad ar-
ma convolare eaque scelerata, & in patriæ viscera conver-
tenda, haud alio nomine ac nec aliâ de causâ voluisse, quis-
quam existimet? idque non è vestigio aut confestim, sed
totis jam tum annis quatuordecim elapsis, ex quo decretum
illud somatum fuerat, ac usu non minus, quàm consensu,
receptum ac stabilitum? Clamat evidentia, ex æquo inani-
loquum ac lividum, ne sequius quid dicam, adversarium hic
esse, qui specioso veritatis obtentu malè cautis imponere
conatur, quam conspiratores illi fuere homines malè fe-
riati, perdit, profligati, ac Libertatis patriæ suæ non hostes
modo, verum & proditores.

Tædet, fateor, pigetque, quod adversarium meum eo
delapsum videam (quanquam & alibi id ipsum à nobis ob-
servatum) ut vel à nefandis sacrilegisque, ac nulli unquam
bono sat detestatis aut detestandis auxilium petat ac præsti-
dium. Multus est (ô pudor !) in allegandis ipsorum conju-
ratorum concionibus, quasi vero aut recti quippiam ab illis
proficisci queat, aut vir bonus exigere debeat, qui patriam,
qui penates, qui divina humanaque omnia, in ferrum, in
flammas dare, ipsumque adeo incendium ruinâ extingue-
re conantur, quasi vero impurissimi mortales, ubi eorum
animus ex corrupto corruptor evasit, ubi nihil præter
sanguinem, præter cædem, præter parricidia improbo ac
sanguinario ore spirant, eruant, evomunt, aut aperte quod,

volunt effari aut candidè profiteri ac professâ veraciter proferre, quâ velint, quâ possint! Nemo sanæ mentis tantis in præjudicijs iudicium quærat, aut inter rapidissimos quam violentissimorum affectuum torrentes tranquillæ veritatis Halcyonia. Vt ut nihil dicerem, ut ne in medio cuncta relinquare mens sit aut animus, misera, quin imo miserrima sit rerum regina ac gubernatrix, diâ veritas, si quidem ab ijs debeat pendere, qui tyrannidem, qui anarchiam, qui tyrannidè & anachiâ quavis deteriore rem omnium rerum confusionem moliti; ne quidem honesta vel in speciem ratione tutari sua possint. Ecquæ causâ adsignari possit, aut ratio, cur Aristocraticum regimen, & re, & nomine cœteris præstantius, non turbare, non immutare, aut alterare modo, sed penitissimè subvertere atque eradicare illi voluerint. Quam vasta, immania, atque execranda mortalium impurissimi designarint, argumento sit, quod statim ab oppressâ conjuratione placida, pacata, quictaque cuncta fuerint, nemo novare, nemo moliri quippiam, vel per somnium fuerit ausus, nedum conatus. Usurpes illud Virgilianum,

*Hi motus animorum, atque hæc certamina tanta
Pulveris exigui jactu composita quiescunt.*

Quin imo, ut nihil æquè veritatem in lucem solet educere, quam tempus, occasionum transitus, ac detractum rebus actionibusve, quo cooperta prius fuerant, involucrum patuit brevi, nihil aliud istâ conjurantium rabie actum fuisse, quam ut Guelforum Gibellinorumque funesta secessio, acto profundè sulco larem apud Venetos defigeret. Illa, quam dixi, factio, tanquam fœrale sidus eorum mentes afflaverat, egeratque transverfas. Hujus præstigijs sideratis, quævis & facere & pati pronum fuit. Exemplo sit Franciscus Fontabonus, inter conjuratos haud postremus, quem cum summa Pa-

ma Patrum clementia supplicio exemisset, ut suam ad confecta coeni illius volutabra relapsam, constans sibi, ac prona in reum clementia oculis orbandum duntaxat decrevit, quo vel ipso pacto, indignum sese inter mortales ac cives suos qui ageret agnoscere posset, cui communis omnibus usura hujus lucis ob flagitium esset erepta. Argumento pariter sit, quod haud isto rerum cardine cessandum rati Avenionem ad Joannem ejus nominis vicesimum ac secundum Romanum Pontificem sese conjurati receperint ac fide factâ sese actos extorres quod contra juratos hostes Ecclesiæ Gibellinos, Guelphorum partes constanter essent tutati, seque bello Ferrariensi opposuissent, quod etiam eousque Pontificis animum impulerint, ut ipse sibi decedere ratus, quicquid istorum (si dijs placet) exulum libertati abraderetur, eo conatus omnes intendere videri voluerit, ut quâ domi, quâ foris essent quam pacatissimæ Venetorum res. Haud alteri fini, Fratres Franciscus Turrianus Minoritarum per Occitaniam provincialis, & Bernardus Guido Inquisitor hæreticæ pravitatis per Galliæ regnum, legati Pontificij Venetias ablegati. Hi anno M C C C XVII, die mensis Septembris quartâ supra vicesimam inter cætera tria, hæc disertim petiere: Primum erat ut Veneti inter sese quâ par esset concordia ac quiete degerent, Alterum (verba hic apponam ipsissima) *ut expulsos de civitate ipsâ, & toto districtu seu dominio libertatis, solum ex partialitatis titulo, non pro criminibus manifestis, velitis reducere*, Tertium circa captivos à carcere qui attinebantur eximendos ac liberandos totum versabatur. Non fraudabo hic lectorem meum insigni Veneti candoris argumento, quod ut ut per se comprimis antiquitate suâ venerabile existat, vel hoc ipso nomine potentius apud homines fervire nescios, ac viros bonos sese commendat, quod vel ex illo eluceat, quam semper alieni Veneti fuerint ab omni factione.

factione. Hoc legati, quos mox dicebam, respondi tulere. Respondentes primo ad primum, quod de pace inter nos habendâ caveatur, cum purâ mente asserimus vobisque & sanctæ Matri Ecclesiæ affirmamus, quod à primævâ fundatione nostræ inclytæ civitatî, ex quadam quasi insitiâ naturâ, animi civium nostrorum, ad pacem & concordiam habendam, nutriendam, & perpetuò conservandam, nedum habilitati, quin imo creati & nati sunt: ideo absit quod intra Civitatem & Ducatum nostrum & terras nobis subiectas, & inter nostros concives, scismatum vel partialitatis cognitio vel materia habeatur. Propter quod vere scire potestis, & cognoscere potest & poterit Dominus noster summus Pontifex, quod in nobis, tanquam suis & Ecclesiæ Romanæ peculiaribus filiis, suum pacis quod optat desiderium est perfectissimè completum. Ad secundum, quod absit quod apud nos ex partialitatis titulo, quod nomen majoribus nostris horrendum fuit semper, & nobis est, & quod volumus nobis & nostris posteris fore incognitum, aliqui sint confinati, exules, vel expulsi, nec veliti Deus, quod nunquam in nostrâ Civitate vel Ducatu, opus sit medico talis plagæ, &c. Ad ultimum vero quod cum nomen partialitatis apud nos incognitum sit, nullos sub illo titulo habemus detentos, &c. Si quidem Bajamontanæ factionis conjuratos defendere, eorum dicta ac facta protegere Anonymo lubet, non intercedo. Viderit ipse, quâ fronte tales sit defensus, qui non alio in patriam suam beneficio memorandi veniant, quam quod velut Eridis in medium projecto pomo, discordiarum semina pro virili sparserint. Videat porro, quâ fronte eos in urbem introductos sit asserturus. Evincet ab alterâ parte sumtum de Fontabono supplicium, ipsi adversario notissimum, atque ab ipso met citatum, quam non remisse in eos animadversum sit, qui tam nefanda consilia in publicum protrudere sunt aggressi, Ac sane causâ non sit cur admissos in urbem dicat, cum illimet ipsi omnem moventes lapidem, Summi quoque Pontificis intercessione haud alteri fini deprecari

precati fuerint quam ut denuo in urbes admitti possent. Quidquid sit nunquam probabit Adversarius Ferrariensi bello agitatam Bajamontana conjuratione Venetorum Rempub. imperatorijs sese partibus socialse, quod omni procul dubio factura fuerat si quidem factiones, istæ apud ipsos invaluissent ac Bajamontani conjurati eo nomine, quod Guelforum partes sectarentur, ac non potius, quod adversum patriam suam scelestam inijsent conjurationem, extorres acti fuissent. Progredior. Vult Anonymus postquam tempestas illa desavisset, melius aliquando Reipub. sese res habuisse, sic tamen ut novis subinde fluctibus agitari ac ferri non desierit. Argumento ipsi est quod complures familias Majoribus Comitijs circa ea tempora fuisse adscriptas; deprehendat. Verum & hic quoque aut errore peccat aut malitia. Bajamons in quadriennium exulare jussus cum patriæ finibus excessisset, moxque Patavio petito nova indies moliretur, perpetuo exilio mulctatus est. atque hinc anno MCCCXXVII. novissima mensis Ianuarij die, factum decretum, cujus nos jam ante meminimus. Fuit & insuper circa eadem tempora Barocij detectum facinus, & de auctore sumptum supplicium. Atque hi quidem sunt illi fluctus, qui Rempub. Venetam tunc temporis exagitarunt exercueruntque. Cæteroquin tamen, nunquam quocumque demum loco res forent, actum, ut quispiam majoribus adscisceretur Comitijs, nisi cui id ob bene merita, immensi beneficij loco concedendum videbatur. Fallitur in eo Adversarius, quod simul & semel admissos ad dicta multoties Comitia putet eos, quorum meritis id datum diximus. Causæ cognitione opus hic erat, fidemque suorum in patriam benemeritorum ut facerent illorum Comitiorum candidati, erat necesse; quod sane tractum successumque, (ut ICit. loquuntur) temporis requirebat. Ut ait ille, nihil in fluctu

cernitur. Nec sunt vel ipsa in bene meritos absque iudicio spargenda beneficia, sed cum delectu conferenda, donanda, non prodigenda, atque id agendum quam maxime, ut bene merentibus honos deferatur, honori bene meritorum gloria respondeat. Quos ergo virtus sua, quos grata virtutum remuneratio Comitiorum participes reddidere, vel quis videat eos non aliunde temporis utique intercapedine distinctos separatosque fuisse. Nec est quod Valeriorum hic gentem nobis obijciat adversarius. Excussum id jam ante nobis, monstratumque, frustra hic sese miserum torquere. Nec felicius sane Anonymus in allegandis ad firmanda, quæ asserit, Boteriac Contarini Cardinalis autoritatibus, quæ si penitus introspectantur longe ab illius opinione divortant. Ait Contarinus. *Probe à majoribus nostris cautum fuisse ne plebs admitteretur ad conventum hunc civitum, in quo est summa Reip. potestas.* Sic dico. Si standum Contarini testimonio, ut vel Adversario largiente omnino standum, nihil æquè certum quam non spectasse apud Venetos ad populum summam rerum, ex quo piis Venetis id quam maximo opere curæ cordique fuisse deprehenditur, ut plebs procul ab administratione Reipub. ætates ageret. Boterus itidem nihil asserit, quam id, quod huc usque à nobis probatum fuit, dum inquit, *Rerum summa apud Venetos baud alios præfuisse, quam nobiles è nonnullis familijs viros, qui vel à principio in unum sese collegerant* (agnosce Anonyme vel te allegante nobiles fuisse primos urbis Venetæ conditores) *vel qui diversis exinde de causis ejusdem ipsis sese adjunxissent.*

Est suum scorpionibus in cauda venenum. Adversarius ut infixio legentum mentibus aculeo, finem calumniandi faciat, comparationes instituit inter cives urbis Venetæ, & cives aliorum oppidorum, quæ ditioni Venetæ sunt obnoxia. Hæc ait formam aliquam habere Reipub., sua consilia, suos magistratus, ei vero, qui inter cives apud Venetos princi-

pem.

per locum obtineat, ne fas quidem esse aspirare ad aliquem istiusmodi gradum. Ita sese componit Anonymus, perinde ac si in urbibus, quæ Venetum supra se imperium agnoscunt, omnes ex æquo dignitatum ac magistratuum gerendorum, quæ capaces forent, quæ participes, ac non potius ea ipsa Nobilium in illis oppidis foret prærogativa, qui quidem Nobiles Dominatricis Venetorum urbis supra se imperium agnoscences, demandatæ sibi ac conceditæ rerum summæ cum Imperio præfunt, idque (quod notandum) eundem ferme ad modum quo qui in ipsa Venetorum Repub. viri nobiles, patricijque. Argumentum adversarii in ipsum contorquere si vellemus, ac suis ipsum telis petere, esset id nobis in proclivi, nec foret, quod nobis imputaret, aut in quo redarguere nos posset. Sed enim vero agendum ut ingenue ita & solidè. Sic ergo dicendum. Cives apud Venetos sunt, qui majorum suorum beneficio, patrem; avum, proavum, civem habuere, quique proinde nullo mechanicæ sordidæve artis exercitio, jam in ternum generationis gradum, se ac suos sustentarunt: sive qui alibi aut nobilibus, aut patritijs orti parentibus, in urbe Veneta larem fixere, eoque, quo jam dixi modo, ætatem exegere, aut quos speciale indultum civibus ascripsit. Tales qui sunt insignibus ac luculentis omnino prærogativis gaudent, unde non minus ad ipsos pro re nata utilitas derivari, quam honor obvenire consuevit ac dignitas. Utilitas circa commerciorum compendia ut plurimum versatur, inter quæ non est è postremis, quod dimidio minora vectigalia cives Veneti persolvant, quam extranei. Hinc fit ut mercatorum quilibet, qui præfinita requisitaque à statutis ac legibus Reip. implevit (puta, exempli gratia, quod totum decennium sedem fortunarum suarum Venetijs collocaverit, aut quid simile) innumeris beneficijs gaudeat, quæ ipsius utilitatem

emolumentumque, idque privative, leges similiter innumeræ destinant, quæque exacto quadriennio Quadragintaviralem Criminalem collegium in singulos distribuit, prout æquum iis bonumve videtur, aut alias ipsi quoque digni censentur, quibus istiusmodi compendia obveniant. Sub his quoque comprehendere videas scribas omnes, ac cunctos porro, quibus aut describendi aut custodiendi, quæ in acta referuntur, cura demandata est, nec non & asservandi sententias a Magistratibus latas, item consiliorum ac collegiorum per universam urbem placita. Comprehenduntur & illi, ad quos ratiocinia sive computi spectant (*Venetis Rationati*) hique non privati modo, sed & quorum est ratiocinia publica, examinare, quæ vendita ac distracta sunt exigere, præfecti similiter annonæ, eorumque quæ in bellorum usus aut paranda aut habenda, asservanda veniunt, ac, ut me contraham, infiniti alii ministri publici, quos sibi ad expediendas etiam magni momenti ac ponderis res peculiares habet ex civium (*Citadinos* vocant) numero Venetorum Resp. idque non honestes modo conditionibus, verum & luculentis. Honorum dignitatumque minime vulgata relucere videas in hoc ipso ordine. Sane si demum ea dignitas acceptissima, cuius beneficio quam plurimos tibi devincere bene merendo, sublevando, aut adjuvando queas, primas hic cives Venetos tenere fatendum est, utpote è quorum numero atque ordine, ad moveri non pauci semper solent administrandis annuis proventibus redditibusque quam plurimorum laicalium collegiorum, (*Confraternitates* ac *scole magnæ* vulgo nuncupantur) qua sua functione ad pios usus legata distribuendo, defunctorum elogia circa pias causas executioni mandando, proclivem multum habent occasionem quam optime de paupertinæ sortis hominibus (quorum, ut scimus, maxima ubique copia) quam optime merendi, co-
rura

rum studia & cum applausu ac votis, quam gratissimæ recordationis affectusque testimonia provocandi consequendique. Agmen omnium (ne singula percensendo molestus sim) ducit magnus Cancellarius Venetiarum, siue Cancellarius Ducalis. Illius conditio multum splendida est ac luculenta, plurimisque insuper prærogativis excellens. Præcæteris hoc habet eximij, quod non terminetur præfinito aliquot annorum spatio, sed perpetua sit & ad extremum vitæ spiramentum duret. Hanc ipsam dignitatem multoties juvenis admodum (virtus modo dignum reddat) consequitur, quin imo emenso vitæ curriculo, non raro dignitatis insignia ad hæredem transmittit. Huic arcana Reip. committuntur quamplurima publici quoque tabularij suprema demandata est cura. Ipse ubi res & occasio fert, consiliis interest, idque in aulis quoque externorum principum, haud alium ferme ad modum habetur, quam ipsimet Reip. legati, quos non nisi ex illustrissimis eminentissimisque nobilium familiarum viris constare, aut eligi solitos notius est, quam ut dici debeat. Nihil eorum, quæ in deliberationem veniunt ipsum fugit, in omnia penetrat, eo est æstimio, quo apud summos reges Secretarii status. In vivis dum est, ipsis quoque patritiis multum venerabilis degit, post obitum, publico funere effertur, comitante de more multum frequente senatu, atque ipso etiamnum duce. Taceo nunc Publicos scribas, prætereo plurimos longe qui a secretis sunt, eorumque distinctos ordines ac gradus, cumque iis ipsis, prærogativas illorum inter se, quæ cuncta quanto in plures dispescuntur, quantoque sese ulterius exporrigunt, quanto diffundunt latius, tanto potentius & erroris & improbæ sugillationis adversarium redarguunt, atque convincunt. Errat interim & hic quoque noster homo, quod habendæ libertatis modum ab ipsa libertate non discernat. Romæ quos-

dam optima conditione cives, quosdam mediocri, & quæ infra mediocritatem erat a pessima deterrimaque nec hilum rem otâ conditione, censitos scimus, etiam tum cum Romanorum propria libertas fuit. Nec eam ob causam rationemve Romanorum civium libertati quippiam decessit, aut decessisse scripto quispiam, (quod sciam) reliquit. Quod ipsum si nostræ dissertationi applicamus, nec ovum ovo nec lac lacti fuerit similis. Solonis leges Atheniensibus latas sciens p ætereo, quæ de Spartanis Xenophon prudens omitto, ne in re clara ac per se manifesta longior sim. Videt interim, ut spero, mecum benignus lector, hoc agere adversarium, nec aliud sibi in fausto scripto suo voluisse, quam ut dum Venetos cives publicarum functionum capaces haud esse defendit, ansam ij inde arripiant querelarum, seditionum, factionumque, quibus aut ambitione impotens animus, aut privatam sortem supergressus, æqualitatem, quæ ad miraculum clara & par sibi apud Venetos tot sæculis viguit, ultra non ferant, ac è medio sublaram velint. Frustra. Optima respub. ex optimis civibus constituitur. Optimi mortalium Veneti, optimos cives habent. Constat illis intemperabilis obsequii fides, constat suis sese limitibus coercens, suo se modulo dimetiens, sibi sufficiens, seque ipsa contenta libertas. Est nobilibus erga cives, est civibus in nobiles officiorum tenor inoffensus juxta, ac perpetuus. Nulla alterutri ordinum certamina, nullæ contentiones; præterquam ut ne amore, officio, fide aut benefactis alter alterum vincat. Ad hoc unum contumaces, toti patriæ suæ sese devotos gerunt, cujus tanta ipsis caritas, ut eam non sensu suo, sed ipsius salute metiantur.

F I N I S.

I N D E X.

A.

A B sua fl. 114
 Acates genus navigii. 104
 Actiones humanæ in spontaneas, gravate spontaneas & coactas distinguendæ 109. illa distinctio late explicata. 110, 111, 112
 Edificatio in alieno solo quid juris tribuat. 124, 125
 Egæi maris insulæ à Venetis quibusdam privato sumptu occupatæ. 430
 Egypti regibus quinta pars fundorum omnium debita & unde. 17
 Equalitas à natura est. 19, 265. duarum multitudinum commoda 26
 Erarii Veneti quæ vires. 334, 335
 Etoli Rom. Majestatem comiter observare iussu ipsorum libertate. 95. eisdem item cum Romanis habere amicos & inimicos. 178
 Aganemnon Rex Regum quare dictus. 117
 Agilulphus Longobardorum Rex. 53
 Aistulphus Longobard. Rex. 156
 Alaricus Gothor. Rex. 44. Romanam capit. ibid. pacem ab eo Honorius Imper. fæde redimit, ibid. & 45. quæ dona illi ab Imp. oblata. ibid.
 Albinus Gallis qui. 219
 Albinagii jus quid. ibid.
 Alexander. I III. Pontifex Rom. 285. Duces Venetos variis dignitatibus auxit. ibid.
 Alexand. VI. Pontifex arbiter inter Lusitanos & Castellanos. 121
 Alexandrinorum deductio qualis. 268

Allophyli qui. 94
 Amacina Inf. 130 à Longobardis obfessa & capta. 133
 Amelandia Inf. Frisiz contermina. 36
 Angelus Patriciacus vel Participatus Dux Venetus. 230. inscriptio imagini illius appositæ ibid. quomodo ea sit accipienda, ib. & 231
 Anonymus scriptor Scrutini in quem hic tractatus directus. 4. ille doctus & polyhistor. 8. quis sit illius scopus. 510
 Antonius Iustinianus Legatus à Venetis ad Maximilianum Imp. missus. 13. oratio quæ illi à Guicciardino adscribitur, conficta. 311 & seqq. usque. 342. nihil tamen Venetor. libertati contrarium continet. 343. & seqq. usque. 368
 Appellationis jus, signum Majestatis, & quatenus. 375. Cardinali Lotharingo à Rege Galliz in Barrensi Ducatu concessum. ibid.
 Arausionensis Principatus. 35
 Arbitr quod eligatur à non subditis alienus Princeps, jus aliquod in eligentes ipsi non conferunt. 121
 Arbitri quales eligi plerumque soleant. 120
 Archiva Venetor. incendio absumpta & quo tempore. 312. quæ publici juris extant, ubi sint inveniendæ. ibid.
 Ariovistus à Senatu Rom. Rex appellatus. 5
 Ataulphus frater Alarici Gothor. Regis. 45. soror Imp. Honorii ei in matrimonium data. ibid. Romanam petit infestis signis. ibid. ab uxore placatur. 46
 Attila Hunnor. Rex. 42. Thraciam &c.

I N D E X.

& Illyrium vastat. *ibid.* in Gallia clade adficitur. 47. Italiam invadit. *ibid.* & 48, 49
 Augustulus Imp. Rom. 82. ab Odoacre Imperio spoliatus. *ibid.*
 Aurei velleris dignitas. 176. à quo instituta. *ibid.*
 Aurius Mastropetrus Dux Venetus, 428. quo tempore, à quibus & quomodo creatus. *ibid.* & 429, 430
 Auctoritas & ab auctoritate sumtum argumentum quid operentur. 97, 98
 Auxilia aliis imperare subiectionem non inducit. 106, 107, 365

B.

B Agaudæ qui. 85
 Bajamons Theopolus, nobilis Venetus. 455. quousque vixerit. 456. in exitum actus. 505. mors illius de cetera & quare. 456. cætera vide litt. C. in verbo: Conspiratio Bajamontana.
 Balduinus Hierosolymor. Rex. 275, 276. Imperator factus. 430. à Turcis captus. 275. opera illi à Venetis navata. *ib.* privilegium ex eo ipsis concessum & confirmatum. *ibid.*
 Barbi, gens nobilis Veneta. 338. Petri Barbi laus *ibid.*
 Barrensis Ducatus. 375
 Bartoli & Baldi auctoritas quousque procedat. 306
 Batavi pop. 26. Rhæni insulam incolunt. *ibid.* pars Rom. imperii quomodo fuerint. *ibid.* & 27. Roman. Imperatoribus corporum custodes. 174
 Batavis concessum privilegium à Rege Galliæ. 219

Beatus Dux Venetus. 225. inscriptio imagini ejus appositæ. *ibid.* quomodo illa sit intelligenda. *ibid.* & 226, 227, 228, 229, 230.
 Belgii fœderati nationes libere. 4
 Belgii fœderati ordines quomodo ad inducias cum Hispaniæ. Rege incundas descenderint. *ibid.*
 Bellum à Pipino Caroli Magni filio contra Venetos morum. 196. ejus belli successus & exitus. *ibi.* & seqq. usque 214. item 415.
 Bellum Hierosolymitanum à Balduino ope Venet. gestum. 275. 276:
 Bellum Byzantinum à Venetis contra Emanuele Comnenum Orientis Imp. gestum, unde ortum. 420, 421. illius successus & exitus. *ibidem* & 422, 423, 430.
 Bellum contra Fridericum Barbarossam à Venetis fœderatissime pro Ecclesia gestum. 296, 297, quis ejus exitus. *ib.* & 298, 299, 300, 301.
 Bellum ad Edronem à Venetis gestum. 485. bene meriti eo bello variis præmiis affecti. 486
 Bellum Fertariense. 505
 Bellum contra Venetos à Maximiliano Imp. & Gallis ex Cameracensi fœdere gestum, ejusque successus atque exitus. 311. & seqq. usque. 368
 Bellorum calamitates & incommoda omnibus communia. 105
 Benacus lacus Venetiarum. 114
 Beneficia à ministeriis distinguenda. 112
 Beneventum, oppidum. 234
 Beneventani hostes fœdi Carolo Magno. 234. à Pipino debellati. *ibid.* pacem à Carolo impetrant.

I N D E X

erant. *ibid.* nihil hoc ad res Venetas pertinet. [233, 234](#)
 Berengarius Imp. [251.](#) fœdus inter Venetos & Italicos renovavit, finesque eor. terminavit, & quo nomine. [256](#)
 Bernates clientales olim Comitum Allobrogum. [135](#)
 Bochovirum in Brabantia situm. [36](#)
 Boëthia quid. [360](#)
 Brundulum promontorium ditionis Venetæ, [238](#)

C.

C Allinicus Exarchus Ravennæ. [137.](#)
 Cameracense fœdus inter Pontificem, Maximilianum Imp. & Galliar. Regem contra Venetos iktum. [311.](#) & seqq. quis fœderatorum animus. [349.](#) belli inde infecti successus & exitus. [311.](#) usque [368](#)
 Campanorum deditio qualis. [268.](#) [269, 344, 354, 366](#)
 Cancellarius magnus sive Ducalis apud Venetos quis, [109.](#) quæ ejus dignitas & quod munus, *ibid.*
 Canonis solutio quando subjectionis argumentum vel non, [87](#)
 Canonis solvendi causæ plures, *ibid.* protectionis causa solvi potest salva libertate, [88.](#) proprie ex pactione solvitur, [89, 33](#)
 Capitulare Advocator. Communis, Codex Archivorum apud Venetos, [372](#)
 Caprulanus Episcopatus ditionis Venetæ. [137](#)
 Carolus Magnus Rex Francorum. [179.](#) à Venetis classe adjutus contra Longobardos, *ibid.* quo nomine hoc, factum, [181.](#) Italiæ re-

gnum quo tempore Carolus occupavit, *ibid.* ejus cum Nicephoro imperii divisio & fœdus super re Veneta, [188.](#) & seqq. usque, [194.](#) sub Pipino filio Venetos bello petit, [196.](#) quis belli successus & exitus, *ibid.* & seq. usque, [214.](#) inter Venetos Dalmatasque arbi-ter Carolus, [203, 204, 205, 206.](#) illius testamentum ab Eginharto relatum, [238](#)
 Cassiodorus quo tempore scripserit. [66.](#) ejus Epistola ad Tribunus maritimos late excussa. [91, 92, 93, 94, 95, 96](#)
 Cato Macedonas quare liberos pronuntiavit. [135](#)
 Censui non præsumitur debitus nisi hoc probeatur. [18](#)
 Centranici, gens nobilis Veneta. [424](#) unde Salomonis postea nominati. *ibid.*
 Cephalenia Insula libera. [27](#)
 Cerberus, Codex archivorum. Venetis ita dictus. [372](#)
 Chauci populi liberi. [27.](#) illorum sedes. *ibid.*
 Chios insula libera. [27.](#) à Venetis occupata. [422](#)
 Cives, sive Cittadini, Veneti qui habeantur. [107.](#) multæ illorum prærogativæ. *ibid.* & [108.](#) honores, dignitates & munera, quorum illi capaces. [108, 109](#)
 Civitatum, quæ Venetæ ditioni subjectæ, quale regimen. [106, 107](#)
 Classense oppidum Ravennæ proximum. [147.](#) à Longobardis obsessum. *ibid.*
 Classis Veneta bello Byzantino peste absumpta. [412, 423](#)
 Clemens V. Pontifex Rom. [273.](#) Venetos excommunicavit. *ibid.* mox eos absolvit, & ne in poste-

T t t r m

I N D E X.

- rum excommunicentur , cavet. **ibid.**
- Clemens VI. Pontifex. **293.** Avenioni sedem habuit. **ibi.** ejus concessio Venetis facta. **ibid.**
- Clericis & Ecclesiasticis à sæcularibus Principibus privilegia possunt concedi. **220**
- Clientela quid. **355, 356.** quis ejus effectus. **362, 366**
- Cliens quis. **365.** unde dictus. **364.** à subdito quomodo differat. **354.** patrono quatenus sit obligatus. **364**
- Coloniz Cretam à Venetis quare deductæ & quales. **432, 433.**
- Colonia Iaderam à Venetis cur deducta & qualis. **434**
- Comitia Majora Venetis quæ. **385.** in quem finem instituta. **386.** qui ad ea electi & quo modo. **ibid.** & seqq. usque **403.** item **458.** & seqq. usque **465.** ætas eorum, **388.** **389.** conditio & qualitas, **390, 391.** nobiles illi semper fuerunt plebe remota, **403.** & seqq. usque **454.** item **475, 476, 484.** munus eor. annuum, **394, 395.** decretum anni **1296.** de Comitibus Majoribus, illa plebi non interclusa, nec hoc necesse, **457.** & seqq. usque, **465.** quid illo decreto revera sit actum, **ibid.** & **497, 498.** **aditus** ad illa Comitia quomodo pateat iis qui antea non fuere admissi, **460, 461, 462.** ob bene merita quamplures quandoque allekti, & quomodo, **484, 485, 486, 487, 505, 506.** singuli illi non totæ familiæ, **487.** qualis fuerint conditionis, **487, 488.**
- Comitia Majora quam habeant potestatem. **399, 400, 401, 402**
- Gomitia minora quæ. **484**
- Commandador, Ital. Venetis quis dictus. **435**
- Commendare quid in jure significet. **363**
- Commodata sive credita publica Venetis quæ & quomodo dicta. **401,** eorum exigendorum modus, **ibi.** & **402**
- Commodus Imp. **2.** illius de se ipso dictum, **ibid.**
- Confirmare, Confirmatio quid, **248.** quis confirmationis effectus, **ibid.** & **258, 259.** in confirmatione quæ veniant considerata. **247**
- Consilium Quadraginta virale. Vide, Quadraginta virale Consilium.
- Conspiratio Bajamontis Theupoli & Petri Quirini contra Rempub. Venetam, **455,** & seqq. usque, **471.** quæ fides sit habenda iis quæ ea de re ab Anonymo allegata, **456, 457.** quo tempore incidere illa conspiratio, **465,** quæ illius causæ, **ibid.** & **466, 467, 468, 469, 470, 471,** non fuit totar. fam. sed quorundam tantum ex fam. aliquot, **466, 467.** conjurator. propinqui insignia sua mutare jussi, **467.** plebs conjuratis minime addicta, sed Duci, **470,** externis auxilium usi conjurati, **ibid.** & **471,** à Venetis fassi & fugati, **ibi.** multa prius damna ab ipsis Reip. illata. **ibid.**
- Conspiratio Marini Bocconi. Vide Marinus Bocconus.
- Constantini Imp. donatio, quæ Pontifici facta jactatur, nemini credita, **172**
- Constantinus Copronymus, Imp. **155.**
- Consules unde dicti, **63,** quæ illor. apud Romanos dignitas, **ibid.** Con-

I N D E X.

Consules Patavio Venetias missi
quod dicuntur, quo nomine &
jure factum censeretur debeat, 61,
62, 63
Contarenus Cardinalis, tractatus de
Rep. Veneta author. 371, quo
tempore scripserit, ibid.
Contractus & ea quæ in contractum
transeunt, non possunt revocari,
307
Credentiales litteræ quæ, 333
Cremutii Cordi libri Romæ crema-
rii iussu, 321
Creta Regnum, 411, quomodo à
Venetis acquisitum, ibid. & 413,
Coloniarum à Venetis deductæ &
cur, item quales, ibid. & 413

D.

Dalmatia Venetis subiecta, 418
Decreta magni concilii Venetis
quomodo appellata, 172
Dedete se qui dicantur, 168, 143
Deditionis formulæ Romanis usita-
ta, ibid.
Dentati, sive didente Ital. gens no-
bilis Venetia, 482, quare aliquo
tempore Comitibus haud admoti,
ibid.
Depositum quid & quis ejus effe-
ctus, 363
Derelictum quid, 40
Desiderius Longobardorum Rex 177
Venetorum Ducis filium quo jure
captum detinuerit, ibid. & 178,
ejus in Venetos studium, 180
Devotio quid significet, 23
Devoti qui olim dicti, & qui nunc,
ibid. & 24
Dignitates in Ducibus Venetos colla-
tæ ab Imp. Orientis, 171, 172
Dignitatum collatio subditos non
facit, 173, 174, quando sit subje-

ctionis indicium, ibid.
Directionis verbum quomodo usur-
pari solitum, 240
Divisio Imperii inter Orientis & Oc-
cidentis Imp. 231, 233, ab insequentibus
Imp. sæpius confirmata, 231
Dombensis Principatus in Monpen-
serii Ducatu, 31
Dominus subditos protegere tene-
tur, 131, 132
Domini appellatio subjectionem
non indicat, 357, quomodo sit
accipienda, ibid.
Domini feudi quæ ratione domini
sui à Vassallis dicti, 358, item pro-
tectores à clientibus, ibid.
Dominium quod duplex, 357
Donari quæ res possint, vel non, 172
Dorsum durum, pars urbis Vene-
tæ, unde sic dictum, 51
Duces in Italia à quo & quo tem-
pore primum instituti, 145
Duces Venetis quomodo primum
instituti, 68, 411, quo tempore &
quare, 148, 149, 150, 410, primus
Dux quis, 411, nobiles illi sem-
per, 411, 412, & seqq. usque, 419,
ex omnibus familiis lecti sine di-
scrimine, qui modo virtute præ-
cellerent, 473, 474, eorum ad Se-
bastiani Ziani tempora catalogus,
& gesta præcipua, ibid. interim
abrogati & cur, 156, 412, quo
tempore denuo restituti, ibi. qualis
illorum conditio, 179, quale
regimen, 373, quæ potestas, ibid.
& seqq. usque 378
Duces plures Venetis quandoque
eodem tempore, 209, 411, &
seqq. usque, 417, socium sibi assu-
menq. facultas quando iis abro-
gata, 375, 417
Duces eligendi modus anno 1172,
mutatus, 423, quis de novo insti-
tutus,

tatus, ibid. & qui ad novi Ducis
electionem ordinati, 424. 423.
426. item anno 1188. mutatus
ordo. & quomodo atque à quibus
tunc facta electio. 429. 430. ut &
anno 1268. pag. 436. & seqq.
Ducum electio ad populum nun-
quam spectavit, 426; 427. 428
429. 430. nec plebis ea in re desi-
derium unquam attentum, 438
439.
Duodi, gens nobilis Veneta, 338
Petrus Duodus legatus Brixie,
339. Ejus laus, ibid.

E.

Ecclesiasticum regimen à secur-
lari separatum. 128. 262. 263
Electores Venetis qui, & quod eo-
rum munus, item modus ipsos
eligendi qualis, 379. 380. 381
382. 383. 384. Magistratum
creandorum illis cura ut pluri-
mum demandata, 399. Nobiles
illi semper, 440. 441
Electores anni & Electores medi-
anni unde dicti & quæ eorum
differentia, 380
Electorum nomina quare in ele-
ctionibus ab ipsis factis singula-
tim exprimenda, 440
Emanuel Comnenus Imp. Orien-
tis, 420. Auxilia illi à Venetis
denegata & quare, 421. Bellum
inde inter ipsam & Venetos.
ibid. Fraudulenta ejus consilia,
ibid. & 422. Belli quis successus
& exitus, ibid. & 430.
Emphyteus non presumitur con-
stitutum, nisi probetur. 18
Equilium opp. à quibus conditu-
tum. 142. unde dictum, ibid.
cur deinde deletum & solo æqua-

tum, 2 414. 415
Etymon & Etymologia quid, &
quale argumentum inde du-
ctum, 118
Exarchi Revennates Imperatori-
bus subditi, 126. quamdiu Ita-
liam tenebant, 148. unde dicti,
ibid. eorum omnium catalogus,
ibid.
Exarchi non solum Ravennæ sed
& alijs in locis fuere, 168
Exemptio Italix urbibus aliquot
concessa ab Imp. qualis, 269.
261.
Exhilaratus Campanix Dux una
cum filio occisus, 117
Expelli & repelli quid differant, 493
Extranei in alterius territorio de-
linquentes ibidem possunt pun-
iri, 222

F.

Facultas quid, 11. unde dicta, ibid.
Facultas & jus aliquid agendi
in quo differant, 11. 12
Feudalis res nulla presumitur, nisi
probetur, 18
Fictiones plures simul concurrere
non possunt. 16
Fictioni ut sit locus, quæ requiran-
tur, ibid.
Fideles qui, 238. à subditis dis-
cunt, ibid.
Fides in foederibus quid, 265
Fides quanti hominibus æstimanda,
167. 368
Filij appellatio non subjectionis
sed dilectionis est indicium, 152
Florentini Venetis æmuli, 320
Bello Pisano à Venetis claudibus
adfecti, ibid.
Fodrum quid, 274
Foedus quid, 244. 265. 283. unde
dictum,

I N D E X.

dictum, 265. nihil habet communecum subiectione, ibid. per se jurisdictionem non tribuit, 270. 283. 284.

Fœderum ineundorum diversa ratio, 265. 266. 267. 268. 269.

Fœdera æqualia vel inæqualia, 265. 266. inæquallum quæ causa, ibid. inter pares vel impares ineuntur, ibid. & 267. 268. æquale esse præsumitur fœdus ubi aliter non constat, 269. 270. ex fœdere si quid debeat, de quali fœdere id intelligendum in dubio, 284.

Fœdera contrahere qui possint vel non, 283.

Fœdera inter Romanos & reliquos Italiz populos ita, qualia fuerint, 29. quæ fœdera æqualia & cum quibus, quæ secus, ibid.

Fœdera inter Venetos & ceteros Italicos sæpius renovata, 205.

Fœderatis in fœderatos est imperium salva cuiusque libertate, 95. 96.

Fœderibus ab utraque parte etiam alios comprehendere solitum, 247.

Fortunatus Gradenſis Episcopus, 185. 413. ejus in Ducem Venetos conspiratio, ibid. & 414. Fuga in Galliam, ibid.

Franciscus Fontabonus Basamontanæ conspirationis particeps, 302. oculis orbatus, 303.

Fridericus II. Imp. 292. à Pontifice excommunicatus, ibid. Fœdus contra ipsum inter Venetos aliosque Italiz populos pro Ecclesiâ, 297. illius filius navali prælio victus à Venetis, 296. pacem petere ipse compulsus, 297. 298. pax Constantiæ inde secuta, 295. 296. 299. 300.

Fridericus III. Imp. 293. arbiter inter Venetos & Aquilegiensem Patriarcham, 294. controversias ad Pontificem remittit, ibid. Venetias accedit, ibid. ejus de Venetæ libertate testimonium, ibid.

Frisij corporum custodes Romanis Imp. 175. illorum in Pop. Rom. fides, ibid.

G.

Galliz Regum libertas qualis, 22.

Gastaldus sive Gastaldio, Venetis quis, 437. ex quibus creari solitus, ibid. quod ejus munus & quæ prærogativæ, ibid.

Gebennensis civitas, 35.

Genuenses Venetis ob Crætar acquisitionem inſenſi, 432. bellum ex eo contra Venetos frustra movent, ibid. item deinde ob S. Sabæ monasterium, 434. à Venetis victi, ibid.

Germani pop. liberi, 174. Corporum custodes Rom. Imperat. ibid.

Germaniæ civitates aliquot liberæ jus eundem moneræ quomodo exerceant, 253. 253.

Gnydos Ins., 27.

Gothorum aliarumque gentium in Italiam adventus quo tempore inciderit, 102.

Gradus Ins. ditionis Venetæ, 126. pars Veneræ urbis, 128.

Gradenſis Ecclesia metropolis ditionis Venetæ constituta, 263.

Immunitates eidem & beneficia ab Othone Imp. collata, ibid. nihil hoc commune cum Venerator. libertate, ibid.

Gradenſi, gens nobilis Veneta.

I t t 3

V id

I N D E X.

Vide Petrus Gradenicus.
 Græciæ urbes inter se fœdere jun-
 ctæ saluâ cuiusque libertate, 92
 B. Gregorius magnæ authoritaris
 vir, 137. ejus in vita sanctitas, ibid.
 Gregorius III. Pontifex quo tem-
 pore, 157. litteras dat ad Ducem
 Venetum & qua de causa, 138
 ejus Epistola in hanc rem scripta
 late excussa, 161. 162. 163
 Gregorius IX. Pontifex, 292. ejus
 de libertate Veneræ præclarum
 testimonium, ibid.
 Guelforum & Gibellinorum se-
 cessio, 302
 Guicciardinus rerum Italicar. scri-
 ptor magni nominis, 319, odio
 minus temperans, ibid. & 320.
 Urbinari Duci infestus, 320. item
 Venetis & cur, ibid. ejus parria,
ibid. oratio quæ ab illo adscribi-
 tur Ant. Iustiniano Veneror ad
 Maximilianum Imp. Legato,
 conficta esse varie probatur, 311.
 & seqq. usque, 342

H.

H Adrianus Imp. 325. omnia trans
 Tigrim & Euphratem reliquit
 & cur, ibid.
 Hadriatici maris lacunæ à Venetis
 infestæ, 28. à nemine ante occupa-
 tæ, ibid.
 Hadriatici maris imperium jam o-
 lim tenuerunt Veneti, 293
 Helvetii pop. liberi, 42. illorum li-
 bertas qualis, 72. quale & regi-
 nem. ibid. 22. exteris Principib.
 ad corporum custodiam plerum-
 que adhibentur, 174. mercede
 conducti in bello aliis serviunt
 saluâ libertate, 181
 Henricus, IV. Imp. 282. multa Ve-

netis beneficia contulit. ibid. &
289. quædam & illi à Veneris
 promissa, ibid. 282. eaque omnia
 ex fœdere publico, ibid. arbitret
 ipse inter Veneros & Patavinor,
288. quo tempore, 289. Venetias
 quo tempore deinde profectus,
ibid. ejus cum Venetis pactum,
290.

Heraclea urbs à quo condita, 140.
 unde iadicta, ibid. & 141. qua-
 re nova urbs postea appellata,
142. cur delera & solo æquata,
414. 415.

Heraclius Imp. 140. ejus pietas &
 in sacrum ordinem studium, ibid.
 & 141. item lapsus in hæresin.
ibid. & 142.

Hermodorus Ephesius Romæ Leg.
 xii. tab. author. vel interpres,
64.

Hillebrandus Rex Longobardo-
 rum, 156

Hispaniarum Rex annuas præsta-
 tiones debet quibusdam sibi sub-
 ditis, & quales ac qua de causa,
285.

Homines omnes aut liberi aut servi,
 tertium non datur, 19. omnes à
 natura æquales, ibid.

Honorius Imp. 43. 44. 45. 46. se-
 dem suam Roma transfert Raven-
 nam & cur, 43. pacem ab Ala-
 rico sædo regimit, 44. virtutis
 simulacrum constari curat pecu-
 niz conficiendæ causa, ibid. quæ
 dona Alarico obtulerit, 45

Hofius quis, 158

I.

I Adera urbs, Venetis subiecta,
433. colonia eò quare deducta &
 qualis, 434
 Impe-

I N D E X.

- Imperator quod intentionem habere fundatam semper quoad jurisdictionem dicitur, quomodo sit intelligendum, 38. 72. 73. ejus Jurisdiclio unde ptomanat, ibid.
- Imperatores Rom. nunquam totius Orbis fuerunt domini, 73. 74. 75. 76. 77. 78.
- Imperatorum Romanorum post Valentianum ad Augustulum usque catalogus, 82.
- Imperatores Constantinopolitani olim tutores Ecclesiar, 163. tutela ab iis translata, & cur, ibid.
- Imperatorum in Italia regimen quale, 259. 260. 261.
- Imperii & domini differentia, 60
- Imperium quale habeant socii in socios, 95. 96
- Imperium consortium non admittit, 189. individuum est & quatenus, 190
- Imperii summi natura quæ, 245. 246.
- Imperii nomen ab imperii vi quandoque semorum, 374.
- Imperiorum, ut hominum, distincta ætas, 259.
- Imprestita Venetis quæ dicuntur, 401. ea exigendi modus, ibid. & 402.
- In, dictio, sæpe significat, contra, 226. 227.
- Injuria quatenus curanda, 320. 321
- Inscriptio Beati Ducis Venetorum imagini apposita, 225. quomodo sit intelligenda, ibid. & seqq. usque 230. item quæ apposita imaginis Angelis Participat, 230. & quæ ad D. Zachariæ facta, 236. 237, 238.
- Insulæ Italici quatenus Italici pars, 26. nihil facit contra Venetos, libertatem. ibid. 27. 28. 29. 30. 31. 32.
- Insulæ quam plures libera, 26. 27
- Insulæ Italici libera, 27. 28. nec Imp. Romanis subiectæ, ibid. & 29.
- Insulæ sive lacunæ Adriatici maris à Venetis inesse, 28. quales illæ, 38
- Ioannes Gradensis Episcopus, 413 ejus laus & vitæ exitus, ibid.
- Italici quis status sub adventum Attilæ, 47. 48. 49
- Italici populi plerique cum Romanis cedere juncti, 92
- Italia omnis, præter Venetias quondam in patrimonio Caroli Magni Imp. 259. quomodo ab imperio deinde exempta, 260 261.
- Judeorum dura apud Germanos causa, 135. in tutelam aliorum se ut plurimum addicunt, ibid. ab eâ tamen semper exire possunt, ibid.
- Julius Cæsar ab Antonio Rex salutaris, 1.
- Julius II. Pontifex, Venetis infestus, ultrò cum iis redit in gratiam, 351. 352
- Jurisperiti munus in respondendo, 78
- Jurisdiclio in alios ut adquiratur quæ sint necessaria, 31
- Jurisdictionis & domini differentia, 31
- Jurisdiclio universitati adquiri ex facto singulorum quomodo possit vel non, 34. 35. 36. 37. 38
- Jurisdiclio pravorum consensu non potest conferri, 62
- Jurisdiclio prorogata non extenditur extra actum prorogationis, 120

Juris-

I N D E X.

Iurisdiclio individuum quid, & quatenus, 190
Iustiniani, gens nobilis Veneta, 425. quomodo restaurata, ibid.
Iustinianus Imp. Francis cessit quæ à Gothis recepta, 76
Iustinianus Participatius Dux Venetus, 236. ædem D. Zachariæ sacram Venetiis extruit, ibid. & 237, inscriptio illi apposta, quomodo intelligenda, ibi. 238, 239
Iustinopolis quo tempore in ditionem Venetam recepta, 396
Iustitia omnibus communis, 10

L.

L Laurentius Theopulus Dux Venetus, 437, quomodo & à quibus electus, 436
Legatos mittendi ius quibus competit vel non, 252
Legatis necessaria mandata siue Credentiales litteræ, 333, et ab iis ad quos diriguntur asservari solitæ, ibid.
Legitimatio quid & quis ejus effectus, 258, 259
Leo Armenius Imp. 237, ædem D. Zachariæ sacram Venetiis extrui mandat, ibid.
Leo Isauricus Imp. Rom. 154, Leonomachus dictus, & cur, ibi. motus contra ipsum & Exarchum per totam Italiam, 155, quo tempore, ibid. & 156, 157, ipse à Pontifice excommunicatus, 157
Liber homo non est in commercio, 242. 246. donari non potest, 243
Libertas bifariam in hoc tractatu accepta & quomodo, 3
Libertas quid, quoad universam remp. respicit, 3. & quid quoad

singulos, 6
Libertati quoad singulos opposita servitus, 6
Libertati, quoad universos, oppositum regnum, 4. 6. rebusp. propria libertas, ibid. 4.
Libera resp. vel civitas quæ, 4
Libertas in aristocratico regimine qualis, 7
Libertas à natura esse cur dicatur, 9, 10, 11
Libertas omnibus communis, 10. & publica res, ibid.
Libertas quanti semper æstimata, 10, 11, 135, 136.
Libertas quare facultas dicta, 11
Libertatis effectus 12, 13, ejus fructus, 107
Libertas vi externa non minuitur, 13. item nec juris, Legum aut rationis præceptis, 24
Libertas rerum qualis, vide Res.
Libertatem qui, ejus contrarium debet probare, 21. pro libertate in dubio pronunciandum, 34
Libertatis indicium præcipuum, quod lubet, sibi prædicere, 65
Libertas majus vel minus non recipit, 84
Libertas non minuitur, nuda assertionem in contrarium, 122. item nec dando se in clientelam, 134
Libertas & libertatis habenda modus vel exercitium, distinguenda, 244
Libertatem non liberis dare quis possit, 245
Libertas privilegio nec dari, nec confirmari potest, 258
Libertatis exercitium liberum quomodo ab alio possit peti & confirmari salva ipsa libertate, 258. ejusdem confirmatio quid differat à legitimatione, ibid. & 259
Liber-

I N D E X.

Libertatis possessio quomodo privilegio vel præscriptione possit defendi, 305. [306. 307. 308.](#)
 Libertas ex falsa causa data non potest revocari, [327](#)
 Ligii homines qui, [365](#)
 Lociensibus qualis ab Annibale pax data, 107
 Longinus primus in Italiâ Exarchus, [145.](#) Ravennæ sedem posuit, ibid. Duces in Italia instituit, ibid. Venetiis benigne exceptus, [145.](#) 147. ab Imp. domum revocatur & cur, [147. 148](#)
 Longobardi Arrianæ sectæ addicti, [141](#)
 Lotharius Imp. [239.](#) ejus ad Duces Venetum Epistola excussa, ibid. & [240](#)
 Ludovicus Helianus Regis Galliæ Legatus, [329.](#) ejus oratio ad Germaniæ Principes contra Venetos habita, ibid. & [330.](#) 331, 332.
 Luytprandus Longobardor. Rex, [156.](#)

M.

Magistratibus læta & tristia adscribi solita, [376. 377](#)
 Magistri militum vel Equitum à Venetis quando instituti, [68. 156](#)
[169.](#) nobiles illi semper & patricii, [412](#)
 Magistri militum apud Græcos & Rom. [169](#)
 Majestas regibus propria, [4](#)
 Majestas quid, 261. quanti regnantibus æstimata, [295.](#) in quo vera consistat, [356](#)
 Majestatem alterius comiter conservare quid, [355](#)
 Mandata & iussa quomodo differant, [92. 237. 238](#)

Manumissio semel approbata non potest retractari, [307](#)
 Marcus Sanutus patricius Venerus Ioni & Ægei Dux, [430](#)
 Marini Bocconis conspiratio in [Remp. Venetam](#), [491.](#) Iustiniani Historici circa eam fides suspecta, ibid. & [492.](#) ejus locus examinatus, [493.](#) conjurationis causa varie tradita, ibid. & [494.](#) [495. quæ fuerit vera](#), [496.](#) quod ob interclusa Comitia oborta dicitur, falsum, [496. 497. 498](#)
[500. 501.](#) Conjuratis aditus fuit ad Comitia, 500. quis scopus conjuratorum, 502. ad Pontificem se conferunt. 503. Legati à Pontifice ea de causa Venetias missi, ibid. eorum petitio, ibid. Venetor. ad illam responsio, [504.](#)
 Maritimum Venetor Imperium quanti semper habitum, 334
 saluum id semper ipsis, ibid.
 Masinissa à Scipione Rex [appellatus](#), [5](#)
 Mastropetri gens nobilis Veneta, * Vide Aurius Mastropetrus.
 Mattiaci pop. Insulas incolunt, [27.](#) Liberi semper, ibid.
 Mauritius II. Venetor. Dux, 413. patria pulsus & cur, ibid. & [414.](#)
 Maximilianus Imp. 313. Venetor. Legatos non admittit, [315.](#) & seqq. a militibus deseritur, [317.](#) ipse petit ut Veneti legatos ad se mittant. [353](#)
 Medii in bello utrique parti invisi, [178.](#)
 Megarenses Alexandrum Magnum civitate donant, [176](#)
 Metamaucum à Venetis desertum, [198. a](#) Pipino excisum, ibid.
 D. Michaëlis templum ad Brundum
 V u u lum

I N D E X.

lum à quo restauratum, [238](#)
 Ministeria & beneficia sunt distin-
 guenda, [112](#)
 Mintius fl. [114](#)
 Molini, gens nobilis Veneta. [339](#)
 Aloisii Molini insignis oratio in
 Senatu habita. *ibid.* & [340.](#) ejus
 laus. *ibid.* & [141.](#) [142.](#)
 Monetæ cudendæ jus, quod Ve-
 netis ab Imp. concessum dicitur,
 quomodo accipiendum, [252](#)
[253.](#) [254.](#) [255.](#) [256.](#)
 Monetæ cudendæ jus duplicem ha-
 bet respectum, & quomodo, [253](#)
 quare pluribus concessum, [253.](#)
 alieno beneficio quod id habeat
 quispiam, quando sit sub ætio-
 nis indicium vel non, *ibid.*
 Monetæ regnantium imagines vel
 insignia quare insculpi receptum,
[253.](#) à quo id primò inventum,
ibid. proprio signo eam notare
 summi est imperij, [254](#)
 Monetæ Venetor. quibus insigni-
 bus notari solitæ. [253.](#) [254](#)
 Monetæ cudendæ jus Germaniæ ci-
 vitates quomodo habeant, *ibid.*
 Monetariæ leges quales inter libe-
 ros Principes vel Popp. ferri so-
 leant, [255](#)
 Monothelitæ hæretici, [141.](#) eorum
 doctrina, *ibid.*
 Munera dare invicem liberis Prin-
 cipibus frequens, [181.](#) qua de
 causa, *ibid.* ab inferioribus po-
 tentiori data quomodo æstima-
 ta, *ibid.* & [282](#)
 Mytilene Ins. [27](#)

N.

Nani, gens nobilis Veneta, [461](#)
[462.](#)
 Narses Iustiniani Imp. in Italia bel-

li Dux, [116.](#) Venetias accedit,
ibid. Legati eo ad illum conve-
 niunt, *ibid.* & [117.](#) societas inter
 ipsum & Venetos, [117.](#) arbiter
 inter Venetos & Patavinos, [118](#)
[119.](#) ædem sacram Venetijs ex-
 truit, [124](#)
 Natura omnes fecit æquales, [19.](#) à
 naturæ quæ sunt, non egent pro-
 batione, *ibid.* & [20. 21.](#)
 Nicephorus Imp. [188.](#) eiuscum Ca-
 rolo Magno fœdus quoad rem
 Venetam late excussum, *ibid.* &
 seqq. usque [194.](#) ejus de Francis
 judicium, [266](#)
 Nobiles multæ apud Venetos fa-
 milia, [377.](#) & perantiquæ, *ibid.*
 Nobiles solos sive patricios Venet-
 os semper ad Majora Comitia
 vocatos, & præfuisse administra-
 tioni [Reip. 408.](#) & seqq. usque ad
 finem. a plebe distincti semper
 fuerunt, [418.](#) [419.](#) & speciatim in
 electionibus faciendis, [442.](#) [443](#)
 non nobilibus etiam quædam
 munia concessa, & qualia, *ibid.*
 Nobiles aliqui quare ad dignitates
 admoti, alij minus, [471.](#) [572.](#) illor-
 um nulla unquam differentia.
[473.](#) [474.](#)
 Nobiles & Ignobiles in eadem stir-
 pe unde, [484](#)
 Nobiles Veneti in Colonias missi
 prærogativas in urbe retinent,
[433.](#)
 Nostrum proprie quid. [16](#)
 Numa Pompilius Curetibus Ro-
 mam ad regendum arcessitus, [61](#)
 Nummi unde dicti, [253](#)
 Nummi bigati Romanis unde ap-
 pellati, [254.](#) item Servati & Ser-
 viati, *ibid.*

Oble-

I N D E X.

O.

- O** Belerius Venetor. Dux, 222, à Venetis quare defecerit, 223, à Carolo Magno ad Imp. Constantinopolitan. quod missus dicitur, quo jure factum cenferi debeat, 222, 223, 224, ejus exitus qualis, 224
- Occupatio est juris naturalis, 40, quomodo sufficiens ad adquirendum dominium, ibid.
- Odoacer, Italiæ Rex, 82, à Theodorico victus & occisus, ibi. & 83
- Omne & totum quomodo differant, 71
- Opitergium opp. 140, à Longobardis excisum, ibid. & 141
- Otho Imp. 262, Gradensi Ecclesiæ immunitates concedit & quo nomine, 263, querelæ à Vitali ad ipsum delatæ de Venetis & quo nomine, 270, 271, cure de re placandum Imp. duxerint Veneti, ibid.
- Otho I I L Imp. 271, diploma ab ipso Venetis indultum quo sit nomine, & quomodo id intelligendum, 272, 273, item privilegium de portu, mercatu, &c. 274, 277

P.

- P** Acisci absenti & ignoranti nemo potest, 245
- Pacta proprie sunt, quæ privilegia Venetis ab Imp. concessa, 290, 291
- Pactotum libri Venetis qui, 290
- Palæologus Imp. 401, induciæ inter illum & Venetos, ibid.
- Palliatorei annua præstatio, Venetis objecta, quo jure sit censenda

- 279, 280, & seqq. usque, 286
- Par in parem an & quomodo jurisdictionem possit habere, 62
- Parentium civitas, 401, Venetis dedita, ibid.
- Pares in fœderibus ineundis qui vel dispares, 266, 267
- Parisinus vel Parisiensis in Gallia Senatus arbiter inter Imperatorem & Pontificem super Regno Neapolitano, 121, idem Senatus fœdera inter Castellæ & Lusitanæ Reges sancit & promulgat, ibid.
- Partes Concilii, Venetis quid, 372
- Patavium à quo conditum, 24, quis ejus aliarumque vicinarum urbium status, quo tempore Venetiæ habitari ceptæ, 49, 50, à Barbatis sæpius captum, direptum & incensum, 52
- Patavini, pars eorum à quibus urbs Veneta primum habitata, 51, nullum tamen in cæteros sibi imperium asserere sunt conati, ibid. & 52, 53, nec sibi aut Civitati Patavinæ asserere ullo modo potuerunt, 54, 55, 56, 57, 58, cum cæteris tandem Venetis in unum nomen coaluere, 52, 53
- Patavini nunquam Pop. Rom. subditi, 59, 117, amici Romanis, & æquali fœdere juncti, ibi. eorum in Romanos bene merita, 118
- Patavini Consules Venetias misisse quod dicuntur, quo jure & nomine factum cenferi debeat, 61, 62, 63, item quod Doctorem ad condenda statuta, 64, illor. de Venetis ad Narsetem querela, 118, 119 etiam ad Gorhos de Venetis conquesti, 123
- Patricii qui & unde dicti, 127
- Patricii sive nobiles Veneti, soli semper ad Majora Comitia vocati, Vuu 2

I N D E X.

- cati, Reip. soli præfuerit, [408.](#) & seqq. usque ad finem, à plebe & populo distincti, [418. 419](#)
- Particiacii, sive Participatii, gens nobilis Venera, [230](#), eadem quæ nunc Badoarii dicta. ibid. V. litera. A. Angelus Participarius. item [L.](#) Iustinianus Participarius. & infra. Petrus Participatius.
- Patronus unde dictus. [364.](#)
- Patronatus jus in beneficialibus, quid, & quis ejus effectus. [365.](#)
- Paulus Exarchor. Penultimus Ravenna pulsus, [164.](#) Venerias refugit. ibid. opem Venetor. implo- rat. ibid. ejus in hanc rem ad Venetos oratio. ibid. & [165.](#) Vene- ti Ducis ad illam responsio. [165.](#) [166.](#) Ravennæ deinde occisus Paulus. [155. 157.](#)
- Pax Constantiæ inter Venetos fœderatosque & Imper. Fredericum II. facta, [295.](#) nihil imminuit, sed firmat contra Venetor. Liberta- tem. [226.](#) & seqq. usque. [304.](#)
- Pax grata semper & utrique parti ex- pediens. [226. 227.](#) pacis conditio- nes quamvis duræ libertatem non infringunt. [302. 303. 304.](#)
- Pelagius Pontifex Rom. [127.](#)
- Peloponnæsi Civitates, quæ com- munitia ex fœdere habuerint salva- ciusque libertate. [117.](#)
- Perfarum institutum in puniendis reis. [180.](#)
- Personarum divisio in liberas vel ser- vas. [19.](#)
- Per personas liberas absque man- dato nobis adquiri non potest. [54.](#)
- Petrus Gradenicus Dux Venetus. [439.](#) quo tempore & quomodo creatus. [438. 439.](#)
- Petrus Participatius Dux Venetus. [251.](#) inscriptio imagini illius ap- posita. ibid.
- Petrus Quirinus nobilis Venetus. [455.](#) mors illius iteratò decreta & quare. ibid. Vide. Conspiratio Bajamontis.
- Pipini donatio, quæ Pontifici facta jactatur imaginaria. [172.](#) a Ca- rolo filio confirmata quod dicitur, quatenus possit tangere rem Ve- neram. [182. 183.](#)
- Pipinus Caroli Magni filius bellum movet contra Venetos, & cur. [196. 226.](#) quis belli successus & exitus. [196.](#) & seqq. usque [214. item 226. 227. 228. 229.](#) Mediolani obit Pipinus. [203.](#)
- Pontifices Romani primo quales, & eorum progressus. [163.](#)
- Pontifex Rom. ab Imperator. Pri- vilegia potest accipere. [219.](#)
- Pontificis Romani imperium in sæ- cularibus nunquam agnoverunt Veneri. [273.](#)
- Portoria ex qua causa & inter quos exigi solita. [89.](#) subjectionem so- lusio non arguit. ibid.
- Possessio vi acquisita vix est diu- terna. [49.](#)
- Possessor petere potest ut sua sibi re- nua firmentur. [258.](#) quis ejusmo- di firmationis effectus. ibid.
- Postliminij jus quid, & ubi locum habeat. [77.](#)
- Potestatem in alios habere qui non possunt. [17.](#)
- Præfecturæ apud Romanos quæ & unde dictæ. [60.](#)
- Præscriptionis immemorialis quis ef- fectus. [306.](#)
- Præstatio annua quatenus sit subje- ctionis indicium. [282.](#)
- Præstationes annuæ a Regib. Roma- nis Turcarum Imperatori depen- dz. [282.](#)

I N D E X.

ſæ, 182. & ab ipſo Turca alijs, 183. etiam à Principibus quibuſdam ſuis ſubditis, 185
 Præſumptio naturalis rejicit onus probandi in negantem, 19.
20. item præſumptio juris, 21.
306. præſumptio præſumptionem elidit, 34. præſumptionibus locus non eſt, ubi probationes poſſunt haberi, 37
 Privilegium à Carolo Magno Gradenſi Epifcopo datum quale & cur datum, 185. 186
 Privilegia Venetis ab Imp. concessa, ſalva tamen ubique ipſorum libertate, 216. 217. 218. 219. 220. 221. paſtorum nomine proprie veniunt, 290. 291
 Privilegia quot modis concedantur, 216. vi imperii concedi quibus non poſſint, ibid.
 Privilegia clericis concessa extenduntur etiam ad clericos alterius ditionis, 220
 Privilegia non ſubditis data in contractus tranſeunt, 220. 221
 Privilegiorum effectus triplex, 217 ſubjectionem non inducunt, ibid. & 218. 219. 220. 221. ad rationem eorum non requiritur ut accipiens ſit ſubditus concedentis, 220
 Proba Venetis quid, 464
 Probationes non egent, quæ a natura ſunt, 19. 20
 Procerus quis, 174
 Propoſta Ital. quid apud Venetos, 390.
 Protectio propria quid, 285. 355.
856. a ſubjectione ſeparata & cur, ibid. & 354. Majestatis jus non conſert, 355. 356. 362. 263 quid comprehendat, 355. quis ejus ſinis, ibid.

Protectionis nomine quod dependitur libertatem non minuit. 88.
284. 361. à cliente honorarium præſtari pro protectione, proprium quodammodo eſt protectionis, & cur, 359. quis effectus iſtiusmodi præſtationis, 360. a tributo a ſubdito dato differt, ibid. proprie Boetheia dicitur, ibid.
 Protectiones gratis præſtitæ clientibus damnoſæ, 360
 Protector qua ratione dominus a cliente appelletur, 358. lus habet animadvertendi in clientes & quomodo, 364
 Protroſebasti qui, 175
 Provinciæ quæ Romanis diſtæ, 29
66. ab Inſulis Italiæ quomodo differant. ibid.

Q.

Quadragesimale Conſilium Venetis. 477. tria ejus capita, ibid. idem etiam hodie numerus & ordo qui olim. ibid. & 478.
481. qui anno 1296. ex quaque tribu iſti conſilio interfuerint, 478. 479. 480. 481. bini ex eadem familia admitti non poterunt, 481

R.

Rachis Longobardorum Rex, 156.
 Ridagiſſus Rex, 51
 Raucurrianus Ducatus, 35
 Rebellis quis, 158
 Regium nomen a Romanis ſocijs Regibus beneficij inſtar attributum, 1. quam illud alioquinviſum Romanis, ibid.

V u u 3

Re-

I N D E X.

- Regnum & libertas opposita, [4.6](#)
 Repelli & expelli quid differant, [423.](#)
 Res omnes libera à natura, [15.16.](#)
 & tales præsumuntur nisi probe-
 tur servitus, [17](#)
 Rhodus [Inf.27.](#) Rhodij liberi, *ibid.*
 Rivus altus pars urbis Venetæ, [51.](#)
 à Paravinis primum infusus, &
 quæ de causa ac quo animo, *ibid.*
 & [52.53](#)
 Roma a Gothis capta & direpta, [43](#)
 Romæ omnis conditionis homines
 inter cives censiti, [110](#)
 Romanorum libertas quando insti-
 tuta, [5.](#)
 Romanorum progressus qualis, [39](#)
 unde illi sua instituta mutuari, [63](#)
 Romani Imperij quis status sub ad-
 ventum Gothorum, [40.41.42.](#)
[43.44.45.46.](#) & eo tempore quo
 Venetæ habitari [cæptæ,81.82.83.](#)
[84.85.86.](#)
 Romani Reges certam quotannis
 pecuniam Turcarum Imp. depen-
 dere tenentur, & quare, [282](#)
 Rudolphus [Imp.251.](#) Ius cuden-
 dæ monetæ Venetis confirmasse
 quod dicitur, & eo nomine fa-
 ctum censi debet, *ibid.* & [254](#)
[255.256.](#)
 Runense territorium in Drentino
 tractu, [35](#)
 Rupella urbs Galliæ, [132.](#) quon-
 dam Anglici fuit Iuris, *ibid.* libe-
 ra deinde, *ibid.* Gallis iterum
 cessit certis conditionibus, [133](#)
- S.
- Sabini sua instituta & leges unde
 sumpserint, [63.](#)
 Salomonii, gens nobilis Venetæ,
[424.](#) unde ita cognominati, *ibid.*
- Samuns Inf. [27.](#)
 Scriptoribus quæ sit fides tribuen-
 da, [319.](#)
 Sebastianus Zianus Dux Venetus,
[375.](#) quo tempore *ibid.* quis in
 illius creatione servatus [ordo,423.](#)
[424.425.426.](#)
 Sedanensis Ducatus, [35.](#)
 Sedes Curulis Venetis a Pontifice
 concessa, [296.](#) alii insuper honores
 communicati, *ibid.*
 Sergius Senonensis templum B.
 Michaëlis ad Brundulum restau-
 rat, [238.](#)
 Servitus & Libertas opposita, [6.](#)
 Servitutis appellatio quid compre-
 hendat, [12.](#)
 Servitus personarum quid, [19.](#) un-
 de originem habeat, *ibid.*
 Servitutes prædiorum non præsu-
 muntur, [17.18.](#)
 Situs rei non est modus acquirendi
 dominium, [33.](#)
 Situs per se jurisdictionem non tri-
 buit, *ibid.* & [34.35.36.](#) a situ du-
 ctum argumentum quam vim ha-
 beat, *ibid.* præsumptiva tantum
 concludit, [34.](#)
 Smaragdus Patricius Ravennas, [127](#)
 Gradum vi occupat, *ibid.* Aqi-
 legiensis Patriarcham aliosque
 Episcopos Ravennam captivos
 abducit, *ibid.* & [129.](#) ejus mors
[128.](#)
 Socii in socios habent imperium, sal-
 va cujusque Libertate, [95. 96.](#)
[106.108.117.](#)
 Spatarii qui, [174.](#)
 Spontaneum quid, [110.](#)
 Stipulari alteri nemo potest, [245.](#)
 Stratonicea Inf. [27.](#)
 Subditi qui, [119.](#) Dominis suis
 opem ferre tenentur, [161.](#) supe-
 riores suos ad jusjurandum præ-
 stan-

I N D E X.

Random compellere non possunt,
301.
Subditum esse, & præstare quæ su-
diti differunt. 108.
Subjectio individuum quid. 69.

T.

T Alliæ non præsumuntur debi-
tæ, nisi hoc probetur. 18.
Tarvisum opp. 113.
Tarvisani montes. ibid.
Templa plurima Venetiis ab Imp-
eorumve legatis, ut & a privatis po-
sita. 238
Territorium quid. 36. unde dictum.
ibid. quomodo sit accipiendum.
ibid. aliud esse in territorio locum
situm, aliud illum esse de territo-
rio. 35
Theodorûs Hypatus Venetor. Dux.
156.
Theodoricus Odoacrem Italiæ Re-
gem vincit, & occidit. 82, quale
ejus regimen. 83.
Theodoricus Odoacrem Italiæ
Regem vincit, & occidit. 82
quale ejus regimen. 83
Theudibertus Francor. Rex. 114
Theupoli, gens nobilis Veneta.
Vide Laurentius Theupolus.
D. Thomas Aquinas, 373. quo
tempore scripserit. ibid. ejus
laus, ibid.
Thracum lex in conferendis bene-
ficiis, 176
Totum & omne quomodo disse-
rant, 71. argumentum à toto ad
partem quale, 37. quando ha-
beat locum vel non, ibid. & 38.
in derelictis non procedit. 40
Tradonici, gens nobilis Veneta,
239. Vide Petrus Tradonicus.
Trevirensis civitas in clientela E-

piscopi, 363. 364
Tribuni unde dicti, 67. sub Im-
peratoribus quales & quor ge-
nerum, 168. populare illorum
ab initio nomen & munus, ibid.
magna apud Romanos authori-
tas, ibid.
Tribuni apud Venetos quomodo
primû instituti, 65. 408. 409. 410
quo tempore, 66. a quibus crea-
ti & quomodo, 67. quale eorum
fuerit imperium, ibid. & 168. a
quibus denique abrogari, 68. tri-
buni duo, quondam pari cum
Duce potestate, ibid.
Tribunum maritimorum Cassiodoro
qui, 91. 92
Tributa trium generum, 89. a libe-
ris Principibus vel Populis ali-
quando depensa & quare, 281.
282, 361.
Tributum à Venetis rebus mariti-
mis impositum, 435, seditio un-
de plebis contra Ducem & No-
biles, ibid. & 436
Tripho Gabriellus patricius Vene-
tus, 369. 370. 371. 372
Turcarum Imperator absolutissim-
us, 282. 283. ejus insignie sum-
mi imperij, ibid. magnam quo-
tannis pecuniam solvere tenetur
Æthiopum Regi & montium
Arabiz incolis, ibid. & 361

V.
V Alerii, gens nobilis Veneta.
490. Nicolaus Valerius no-
vissimus illius gentis. ibid. Comi-
tiorum ipse capax. ibid.
Vasallus nemo præsumitur alterius.
18. Vasalli à subditis differunt.
238.
Venetæ nobis, sive Venetiarum ori-
go qua-

I N D E X.

- go qualis. 24. 48. 49. 50. 80. 81.
& seqq. usque. 86. 103. 204. litus
illius. 335. 405. 406. 407. 408.
quo tempore habitari capta. 39.
a quibus. 51. in sex tribus di-
stincta: 395.
- Venetæ, plurali numero unde di-
ctæ. 12. 199. differt a Venetia sin-
gulari numero. 92.
- Venetiarum insulæ quo tempore in
unum corpus & urbis speciem coa-
gmentatæ. 185. 199. 236
- Veneta urbs, ora maritima & ter-
ra continens distinguendæ. 113.
114.
- Venetæ orbis conditores æquales in-
vicem ab initio. 24. 25. 472. nul-
li subditi. ibid. & 130. 131. Li-
bertatem a se abdicare nunquam
voluerunt. 30. 31. 32. viri fuerunt
ut plurimum nobiles & locuplet-
es. 83. 81. 82. 83. 84. 85. 86. 405.
406. 407. 408. 471. 473.
- Veneti quare piscaturi & aucupio
semper dediti, 472. nobilium id
non obstat dignitati ibid.
- Veneti idiomate quodam alio usi,
quàm nunc. 457
- Veneti annum quomodo inchoare
soliti. 462.
- Veneti liberi & eorum Resp. libera.
14. 15. 22. 23. eorum libertas
qualis. 7. a Romanis nunquam
subacti. 39. socii Romanor. ibid.
- Veneti inter Orientale & Occidenta-
le imperium siti. 35. medii inter
utrumque imperium relictæ, nec
ulli subditi. 188. 189. 190. 191. 192
193. 194. 231. 233. 241. & seqq. us-
que. 249.
- Veneti Pontificum Romanor. im-
perium in secularibus nunquam
agnoverunt. 273.
- Veneti a Pipino Caroli Magni filio
quare bello petiti. 196. de belli
exitu varia testimonia. ibid. &
seqq. usque. 214. non modo non
fuerit devicti, sed ipsi victores,
ibid. nec & alias unquam subacti,
212. 213. 214.
- Veneti quidam privato sumptu Æ-
gei maris insulas occupant, * 430
- Veneti bello navali fuderunt Fride-
rici Barbarossæ filium, 296. a Pon-
tificæ imperatori adæquari. ibid.
belli illius successus & exitus, pax-
que inde secuta. ibid. & 297. 298.
299. 300. nihil factum quo Ve-
nector. Libertas ullo modo minu-
ta. 301. 302. 303. 304.
- Veneti à Maximiliano Imp. &
Gallorum Rege bello petiti, 311
& seqq. usque 368. quis belli suc-
cessus & exitus, ibid. nihil Vene-
tori libertas minuta, ibid. nec de-
victi ipsi ullo modo, 337. 338. il-
lorum prudentia in deferendis
aliquot locis terrestribus, 324.
325. 326. 346. 347. 348. 349. dili-
gentia in recuperandis amissis,
335. 336. constantia in adversis,
338. 339. 340. 341. 342.
- Veneti Genuenses vincunt, 434.
spolia Venetias transmittunt,
quæ etiamnum extant, 435
- Venetis privilegia ad Impp. multa
concessa, salva ipsorum libertate,
216. 217. 218. 219. 220. 221.
- Venetorum in mari Hadriatico im-
perium, 293
- Venetorum propria pietas, 238. in
Romanam Ecclesiam magna
beneficentia, 292
- Venetorum causa cum alijs Italiæ
urbibus, & exemptione ijs con-
cessa nihil habet commune, 259
260. 261.
- Venetorum nedum urbs sed & ora
maritima

I N D E X.

- maritima extra imperium sita. 291.292.
 Venetorum libertas Pontificum & Imp. decretis multoties firmata. 291.292.293.294
 Venetorum in subditos mite imperium, 348
 Verba enunciativa quid operentur, 111.118.139.
 Verba ad pompam vel similiter prolata quomodo sint accipienda, 70.
 Verba indefinita, generalia & universalialia quomodo intelligenda, 71.72.76.
 De Verbis non est laborandum, ubi probationes requiruntur, 110
 Verum & Iustum convertibilia Iuriconsultis, 101
 Vigilius Pontifex Rom. 127
 Vitalis Dux Venetus, 270.exul, an-
 tea quærelas suas ad Orthonem Imp. detulit, & quo nomine, ibid.
 Vitalis Michaël ejus nominis, 11.
 Dux Venetus, 420, cum classe adversus Emanuelem Commenum Imp. missus, 422. illius expeditionis successus, ibid. & 423. Ducis mors, ibid.
 Universitas & singuli de universi-
 tate differrunt. 54. quis illius diff-
 ferentiæ effectus, ibid,
 Universitati ex facto singulorum quomodo jus adquiratur, 54.55
 rati habirio an in eo mandato æ-
 quiparanda, 55.56.57
 Voluntatis in actionibus humanis effectus, 108.109.110.111.112.
 Voluntarij actus qui, 109. quomo-
 do distinguendi, ibid. & 110.
 Urbini Dux exercitui à Venetis contra Maximilianum & Gallos præfectus, 320
 Urbium parva pleraque initia & incognita, 61, 63, 79.
 Vrsus Hypatius Dux Venetus, 156
 Vrsus Vrscolus Dux Venetus, 411
 ejusdem mors, ibid.

Y.

Yvetotij regnum in Normannia, 35.

Z.

D. Zachariæ ædes sacra Venetijs à quo posita & cur, 236.237.238.239.

Zacynthus Ins. 27.

Ziani, gens nobilis Venetæ. Vide: Sebastianus Zianus.

F I N I S.

Xxx

ERRA-

ERRATA.

Pag. 8. lin. 16. iudicavi, quantum, lege, iudicavi, quantum assequor. 9. 9. quoque, quoque. ibid. 18. eidem libertati, dele. 1. 10. 7. Altera, altera: 11. 3. potest, potest. ibid. 8. debemus, pone. ibid. 11. Neque, Atque. 12. 25. Dominium, domium. ibid. 29. lib. lib. 13. 2. mens, mens. ibid. 20. exercitumque, exercitumque. 14. 20. in fin, nec, nos. ibid. 2. 6. euioribus, erroribus. 17. 8. eamque, eoque. ibid. 26. servitutes, pone. 1. ibid. 27. facta, facta. 10. 23. negantia, negantia. 21. 18. non est vel, non est, vel. 22. 20. invicem, in vicem. 30. se suos, se suosque. 24. 22. & 23. infolles, infolles. ibid. 31. *turmatum, globatumque, turmatum, globatumque.* 25. 1. nos docent. Si quoque, nos docent, si quoque, 26. 30. Alitqualia, Alit qualia. 27. 15. fructus, fructa. 30. 6. ff. 34. 21. iudicium, iudicium. ibid. 32. Dominium, dominum. 36. 7. inque in eam, inque eam. 38. 3. concurrant, concurrat. ibid. 15. facienda, faciendo. 39. 18. Sigonii quam, Sigonii posius, quam. ibid. Cenomannorum, Cenomannorum. 40. 2. habuit in, habuit, in. ibid. 3. neque ex magna contra, neque ex magna, contra. 41. 17. imo, nno. ibid. 32. celeritatis, celeritati. 44. 15. Honoria a Gothis, Honoria, a Gothis. ibid. 28. viuitis, viruitis. ibid. 39. simulacro gentiles, simulacro, gentiles. 45. 4. Sigonius quinque, Sigonius, quinque. ibid. 15. quo, qui. ibid. 19. iam, tam. 46. 2. Sigonius dir, Sigonius, dir. 47. 22. elangosere, elangosere. 48. 5. suis federari, federari suis. ibid. 29. Sigovius, Sigonius. 49. 9. Equitum, Equitum. ibid. 16. avaritiam, avaritia. 52. 1. 8. obtinantibus, optimisibus. 53. 11. concesserint Patavinus &c. concesserint, Patavinus &c. ibid. 11. Scardo, Scardo. ibid. 23. est debeant illa, ex &c. est, debeant illa ex &c. 54. 3. S. P. R. S. P. Q. 61. 5. propositio, propositio. 64. 7. fuerint, Sabini, fuerint: Sabini. ibid. 11. legem, legum. 66. 7. ceratos, creatos. ibid. 14. creatione, creatione. ibid. 22. illa, epistola, illa epistola. 75. 28. *aristotele, Procopiana, aristotele* Procopiana. 79. 5. Bagande, Bagande. ibid. 7. Bagandis, Bagandis. ibid. 8. explicuerat in, explicuerat, in. ibid. 17. Bagandas, Bagandas. 80. 3. promiscue fueritque, promiscue, fueritque. ibid. 8. fortis, fortis. ibid. 17. non modo opes eius, non modo opes eius opibus, non modo opes eius opibus. ibid. 13. Veneris, Veneris. 81. 6. Athilino, Athilino. 83. 1. Bagandis, Bagandis. de illa ibid. sepius. 91. 14. consuevit exposuit, consuevit, exposuit, venetos. ibid. 28. tamen, tamen. 98. 7. libertem, libertem. ibid. 6. Traclatus, Traclatus. ibid. 20. incerta, in certa. ibid. 2. super, super. 66. 11. gloriosissime, gloria essent. ibid. 11. adiutor, adiutor. ibid. 15. ipsi aut venetorum, ipsi, aut venetorum, venetorum. 100. 3. ubi quem tanto modo fastu crepabas formidabilis ubi, quem tanto modo fastu crepabas, formidabilis, &c. 105. 11. Sigonia, Sigonio. 106. 2. quod, quem. ibid. 18. villi, villi. 107. 2. argere societatem, argere: societatem. 109. 6. vere, vero. 110. 20. studeo dubium, studeo: dubium. 111. 11. immobor, immobor. 112. 6. apeniem, agentem. ibid. 14. illud, illud. 113. 15. 16. ex Procopio Ioannis. 114. 2. Addnam, Abduum. ibid. 16. *maiora, et &c.* ibid. 23. *id est, id est* 116. 22. iam tam, iam tam. 117. 5. in vicem, invicem. ibid. 26. utique, utque. 122. 11. hinc ad causam, hinc causam. ib. 39. repellerent, repellerent ib. 20. Sufficerim, Sufficerim. ib. 31. primam, primam. 125. 4. quid, ultra, quid ultra. 129. 7. subsistere, subsistere. 130. 22. postliminio, postliminio. 133. 6. successoribus, successoribus. 134. 15. ab, ab. ibid. 31. fu, fu. 136. 28. verborum, verborum. 137. 27. & scriptis. Sed & in scriptis: sed &c. ibid. 28. adscriptis, interim, adscriptis. incertum. 138. 30. Concil. Conclus. 140. 17. impressio, impressio. 141. 15. expectare monstraverat, expectare monstraverat. ibid. 26. Magnus quid, Magnus, quid. 143. 24. Imperatis, imperantis. 144. condemnatum accipiendum, condemnatum. accipiendum. 145. 25. commendata, a fide, commendata a fide. 146. 24. Dicam amplius eo, &c. Dicam amplius, eo, &c. 147. 10. dispectus, dispectus. 148. 1. Venetorum originem, Venetorum Dicam originem. 150. 18. intercesset cordate, intercesset, cordate. 151. 8. largiamur possit, largiamur, possit. ibid. effatu, Iustinianus, effatu Iustinianus. ibid. 9. theonitis, leonitis. 152. 2. continentem, continentem. 153. 13. in nervum Ravennatem. in nervum, Ravennatem. &c. 154. 21. referente, referente. ibid. 26. Pontificem, Pontificem. 155. 26. rerum iam, rerum, iam. 156. 14. illis, illis. ibid. 23. ni, in. 159. 19. Diaconi, Diaconus. 160. 13. occurrere, occurrere. 163. 8. parricidalis, securi, parricidalis securi. 167. 28. Earchos, Earchos. 168. 26. civilis, civilis. 171. 6. facti fundi. ibid. 24. Proinde, Proinde. 173. 20. non infirmum, etiam, &c. non infirmum, etiam ultro, &c. 175. 1. cum, cum. ibid. 15. sine, sine. ibid. 29. fuisse, fuisse. 176. 15. iustitiam, iustitiam. 180. 14. damnabi, damnati. 183. 1. inferat, inferat. ibid. 1. Gradenfrumque, Gradenfrumque. ibid. 30. familiaris, familiaris. 186. 31. privilegii, privilegii. 188. 1. Venetos, utrique. Venetos utrique. 189. 30. Imperii, Venetum, Imperii Venetum. 191. 31. dicentemque simul, dicentemque: simul, &c. 194. 3. vel eo, vel eo. ibid. 21. Veneos, Venetos. 196. 1. 9. possit, nos, possit. Nos, &c. ibid. 30. opinio, opinio. 197. 7. esset occupat, esset, occupat. 198. 9. circumveniretur, circumveniretur. 198. 4. praetexti, perexti. ibid. 30. audivi, audivi. 200. 28. legationem, legatum. 202. 8. plectis, plectis. ibid. 23. horentes, horentes.

Florentes.

flouener 205. 18. *allegaturus, allegaturus*, 107. 1. ab N.C. ab V. C. *ibid.* 11. *emer, imen*. 107. 3. di. *id.* *ibid.* 22. *nimirum, oimrum*. 209. 11. *viriate, veritate*. *ibid.* 31. & 240. 1. *citr*. *Coc*. *flantini, &c. citat, Confantini*, 210. 4. *ediffere, ediffiteret*. 211. 2. c. *aggreffu eff, aggreffu eff*. 212. 10. *donatum, deratum*. 213. 24. *centio, cerre*. 214. 1. 2. *Hos opimus, Falere, &c. Hos opimus, Falere, &c.* 217. 8. *nullam, nilum*. *ibid.* 17. *iuri, iuris*. *ibid.* 20. *qui imperium concedit alia, &c. qui privilegium concedit alia, &c.* 219. 21. *unde, unde*. 212. 1. *Spartarius, Spartarius*. *ibid.* 6. *Spartario, Spartario*. *ibid.* 10. *dicti, delicti*. 223. 21. *fin poffertus jan, &c. Sin poffertus jan, &c.* 224. 4. *bilum, bellum*. 2. 6. 5. *aduxit, adduxit*. 227. 19. *Equatum, Equonum*. 218. 4. *illatorem, llatum*. *ibid.* 8. *fociet, faciet*. 217. 8. *Hinc, hinc*. 132. 20. *ferant, ferant*. *ibid.* 21. *fele, Beneuentani, &c. fife Beneuentani, &c.* 234. 8. *Largior, & hoc, &c. Largior, & hoc, &c.* *ibidem*. 32. *induxiffe, indixiffe*. 236. 20. *infulus, infelis*. 237. 3. *quofve heredes fi quando infuluere, &c. quofve heredes fi quando infuluere, &c.* *ibid.* 15. *fini, finit*. *ibid.* 18. *ceteris, ceteros*. 219. 19. *Frandonicum, Tradonicum*. *ibid.* 24. *Frandonico, Tradonico*. 240. 5. *equidem, equidem*. 24. 9. *Privilegium, Privilegium*. *ibid.* 13. *legitim, legitime*. *ibid.* 17. *intra intra*. *ibid.* 20. *quam admodum, quem admodum*. 242. 2. *indefertant, indefertant*. 243. 15. *unde nacti funt ab, &c. unde nacti funt ab, &c.* *ibid.* 18. *fulque leges, fulque legibus*. 244. 20. *affectus, ed affectus*. 245. 21. *haud gravatim hanc fe adversario, haud gravatim adversario*. 247. 6. *lequa, liqua*. *ibid.* 15. *Prima esto ad hoc, &c. Prima esto ad hoc, &c.* 252. 6. *mittent, mittendi*. *ibid.* 10. *divra, in vertic, declam, in vertic*. 253. 26. *faculare, faculare*. 258. 8. *poffiffionem, poffiffionem*. *ibid.* 29. *qui probant, &c. qui in probanda, &c.* 262. 8. *debeat, debeant*. 265. 17. *libres, liberas*. 268. 17. *placuit, placere*. 269. 5. 6. *delubra, Deum, &c. delubra Deum, &c.* 274. 4. *Ligorum, Ligurum*. 277. 12. *reperiri nempe cur, &c. reperiunt nempe cum, &c.* 276. 3. 4. *sibi haud habuiffe, &c. sibi habuiffe, &c.* 278. 10. *annus, annus*. 281. 15. *fortune, fortunae*. *ibid.* 16. *exordente, ex ordente*. 282. 4. *eor obsequium aut obsequium*. *ibid.* 25. *Romanorum Muzuriae, &c. Romanorum, Maurianae*. *ibid.* 27. *olvere pecuniam, &c.olvere pecuniam*. *ibid.* 27. 8. *mittere non excedere, &c.* 286. *minime excidere, &c.* 286. 8. *enim, enim*. 287. 10. *dicammodo, dicam modo*. 287. 7. *polliciti fore, Venerorum, &c. polliciti fore Venerorum, &c.* 289. 5. *tribus, tribus*. 290. 21. *vocavi, vocari*. *ibid.* 24. *ob Syneram, ob Syneram*. 291. 5. *Uominum, dominium*. *ibid.* 6. *erogo, ergo*. *ibid.* 10. *defenderint, defendant*. *ibid.* 18. *quid Venetos duos quid Venetos dico, 291. 31. 14. arandi conatus finit, &c. arandi conatus occasionem finit, &c.* 294. 11. *testimonia, testimonia*. *ibid.* 22. *affectus, affectus*. 295. 20. *civares, civitates*. 296. 22. *sibi Imperatori, sibi Imperatorique*. 297. 31. *inibat, videbat*. 300. 26. *utari, utari*. 302. 24. *foleri, folere*. 304. 5. *erederent conditione, pacis, &c. erederent conditione pacis, &c.* *ibid.* 8. 9. *navas, naves*. 306. 4. *imo eodem, imo eodem*. *ibid.* 17. *neque immerito, Recepium, &c. Neque immerito recepium, &c.* 307. 25. *quilibet, quilibet*. 308. 12. *ad eam revocandam fir, &c. ad eam revocandam adjectum fir, &c.* 310. 16. *cefferit, cefferit*. 311. 14. *Abdnam, Abduam*. 312. 22. *relecebirum, relecebirum*. 316. 28. *remanentes, remittentes*. 317. 14. *repudiat, repudiat*. 318. 10. *supponerent, seponerent*. *ibidem*. 17. *Tullianum, Tullianum*. *ibidem*. 24. *ipfi, ipsi*. 319. 8. *Tuberone, Dalmata, Tuberone Dalmata*. 320. 3. *quod tamen reterege, quod reterege*. 321. 1. *canium canum, ibidem*. 320. *injuriasi, injurias*. *ibid.* 14. *obveniret, obveniret*. 322. 31. *nulle es oratione in, &c. nulle in ea oratione*. 323. 2. *quon, quin*. *ibid.* 5. *domina, dominum*. *ibid.* 10. *fide, fide*. *ibid.* 27. *nimirum, nimirum*. 324. 11. *Patavium, Patavium*. 327. 15. *Ac, Ad*. 331. 20. *perfidorum, perfidorum*. 333. 3. *Principum, principum*. 335. 24. *primis primis*. 336. 17. *statim exequi regnum, &c. statim exequi regnum*. *ibid.* 21. *recte, recte*. *ibid.* 27. *iametiam, tamen etiam*. 340. 15. *formidolose, formidolose*. *ibid.* 10. *timere vos ne amittatur dicere, &c. timere vos ne amittatur dicere, &c.* *ibid.* 23. *curamodi, eusmodi*. 341. 2. *infraffas, infraffas*. 342. 24. *circa, circa*. 344. 1. *dimiffique, demiffique*. *ib.* 7. *nequo, ne quod*. *ib.* 14. 15. *distin, i. dedisti*. 347. 21. *ipfo, ipso*. 349. 16. *facultatem, facultatem*. 351. 4. *Epifcopo, Epifcopum*. 355. 5. *obtinui, obtinui*. *ibid.* 11. *adducere, adducere*. 356. 2. *permo, permo*. *ibid.* 18. *Reipub. Reipub.* 358. 6. *aliis, alios*. *ibid.* 22. *deliberate, deliberate*. 359. 12. *parones, parones*. 363. 14. *m. 6. in 6.* *ibid.* 21. *clentis, clentis*. 368. 8. *argui, at qui*. 370. 25. *inventurus, apud, &c. iovenurus apud, &c.* 372. 2. *aditus, aditus*. *ibid.* 6. *manufcriptos duos multum, &c. manuscriptos duos Codices multum, &c.* 373. 14. *evidentiam quæ tota est, ab adversis, &c. evidentiam, quæ tota est ab adversis, &c.* *ibid.* 31. *primæ, primo*. 374. 15. *politice, politice*. *ibid.* 16. *lemma, lemma*. 375. 16. *recte, recte*. 376. 9. *cui nos, cui mos*. *ibid.* 31. *Improbos, improbos*. 377. 17. 24. *Ciani, Ziani*. 379. 6. *lemma, lemma*. *ibid.* 15. *sequatur, sequatur*. 380. 19. *electis, electis*. *ibid.* 21. *electis, electis*. 381. 26. *que, quo*. 383. 11. *clccccviii, clccccviii*. 384. 16. *Confilio, Rogorum, &c. Confilio Rogorum, &c.* 385. 5. *moeritis poffimio, &c. moeritis poffimio, &c.* *ibid.* 23. *fire, fine*. *ibid.* 31. *fire, fine*. 386. 25. *subjaciendum, subjaciendum*.



592583

